



Biblioteka
 Ojców Kamedułów
w Bieniszewie



*Descenderuntque iobur
et abiectat eas Abraham.
Gen. 25.*

**RHETORICA
CÆLESTIS**
seu
**Attentæ præcandi
scientia**
Quam coram
*Ser.^m Vtriusq; Bavarie Duce
S. R. I. Archidapifero, Electore*
MAXIMILIANO
et Sereniss.^æ Coniuge
ELISABETHA
Explicavit. et Latina
scripsit
**Hieremias
Drexelius**
in Societate
IESV.
**Antverpiæ
Apud Vidua
Ioann. Cnobbari.**
M. DC. XXXXI.
Cum Privilegio.

*Egressus
fuerat
Isaac ad
meditan-
dem in
490.
Gen. c. 24.
V. 63.*

*Vidit Iacob
in som-
ni scalam
stantem
Super ter-
ram.
Gen. c. 28.
V. 12.*

*II Eremitarum Canaldulensium
Montis Regij prope Vayfauian.
1668 16 May*

Bien A. 1. 8

II Inventaire de la bibliothèque
de la ville de Paris
par M. de la Harpe
1753

REVERENDISSIMO
ANTISTITI,
ILLVSTRISSIMO
S. R. I. PRINCIPI,

IOANNI
CHRISTOPHORO
EPISCOPO EYSTADIANO,
HIREMIAS DREXELIVS
è Societate IESV.



OS SE cum Deo
loqui, artem ego
censeam inter pri-
mas numerandā,
aut omnium pri-
mam. Verissimè dixit Augusti-
nus: Verè novit rectè vivere, qui
novit rectè orare. a

A 2 artem,

a *Aug. tom. 1. serm. 14. in append. initio
mihipag. 650.*

EPISTOLA.

artem, Illustrissime Princeps,
 Rethoricam cælestem jure me-
 rito appellamus. E' cælo descen-
 dit, quæ orantium animos ad
 Cælum erigit. Oratio humilian-
 tis se nubes penetrat, & non dis-
 cedit, donec altissimus aspiciat. *a*
 Sapienter ac salubriter Annæus
 oraturum instruens: Sic vive
 cum hominibus, inquit, tan-
 quam Deus videat; sic loquere
 cum DEO, tanquam homines
 audiant. *b* Vetus Athenodori
 monitum est: Tunc scito esse
 te omnibus cupiditatibus solu-
 tum, cum eò perveneris, ut nihil
 Deum roges, nisi quod rogare
 possis palam. *c*

Quantis laboribus, quantis

a Eccl. c. 35. v. 21. *b* Seneca epist. 10.
 fine. *c* Ibid.

EPISTOLA.

& impensis non pauci copiosè
ac eleganter loqui didicerunt?
Minerval grande à suis Isocrates
exegit. *a*

Cælestis Rethorica minimè
sumptuosa sine minervali doce-
tur, aut certè hoc unum in eâ
docendâ exigitur, *Velle discere.*
Nec abundat præceptis, ut illa
forensis, quæ non rarò præce-
ptionũ multitudine discentium
conatus opplet fastidiis. Retho-
rica cælestis hanc pænè unicam
præceptionem identidem instil-
lat: *Attende quid ores. Vigila, cum*
DEO loqueris. Hæc ferè hujus
artificii summa est. Hinc nul-
lius memoriam fatigat, neminis
captum & intelligentiam exce-
dit; tota illi traditur, cui ani-
mus

A 3

mus

a Vide hic l. I. c. I. §. 2.

EPISTOLA.

mus est eam discere.

Atque hanc cælestem Rhetoricam Celsitudini Tuæ inscribere non uno nomine impellor. Episcopos Germaniæ Descriptionibus meis singillatim salutare jam pridem mihi animus erat. Hunc temporum priorum injuriæ non quidem eripuerunt, id tamen effecerunt, quò minus celeriter hæc cogitatio in opus prodiret. Turbis bellicis utcunque compositis destinatas descriptiones prosequor, jamque sub tui nominis tutelam, Princeps Illustrissime, Cælestis Rhetorica festinat. Ideò hanc de attentè orandi scientiâ Descriptionem Tibi dixerim jure deberi. Vita tua oratio est. Virtus tua, in tali etiam silentio dignam Episcopo

pa-

EPISTOLA.

patientiam perorat. De familiâ tuâ inter nobiliores antiquissimâ penitus fileo, id enim te velle scio. Qui mores tuos norunt, symbolum illud, quod doctissimus Lipsius sibi assiduè usurpârat, Tibi ex asse cōgruum assignant: MORIBVS ANTIQVVS, hoc est, candidis & germanis, qui non aliud linguâ promptum, quàm mente clausum exhibeant. Quod sentis, Præsul Reverendissime, hoc loqueris. Veneranda senectus tua sobrietatem mensæ tuæ testatur; Gloriosi cani tui sat loquuntur, in pectore tuo divinæ eloquentiæ fontem scaturire. Tempestates superasti, Princeps, profectò atroces; annos planè turbulētos intrepidus decurristi. Tul-

EPISTOLA.

lii verbis hîc uti licebit, Nimbi,
 procellæ, imbres, turbines in
 Germaniæ Episcopos sævierunt;
 tibi minimè pepercerunt hæc
 tempestatum fata. Nec bellis
 tantùm & deprædationibus, sed
 & incendiis Eyftadianus ager
 tuus est vastatus. Hæc Tuæ Deus
 constantiæ sumpsit experimenta.
 Ab his cladibus Tua virtus aug-
 mentum cepit & splendorè am-
 pliorem. Nimirum sapiens vin-
 cit aduersa quælibet infractus,
 stat erectus sub quovis pondere.
 Non mirum est in tranquillitate
 non concuti: illud admirandum,
 ibi extolli aliquem, ubi alii de-
 primuntur, & ibi stare, ubi plu-
 rimi jacent. Ad hoc culminis
 Celsitudinem Tuam pervenisse
 jam cernimus, & à Tuâ constan-
 tiâ

EPISTOLA.

tiâ discimus, virtutem nullis mi-
 feriis labefactari posse. Hoc
 scilicet adversùs virtutē possunt
 calamitates, damna, & injuriæ,
 quod adversùs solem potest ne-
 bula. Nimirum homini qui to-
 tus à divinis nutibus pendet, id
 quod verè bonū, vereque suum
 possidet, non potest eripi ab ullo
 hoste. Hic talis animus divinæ
 voluntati tam arctè inhærens,
 non ab humanis judiciis, nec ab
 eventibus adversis, sed ab arbi-
 triis divinis suam omnem meti-
 tur felicitatem. Hoc uno semper
 tranquillus, quia vult, quod Deus
 vult. Hic suavissimus cum Deo
 consensus maximas etiam cala-
 mitates suâ perfundit dulcedine.
 In causâ bonâ etiam & æquâ
 vinci non grave est divinam vo-

EPISTOLA.

luntatem intuenti. Et hæc animi cum Deo concordia, supra vastationes, incendia, humanas omnes misérias multum eminent, quod in Te, Princeps Magne, veluti effigie vivâ ad imitationem licet contemplari.

Hoc pectori Tuo altè insculptum scimus, amicos DEI adversis identidem exerceri, imò hanc esse notam in itæ cum Deo amicitia, atque ut Ludovicus Blosius loquitur, non esse signû certius divinæ ad vitam electionis seu prædestinationis, a quàm si quis afflictiones à Deo immiffas non repugnanter & submissè sustineat. Nam quemcumque Deus (eiusdem Scriptoris verba sunt) potioribus donis exornare

a Zodiacus meus signo V. prædestin.

EPISTOLA.

decrevit, eum non blandè & molliter lavare, sed totum in mare amaritudinis immergere confuevit. *a* E' divinis oraculis res certa. Aptissimè dixit Angelus mœsto Tobiaë: quia acceptus eras DEO, necesse fuit, ut tentatio probaret te. *b* Causam paupertatis, mœroris, cæcitatæ, aliarum rerum adversarum tradit, quòd placuisset Deo. Hæc talia Celsitudo Tua altâ cogitatione comprehêsa, ut scurum ingruentibus telis objicit. Hinc Tua illa tam laudabilis constantia, & in DEVM amor, post tot procellas & turbines immotus. Nec in homines Tuam, quâ licet, beneficentiam subducis. Ingens sem-

A 6 per

a *Blos. in Instit. spirit. c. 8.*

b *Tobia c. 12. v. 13.*

EPISTOLA.

per & mirè beneficus fuit Tuus
 in minimã Societatem nostram
 affectus. Hinc plurima in nos
 maximaque beneficia emanã-
 runt. Testantur id etiamnum
 post ignes & ruinas tam Eluaci
 quàm Eystadii prolixæ in nos be-
 nevolentia vestigia & argumen-
 ta. Huñc in nos beneficum affe-
 ctum memori gratoque semper
 animo venerari, cælestis nos
 Rhetorica docet. Non bene
 orare didicit, qui gratus esse ne-
 scit. Et quamvis illa omnia hanc
 Scriptionem Tuæ Celsitudini
 dicendam non persuasissent, id
 tamen unum me maximè movit
 quod hoc unum agas, ut dignè
 cum Deo loquaris. Profanas
 omnes curas exemplo prorsus
 laudando abjecisti, politicum re-
 gimen

EPISTOLA.

gimen in aliorum humeros rectissimè transtulisti, solam illam tuæ salutis tuorumque subditorum curâ religiosissimè retinui-
 sti, de cetero passurus potiùs *Principem*, & non nisi *Episcopum* acturus. Ita jam unicus pænè ac laudatissimus labor tuus est, æternitati præparare animum, eumque ad decretoriã ultimam horam sine metu subeundam horis omnibus formare. Liceat dicere, Tu, Magne Princeps, optimè capis, nihil æquè prodesse, quàm quiescere, & à minimum cum aliis loqui, secum & cum Deo plurimum. Hinc Tibi jure meritissimo cælestem Rhetoricam censui consecrandam. Hanc artem usu plurimo adeò jam calles, ut eam alios etiam docere
 A 7 possis.

EPISTOLA.

possis. Ita mitræ Tuæ non nova,
sed grata reor & pridem assueta
supplex offero, rogoque, liceat
Scriptioni huic illustrissimi no-
minis tui tutelâ frui. Animabit,
spero, non leviter oratorem cæ-
lestem, precandi optimum, quod
in te cernit, exemplum. Tuæ
Celsitudini Societatem nostram
omnē, meque unâ submissimè
commendo. Monachii Calen-
dis Ianuariis. Anno Christiano
M. DC. XXXVI.

BENE-

BENEVOLO
LECTORI.



D Rhetoricam te re-
duco, Lector, non
illam verbosam, sed
caelestē ac divinam.
Multis hominum sa-
tis est eloquētia, sed parum sapientie.
Rhetorica caelestis non loqui tantum,
idq; cum summo Rege, sed & sapere
docet. Vnde hīc appositissimum est
illud: Orator verus, nisi vir bonus esse
non potest. Nemo bene orat, qui malē
vixerit. Hac duo sese consequuntur
ē vestigio, vitæ puritas, & oran-
di peritia. Alterum sine altero con-
stare non potest. Hīc omnino veris-
simum, quod eloquentiæ princeps in
Rhetoricis docet, Eloquentiam sine
Sapientiâ esse non posse. Rhetorica cæ-
lestis

AD LECTOREM.

lestis multos, qui disertissimi videbantur, infantissimos ostendit. Eloquentia si sit sola, ut plurimum est perniciofa. Quod Tullius, quod Demosthenes, quod Antonius non negaverint. Eloquentia sine Sapientiâ, fulmen sonorum & dulce aconitum est, plus noxæ habet quàm presidii.

Quare, mi optime Lector, patientem accommoda aurem, & dum vivis, te discipulum esse memineris. Omnis ætatis homines hæc schola Rhetorices admittit. Senescamus in hac, ut juvenescamus, ut alios animos, si non annos sumamus, & in meliorem statum renovemur. Tam diu discendum est, inquit Annaeus, quamdiu nescias, atq; si proverbio credimus, quamdiu vivas. ^a Hoc enim verè philosophari visum est Soloni, qui de seipso istud

^a Seneca epist. 26. initio.

AD LECTOREM.

pronuntiavit: Assiduè addiscens
ad senium venio. *Attalus magnæ*
vir eloquentiæ dicere solebat: Id do-
centi & discenti debet esse propo-
situm, ut ille prodesse velit, hic profice-
re. Rhetorica cælestis omnibus prodesse
plurimum cupit, modò non desint,
qui proficere velint. Discamus ergo,
dum vivimus. Dies diei magister est.
Posse cum Deo loqui, & attentè,
precari, eloquens est sapientia &
scientiarum prima: Et discere, mi
Lector, & valere te cupio.

INDI-

INDICVLVS
IN
RHETORICAM
CÆLESTEM.

LIBER PRIMVS.

CAPVT I. Rhetorica cælestis quid sit, & quàm ea lucrosa, utilis ac potens?

CAP. II. Rhetoricam cælestem ab omnibus discendam.

CAP. III. Quale vitium sit in Rhetoricâ cælesti, animi evagatio.

CAP. IV. Evagationum animi, quænam origines sint remotæ?

CAP. V. Evagationum animi, quænam origines sint propinquæ?

CAP. VI. Præparationem ad preces necessariam esse, & quæ sit præparatio remota?

CAP. VII. Quæ propinqua sit ad orationem præparatio?

CAP.

INDICVLVS.

CAP. VIII. Quid mente aridâ oraturus habeat solatii:documenta.

CAP. IX. Alia quatuor documenta de eodem.

CAP. X. Quot orationis partes?

CAP. XI. Quæ orationis impedimenta sint & vitia?

CAP. XII. Quæ orationis sint ad-
jumenta?

CAP. XIII. Quatuor oraturo monita.

CAP. XIV. Alia quinque monita prioribus connexa.

CAP. XV. Orationis exauditæ signa.

LIBER SECVNDVS.

CAP. I. Orationis assiduitas docetur.

CAP. II. Quâ ratione semper & assiduè orandum.

CAP. III. Quid in oratione petendum?

CAP. IV. Quibus modis per orationem trahamur ad Deum.

CAP.

INDICVLVS.

- CAP. V.** Proxilius & ardentius orandum.
- CAP. VI.** Quomodo aliqui omnia, alii nihil impetrent orando.
- CAP. VII.** Quid mentis oratio, seu meditatio fit, & quàm ea utilis ac necessaria.
- CAP. VIII.** Quomodo mente orandum, seu meditandum fit.
- CAP. IX.** Quàm utilis ac necessaria fit, orationis & mortificationis mixtura.
- CAP. X.** De orationis loco ac tempore, de situ corporis, inter orandum.
- CAP. XI.** Quantæ sint efficacix orationes complurium, & publicæ.
- CAP. XII.** Epilogus & Compendium dictorum omnium.

APPROBATIO

R. P.

PROVINCIALIS.

RHETORICAM CAELEM, quam P. Hieremias Drexelius, Societatis nostrae Presbyter, de attentè precandi scientiâ scripsit, ab aliquot ejusdem Societatis Theologis censam probatamque, Ego Antonius VVelser, Societatis IESV per Superiorem Germaniam Præpositus Provincialis, factâ mihi potestate ab admodum R. P. N. Generali Mutio Vitellesco, in lucem dari permitto, fidemque manu meâ facio, & more Societatis configno. Monachii Calendis Decembris. Anno M, DC. XXXI.

ANTONIUS VVELSER.

SVMMA PRIVILEGII
REGIS CATHOLICI.

PHILIPPVS IV. Hispaniarum
& Indiarum Rex Catholicus, &
Potentissimus Belgarum Princeps,
Diplomate suo sanxit, nequis R. P.
Hieremiæ Drexelii Societatis
IESV Sacerdotis Rhetoricam cœ-
lestem, seu attentè precandi sci-
tiam, intra novennium præter Ioan-
nis Cnobbari voluntatem ullo mo-
do imprimat, aut alibi terrarum
impressam in Germania Inferioris
ditiones importet venalémve habeat.
Qui secus faxit, confiscatione libro-
rum, & aliâ gravi pœnâ mulctabi-
tur: uti latius patet in litteris datis
Bruxellæ 16. Maii, anno 1636.

Signat

STEENHVYSE.

RETHORICA CÆLESTIS

LIBER PRIMVS.

CAPVT I.

Rethorica Cælestis quid sit, & quare ea lucrosa, utilis, ac potens.



POLLICITATIONE ditissimâ Christus suos erigens: Ego, inquit, dabo vobis os & sapientiam, cui non poterunt resistere & contradicere omnes adversarii vestri. & Geminum promissum, Oris & Sapientiæ; Rhetoricæ & Theologiæ. Non est, quod trepidetis, inquit Servator, ô mei discipuli: Etsi Academicas non obieritis ad descendam Theologiam. Scholæ scientias guttatim & non sine laboriosâ morâ instillant: eas ego vos aliter docebo; puncto temporis infundam. Sed forsità quis vestrum idem cum Mose objeiet querelæ: Non sum eloquens ab heri & nudius tertius. Absit omnis sollicitudo: Ego dabo vobis os. Nec ista quidem gratia vobis negabitur: poterit efferre lingua, quod intellectus conceperit. Ita &
a Luc. c. 11. v. 15. Rhetor

2 RHETORICA CÆLESTIS.

Rhetoricam & Theologiam momento sine minervali discetis.

Videte & audite piscatorem Petrum, repente factum Rhetorem & Theologum, ardentissimè concionantem. Ore profectò ac Sapientiâ pollebat igneus hic concionator. Videte Alexandrinam Virginem Catharinam & Oris pariter & Sapientiæ divitem, quæ quinquaginta doctissimos viros eâ verborum vi strinxit, ut ejuratis Deorum simulachris, pro CHRISTO mortem sanctissimâ conjuratione tulerint. Ignea prorsus fuerit, necesse est hæc facundia, & invicta Sapiencia, quæ tot ac tantis persuasit, non Christum tantummodò profiteri, sed & pro Christo mori.

Stant promissâ Christi: Non poterunt resistere & contradicere omnes adversarij gregis Christiani. Nimirum æterna Sapiencia os mutorum aperit, & linguas infantium facit disertas. Neminem ab hac scholâ provector ætas aut ingenii tarditas excludit. Seridè quisquis discere voluit, jam didicit. Quid ergo discendum? Rhetorica. Nimirum prius os instruamus, quàm acquiramus sapientiam: prius loqui quàm sapere discamus.

Quæ autem hæc Rhetorica est? non Tullii, non Aristotelis, non Quintiliani, sed Spiritûs sancti. Cælestis hæc Rhetorica non est ars scitè declamandi, sed rectè orandi. Cur autem ab omnibus hæc discenda sit, jam explicabimus.

Artes

LIBER I. Cap. I.

§. I.

Artes scientiæque omnes jacebunt tenebris sepulta, nunquam satis emerſuræ, ſi deſit, quæ in lucem eas educat, Rhetorica. Caſſiodori ſenſu, quicquid in aliâ doctrinâ cõcipitur, ab iſtâ ſub decoro profertur. Dicitur experientia confirmat. Philoſophus, Jurisperitus, Theologus publicè dicturus, aut ſuam ipſe Rhetoricam expromit, aut orationem ab alio emendicatam adfert, & alienis plumis triumphat cornicula. Doctrinæ aliquid habet, ſed nihil eloquentiæ, quâ doctrinam commendat. Sapientia abſconſa, inquit Siracides, & theſaurus inviſus; quæ utilitas in utriſque? Magnum gloriæ & virtutis inſtrumētum facundia, quâ peritè uti ſiñõris, in lucem dabis maximo fructu, quicquid habueris abſconditæ ſapientiæ. At verus Orator niſi vir bonus eſſe non poteſt. Quod ut verum eſſe intelligas, memineris duarum definitionum, quarum altera Catonis, Ciceronis eſt altera. Ille; Orator, inquit, eſt vir bonus, dicendi peritus. Iſte autem: Nihil eſt, inquit, aliud eloquentia, niſi copioſè loquens ſapientia. Qui ergo nomen Oratoris, & veram eloquentiæ laudem deſiderat, primùm Sapientiæ ſtudeat & Virtuti.

Rhetores & Oratores fuerunt viri ſanctiſſimi. Anno à pariente Virgine ducen-

B

teſimo

a Eccleſ. cap. 20. verſ. 32.

4 RHETORICA CÆLESTIS.

tesimo quinquagesimo. Valeriani & Galieni Imperatorum ævo, Cyprianus Carthaginensis, vir eloquentissimus juxta & sanctissimus, soluta & ligata oratione plurima scripsit. Augustinus Tagaste natus, omnium priscorum Patrum decus & gemma singularis, Rhetoricam Carthagine, Mediolani ac Romæ docuit. Hic laudis aliquid simul & vituperii miscendum. Augustinus, quod ipse de se asserit, sacra Biblia cœpit legere, sed non sine nausea jacentis, ut putabat, & abiectæ dictionis, cui Tulliana & Tertulliana dignitas longè præferenda videbatur: Tumor meus, inquit, refugiebat modum ejus, & acies mea non penetrabat interiora ejus. Veruntamen illa erat, quæ cresceret cum parvulis, sed ego dedignabar esse parvulus, & turgidus fastu, mihi grandis videbar. Illud laudabiliter fecit Augustinus, quod cum ei carmen recitaturum victoriam promitteret Aruspex nescio quis, ille hominis vanitatem detestatus: Nec muscam, inquit, pro me jugules velim: victoriam ego his artibus non emero. Ingenuè ac sapienter.

Hieronymus porrò Stridonienſis, quantus Rhetor, sed ideò vi occultâ flagellatus, quòd Ciceronianus magis quàm Christianus eſſet, Damaso Pontifici ab epistolis fuit. Pontifice mortuo in Palæſtinam rediit, Rhetoricâ insigniſſimè uſus. Hinc illi tot codices ab Hieronymo conſcripti.

2. Auguſt. l. 3. Conſeſ. 5.

LIBER I. Cap. I.

scripti. Quantus Rhetor Arnobius Afer, qui Diocletiani ævo septemplici volumine idololatriam oppugnavit. Arnobii discipulus Lactantius Firmianus dicendi artifex peritissimus, plurima libris mandavit. Ita constat sanctitate ac eruditione ornatissimos viros fuisse Rhetores, & dicendi magistros.

§ 2.

Hæc, mi Lector, in antecessum dici, & cælesti Rhetoricæ velut proluisionem præmitti patere. Cælestem sanè Rhetoricam minimè aspernabimur, si profanam tantum esse cognoverimus. Rhetorica profectò ars lucrosissima, ad farinam plurimum sæpè contulit. Domitianus Cæsar, Suetonio teste, tam Græco quàm Latino Rhetori annua centena HS. seu duo millia & quingentos philippeos in salarium constituit.

Isocrates Rhetor, quod Plutarchus memorat, a singulis discipulorum non minus accepit quàm mille drachmas, b seu centenos philippeos. Habuit autem plures quàm centum discipulos: ergo & mineral amplius decem mille philippeis fuit. Demosthenes à fortunis egens, mille drachmas solvendo non erat, ducentas obtulit, c ut saltem quintam Rhetoricæ partem li-

B 2

a Plutarch. part. 2. moral. l. de Oratorib. mihi pag. 532. b Seu decem minas, hundred Cronen/ oder Guldthaler. c. 20. Cronen.

6 RHETORICA CÆLESTIS.

ceret discere. Huic Isocrates: Artem, mi Demosthenes, non in frustra tribuimus, ut bovem laniones: nos agimus more illorum, qui bonos pisces totos vendunt. Tibi, si animus est discere, totâ tradituri sumus. Idem eloquentiæ doctor Isocrates orationem unicam viginti talentis, seu mille ducentis philippeis vendidit. a Hinc dicendi artificii duo præcipuè sunt objecta. Primû; Minerval, quod à suis exigeret, videri æquo grandius. Ad istud extemplo respondens: Ego verò, inquit, liberaliùs eum remunerabor, qui me docuerit vociferari, & animosè dicere. Alterum quod ei objectum: quî tandem alios loqui doceret, quod ipse nesciret? In promptu & hîc responsio: Cos inquit, scindere non potest, sed cultrum ut scindat, potest acuerè: non aliter ego, eloquentes formo, licet ipse non sim eloquens.

Num igitur non lucrosa eloquentia, quæ orationem unicam tot centenis philippeis vendit?

Gorgias Leontinus Rhetor Atheniensis ad annum ætatis centesimum quintum pervixit. Defuncto Græci statuam auream posuerunt, & eos dies, quibus orationes illius sunt recitatæ, festos esse voluerunt.

Ævo nostro Ioannes Baptista Egnatius sacerdos annis octoginta vixit, annis quadraginta Rhetoricam Venetiis docuit. Rudonatus ducentos coronatos annuos à Senatu in honorarium accepit. Grande donum,

a Plin. lib. 7. nat. hist. cap. 30.

LIBER I. Cap. I. 7

donum, si temporis rationem spectemus. Rhetorica prorsus lucrosissima plurimum ad farinam facit.

Sed & utilissima est, quæ plurimorum caput & vitam servavit. Interrogatus Demosthenes, quid Rhetorica prodesset? respondit: Homini perduto præsentem potest afferre opem. Non sine ratione fingebant præsci, Orpheum ita, suaviter vocem fidibus attemperasse, ut cantu musico feras, arbores, saxa traxerit ad conventum. Apologi nucleus hic est: Orpheus vir facundissimus, hominibus barbaris & sparsim habitantibus persuasit, ut convenirent, panegyres celebrarent, leges acciperent, amicitias colerent, æquali jure viverent. Hæc urbium fuerunt exordia, ita homines, quos feras aut saxa credidisses, ad humanum cultum transferunt.

§. 3.

Sed & potentissima est Rhetorica, quæ hominum animos potenti versat manu. Cicero Romanam curiam, in quam collibuisse, sententiam pertraxit; inde Rex à quibusdam dictus est, quod mentes Senatorum regeret. Demosthenes inter amicos gloriari solebat, non difficile sibi esse, dicendo, causam bonam, malamve, prout vellet, reddere. Id certè satis patuit: nam Athenienses modò arma sumebant, modò eadem ponebant, modò pacem cum Philippo Macedone componebant, modò bellum

8 RHETORICA CÆLESTIS.

bellum gerebant, prout Demosthenes civium animos huc aut illuc perorando flectebat. Ita Græcus hic orator pacem & bellum ferebat linguâ, alterutrum effusus quod voluisset. Ctesiphon eos in Rhetoricâ progressus fecerat, ut ausus sit dicere, nihil temeris sibi proponendum, de quo non die integro possit disserere.

Imò reverâ potentissima sit Rhetorica necesse est, quæ vel fortissimo ac potentissimo fortior sit ac potentior. Certabant olim inter se tres aulici juvenes, qui Dario Regi à cub culis erant: In lite fuit, quid in orbe fortissimum videretur? Suam quisque sententiam scripto consignavit, illud cervicali regio supposituri. Primus scripsit, Forte est vinum. Alter, Fortior est Rex. Tertius, Fortiores sunt mulieres: super omnia autem vincit veritas, a. Atqui Rhetorica ipsam etiam veritatem quantumvis fortissimam suæ potestatis sæpissimè facit, & luculento vincit triumpho. Ipsa quidem veritas subinde viribus resumptis exilit, & suos victores vincit, sed sæpè serò & post multas hiemes toleratas emergit. Ita Rhetorica potentissimo potentior.

Sed hoc, inquires, laudis non est, fallaciiis vincere. Non nego: at hic de laudibili Rhetoricæ potentiâ sermo est. Ergo, quod diximus, Rhetorica lucrosissima, utilissima, potentissima; Rhetorica scientiis & artibus univèrsis grandi adjumento est. Non igitur hanc addiscere recusemus. Sed

obver-

a 3. Esdra 6. 3. v. 10. & seqq.

LIBER I. Cap. I.

obverfetur animo, quod de Sapientiâ prædicatur: Aperuit os mortuorum, & linguas infantium fecit difertas. *a* Quod & Pfalterius regius affirmat: Ex ore infantium perfecti laudem. *b* Quod & Christus confirmans: Confiteor, inquit, tibi Pater, Domine cæli & terræ; quia abscondisti hæc à sapientibus & prudentibus, & revelasti ea parvulis. *c* Hanc certè Rhetoricam, de quâ loquimur, nemo perdiscit, nisi parvulus, nisi homo modesti animi, nisi submissionis studiosus. Tumor & supercilium has sanctiores artes non capiunt.

§. 4.

Adeò autem potens est Rhetorica celestis, ut semper vincat, triumphet semper. Augustinus Rhetorum disertissimus, ut Rhetoricæ vim explicaret, his omnino verbis usus est: Dixit quidam eloquens, & verum dixit, ita dicere debere Rhetorem, ut doceat, ut delectet, ut flectat. Docere necessitatis est, delectare suavitatis, flectere victoriæ. Oportet igitur eloquentè Ecclesiasticum, quando suadet aliquid, quod agendum est, non solum docere, ut instruat; & delectare, ut teneat; verum etiâ flectere, ut vincat. *d* Verè celestis Rhetorica non solum docet, sed & tenet, & vincit ipsum Deum.

Lepidum olim inter magistrum & discipulum

B 4

a Sap. c. 10. v. 21. *b* Psalm. 8. v. 3. *c* Matth. c. 11. v. 25. *d* Aug. de doctrinâ Christianâ 4. 4. 6. 12. & 13. mihi pag. 33.

10 RHETORICA CAELESTIS.

pulum certamen fuit, quod vel forensis Rhetoricam tunc etiam cum victa est, posse vincere demonstrat. Et quia mihi Lector paulatim ad seria initiandus, illam duorum Rhetorum pugnam è prisco scriptore recito.

Protagoras Sophista longè multiscius, & cum primis Rhetoricæ repertis perfacundus, cum suo sibi discipulo Euathlo mercedem nimis uberem e conditione temerariâ pepigit, ut sibi tum demum id argenti daret, si primo tirocinio agendi penes iudices vicisset. Igitur Euathlus (auctoris prisci verba sunt) postquàm cuncta illa exorabula iudicantium, & decipula adversantium, & artificia dicentium, versutus alioquin & ingeniatus ad astutiam, facillè pedidit, contentus scire, quod concupierat, cœpit nolle, quod pepigerat. Sed callidè ne tendis moris frustrari magistrum, diutillè que nec asserere velle, nec reddere; usque dum Protagoras eum ad iudices provocavit, expositâque conditione, quâ in docendû receperat, anceps argumentum ambifariam proposuit. Nam, sive ego vicerò, inquit, solvere mercedem debebis, ut condemnatus: seu tu viceris, nihilominus reddere debebis, ut pactus; quippe qui hanc primam causam penes iudices viceris. Ita si vincis, in conditionem incidisti: si vinceris, in damnationem. Quid quæris? Ratio conclusa iudicibus acriter & invincibiliter videbatur. Enimvèò Euathlus, utpote tanti veteratoris! perfectissimus discipulus, biceps illud argumentum retorfit. Nam si ita est, inquit, neutro

neutro modo, quod petis, debeo. Aut enim vinco, & iudicio dimittor; aut vincor, & pacto absolvor, ex quo non debeo mercedē, si hanc primam causam fuero penes iudices victus. Ita me omni modo liberat, si vinco, conditio; si vincor, sententia.

Hinc geminum illud. Erat apud Syracusas vir acuti ingenii & linguæ promptioris, Corax Rhetor; Ab hoc Tisias præceptis Rhetoricis egregiè imbutus, ne magistro cogereetur minerval solvere, interrogavit; Quid esset Rhetorica? Eo respondente, Effectricem esse persuasionum; Tisias sic differtare orsus: Si tibi, mi Corax, me nihil debere persuasero, nihil debebo, quia non debere persuasi: sin autem non persuasero, nihilominus nihil debebo, quia me persuadendi scientiam non dōcuiisti. Magister hoc argumentum in Tisiam retorquere nisus: Si mihi, ait, mercedē à te deberi persuasero, reddes illam, quia persuasi: si non persuasero, eam nihilominus reddes, quia discipulum, qui præceptorem vinceret, erudii.

En forenses Rhetoricam hac & illac victricem. Multò magis Rhetorica cælestis nunquam non vincit, si velit. Donum orationis nemini Deus denegat. Oratio nulla, modò seria, sine fructu est. Orare modò serio velis, & facti dimidium jam habebis. Cælestis Rhetorica certam habet victoriā, quotiescunque legitimam non detrectat pugnam.

Hic animum adverte, Lector, quicquid

B 5 de

à Madamens. l. 4. floridor, Gellius l. 5. c. 20.

12 RHETORICA CÆLESTIS.

de Rhetoricâ forensi diximus ; id omne de oratione, Rhetoricâ cælesti, dictû volumus. Hæc illa omnium artium ars lucrosissima & utilissima ; hæc omnium est potentissima. Archidamus olim, Plutarcho teste, interrogatus, Quantum regionis possiderent Spartani ? Quantum, ait ille, contingunt hastâ. Quæsierit quispiam, Quam potens sit hæc Rhetorica, & quousque pertingat ? Afferimus. Quousque oratio: ultra nubes, supra sidera, trans cælum, ad ipsum Dei soliu ascendit. Oratio humiliantis se nubes penetrabit. *a* In hac autem Rhetoricâ discendâ semper discipuli sumus, nec unquam eam satis condiscimus ; in scholâ sumus, quamdiu in vitâ. Discendi finis in cælo est, *b* ibi oratores sunt perfecti. Sed hoc explicatiûs sequenti capite tractandum.

a Eccl. c. 35. v. 21.

b Im Himmel sernet man erst auß.

CAPVT II.

Rhetoricam cælestem ab omnibus discendam.

A Postoli primæ quidem simplicitatis viri, & à piscatu rudes in Christu contubernium adsciti, aliquoties tamen non levis momenti quæstiones posuerunt. Qualis illa fuit: Rabbi quis peccavit, hic, aut parentes ejus, ut cæcus nasceretur ? *a* Quæstio gravis & inter Theologos discutenda. Ita Christum super excidio Hierosolymæo differentem distinctè

a Ioan. c. 9. v. 2.

inter-

interrogant : Dic nobis, quando ista fient?
 & quod signum erit, quando hæc omnia
 incipient consummari? *a* Quæstio prorsus
 seria. Christo reditum parante in cælum:
 Domine, ajunt, si in tempore hoc restitues
 regnum Israël? *b* Non levis quæstio. Ita
 duo è discipulis confessum in regno Chri-
 sti petierunt, mare pro filiis perorante.
 Petitio nõ infantilis. Quid sublimius petere
 potuissent? *c* Ita Philippus omnium loco:
 Domine, inquit, ostende nobis Patrem,
 & sufficit nobis. *d* Quid petieris majus &
 & divinius? Ita omnes uno pænè ore flagi-
 tant: Domine, doce nos orare. *e* Toties te
 orantè vidimus, toties ut & nos oraremus,
 hortatus es; vocem igitur præi, & formu-
 lam trade precandi; doce nos orare.

Cupiunt discipuli à Magistro discere,
 quomodo cum DEO loquendum sit. Et
 hæc illa cælestis Rhetorica est, quam sibi
 nostra dissertatio sumpsit explicandam. De
 Oratione hîc dicendum. Sed ut descriptionis
 scopus ac finis pateat; complures Oratio-
 nis partes silentio transibimus. Nec enim
 nisi summarim trademus, quàm necessa-
 rium & utile sit orare; nec de multiplici
 Orationis effectu disseremus. Hoc unum
 sumemus exponendum, quid sit *Arsenta*
Oratio. Hæc illa divina & cælestis est Rhe-
 torica, quæ non hominum animos, sed
 Deum ipsum in suas partes novit trahere.

B 6

Hæc

a Marci cap. 13. vers. 4. *b* Actor. cap. 1. v. 6.
c Matt. cap. 20. v. 21. *d* Ioan. cap. 14. vers. 8.
e Luc. cap. 31. v. 3.

14 RHETORICA CAELSTIS.

Hæc nubes penetrat, hæc super astra evolat, hæc cæli penetralia subit, Deo se sistit, nec unquam, quod admirabile, irrito conatu causam suam perorat. *a*

Causæ, quæ scripTIONem hanc persuaserunt, complures sunt. Inter ceteras istæ. Prima: Quid seitu magis necessarium, quàm scire cum suo Conditore loqui? Plurima alia tutò licet ignorare, hujus unius ignorantia multò damnosissima est.

Alterà causa: Omni tempore & in omni loco, locus est orationi. Sunt aliæ quædam actiones honestissimæ, sed non omni loco aut tempore conveniunt: Oratio die ac nocte, æstate & hieme, festis ac profestis diebus, adversâ & prosperâ valetudine, domi, foris; in templis & plateis, in lecto & extra lectum, tam ante quàm post mensam, & sub ipsâ mensâ, tam à stantibus & jacentibus, tam à juvenibus quàm senibus; ab omni ætate, sexu, ordine hominum usurpanda est. Pietas ad omnia utilis est. *b* Quod Hebræus Psaltes affirmans: Benedicam Dominum, inquit, in omni tempore; semper laus ejus in ore meo. *c* Eiusdem mentis optimus Regum Iosaphatus: Cùm, inquit, ignoremus, quid agere debeamus, hoc solùm habemus residui, ut oculos nostros dirigamus ad te. *d*

Vergilius

a Nichts Gebete ist nie vmb sonst vnd dero ghebens.

b 1. Tim. cap. 4. v. 8. *c* Psalm. 33. v. 2. *d* 2. Paralip. 6. 20. v. 22.

Verum nil opus hic testibus, Christi vox est: Quoniam oportet semper orare, & non deficere. *a*

Tertia: Cùm animus sit, de primariis Christiani hominis actionibus, de Oratione, Eleemosynâ, Jejunio loqui, Oratio, jure patem, sibi principem locum vindicat. Huc me non leviter, sincerè fateor, Augustinus impulit, qui paucis plurima maximâque Orationis elogia complexus: Verè, inquit, rectè novit vivere, qui rectè novit orare. *b*

Jacobus Granadus nostri ævi Theologus, duplex divinæ ad gloriam prædestinationis signum statuit. Primum est, propositum nunquam lethaliter delinquendi. Alterum, diligentia & attentio in oratione. *c* En divinam, cælestem Rhetoricam, quæ non facundos solum & disertos, sed & beatos facit. Cur autem hæc Rhetorica sit ab omnibus discenda, nunc docebimus.

§. I.

Rhetorica forensis; ut capite superiori diximus, singulare præsidium est artium & scientiarum omnium. Parum est scire, nisi scias & eloqui quod sciveris. Oratio, cælestis Rhetorica omnium humanarum actionum, primarium, singularissimum auxilium. Iacent & frigent omnia, ubi oratio deest.

B 7

Com

a Luc. c. 18. v. 1. *b* Aug. tom. 2. serm. 14. in Append. initio, mihi pag. 650. *c* Granad. tom. 2. in 1. p. D. Thom. mihi pag. 703. med.

16 RHETORICA CAELESTIS.

Commendatissimus mos est proborum hominum, qui quoties soli sunt, & elapsæ horæ signum audiunt, mox in genua ruunt, & oratiunculâ brevi felicem obitum à Deo petunt. Quod alibi docuimus, & rectissimè fieri, & maximo precantis bono. Quod Deus anno millesimo sexcentesimo decimo quarto confirmavit argumèto non obscuro. Eo namque anno Conimbricæ (civitas est Lusitaniæ, Doctorum domicilium) quidam sub serum vesperem in insidiis capitalem hostem operiebatur. Animus erat transeuntem glande ferreâ salutare, & sclopo trajicere incautum. Sed fefellit destinatio. Nam alter recepti moris retinens, audito horæ pulsu repentè constitit oraturus, nec ad illud loci punctum pervenit, quod insidiatores oculi sibi designarant. Ita hic interitum effugit non pugnando, sed precando. *b.* Inde hic mos Conimbricæ longè confirmatior est, singulis horis Matrem Domini statâ precatiunculâ venerari. Pietas ad omnia utilis. Nihil laboris, nihil actionis est, quod non condiat & juvet oratio. In tenebris scientiæ omnes errabunt, nisi facem eis præluceat oratio. Hoc divinæ providentiæ decretum est, gratias non largiri, nisi eas desiderantibus & petentibus. Hinc Christus Samaritidi: Siscires, inquit, donum Dei, tu forsitan petisses ab eo. *c* Palmes fecunda non

a In Trismegisto lib. 2. cap. 4. §. 2. *b* Antonius Balinghemius de lacuat. Orationibus lib. 3. §. 6. mihi pag. 268. *c* Ioan. c. 4. v. 10.

non erit, neque uvas porriget, ni prius succum hauserit è vite. Hinc regius Vates in preces effusissimus: Expandi, ait, manus meas ad te; anima mea sicut terra sine aquâ tibi. *a* Toto pectore, mi Deus, auxilium tuum imploro, satis gnarus, nos homunculos frustra sudare, non te iuvante: quemadmodum terra cæli lacrimis non crebrius infusa, aut nihil parit, aut lolium; ita mens humana crebris precibus non rigata, in malignos partus pravæ cogitationis & actionis exuberat. Sine frequenti oratione sterilefcit animus.

Beatus Thomas Aquinas, Theologorum Phœbus, scribendo, lectitando, docendo, concionando plurimum laboravit; non minùs tamé precando. Nam omnem suam eruditionem, & in studiis profectum, orationi retulit acceptum. Hoc autem in more positum habuit, non prius quidquam aggredi, nec lectionem aut scriptionem ullam, nec disputationé, aut aliam quamcunque actionem ordiri, precibus non ritè premittis. Vanissimos censuit labores, quibus initium non dedisset oratio. Hinc suas etiam lacrimas orationi sæpè miscuit, non ignarus omnem sapientiam à Deo infundi. Atque hoc sanctissimus vir socio suo Reginaldo secretâ narratione commisit, eruditionem & scientiam, si quam haberet, non tam ingenio sese ac studio, quàm fuis ad Deum precibus obtinuisse. Thomam Aquinatem aut imitabimur, quod cuivis nò difficile, aut labore vano consumemur.

18 RHETORICA CAELESTIS.

Ædificat in aëre, qui studia tractat sine crebrâ oratione.

Franciscus Suarezius è Societate I E S V sacerdos, grandia viginti volumina illustrandæ Theologiæ in lucem dedit. Vir iste dicere solebat, malle se omnis eruditionis per tot annos quæsitæ facere jacturam, quàm solitas precandi ac meditandi horas intermittere. Eam ob causam horariæ precatiōni matutinæ, licet aliò traherent occupationes urgentissimæ, defuit nunquam. Maturiùs etiam ceteris ante solem surgere solebat, ut tantò liberaliùs orationi tempus impenderet. Ita lucem & noctem præibat oratio, totius ferè diei comes. Interdum si studiis inhærenti quæstio perdifficilis & implicata occurreret, ad Christi crucifixi pedes, quem sibi animo vivum efformarat, se supplicem abjiciebat impetrando lumini: si etiamnum dubius hæreret, preces producebat, & ardentius orabat. ^a Ut sciamus; Vera sapientia descendit è cælo, non effoditur ingenii acumine. Ambis sapientiam; cælum pulsa, & pete illam. Rhetorica cælestis facilè quidvis à cælo imperat.

§. 2.

Altera causa, cur Rhetorica cælestis à nemine non discenda, quando summi viri, optimi Rhetores, peritissimi Oratores fuerunt. In forensi Rhetoricâ excelluerunt

Cypria-

a Mortuum est P. Franc. Suarez, anno 1617, die 23, Septemb,

Cyprianus, Augustinus, Hieronymus, Ambrosius, Lactantius in Rhetoricâ cælesti, non ijsolùm, quos modò nominavi, sed omnes omninò sancti homines eminent. E tot centenis millibus sanctorum hominum nec unicum quidem est nominare, qui hoc orationis studium neglexerit. Omnes ajo fuisse Oratores optimos, disertissimos, qui non suam tantùm, sed & orbis totius causam egerunt felicissimè.

Dicere solebant veteres: Nullus Rhetor perfectus. Nec adhuc, ait Seneca, ulli contigit, ut totam contingeret: satis felix est, qui in aliquâ ejus parte receptus est. Quod de forensi, idem de Rhetoricâ cælesti asserendum. Nemo unquam eò sanctimonix progressus est, ut dicere auderet: Precandi artem ad unguem calleo; cum Deo loqui exactè didici. Hic omnes subinde hallucinamur, & artis, quam hausimus, obliviscimur. Idcirco assiduè discendum, & nunquam non orandum. Priscis, si qui sedulitatem amassent, nulla dies sine lineâ transibat. Majorem in precando assiduitatem exigens Cyprianus: Christianis, inquit, nulla hora transeat sine oratione. Si quidem oraturi semper in cælo, & gratias acturi Deo, hic quoque orare, & gratias agere non desinamus. & Pari sensu Augustinus: Meditatio, inquit, præsentis vitæ nostræ in laude Dei esse debet, quia exultatio sempiterna futuræ nostræ vitæ, laus Dei erit. Et nemo potest idoneus fieri futuræ vitæ, qui

se

a Cyprianus de Oratione Dominicâ.

20 RHETORICA CAELSTIS.

se ad illam modò non exercuerit. Modò ergo laudamus Deum, sed & rogamus Deum. Laus nostra lætitiã habet, oratio gemitum. Promissum est enim nobis aliquid, quod nondum habemus; & quia verax est qui promisit, in spe gaudemus; quia tamen nondum habemus, in desiderio gemimus. *a* Oremus & gemamus.

§. 3.

Tertia causã, quare ars orandi tam sedulò discenda; quia cœlestis hæc Rhetorica est lucrosissima, & statuat nobis auream in cælo locat, quæ diutiùs profectò stabit, quàm illa Gorgiæ Leontini ab Atheniensibus posita. Quam porrò lucrosa sit cœlestis Rhetorica, divus Bonaventura explicans; Quacumque, ait, horã lucratur homo oratione devotã plus, quàm valeat totus mundus. *b* Grande lucrũ unicã comparandum horulã. Non nescit hoc diabolus; quapropter omnem movet lapidem, ut vel oraturum ab oratione ad alia trahat, vel jam orantem in oratione turbet. Fidem faciet Ruffinus Aquileiensis, qui de Macario Alexandrino juniore hæc narrat.

Noctẽ quãdam personatus dæmon ad Macarii tuguriolum pulsans: Abba Macari, surge, & eamus, inquit, ad collectam, ubi Fratres precando vigilias agunt. Macarius fallacias cacodæmonis subodoratus:

O men-

a Aug. tom. 8. in Ps. 148. initio, mihi pag. 708.

b Bonav. l. de perfect. vita cap. 5.

LIBER I. Cap. II. 27

O mendacissime impostor, ait, quid tibi societatis aut negotii est in collectâ & cœtu sanctorum? Cui dæmon blandè: Quasi verò nescias, inquit, mi Macari, nullam monachorum congregationem, collectam nullam sine nobis institui? Veni denique, & videbis quàm non inanis sit nostra opera. Ad que Macarius: Imperet tibi Dominus, inquit, immunde dæmon. Mox sese in preces abjiciens, id anxie cupivit scire, num verum esset, quod mendaciorum faber gloriaretur. Abiit ergo ad collectam, ubi ceteri Fratres vigiliis sacris operabantur. Hic denudè rogavit Deum, liceret veritatem penitus nosse. Et ea toto templo discursantes vidit puerulos Æthiopas, qui mirâ celeritate velut volitando huc illuc ferebantur. Illic autem moris erat, sedentibus cunctis, psalmum ab uno pronuntiarî, ceteris vel audientibus vel respondentibus. Hic Æthiopes parvuli vago discursu occupatissimi, sedentibus alludebant, & si cujus oculos compressissent digitis, mox ille nictare ac dormire incipiebat: si cui digitum in os immerfissent, inertissimè oscitare faciebant. Vbi verò post Psalmum ad orationem se projecissent Fratres, Æthiopuli illi singulos percurrebant, & huic quidem feminam adstantem repræsentabant, huic fabros lignarios & cæmentarios ante animum statuebant, isti cenulam structam ante oculos proponebant, apud alios alia efformabant. Quæcumque verò dæmones diverso luxu effuxissent, id

orapz

22 RHETORICA CAELESTIS.

orantes animo & cogitatione versabant. A nonnullis tamen, ubi horum aliquid tentassent, vigilantia constantia repulsi prosternebantur, ita ut juxta hos nec consistere, nec transire illos auderent. At verò aliis longè debilioribus largissimè illudebant, tergum & cervices eorum perfultabant, sic eos sibi, non orationi, attentos faciebant. Hæc cernens Macarius altum ingemuit, & erumpentibus lacrimis: Respice, ait, ô Domine: ne fileas, neque mitigeris Deus. Exurge, & dispergantur inimici tui, & fugiant à facie tuâ, quoniam anima nostra repletur illusionibus. Secundùm preces ad explorandam certius veritatem, singulos seorsum evocans, mansuetè ac suaviter interrogavit, an nullæ inter precandum de ædificiis cogitationes occurrissent, an non instituendum iter, aut parandam mensam aliudve negotium peragendû cogitassent? Fatentes habuit reos. Singuli pro se quisq; non negarunt, ita rem habere, prout interrogasset. Hic dilucidè compertum est, vanas vagasque cogitationes, psalmorum aut orationis tempore, à diabolis obtrudi, & ingeri; ab iis autem, qui omni custodia cor suum servarent, teterrimos Æthiopas vi laudatissimâ repelli. Deo namque conjuncta mens & precibus intenta nihil alienum, nil turpe, nil superfluum aut prævum recipit. a Hinc ingens & inæstimabile lucrum Rhetoricæ cælestis. Firma est veritatis promissio: Omnia quæcumque oran-

tes

tes petitis, credite, quia accipietis. a

6. 4.

Quarta causa: Rhetorica cælestis nemini non utilissima. Hoc sciamus; nullas omnino preces, & nec brevissimam quidem oratiunculam, quæ quidem hoc nomine censenda sit, incassum fundi. Non impetramus, quod petimus? ceterè vel minimam quavis precatiunculam plurimum meremur, & plus (utar Bonaventuræ verbis) quam totus valeat mundus.

Clarissimè Augustinus: Si ergo, inquit, tu invocas Deum; securus esto, exaudiris: pertinet ad istum versum: *Et multum misericors omnibus invocantibus te.* b Noli ergo dicere: Illud mihi non dedit: Redi ad cor tuum, & conscientiam tuam libera; interroga, parcere illi noli. Si verè Deum invocasti, certus esto, quia id fortè quod volebas temporaliter, idèd non dedit, quia tibi non proderat. Ædificetur in hoc Cor vestrum, fratres, Cor Christianum, Cor fidele, ne incipiatis tristes facti, veluti fraudati desiderii vestris, ire in indignationem contra Deum. Est qui exaudit, ne dubitetis orare; qui autem exaudit, intus manet. c Age jam, inquit Chrysostomus, & illud exponamus vobis, quam multis Sanctis datum sit, deprecationis præsidio servare, non solum gentes ac civitates, verum etiam orbem

a Marci c. 11. v. 24. b Psal. 8. v. 5.

c Aug. tom. 8. in ps. 85. mibi pag. 385.

24 RHETORICA CAELESTIS

orbem universum. In mentione verò deprecationis primus occurrit Paulus, ille infatigabilis Dei cultor, ille custos orbis terrarum, qui per deprecationem ac assiduam obsecrationem omnes gentes salvos fecit, semper illud dicens nobis: Hujus rei gratiâ flecto genua mea ad Patrem Domini nostri Iesu Christi. *a*

• Cum Carolus V. Imperator Augustissimus provinciam Peruanam sibi reconciliatam cuperet, nobilem illum Gascam huic negotio destinavit, eique complures chartas, sed puras & à scripturâ vacuas, solo nomine suo notatas. *b* dedit, eo consilio, ut quisquis privilegium aut munus peteret, si illud in chartâ virgine perscripsisset, jam impetrasset. Hâc tantâ tamque facili gratiâ rebelles animi in concordiam reducti. Christus ingeniosam hanc artem usurpans, & paginam puram regio nomine signatam nobis offerens: Amen, amen dico vobis, ait, si quid petieritis Patrem in nomine meo, dabit vobis. *c* En virginem chartam, vos in eâ quidquid placuerit, perscribite, & illud jam impetrastis. Nihil est, quod obtinere non possit oratio. Oratio igitur longè utilissima.

Ajunt Theologi cum Aquinate Doctore, Providentiam divinam ante omnem ævum constituisse orationem, ut instrumentum præcipuum ad exquenda Numinis

a Chrys. tom. 5. l. 2. de orando Deo, mihi pag.

594. *b* Italica charta bianca dicitur.

c Ioan. 8. 16. v. 23.

nis decreta; apertè id asserens Gregorius: Obtineri, ait, nequaquam possunt, quæ prædestinata non fuerunt: sed ea, quæ sancti viri orando efficiunt, ita prædestinata sunt, ut precibus obtineantur, quatenus postulando mereantur accipere, quod eis omnipotens Deus ante sæcula disposuit donare. * Non propter hoc oramus, inquit beatus Thomas, ut divinam dispositionem immutemus, sed ut impetremus, quod Deus disposuit per orationes esse implendum. b Deus plurimum gratiarum nobis impertiri cupit, sed rogatus.

f. s.

Quinta causa: Oratio, seu Rhetorica caelestis, potentissimè persuadere novit. Deum ligat, qui sincerè orat. Dilucidissimè Christus: Si, ait, manseritis in me, quodcunque volueritis, petetis, & fiet vobis. c Quod ab ore Domini Ioannes Apostolus excipiens: Quidquid petierimus, inquit, accipiemus ab eo. d Et scimus, quia audit nos, quicquid petierimus. Cùm Moses in supercilio montis preces Deo allegaret, Deus se velut ligatum clamans: Dimitte me, inquit, ut irascatur furor meus contra eos. e Dum oras, ligas me; sine igitur, ut his vinculis exolutus, manu liberâ contumaces percutiam. En rerum omnium præpotente Deo

poten-
a Greg. l. 1. Dial. cap. 8. med. b S. Thom. 2. 2. quaest. 83. art. 2. c Ioan. c. 15. v. 7. d I. Ioan. s. 3. v. 22. e v. 15. e Exodi c. 32. v. 10.

26 RHETORICA CÆLESTIS.

potentior est oratio. Hæc Deum vincit, & prohibet irasci: hæc ægris valetudinem, hæc vitam reddi mortuis.

Tiburtius martyr jam comploratum fuit oratione à tumulo revocavit. Dum enim casu per plateas incederet, hominem ab alto lapsum reperit. Hic membra omnia miserabili ruina ita obriverat, ut parentum luctus non aliud quàm sepulturam circumspiceret. At martyr flentibus: Sinite, ait, hominem verbo alloquar; fortassis recipiet sanitatem. Et confestim animo erecto juxta jacentem in genua procumbens, Orationem Dominicam & Symbolum tractu recitavit. Mox homo depositus, incoluere surrexit. ^a Nimirum oculi Domini super justos, & aures ejus in preces eorum. ^b

De optimo Hebræorum judice Regum fasti hoc testantur; Audivit Samuel omnia verba populi, & locutus est ea in auribus Domini. ^c Videte, obsecro, sicut Samuelis preces dicuntur esse in auribus Domini, ad ostendendam Samuelis cum Deo familiaritatem; ita Domini aures dicuntur esse in precibus justorum, ad significandam Dei in illos liberalitatem. Id expendens Massiliensis præsul Salvianus: Quod, inquit, Scriptura ait, aures Domini semper esse in precibus justorum, non audientia tantum Dei, sed quædam quasi obedientia Dei designatur. Quasi Deus adeo promptus sit ad

^a Baron. tom. 2. Anno 286. num. II.

^b Psal. 33, v. 16, c. 1. Reg. c. 8. v. 21.

ad audiendas suorum preces, ut non modò audire, sed etiam obedire, non modò quod petunt, concedere, sed etiam quod imperant, velle facere videatur. Vtinam tam promptè nos Deo, quàm nobis Deus, obediamus. Quàm beati essemus omnes, addit Salvianus, si quàm promptam erga nos Dei audientiam legimus, tam promptè ipsi Deum audire vellemus. ^a

Quanta hæc orationis potentia, Deum sibi habere obedientem! Talis erat oratio beatorum Dominici & Francisci, qui plerumque statim, quod petissent, factum viderūt. Talis Bernardi, qui tot ægris panem conferre sanitarum reddidit. Talis Francisci de ^b ~~la~~, qui per ~~se~~ pedes tulit illotos, & cum transvectione negaret portitor, calcavit fluvii terga in famulatum subeunte naturâ. Talis Elisabethæ Principis, quæ uni suorum aulicorum vehementissimum de noxis dolorem impetravit. Talis Scholasticæ virginis, quæ cælum ut subitas pluvias effunderet, exoravit. Tales hodièque sunt orationes amicorum Dei; vim Deo faciunt, quod petunt, impetratum auferunt.

Diogenes Philosophus oratores vocitabat ter homines. ^b Nam uti eum, qui nec facundus, nec humanus, nec doctus est, hominem esse negamus; ita is qui & disertus, & effabilis, & eruditus est, ter homo dici potest. At profectò quisquis rectè

C

orare

^a Salvian. l. 2. de providentiâ Dei sub initiu.

^b Τετραπλόως.

orare novit, & facundiam, & humanitatē, & doctrinam insigniter ostendit, proinde ter homo dici poterit, ut qui non solum cum hominibus, sed & cum Angelis, cum divinis omnibus, cum Deo loqui didicerit, Rex Pyrrus gloriari solebat, plures urbes imperio suo additas oratione Cyneæ Legati, quàm suis armis. Oratio Christiani vera, & cælum expugnat, & Deum ligat.

Æquissimum igitur est, ut cælestē hanc Rhetoricam, quæ non solum lucrosissima & utilissima, sed & potentissima est, nemo non summis studiis condiscat. De oratione longè veriùs quàm de pecuniâ dixerim: Orationi obediunt omnia.

CAPVT III.

Quale vitium in Rhetoricâ cælesti sit animi evagatio?

Gerardus in Pannoniâ Cannadiensis a Antistes templa complura condidit, & quantum facultates permiserant, ornavit. Hic ipse in æde D. Georgii aram posuit Matri Domini, cui thuribulum argenteum & duos senes assignavit, qui singulis horis Catholico ritu thus adolerent, ut cæremoniis istis precandi studium tantò magis incalesceret.

Regius vates cælestium oratorum disertissimus David, Dirigatur, inquit, oratio mea sicut incensum in conspectu tuo: &

Tam

a De quo Zach. Lippeloo 24. Septemb.
b. Psal. 140. v. 2.

Tam si
xus est
quid o
thymar
die ma
militat
tiam p
Alte
erat,
Human
domus.
Templ
estis ve
ma or
Ter
obtul
nes on
ob: in
tific
oration
ponit:
Quar
carbon
emerg
cas exc
oratio
accendi
ma or
Quin
sicut in
nis sine
Est, qu
a 1. Cor.
Cor. 1.

LIBER I. Cap. III. 29

Tam succinctè quàm artificiosè complexus est hoc carmine Rex Hæbreus, quidquid oratio attendit exigit. Primum est thymiama ipsum, thus, galbanū, onyx, stacte mastiche. Oratio, si vera sit, Fidem, Humilitatem, Charitatem, Fiduciam, Patientiam poscit.

Alterum; Thymiama templo sacrum erat, in Sancta Sanctorum inferendum. Humanus animus templum est, & Dei domus. Tarsensis Ecclesiastes id affirmans: Templum Dei sanctum est; inquit, quod estis vos. *a* In hujus templi adytis thymiama orationis incendendum.

Tertium; Summus Sacerdos thymiama obtulit: Omnes nostræ actiones & orationes omnem promerendi & impetrandi vim obtinent ab humanæ gentis summo Pontifice Christo. Hinc Ecclesia rectissimè orationibus omnibus clausulam hanc apponit: *Per Christum Dominum nostrum.*

Quartum, Thymiama ignis animat. Si carbones non vivant & candeant, nullus emergit odor, etsi plenas thuris manus in eas excutias; ita prorsus oratio frigida, oratio nulla est, quam ignis Spiritus non accendit; si desit ardor orantis, deest anima orationis.

Quintum; *Dirigatur*, inquit, *oratio mea, sicut incensum.* Ante omnia sit orantis finis sincerus, intentio recta, jugis attentio. Est, qui orat, ut spectatores aut laudatores habeat:

C 2

a 1. Cor. c. 3. v. 16, & seq. & c. 6. v. 19. & 2. Cor. c. 6. v. 16.

20 RHETORICA CAELSTIS.

habeat: Est, qui orat, dum aliò mens evelat: est, qui orat, & interim ab oratione aliena tractat; horum oratio reverà non dirigitur, sed ut fumus à vento avehitur, & dissipatur.

Cùm igitur decretum nobis sit agere de oratione attentâ, hoc quidem capite explicabimus, quid sit animi evagatio, malæ orationis principium.

§. 1.

De oratione locuturi, principio, putem, rectè quærimus: *Quid est oratio?* Damascenus ad quætionem: Oratio, inquit, est mentis elevatio ad Deum. *a* Vnicus nobis Augustinus pro mente sit, qui ad rem: Oratio tua, inquit, locutio est ad Deum: *Quando legis, Deus tibi loquitur; quando oras, cum Deo loqueris.* *b* Igitur oratio est animæ cum Deo colloquium & conversatio.

Balthasar Alvarezius vir admodum religiosus, orandi actionem describens, dicere solebat: Orare, est spiritum suum ad Deum elevare, eique res suas omnes familiariter, magnæque cum reverentiâ communicare; & majori cum fiducia quàm ullus filius erga matrem suam habere potest: & ibi omnia sua, pretiosa & vilia, parva & magna cum suo magistro ac Domino conferre; cor suum aperire, illudque totum ita effundere, ut nihil intus remaneat; illi bona

a Damasc. l. 3. de fide c. 4.

b Aug in psal. 85. missi pag. 385.

& mal
& requi
eum am
Atqu
dent,
consp
ut oleu
cogitar
velut er
evagatio
Oratio
mines la
efficac
ac sine
illud co
stingue
tem in
mendare
nare, p
halitum
tidie seip
sentiant
dum, seu
ctusque
Sed
cum Deo
mum &
quor;
sim pulv
clarum,
tissimum
suz nar

a In via
171. b

& mala, peccata & desideria, labores istos
& requiem aperiendo, sicuti solet amicus
eum amico cui fedit. *a*

Atque hoc est, quod eodices divini sua-
dent, effundere sicut aquam cor suum in
conspectu Domini. Ut aquam, ajunt, non
ut oleum, cujus pars adhæret vasi. Ergo
cogitationes omnes, cor totum à seipso
velut emigret in Deum. Si sic precaremur,
evagationes animi non metuendæ forent.
Oratio è cordis penetralibus emergens, ho-
mines latens, soli Deo patens, gratissima, &
efficacissima est. Hæc docet simplicissime
ac sincerissime cum Deo agere, & arcanum
illud colloquium optimis affectionibus di-
stinguere. Plurimum refert vel semel sal-
tem in die, ratione quâ dixi, se Deo com-
mendare suam, divinæ voluntati aggluti-
nare, perseverantiam ad supremum usque
halitum efflagitare. Hic talis Orator quo-
tidie seipso melior evadet. Quicquid de illo
sentiant homines, seu delirum, sive iracun-
dum, seu fatuum judicent, gratus Deo san-
ctusque erit.

Sed obsecro, duos optimos Oratores
cum Deo loquentes attendamus, Abraha-
mum & David Regem. Abrahamus: Lo-
quor, inquit, ad Dominum meum, cum
pulvis & cinis. *b* Exordium sanè præ-
clarum, & conciliandæ benevolentiae ap-
tissimum. Sed audiamus quam dictioni
suz narrationem, quam confirmationem
attem-

c 3
a In vitâ Balth. Alvar. cap. 25. §. 1. mibi pag.
171. *b* Gen. c. 18. v. 27.

attemperarit. Descenderunt volucres super cadavera (inquit sacer historicus) & abigebat eas Abraham. *a* Quid hoc rei? Quod novum istud dicendi genus, victimam ab avibus tueri? En Rhetor iste in actu exercito, ut scholæ loquuntur, & reipsâ monstrat, quid in oratione maximè necessariû sit, nimirum aves infestas pellere, animum ab evagationibus defendere. Pessimè sacrificat, incassum orat, qui in has curas non vigilat.

Rex David in divinis colloquiis penè assiduus: Invenit servus tuus cor suum, inquit, ut oraret ad te oratione hac. *b* Animus meus variè huc illuc vagatus diu non fuit domi, veluti columba socias secuta & seducta. Tandem rediit ad suum columbarium hæc avis, mens mea malè peregrinata domum repetiit. Quando igitur meipsum inveni, nunc orabo, nunc colloquar cum Deo: nam inveni cor meum, quod à me fugere solet, sed ego velut fugitivum sequor, & domum reduco.

§ 2.

Divinus Rhetoricæ Magister Christus aluberrimè præcipiens: Tu autem, inquit, cum oraveris, intra in cubiculum tuum, & clauso ostio ora patrem tuum in abscondito. *c* Aperto sanè ostio, vana & otiosa est oratio. Si ad pectoris tui conclave liber omnibus pateat ingressus, cessa orare, cessa,

a Gen. c. 15. v. 11.

b 2. Reg. c. 7. v. 27. *c* Matth. c. 6. v. 6.

aut

ut p
orant
stinus
strum
scienti
consci
minus
cessat
nerit,
strâ po
cordis
quia er
clauder
bolo.
tende
claude
dere o
haber v
eupis al
times al
moris er
contra d
modo ip
piendo
gehenn
intra, p
intra,
lium di
aterni
Ergo
in ipfis
mo inte
a Ephes.
mibi p

aut prius fores obsera : ostio clauso docet
 orandum præceptor è cælo. Ad rem Augu-
 stinus : Cubile nostrum est, inquit, cor no-
 strum : ibi tumultum patimur malæ con-
 scientiæ, & ibi requiescimus, quando bona
 conscientia est. Ibi est cubile, ubi nos Dō-
 minus I E S V S jubet orare. Tentator non
 cessat pulsare, ut irrumpat; si clausum inve-
 nerit, transit. Idè Apostolus, quia in no-
 strâ potestate est ostium claudere, ostium
 cordis non parietû, ibi enim & cubiculum:
 quia ergo in nostrâ potestate est hoc ostiû
 claudere. Neque detis, inquit, locum dia-
 bolo. ^a Etenim si intravit & possidet, at-
 tende, quia tu negligenter clausisti, aut
 claudere neglexisti. Quid est autem clau-
 dere ostium? Hoc ostium tanquam duas
 habet valvas, cupiditatis, & timoris. Aut
 cupis aliquid terrenum, & hac intrat; aut
 times aliquid terrenum, & hac intrat. Ti-
 moris ergo & cupiditatis januam clau-
 dere contra diabolum, aperi ad Christum. Quo-
 modo ipsas valvas aperis ad Christum? cu-
 piendo regnum cælorum, timendo ignem
 gehennarû. Per cupiditatē sæculi diabolus
 intrat, per desiderium vitæ æternæ Christus
 intrat. Per timorem poenarum tempora-
 lium diabolus intrat, per timorem ignis
 æterni Christus intrat. ^b

Ergo Deus, ut idem Augustinus asserit,
 in ipsis rationalis animæ secretis, qui ho-
 mo interior vocatur, quærendus & de-
 precan-

C 4

^a Ephes. c. 4. v. 27. ^b Aug. tom. 8. in psal. 24.
 mihi pag. 107. & in ps. 141. pag. 669.

precandus est. Sacrificate sacrificium iustitiæ, & sperate in Domino. *a* Vbi putas sacrificium iustitiæ sacrificari, nisi in templo mentis, & in cubilibus cordis. Vbi autem sacrificandū est, ibi & orandum. *b* Foris autem diximus, esse omnia temporalia & visibilia, quæ per ostium, id est, per carnalem sensum in cogitationes nostras penetrant, & turba vanorum phantasmatum orantibus obstrepunt. Claudendū est ergo ostium, id est, carnali sensui resistendum, ut oratio spiritualis dirigatur ad Patrem, quæ fit in intimis cordis. *c* Idem asserunt, quotquot è præceptoris huius scholâ prodierūt.

Ita Moses in rupe Taboreâ ad arcanam cum Christo colloquutionem admissus: Cùm, ait, quæsieris ibi Dominum Deum tuum, inuenies eum: si tamen toto corde quæsieris eum, & totâ tribulatione animæ tuæ. *d* Ita Hieremias vates Numinis vicem exhibens: Quæretis me, ait, & inuenietis, cùm quæseritis me in toto corde vestro. *e* Ita & Principes Apostoli Petrus & Paulus præcipiunt: Orationi instate, vigilantes in eâ. *f* Estote prudentes & vigilate in orationibus. *g* Res maximi momenti, eapropter tam serid commendata & præcepta.

Quid Oratio sit, satis liquet: Quid autem est mentis évagatio? Inanis, ut videtur, quæ-

a Psal. 4. v. 6. *b* Aug. tom. 1. l. de Magistro c. 1. pag. 232. *c* Idem tom. 4. l. 2. de serm. Dom. in Monte, c. 3. pag. 347. *d* Deut. c. 4. v. 29. *e* Hierem. c. 29. v. 13. *f* Coloss. c. 4. v. 2. *g* 1. Petri c. 4. v. 7.

quæsi-
non tar
nuntur
contem
Logica
est ho
ajunt
logi,
cum,
perman
Si glo
re præ
montis
terræ
manun
Deo al
cipitan
volvete

Quid
Mobil
mus qu
timus n
viâ puer
Fuit p
ita sub
dentem
submiss
mi unic
CHRIS
alterius
dem in

quæstio. Sed hujus generis plura sunt, quæ non tam quærentur ut ignota, quàm ponuntur ut magis observanda. Hominem contemplamur oculis, & tamen quærit Logica & Physica, quærit Theologia: Quid est homo? Philosophi, animal rationale ajunt esse hominem. Longè aliter Theologi, quibus homo est ipsa inconstantia, cum, Iobo teste, nunquam in eodem statu permaneat.

Si globus in summo monte incipiat ruerre præcipitem cursum non sistit, dum ad montis radices devenerit; at verò globus terræ immissus, nil fugæ molitur: cor humanum volubili globo simillimum, nisi Deo altius sese immergat, cadendi ac præcipitandi finè non inveniet; usque & usque volvetur præcipiti fugâ.

§. 3.

Quid igitur est in precibus evagatio? Mobilitas & inconstantia animi. Incipimus quidem cum Deo loqui; mox avertimus nos, & cum catello aut aliâ re obviâ pueriliter jocamur.

Fuit pictor, qui hanc animi evagationem ita subjecit oculis: Christum in cruce pendentem pinxerat. Ante hunc duo quidam submissis genibus precabantur. Ex ore primi unica eâque rectissima ibat linea ad CHRISTI cruentum latus. Ab ore autem alterius plures excurrebant lineæ, ista quidem in campos, ubi metis, venatus, agricultura;

cultura; illa in cellam vinariam descende-
bat, ubi vinum, butyrum, pomi genus va-
rium, hæc subibat hypocaustum, ubi cum
liberis uxor; alia stabulum penetrabat ad
equos; una etiam museum ingrediebatur
ad syngraphas, codicillos, numarias tesse-
ras, & aliasque litteras lustrandas.

En, quaeso, maximam orantium diversi-
tatem. Primus ille, non malus Rhetor, ora-
tioni coeptæ inhærebat, nec interruptum
deserebat opus: *b* Christum cogitabat,
Christum orabat, Christus omne illius pe-
ctus occupabat. At verò alter domi non
erat, cor suum non habebat apud se; diver-
sis quinque locis agebat, Rhetor pessimus
pessima illius oratio. Non enim aves, uti
Abraham, abigebat; cor suum, uti David,
non inveniebat. Hinc vel oculis fit fides,
quàm grave sit vitium, mentis inter pre-
candum evagatio.

Hinc etiam facillimum erit intelligere,
quàm diversâ ratione Dominicam oratio-
nem pronuntiemus. Sunt, qui eam per sal-
tus proferant, quædam transfiliendo, alia
prætermittendo.

In Brabantia, quod vetus scriptor me-
morat, cacodæmon virginem Nivellanam
miserè ac diu vexavit. Interrogatus hospes
hic orcinius, num orationem Dominicam
nôisset? Optimè agebat, scio. Ergo, recita,
dixerunt, qui adstabant. Audite saltantem
Rhetorem, ita precabatur diabolus: Pater
noster

a *Zuden Schude: Gewalts: Weyerbrieseu.*

b *Er biebe bey m Text.*

noster
& in
bita no
lo. Di
inquit
soletis.

istū
ne nos
tionum
bas ext
voces g
ta simul
linguā
hos suc

Sunt

scant.

& avar

cahis.

rit? b

quincunx

cer. c Ad

men bono

in celo

mea jam

da nobi

vix ero.

a Cesar

b J

c Sun

hunde

pfande

zu vici

die län

noster in cælis, nomen tuum, fiat voluntas & in terrâ, panem quotidianum hodie, debita nostra debitoribus nostris, nos à malo. Dixit & unâ cachinnum tollens: Ecce, inquit, ita vos orationem vestram dicere soletis. *a*

Istudne, Christiani, patimur, sic à dæmone nos rideri, nec injuriâ? Sunt, qui orationum verba celerrimè percurrant, syllabas extremas devorent, integras subinde voces glutiant, nec tam orent, quàm multa simul deblatrent. Tractum, ô boni, & linguâ non præcipitante precandum. Sed hos suo loco tangemus.

Sunt, qui precibus sancta in sancta misceant. Orationem Dominicam auri amans & avarus sic recitat: Pater noster qui es in cælis. *Nondumne adest, qui pecuniarum tulerit?* b Sanctificetur nomen tuum. *Vsura quincunx nimis exigua est; bes centesima placet.* c Adveniat regnum tuum. *Adjecto tamen hono pignore.* d Fiat voluntas tua sicut in cælo & in terrâ. *Nimis multum devorat mea familia.* e Panem nostrum quotidianum da nobis hodie. *His sumptibus diu tolerandis vix ero.* f Dimitte nobis debita nostra, sicut

&
a *Caesar Heiberb. l. 3. c. 6. de miracul. sui & vi.*
b Ist der mit dem Gelde noch nicht da?
c Fünff per cento ist zu wenig. Acht vom hundert passieren. *d* Ein guttes Bnders pfande muß darbey seyn. *e* Es gehet mir zu viel auff im Hauß. *f* Wie kan ich die die läng erschwingen.

38 RHETORICA CAELSTIS.

& nos dimittimus debitoribus nostris. *Il-
lum hostem meum in malum possumam cru-
cem.* a Et ne nos inducas in tentationem.
*Crai apud generum meum conviva ero, ita
parcam vino meo.* b Quæ hæc oratio, quinam
intercalares versus istæ ?

His talibus suspiriis & gemitibus preces
nostras distinguimus.

§. 4.

Narrat Humbertus, fuisse hominẽ bonæ
mentis. Hic cùm fortè fortunâ templum
transiret a sino vehens, descendit, & jumẽ-
to ad templi fores alligato, ingressus est, ut
iter suum impensius DEO commendaret.
Dum precatur, antequam orationem do-
minicam semel duntaxat absolveret, plu-
rima occurrunt à precibus aliena. Illud
præcipuè: Quid si aliquis jumentum sol-
vat, & clam abducat? quomodo viæ reli-
quum confecerim? sed & illud cogitavit:
Me miserum, asinus meus precari me non
finit. Egressus igitur hoc jam egit, ut asi-
num venderet. Satius esse ratus asino ea-
rere, quàm offensum habere Deum. c

Isidorus Pelusiota hominem illum cen-
set audacissimum, qui Deum patrem appel-
lat, & nil minùs facit, quàm quod decet
filium

a Ey an Galgen mit dem Böschwiche.

b Morgen ist ich zu Gast auß / erspar als
so ein seßlin Wein.

c Humbert. in Reg. S. August. c. 5.

filium. Dicit quidem: *Sanctificetur nomen tuum*; ille ipse tamen quotidie, & horis pænè singulis divinū nomen verbo violat. *Adveniat regnum tuum*; cogitationes interrim impurissimas, Venerem & orcum olentes, in animo nutrit. *Fiat voluntas tua*. Ipse nihilominus sui sensus & cerebri homo vix unquam vult, quod vult Deus. *Panem nostrum quotidianum da nobis hodie*; cum tamen insatiabilis sit vorago, nec victum querat, sed opes & divitias, & datis à Deo utatur contra Deum. *Dimitte nobis debita nostra, sicut & nos dimittimus*. Impudentissimus mortalium veniam petit, ipse inexorabilis perstat, & vel digitulo ictus, ignem vomit, gladium stringit, patibulum minatur, in minimas sevit injurias. *Et ne nos inducas in tentationem, sed libera nos à malo*; Risum teneamus amici: hic homo vult à malo liberari, nullam interim mali aut peccati occasionem vitat. Non nescit, quo loco pudicitia, quo sobrietas, quo castitas periculum adeat, id tamen non declinat: Ludat & jocatur cum Deo. Ita oramus, & simul nescio quæ somniamus: Psalmo percurrimus, orationem Dominicam aliquoties raptim convolvimus. *Querat quis non immeritò: Quid orásti? Nescimus ipsi, imò dubitamus, an dixerimus, quæ diximus.*

Adversus hos oratores Deus jam olim gravissimè questus per Isaiam: *Appropinquat populus iste ore suo, inquit, & labiis suis glorificat me, cor autem ejus longè est à me.* a Christus Dei filius idem per Mat-
a *Isa. c. 29, v. 13.* shxum

40 RHETORICA CAELESTIS.

thæum quæritur: Populus hic labiis me honorat, cor autem eorum longè est à me. & Luscinia inter complures corvos non potest placere cantu, linguæ inter tot animi evagationes, placere non potest oratu.

Fit nonnunquam in pagis, ut unicus ludimoderator inter duos tresve solùm puerulos stet ad grande pulpitem, sacerdoti respondeat, hymnum Angelorum, & Apostolorum symbolum cantet. Hem quàm insuavis Musica! sed longè insuavior est illa, eùm lingua sola labris tantùm adjuvantibus orat, aut cantat; lingua velut organum Musicum est, addendum cor, aliàs ruff canus ille labiorum ac linguæ concentus, Deo minimè probabitur.

§. 5.

Miratur è purpurato senatu Bellarminus Theologus, quomodo DEVS rem tam indignam toleret: Ecce, inquit, loquimur cum Deo; & statim ab imaginatione ad aliã cogitanda tracti, tergum Deo vertimus. Quis nostratium dominorum ferret famulos suos secum loquentes, continuò se neglecto ad famulandum cum consèrvis averti? *b*

Idem admiratus Augustinus: Tolerat Deus, inquit, tot corda precantium, & diversas res cogitantium: omitto dicere, & noxias; omitto dicere aliquando perversas &

a Matth. c. 5. v. 8. *b* Bellarm. in *Ascens. mentis in Deum gradu* 14. c. 2. *mibi pag. 321.*

& inimicas Deo: ipsas superfluas cogitare, injuria est ejus, cum quo loqui cœperas. Oratio tua locutio est ad Deum. *a* Attentionem Deus & diligentiam in rebus omnibus amat, maximè verò in precibus. Quis enim est homo, ait idem Augustinus, cum quo si amicus ejus cœperit colloqui, & noluerit ille respondere colloquutioni ejus, & viderit eum averti à se, & aliud loqui ad alium, qui hoc ferat? Aut si fortè interpellas judicem, & constituas eum loco, ut te audiat, & subito, cùm ad eum loqueris, dimittas eum, & incipias fabulari cum amico tuo, quando te tolerat? *b* Vir quidam sanctus seipsum admiratus: Ah Domine, inquit, quantum patior, cùm stans in oratione cogito de cœlestibus, & statim se mihi offert integer cogitationum carnalium exercitus?

Idcirco quod Ephrem monet: *c* Arguat seipsum homo; & ipse sibi dicat: Vis loqui cum Deo? attende sis, Vis audiri? te ipsum prius, quid loquaris, audi. Nec sic prope-res, ne frustra ores.

Turpissimum est, si quis profiteatur se scribam, versus tamen flexuosos & curvos pingat, plurimas lituras faciat, chartã atramento spargat, multa eradat, & pænè plura deleat, quàm scribat. Hic scriba imperitissimus, est homo in oratione non attentus. En lineas curvas & inæquales, en caracte-res

a Aug. tom. 8. in Psalm. 85. ante medium mihi pag. 385. *b* Idem ibid. *c* Ephr. tom. 2. de panoptiã spiritali.

42 RHETORICA CAELSTIS.

res deformes, en tot alienas, tot impuras cogitationes, en tuam orantis oscitantiam; nam dum oras modò circumspicis, modò garris, modò dormis, sic magnam partem deles, aut eradis, quod scribis.

Monitum vetus & optimum est: Agenda bene age. ^a Quod hìc cum primis valeat Vis orare? rectè ora. Non linguam solùm, sed & animum ad preces evoca. Augustinus id præclarè docens: Cùm laudatis Deum, inquit, toti laudate, cantet vox, cantet vita, cantent facta. Toti Deum laudate. Noli bonæ cantilenæ tuæ obstrepere moribus malis. Oratio bona, sed mala est evagatio in oratione. Idem Cyprianus seriò commendans: Incumbere, inquit, ad preces toto corde debemus; nec quicquam tunc animus, quàm id solùm cogitet, quod precatur. Quæ autem segnities est alienari, & capi ineptis cogitationibus & profanis, cùm Dominum deprecaris, quasi sit aliud, quod magis debeas cogitare, quàm quod eum. Deo loquaris? vis Deum esse memorem tui, cùm tu ipse memor tui non sis? ^b Maxima pars orationis, attentio.

^a Was du thuen wilt / das thue recht.]

^b Cypr. l. de orat.

CAPVT IV.

*Evagationum animi quanam origines
sint remota?*

Hebraeus vates Elias (quod Regum fasti memorant) cum Baalis sacrificulis, sacrificando certans, ædificavit altare in nomine Domini, fecitque aquæ ductum in circuitu altaris, in quo ligna composuit, divisitque membratim bovem lignis imponendum, iussitque omnem victimam perfundi aquis tertium. Ipse demum Elias holocaustum oratione animans: Domine Deus, inquit, ostende hodie, quia tu es Deus Israel, & ego servus tuus. Exaudi me. Domine, exaudi me. a Mox ignis supernè ruit, & victimam cum lignis & saxis consumpsit. Hoc altari Eliæ academia quædam pro insignibus suis utitur, cum inscriptione LITATVR. Inferiùs adiectæ voculæ, NON ALIVNDE.

Hac profectè imagine oratiæ, de quâ loquimur, insignis ob oculos constituitur, Cor hominis cæantis est altare. Ligna, præparatio ad orationem. Victima, oratio ipsa. Defluentes aquæ, cogitationes alienæ, sed repulsæ. Ignis, orâdi ardor. Hinc è cælo accensus aquas exsorbet. Ita LITATVR b consumptis Evagationum aquis. Diximus superiori capite, quid sit animi Evagatio, seu

a 3. Reg. c. 18. v. 32. & seqq. b. Hoc est, perfestè sacrificatur.

44 RHETORICA CAELSTIS.

seu usitatâ voce, Distractio. Iam porrò illarum quinque origines, quas vocant, remotas, declarabimus.

§. 1.

Mentis inter orandum evagationes, minus quidem venustâ, sed ceriè propriâ voce *Distractioes* dicimus. Hæ namque sunt, quæ miseram mentem, velut Metium Suffetum quadrigis in mille partes distrahunt. Hoc igitur minus Latinum, sed huic rei magis cõgruum vocabulum non aspernabimur.

Prima igitur Distractioinum origo, *Sollicitudines & Cura*. Quisquis voluntatem suam non integrè conformat ad divinam, vix unquam sine distractionum vehementi fremitu orabit. Is siquidem non inquietus tantum atque sollicitus, sed & anxius, Deo nõ satis nec ex integro fidet, omnia suis laboribus tribuet, semper agens & fatagens, aliis atque aliis curis semper exæstuans. Hinc oratio minimè attendita.

Christus verè cælestis Rhetor, contra sollicitudinum tumultus septemplici argumento pugnat per Matthæum Evangelistam. Demum concludens: Nolite ergo, inquit, solliciti esse. *a* Idè ingerens Paulus: Nihil, inquit, solliciti sitis, sed in omni oratione & obsecratione petitiones vestræ innotescant apud Deum. *b* Non vos morbi, non egestas, non infamia, non carceres, non
exilium,

a Matth. c. 6. v. 31. *b* Philôp. c. 4. v. 6.

exilium, non ipsa mors angat. Et ejus rei causam apponit: Dominus enim prope est. Immortalis remuneratio, æternitas beatissima brevi se vestris infundet brachiis. Hæc curas pellat, & animum erigat ad futura. Plurima levissimum quid est, & volat etiam, cum vento agitur: at pluma madefacta & levitatem perdit & volatum: sic & animus humanus in altum evolare, cælum petere facillimus, cum autem curis & sollicitudinibus vanis madescit, cum cibum & potum, vestem & habitationem assidue cogitat, volare desinit, jamque miserè prægravatus in terrâ repit. Idcirco Christus providè monens: Attend te vobis, inquit, ne fortè graventur corda vestra in crapulâ & ebrietate, & curis hujus vitæ. *b* Aut orare non sinunt, aut non bene.

Corbiacensi monacho Leonardo, dum oraret, serpens in sinum correpsit. Hinc ille usque ad eum non expavit, ut immobilis persisteret, dum precum finem fecisset. Precibus finitis tortuosum insidiatorem ultrò allocutus: Quid tibi vis hospes, agebat, & quid in me licentiæ à Domino accepisti, exere, tuæ me potestati non subducam. At anguis sicuti orantem non terruit, sic etiam pati omnia paratum non læsit.

Voluntas humana cum divinâ conformis, & animus Deo fideus non unum tantummodò colubrû, sed totum colubrorum agmen facilè contemnit; sollicitudinum &

cura-

a Vide Casianum Collat. l. 9. c. 4.

Luc. c. 21. v. 34.

curarum morsibus nunquam conficitur, omnem enim sollicitudinem & curam projecit in eum, cui fedit, quem adorat.

§. 2.

Altera distinctionum origo, est *Otium*, quod duplex. Aut nihil agere, aut agere, quod pejus sit Otio. Occupati nobis nunquam videmur, cum longè sanctiùs feriamur. Est, cum tempus ad templum vocat, at nos ne nihil agere videamur, chartis ludere, per fenestras prospicere, transeuntes numerare, aut otiosissimè confabulari, vel calicem ducere, ac poculis certare instituimus. Et hæc negotia dicimus. Teste Cassiano priscorum Ascetarum in Ægypto dictum solenne fuerat: *Qui laborat, ab uno diabolo; otiosus à sexcentis, ab innumeris diabolis exagitur.* a Chrysofomus super instituendâ oratione disserens: Non dormientibus nobis, inquit, dat auxilium Deus, sed laborantibus. Nam adjutor non est otiosi, sed ejus qui ipse quoque operatur. b Ad orationem rectè perficiendam singulari opus est gratiâ quam Deus cessatoribus, ludionibus, fabulatoribus, saltatoribus largiri non potest.

Salomon otiositatis malum ostensurus; Per agrum hominis pigri, ait, transivi, & per vineam viri stulti, & ecce totum repleverant urticæ, & operuerant superficië

ejus

a Cassian. l. 10. Colat. sac. c. 23. b Chryf. hom. 21. in epist. ad Ephes. in fine.

ejus spinæ. *a* Mens hominis otiosi velut hortus incultissimus lappas, lolium, urticas, adulterina semina, gramen inexpugnabile, herbas sterilissimas gignit. Et quomodo tandem hic homo rectè orabit? Nimirum, cum dormirent homines, venit inimicus homo, & superfeminavit Zizania. *b* Vbi otium, ibi satanæ lucrum maximum; otiosus, diaboli theatrum.

Optimè dixit Cassianus: Mens otiosi nihil aliud cogitare novit, quàm de escis ac ventre. *c* Experimento autem probatum est, acediæ impugnationem, non declinando, sed resistendo superandam.

Veteri apologo fertur rusticus cum curru & bobus luto altiùs hæsisse. Hic miser circumspicere, caput scabere, malam fortunam accusare, adjutrices manus expectare, pectus plangere, demum in genua ruere, & dextram Herculis implorare. Adfuit vocatus Hercules, sed hominem increpitans: O piger, inquit, sic currum non extrahes: Abi, manus admolire, boves urge, currum promove; ita dii aderunt vocati, & juvabunt; pigros non juvant.

Non solis profectò precibus agitur, laborandum est; neque verò solis laboribus quicquam proficitur; precandum est. Pigre otiosi, & rectè orare nullâ unquam amicitia poterunt conjungi. Iurati hostes sunt otium & oratio.

Ad otium spectant cognata duo vitia:
Intem-

a Prov. c. 24. v. 30. *b* Matth. c. 13. v. 25.

c Cassian. l. 10. Collat. sacr. c. 6. med.

48 RHETORICA CAELESTIS.

Intemperans sonnus, & neglectus ordo. Quies corporis permittenda, sed moderata; prolixior somnus nec salubris, nec honestus. Optatum p bulum est pigrity, in multam lucem stertere. Nec praclarum aliquid expectes ab homine somni amante. Quot horarum somnus permitti possit, aetas & valetudo interroganda. Eadem lex omnibus non potest figi. Sapientum haetenus sententia fuit, septem horarum spatium, veram somni mensuram esse homini adulto. Heu miseri! vix quartam partem vitae nostrae vivimus: si dematur quod mensae, quod relaxationi, quod colloquiis, otio, lusibus, somno conceditur, vix demum pars quarta vitae remanebit. Ita vir octogenarius viginti annis vixisse dici poterit.

Idcirco somnus & animi relaxatio, non quantum placet, sed quantum satis est, idque ad dimensionem adhibenda. Nam uti de pecuniis male vel bene expensis, ita & de his ratio reddenda est Deo. Pessimè ratiocinor, si dicam: Mea est haec pecunia, prout volo, eam expendo. Nec multo rectius dixerim: Mihi dormio, mihi vigilo, ergo quantum lubet, dormiam. Fatuum enthymema. Nam uti jactura est, aliquot florenos dilapidare, ita dispendium est pecuniaria jactura gravius, aliquot horas superfluo somno perdere. Brevi aderit iudex, qui imperet: Redde rationem villicationis tuae.

Alte-
a Vide Prodromum Aeternitatis c. 1. §. 36.

Alter
ordo d
nistrada
ac neces
ri, stat
cubitum
canand
dum.
gnat.
facit or
Rex
tentus,
ces effu
dixi tibi
confitea
Principi
curis ad
tribus t
sua, &
Deo suo
Ergo cu
deratio
gimus.

Terti
negatio
raonen
audisse
re, &
quit, o
plurimi
a Psalms.
v. 10

Alterum, quod otio faveat, neglectus ordo & confusio est. In re familiari administranda non pulchrum tantum, sed & utile ac necessarium est, suo quævis tempore fieri, statæ sint horæ, quibus surgendum & cubitum eundem, quibus prandendum & cœnandum, quibus laborandum & orandum. Vbi ordo exulat, ibi nec oratio regnat. Immoderatio vitæ non solum malam facit orationem, sed sæpe nullam.

Rex David gravissimis regni negotiis attentus, de die nihilominus septies in preces effusus; Septies, inquit, in die laudem dixi tibi. *a* Sed & mediâ nocte surgebat ad confitendum Domino. *b* Daniel è summis Principibus regis Darii, suis potissimum curis administrabat regnum, nihilominus tribus temporibus in die flectebat genua sua, & adorabat, confitebaturque coram Deo suo, sicut & antè facere consueverat. *c* Ergo cui curæ ac cordi est oratio, immoderationem vitæ oderit & otium. Sed pergamus.

§. 3.

Tertia distractionum origo est, *Confusa negotiorum moles*. Diabolus hac in re Pharaonem æmulatur. Ægyptius rex iste cum audisset Israël's populum sacrificia cogitare, & abitum moliri: Opprimantur, inquit, operibus. *d* Ad hunc omnino modum plurimi merguntur luto, & occupationum mole

a Psalm. 118. v. 164. *b* Ibid. v. 64. *c* Dan. c. 6. v. 10, *d* Exodus. 5. v. 6.

mole sic obruuntur, ut aut tempus, aut certè animus non habeant orandi. Hinc illæ voces eorum: orent monachi; crebris ego precibus invigilare non possum. *a* Ita tres illi ad epulum grande invitati, se ad eò non vacare aiebant, ut nec epulo quidem interesse permissum duxerint. Huic quidem boves, isti villa, uxor tertio tantum temporis non videbatur permittere, ut ad instructissimam cenam se sisteret. Non aliter illi, qui rariùs orant, se ipsos divinis colloquiis excludunt, paulatim non nisi terram & carnem sapiunt, in rebus salutis insensiles fiunt, homines aridissimi, qui licet in templo sint, eis tamen fabulari suavius est, quàm precari. His jure merito quotidie occinendum: *Quid* prodest homini, si mundum universum lucretur, animæ verò suæ detrimentum patiatur? Aut quam dabit homo commutationem pro animâ suâ? *b* Et si horis singulis philippeos decem lucrari queat, quid tum? veniet horula, quæ omnem negotiorum molem & quicquid lucri congestum excutiet manibus, velis nolis vacandum est morti: nisi fortè tu solus negotiorum mole sis repulsurus mortem? sed constat hæctenus mortaliū nemini defuisse spatium moriendi. Negotia igitur sic tractanda sunt, prout nos divinus Paulus instruit: Hoc itaque dico, fratres, tempus breve est: reliquum est, ut qui utuntur hoc mundo, tanquam non utantur, & qui

a Ich kan dem ding nit abwarten.

b Math. c. 16. v. 26.

emunt
min
nia ag
nus (u
licita e
unum
præsti
Deum
Supr
sam in
tus in
lavit:
sum i
cæde
puit,
oper
Mar
rima
suffoc
pendi
munu
ipse i
Ca
has n
tibi i
Ez
duxe
gen
Hic
sedu
tis. a
rum
a. i. c.
e

emunt, tanquam non possidentes. *a* Homines ejusmodi πολυπράγμονες, & omnia agentes sæpius cogitent, quod Dominus suæ hospitiæ dixit: Martha, Martha, sollicita es, & turbaris erga plurima. Porro unum est necessarium. *b* Finem scilicet sibi præstitutum assequi, & per Dei laudes ad Deum ascendere.

Supremus rex non nisi ob graviorē causam ingeminat voces. Mosen, cum ille totus in pascuis conquirendis esset, compellavit: *Moses, Moses*. Samuelem soporemersum inclamavit, *Samuel, Samuel*. Saulum ad cædes properantem duplicatâ voce corripuit, *Saule, Saule*; ita Christus Mattham ab operosâ nimium sollicitudine revocans: Martha, Martha, inquit, turbaris erga plurima. Sollicitudo non vexat solum, sed & suffocat; non vult Deus iis animum impendi, quæ ipse non imperat. Sed hoc mihi munus, inquis, commisit Deus, hoc onus ipse imposuit.

Cave Deum falsò accuses, quòd ille in has negotiorum voragine te adduxerit: tu tibi ipse dux fuisti.

Ezechielem olim Angelus in aquas perduxerat, quæ primo ingressu talos, deinde genua, umbilicum denique contigerant. Hic vetuit eum cælestis ductor progredi, & seduxit illum, & convertit ad ripam torrentis. *c* Si te, quisquis es, occupationum tuarum aquæ, ad usque umbilicum sepeliant,

D ohe

a I. Cor. c. 7. v. 29. & seqq. *b* Luc. c. 10. v. 41. & 42. *c* Ezech. c. 47. v. 6.

ohē satis est: si pleramque omnem diem negotiis assignes, non aded reclamabimus; sin autem nihil orationi, nihil Deo tribuas, ohē nimis exiguum est. Hęc demonis ingeniosa vafrities est, quos otio non potest, negotiis à Deo avertit.

Ioannes Cassianus immodicas occupationes perstringens: Probatissimus seniorum, inquit, cuiusdam fratris cellam transiit, viditque astantem illi æthiopē. Hi duo junctis consertisque manibus saxum gravi malleo eontundebant. Monachus aliquoties malleum ponere, & ad orationem redire cogitārat, cū cum æthiops denuō ad opus animans injuriam laboris non sentire jussit. Miratus senex impigerrimam diaboli vafritiem, & istud ipsum tugurium ingressus: Quid operis, ait, hęc urges? Cui monachus: Durissimum, inquit, hoc saxum aptamus fabricę, vixque illud secare potuimus. Has voces senex continuō excipiens: Bene dixisti, ait, vix potuimus. Nam solus non eras, cū illud cāderes. Et unā exposuit, quem vidisset ejus operis adstare socium, monuitque gravissimē ne sua seria ludo, ne orationem labori, nec cælum posthaberet tartaro. *a* Laborandum quidem, sed absque orationis dispendio; ita deinceps Martham ageret, ne Magdalenam excluderet. Suum omnibus tribuendum tempus. Subinde nimios labores tam esse noxios, quā nullo.

Et videte lacrymabilem Salomonis ruinam. Post extuctū templum, nescio, quas
a Cassian. coll. 9. c. 6. initio. mo-

mo
regiu
solium
vagus
positus
& Dei
ta cog
vata.
Quo
teipsum
vires &
Altera
tis om
has illa
ita di
subtra
a Sa

Quar
fabulati
admod
perdit
tus pre
rit. Ple
fabul
menter
dum t
quia
quis su
sed mar
paullō
sterfas

molitiones alias exorsus, domum saltus, regium pratorium, custodiam armorum solium orbi admirandum struxit. Accessit vagus fœminarum amor: his curis extra se positus conscientia rationes conturbavit, & Dei gustum amisit. Hinc sensus multa cogitans ac depressus, & anima aggravata. a

Quocirca duas tibi ulnas porrigo: unã teipsum & injunctum tibi munus, ad tuas vires & ad animi tui salutem commetire. Altera æternitatis ulna est, hãc rebus creatis omnibus studiosè applica. O quantum has illa excedit! vide igitur, ut tuos labores ita dispenses, ne orationis pensum Deo subtrahas, & beatam æternitatem perdas.

a Sap. c. 9. v. 15.

§. 4.

Quarta distractionum origo, sunt *Confabulationes & colloquia supervacanea*. Quem admodum nobile uagentum odorem perdit, si pyxidi operculum desit, ita spiritus precum evanescit, ubi os sine lege garrat. Plerumque frigent orationes, ubi calêt fabulæ & vani sermones. Si otium humanã mentem sic afficit, ut ea penitus ad orandum torpeat, quantò magis prava colloquia preces turbabunt & impedient? Si quis supplicum advolvatur tibi ad genua, sed manibus attrectet sordidissimis, quas paulò antè merferit luto, & necdum absterfas adferat, cæremoniã iis adhibiturus &

D 2

factu.

facturus delicia; quis hunc talem oratorem à se non repellat? Hoc Chrysoſtomus explicatiffimè tradens: orandum quidem tibi eſt, inquit, ſed non ſordido, neque ita deturpato. Ingemiſce, largas effunde lacrymas, miſericorditer pauperibus de tuis offeras, ſi injuriatus cuiſciam eſ, ſatisfaciàs abundè, reconcilia te illi, & ne magis oratione tuâ Deus irritetur, deterge linguam oraturus. Nam ſi quis pedes tuos manibus ſtercore ſordidatis tangeret ſupplicando, non modò non exaudires, verùm etiam calcibus expelleres. Quomodò igitur audes hoc modo Deum orare? nam qui orat, quaſi manu linguâ utitur, qua genua Dei ſupplicando attingit. Nolite igitur illam maculare, ne Deus ad vos dicat: Si multiplicaveritis deprecationem, non exaudiam vos. Magis igitur quàm pupillam oculi linguam tuam cuſtodias. *a*

Non minùs præclare dixit Beda: Multum juvat orationis puritatè, ſi in omni loco vel tempore, nos ab actibus temperemus illicitis: ſi ſemper ab otioſis ſermocinationibus auditum pariter caſtigemus & linguâ: quæcunque enim ſapius agere, loqui, vel audire ſolemus, eadem neceſſe eſt, ſapius ad animum, quaſi ſolitam propriamque recurrant ad ſedè: & ſicut ſues immunda volutabra, columbæ limpida ſolèt frequentare fluentia; ſic animum cogitatione impuræ inquinant, ſanctæ ad orationem excitant. *b*

a Chryſ. tom. 2. hom. 52. in c. 15. Math. mihi pag. 386. *b* Beda de templo Salomon

Ve
ve pra
qua.
ante ip
ter ex
ram,
ceſſe
recon
les or
oratio
præce
in ſup
quid
ante
extru
tatio
a. Ca

Qui
ritudo
affectu
huic
dicer
plenu
melle
omn
teſt
orar
Inc
lettu
mere
mati

Vt igitur rectè colloquaris cum Deo, cave præmittas prava cum hominibus colloquia. Nam talis in ipsâ eris oratione, qualis ante ipsam fueris. Quod Cassianus insigniter executus: Quidquid ante orationis horam, inquit, anima nostra conceperit, necesse est, ut orantibus nobis per ingestionem recordationis occurrat. Quamobrem quales orantes volumus inveniri, tales nos ante orationis tempus præparare debemus. Ex præcedente enim statu mens atque animus in supplicatione formatur. Et idcirco quidquid orantibus nobis nolumus, ut irrepât, ante orationem de abditis nostri pectoris extrudere studeamus. a Evagantium cogitationum mater, confabulatio.

a. Cass. coll. 9. c. 3. med.

§. 5.

Quinta distractionum origo, *Animi amaritudo, ira, tristitia, odium, similesque vitiosi affectus.* Pura oratio mel est è cælo, ut igitur huic melli sit locus, fel expue. Augustinus dicere solebat: Vides, quia cor tuum vas plenum est felle; idè si cupias id impleri melle, necessarium est, ut priùs effundas omne fel. Os plenum pulte, loqui non potest, cor plenum amaritudine non potest orare.

Incredibile dictu est, quàm noxium sit valetudini, mensam accumbere, & cibos sumere, dum vel gravior tristitia, aut inflammatorius ira, aut potentior ejuscemodi mali-

gniorque affectus hominē exercet, eo namque tempore alimentum transit in venenū, & quod cibus esse creditur, virus est. Tunc igitur longē satius, impransum & incensum perdurare, quam corpus opplere cibo mox transiuro in toxicum.

Haud aliter animus affectione deteriore occupatus, seu illum ira & excandescencia, seu mœstitia, seu ambitio, seu libido, sive avaritia, sive alia eum amaritudo inficiat, non sine noxâ orabit. Cùm enim oratio sit animæ refectio, amaritudine vacet animus, si sit nutriendus. Propterea Christus affectu simili laborantem ab altari removens: Relinque, ait, ibi munus tuum ante altare, & vade prius reconciliari fratri tuo. ^a

Animus tali amaritudine infectus nil bonę orationis stillabit. Vis ali melle? fel prius evome. Pone iram, libidinem abdica, teque ab omni amaritudine expurga. Quod & Paulus graviter præcipiens: Volo viros, inquit, orare in omni loco, levantes puras manus, sine irâ & disceptatione. ^b Non bene conveniunt, nec in unâ sede morantur oratio pura, & affectio malignâ. Nequit curari vulnus, dum aut glans plumbea, aut ferri cuspis, aut integrum telum hæret in vulnere; hæc prius extrahantur, dein cataplasma parti læsæ accomodetur: ita etiam si vel apicula reliquerit aculeum in membro, quod faucia vit, aculeus antè auferendus, quam illiniendum oleum: pari prorsus modo, quamdiu amaritudo ulla cor insederit, tam-

^a Matth. c. 5. v. 25, ^b 1. Tim. c. 2. v. 8.

tamdiu fragrantissimum orationis unguentum nil proderit. Puræ manus in oratione levandæ sine irâ & disceptatione.

Quisquis igitur rectè orare desiderat, vanas sollicitudines repellat, otium fugiat, negotiorum mole se opprimi non sinat, optimas horas non gerris & nugis frangat, animum ab omni maligniore affectu liberum adferat. Ita LITATVR, Hæc sacra his constant impendiis.

CAPVT V.

Evagationum animi quanam origines sint propinqua.

LVcianus tam suorum irrisor, quàm Christianorû, fingit Deum supremum Iovem, ad ingentem cæli fenestram horâ unâ quotidie adsidere, suiq; copiam facere, dicturis partibus aut aliquid rogaturis. Quisquis opportunam hanc horam aucupari novit, & suam facere, quicquid rogat, impetrat; qui horâ hanc neglexerit, verba precésque incassum fundit. Cùm autem Iupiter non certam servet horam, incerta verò sit hominibus ignota, inde fit, ut paucissimorum preces sint ratæ. Ita prisca hoc fabularum involucro sapienter monuerunt, horis omnibus orandum, quando non constet, quâ horâ Deus statuerit aures orantibus dare.

Deus noster Rex cæli & terræ horis omnibus, interdiu noctuq; paratissimas nobis

58. RHETORICA CAELESTIS.

dat aures, nec tantum audit quod petimus, sed & petitionibus nostris annuit, modò non noxia petamus, nec inhonesta. Porro illud præcipue nobis spectandum, ut loco Deum opportuno adæamus. Hoc aio: locuturus cum Deo, Deum sibi statuatur præsentissimū, nec ab eo quem rogat, oculos unquam, quantum fieri potest, amoveat. Hic impetrandi modus est opportunissimus: hoc oculis divinis placet. Atqui hoc oratio minus attentam nequam observat, hinc iure fert repulsam. De oratione hac cœpimus verba facere. Explicatum est, quid oratio, quid in oratione distractio, quæ distractionum remotæ sint origines. Nunc porro quotuplex distractio, & quæ distractionum propinquæ sint origines, explicandum.

§. 3.

A Theologis passim triplex statuitur evagatio seu distractio, *Invita*, *Negligens*, *Voluntaria*. Prima dicitur *Invita*, cum orantem aliæ quidem atque aliæ cogitationes turbant, sed invitum & reluctantem. Nam hic talis quam primum animadvertit in animū suum cogitationes à precibus alienas inserpere, mox eas repellit & excutit, nec sine dolore ac gemitu. Non facile peccat, qui tam sedulo adversus satanæ suggestiones vigilat.

Illam *Negligens* vocatur, cum quis oscitanter orat. & remisso animo, cogitationū suarum pessimus custos. Quod inde fit, quando
 animum

animu
 rius e
 ut hæc
 plo de
 det ag
 rum h
 cio ta
 modò
 grave
 jam it
 dissim
 tumq
 que d
 lut ur
 Non
 & oc
 rede
 quide
 fungit
 gitor
 distrac
 dormi
 illas
 verat
 conat
 autem
 gravi
 Ter
 pñe
 sed in
 mus
 nes se
 sed ill

a Roma

animum ad preces non præparat, neque ferius est, in re tam seriâ, non enim laborat, ut hæc precum impediméta rejiciat. Exemplo demonstratur id, quod dicimus. Adfidet agrotto famulus, qui muscas abigat. Verùm hic muscarum Vaspasianus a sub officio tam leni paullatim niçtare incipit, & modò muscarium flabellum tollit, modò graves oculos claudit, & toto annuit vultu; jam iterum movet brachium, sed languidissimo conatu, jam iterum dormitat, totumque ruit oppressum somno caput; jamque denuò evigilat, & flabellû concutit, velut uno spiritu jugulaturus omnes muscas. Non diu durat hic impetus; brevî & manus, & oculi, & caput in somnum defluunt, ita redeunt muscæ, unde fuerant abactæ. Hic quidem fugat muscas, & non fugat; officio fungitur, sed pigerrimè; adeoque non fungitur: ita prorsus qui orat, nec tamen in distractiones impigrè pugnat; ita bonus dormitat Homerus, & modò has, modò illas cogitationes in animum illabi non vetat: resistit subinde aliquantulum, sed conatu flaccido & inertî: ita vincitur. Quò autem est major hæc negligentia, tantò gravior, ea tamen plerumque non letalis.

Tertia distractio dicitur *Voluntaria*, cùm pænè sola garrît lingua, mens domi nõ est, sed in omnes Orbis partes evagatur. Pessimus hic orator alienas quidem cogitationes sentit, sed non rejicit; videt hostem, sed illi sese non opponit: diaboli suggestio-

D 5 nes

a Romanus hic Cæsar muscas configere solebat.

60 RHETORICA CAELESTIS.

nes satis advertit, sed eas non excutit; cum Deo loqui & orare creditur, sed ille cum quibusvis transeuntibus fabulatur. Hoc grave delictum est, & naturâ suâ letale. Quisquis enim sic orat, quid oret ignorat, atque sic debitam Deo reverentiam negat. Hinc Theologorum scito, qui die festo tam alienus à precibus, aut in iis tam vagus rei divinæ interest, aut preces ex debito recitandas sic fundit, obligationi non satisfacit. Atque hæc distractionû differentiæ sunt. Origines earum propinquas subjungimus.

§. 2.

Prima distractionum propinqua origo est, *Licentia exteriorum sensuum, præcipuè oculorum.* Attentè orare non cogitat, qui oculos non cohibet dum orat: Nam sicut

Incustoditum captat oculo lupus:

ita profus incustoditam nõ difficulter expugnat mentem diabolus. Et quomodo cogitationes intra cæcellos coërceri poterût, si emissicii oculi toto oberrèt templo? Præceptum Domini est: *Clauso ostio, ora Patrem tuum.* Parum est ostium claudere cubuli, si non etiam claudas januam animi. Christus à cruce rediivus ad discipulos suos ingressus est, sed januis clausis. Gemini oculi duo cordis ostiola sunt; si cupis, ut cor tuum subeat divina gratia, para hospitium, & gemina claude ostiola. Non aliâ lege Christum impetrabis hospitem.

Sed

a Matth. c. 6. v. 6.

Sed
 6 animi
 lanciam
 sus velu
 evolare
 files hos
 est, an
 claudar
 abiant
 tius, qu
 Deo lo
 Hic op
 natura
 do, me
 Cur
 brefac
 secus
 mularu
 trarent
 que flu
 exempli
 quisqu
 ctus ev
 non i
 sensus
 animan
 trinsec
 Prisc
 Aman
 surdus
 oculos
 imagin
 a Diag
 v. 14

Sed ô curiositas, ô humanæ gentis vitiû,
 ô animi levitas, ô nobilis ad omnem petu-
 lantiam præsultrix! Vos oculos quaquãver-
 sus velut pyrobolos & nitratos radios, a
 evolare finitis, turpi magisterio. Non mis-
 siles hos ignes poscit oratio. Cùm orandum
 est, animus ignescat, & in altum evolet;
 claudantur oculi, & intra suas se caveas
 abdant, tunc enim mens tantò cernit acu-
 tius, quantò minùs cernunt oculi. Elias cû
 Deo locuturus, *Operuit vultum suum pallio.* b
 Hic optimus orantis habitus est, velo, quod
 natura dedit, operire oculos. Nihil viden-
 do, meliùs videmus, quem adoramus.

Cur Deus, obsecro, Arcam à Noëmo fa-
 brefactam, tam intrinsecus, quàm extrin-
 secus bitumine liniiri voluit? c Ne for-
 tè rimularum aliquid reperirent aquæ & pene-
 trarent. In mundo velut in diluvio, mediis-
 que fluctibus versamur; heu quantum prav
 exempli auribus, quantû oculis haurimus;
 quisquis Noëmum imitari, & diluvii flu-
 ctus evadere, Deoque se conjungere cupit,
 non interiores tantùm, sed & exteriore
 sensus solertissimè custodiat; arcam suam
 animam suam bitumine divini timoris in-
 trinsecus & extrinsecus liniat.

Prisci Patres in Ægypto dicere solebant:
 Amans orationis homo, cæcus, mutus &
 surdus sit. Cæcus sit, ut vel clausos habeat
 oculos, dum orat, vel in Christi aliãve sacrâ
 imagine defixos. Mutus sit, ut nullos peni-

D 6 tus

a *Magelle. b 3. Reg. c. 19. v. 13. c Genes. c. 6.*
 v. 14.

62 RHETORICA CÆLESTIS.

tus sermones cum homine misceat, dum Deum alloquitur: turpissimum est, & intolerabile, colloquia divina confabulationibus humanis confundere. Surdus, ut quod vel domi, vel in templo importuni strepitus est, velut non audiendo transmittat.

§. 3.

Altera distractionum propinquior origo est, *Libertas & licentia sensuum interiorum*, Intellectus, Voluntatis, & Memoria; maxime verò imaginationis, & phantasia. Maximæ artis est, phantasia velut canem rabiosum, aut draconem alatum alligare vinculis, & stringere catenam. Imaginatio plurimum oranti nocet, si non rationis legibus veluti clathris cohibeatur. Quâ de re, si quisquam, præclarissimè Bernardus: Multarum, inquit, rerum imagines & phantasias clausis oculis video, eaque invitus tolero. Inde est, quod sæpe mihi nocuit mortifera delectatio, quæ ex recordatione præteritorum peccatorum nasci solet, sed maxime ex recordatione libidinis. Hæc enim pestis, quod præ ceteris vitiis est mihi familiarior, ed ad nocendum proclivior, & ad repellendum difficilior. Nam cum eam repellere volo, nolenti mihi se ingerit blandè onerosa, displicendo placens, & placendo displicens. Subtiliter intrat, & mentem occupat, & nisi subito repellatur, allicit, & incendit, & quasi virus pestilentiæ, per totum corpus paulatim se diffundit. Cogitationes
pravas

pravas multiplicat, affectiones malas generat, delectatione illicitâ mentem afficit, & ad consensum pravitatis animum inflectit, omnesque animæ virtutes corrumpit. Hâc peste cum adstrictus teneor, divelli ab eâ vix possum, quoniam stimulos ejus confiteri aut nescio, aut erubescio: tam subtiles & turpes sunt:

Addit: Audi ergo, piissime Deus, confessionem meam, & respice ad pietatem tuam. Audi, quàm sæpe de memoriâ meâ te expulit irruens turba plurimarum cogitationum, quæ velut plebs ad aliquod spectaculum solent effluere in cor meum. Ad secularia revocant, mundana inferunt, voluptuaria ingerunt, illecebrosa contextunt, ipsoque in tempore, quo levare mentem meam ad te paro, inanibus cogitationibus infectus, ad terrena plerumque dejicior: cogitanda cogito, & cogitata recogito, & eadem iterum atque iterum replicare non cesso. Ita mens mea semper mobilis & numquam stabilis, semper vaga & velut ebria, per diversa distrahitur. Graviter pecco, cum cor meum derelinquo, quoniam gravis jactura est, quæ per negligentiam fit. Ita peccandi consuetudine etiam cum nescio, pecco, & cor meum, cor vanum per infinita deducitur, & in multa desideria dividitur. ^a

Nostras hîc agit partes Bernardus, & velut in theatro graphicè representat hominem negligenter orantem. In quo plurimum

^a Bern. l. de interior. dom. c. 29. mihi p. 1073.

rimum semper delinquit imaginatio. Hæc instar vagi pueri est, qui dum in cathedrâ Magister Tullium aut Maronem prælegit, ipse interim cucurbitas, & quidquid vult nugarum, pingit; præceptoris dicta surdis transmittit auribus: ita imaginatio nugas diversissimas solet pingere, dum animus orationi studet vacare. Astringe certis vinculis imaginationem, si fructuosam cupis esse orationem.

§. 4.

Tertia distractionum propinquior origo, *Actiones orationi non congrua.* Qui facit sub oratione, quod eam turbet ac impediat, is hoc agit, ut mentem ab orationis sensu abducatur. In multis actiones hominis & curæ dividi possunt. Fuerunt, qui septem simul amanuensibus & scribis dictarent, fuerunt qui pluribus: Equitare simul & fabulari, non incommodè plurimi sciunt. Ipse meis oculis spectavi hominem, qui simul & fistulam inflaret, & tympana pulsaret, & libum manducaret. Sunt, qui tonsori simul & negotiis dare operam possunt. Ex archimagiris non nemo est, qui duas pultes eodem coquat pultario. ^a Sunt, qui audire simul & scribere nōrint. Sunt è furaci Mercurii tribu, qui nō imperitè simul & furari, & humanissimè colloqui sciunt, sunt, qui eruditè simul & canere, & organis

^a Zwan Mues in einer Pfannen kochen / ist ein Kunst.

nis lud
dere,
alios
Orare.
mul cu
centi
conjur
pore si
Ger
etiam
ris fort
hoc rit
ceum p
nitur,
lis in
sustent
mutat
lacte
reat in
Haud a
loco ut
modò a
cifficud
modò
tis ob
afficere
nocere
prehen
est. Er
oras,
adversa
a Ein
auff
den

nis ludere didicerint. At verò preces fundere, ejus generis labor est, ut vix ullos alios labores unà secum exerceri velit. Orare ac simul circumspicere, orare & simul cum alio fabulari, litteras legere, dicenti attendere, nunquam nisi pessimè conjunguntur; hæc uno eodemque tempore simul fieri non possunt.

Germanorum mos est in pagis, & verò etiam in urbibus, inter opifices & tenuioris fortunæ homines, pulsem avenaceam hoc ritu comedere. Illud, quod dixi, avenaceum pulmentum, in mensæ plano deponitur, hoc ferculum tripus ferrea sed gracilis inumbrat, quæ catinum lacte plenum sustentat. Qui mensam accumbunt, vicibus mutatis cochlear jam avenaceâ pulte, jam lacte mergunt, *b* ut si fortè pultis quid hæreat in gutture, lac habeat pro vehiculo. Haud aliter orant aliqui, dum cochlearis loco utuntur linguâ, sed eâ modò Deum, modò alloquuntur homines miserabili vicissitudine, modò precatorium libellum, modò alienam formam aspiciunt alternatis obtutibus. Atqui hoc est Deum injuriâ afficere, aliis pernicioso exemplo, sibi ipsi nocere nil impetrando, nisi justissimam reprehensionem. Nullius pretii hæc oratio est. Ergo quod sæpiùs monebimus, cum oras, totus ora, & actiones alias orationi adversarias procul amolire. Plurimû facit,

a Ein gesottnen Haber sampt einer Milch auff einem Dryßuß. *b* Ein Schuß um den andern.

66 RHETORICA CÆLESTIS.

qui, quod faciendum est, bene facit; satis laborat, qui rectè orat.

At subinde in templo sumus, sed orare non lubet. Non nimium hîc urgebo fastidientem. Hoc moneo, figat oculos in imagine piâ, sacras ceremonias expendat, Ecclesiæ cantum attendat.

Hîc pace vestrâ dixerim, ô Musici, nunc templis cantâdi genus dominatur novum, sed exorbitans, concisum, saltariorum, & parùm profectò religiosum, theatro aut choreo *a* convenientius quàm templo. Artificium quærimus, & perdimus priscum precandi ac cantandi studium; curiositati consulimus, sed reverà negligimus pietatem. Quid enim novitia hæc & tripudians cantandi ratio, nisi comœdia est, in quâ cantores, veluti actores sunt, quorum modò unus prodit, modò duo, modò simul prodeunt omnes, & modulatis vocibus colloquuntur; mox iterum unus triumphat solus, ceteris brevî secuturis. Quòd si cantores nec ab arte, nec à voce multum commendati sint, & nihilominùs novos hos cantandi dialogos sectari velint, insuavem prorsus Musicam efficiunt. *b*

Crebræ sunt in Italiâ comœdiæ, quæ voce tantùm modulatâ, soloque cantu peraguntur: iis simillimus est hic musteus cantandi modus, qui specie rarioris artificii,

a Tanzboden. *b* Non omnem novæ inventionis Musicam damnamus, sed eam potissimum, quæ quod imitari cupit, imitari tamè nescit, artis aut vocum penuriâ.

facris
nov
ut ea
cere
Musici
ter (&
sed e
stidi
seco
sacrâ
vinus
quæ e
gantu
quid
cleus
sunt
est ch
re; i
sympl
talibus
quod
Æ
nus P
anim
cithar
rint,
aut q
vocer
Ita &
mani
do se
aera
Ea

a i. Co.

facris ædibus infert comœdias. Adeone nova omnia tam pulchra sunt & honesta, ut ea iure omnibus & ubique debeant placere? Fuerunt ævo superiore præstantissimi Musici, sed reverà, vel vobis testibus ii aliter (& liceat dicere) religiosius cecinerunt: sed eorum libros Musicos vestrum jam fastidium pridem sepelivit. Reviviscat, obsecro, saltem aliquid priscae religiositatis in sacrâ Musicâ. Quod si cordi est & curæ divinus honor, hoc agite viri, hoc laborate, ut quæ cantantur, verba, simul etiam intelligantur. Quid mihi varius in templo sonus, quid multiplex concentus, si desit ei nucleus, si sensum & verba, quæ concentu sunt instillanda, percipere nequeam? Aliud est choreis, aliud Christianis sacris accinere; illis satis est symphonia, in his etiam symphonix sensus desideratur. Nimirum talibus flabellis excitanda est pietas, ut quod canitur, etiam cogitetur.

Æquissimum hoc Ecclesiæ votum divinus Paulus approbans: Quæ, inquit, sine animâ sunt vocem dantia, sive tibia, sive cithara, nisi distinctionem sonituum dederint, quomodo scietur id, quod canitur, aut quod citharizatur? etenim si incertam vocem det tuba, quis se parabit ad bellum? Ita & vos per linguam (*per cantum*) nisi manifestum sermonem dederitis, quomodo scietur, id quod dicitur? eritis enim in aëra loquentes. *

Ea igitur sit templorum Musica, quæ
oratio-

orationem non turbet, sed excitet & accendat.

§. 5.

Exposuimus distractionum origines; rem oculis nunc subjiciemus. Bernardus, quem paulò antè diximus, matutinis precibus intererat magno religionis sensu. Hic illi Deus cernenda objecit, quæ nullius oculis patebant. Vidit vir sanctus juxta singulos suorum stantem Angelum, qui tantâ scribebat accuratione, ut videretur nec voculam, nec syllabam omissurus, quam non solerter exciperet. Omnium tamen Angeli diversâ prorsus ratione scribebant. Hi quidem auro exarabant verba; isti argento; aliqui atramento; quidam etiam aquâ characteres non conspicuos formabant. Alii demum Angeli nil penitus scribebant, sed ex toto feriabantur.

Hæc autem interpretatio visi est. Quorum Angeli pingebant auro, ii hoc uno desiderio æstuabant, quàm integerrimè Deo servire; hoc scilicet agebant, quod agebant, hoc cogitabant, quod cantabant. Bernardo teste, Tunc veraciter oramus, quâdo aliunde non cogitamus. Illorum verò Angeli scribebant argento, quorum intentio in divinis seruitiis erat sincerissima: minis quidem prioribus ardebant in divino cultu, sed tamen ardebant. Quæ Deus omnia ad libellam habet examinata. Attramento utebantur Angeli apud eos, quorum voluntas non aded prava fuerat, actiones autem non

ab

a Bern. l. de Inter. domo. c. 48.

ab ar
bant.
ii desic
tumultu
te aliò
ganum
dit in
res A
vanis
nesciel
nihilon
resistit
quem
Hic
plum:
modo
num a
omnin
sunt in
foves
fateri d
bi sugg
pore
Aliud
verba
attende
tus, o
ciens, c
& pers
peccata
Cor
a Diega
abgel
med. mi

ab ardore animi, sed à consuetudine prodibant. Apud quos Angeli scribebant aquâ, ii desides, & aut somno, aut cogitationum tumultu pleni, in oedeo erant corpore, mente aliò evagabantur. Mens eorum sicut organum Musicum, a quod symphoniam perdit in frigore. Illi denique quorum tutelares Angeli à scriptione penitus vacabant, vanis ac noxiis cogitationibus pleni, non nesciebant, se à precibus aliena cogitare, nihilominus huic cogitationum æstui non resistebant: cor eorum longè fuerat ab eo, quem lingua nominabat.

Hic jure quis nostrum examinet seipsum: Quid tuuscribit Angelus, aut quomodo scribit? num argento, num auro, num attramento, aut fortassis aquâ, num omnino feriatur? Quæ tuæ cogitationes sunt inter precandum? quomodo bonas foves, quomodo repellis malas? An non fateri cogaris ac dicere, quod Bernardus tibi suggerit dicendum? In choro sum corpore, & in aliquo negotio sum corde. Aliud canto, & aliud cogito. Psalmodiæ verba profero, & psalmodiæ sensum non attendo: sed mente vagus, habitu dissolutus, oculis attonitus huc & illuc prospiciens, quæcunque ibi geruntur, perlustro & perspicio. Væ mihi, quia ibi pecco, ubi peccata emendare debeo. b

Cor hominis puticula carnis exigua est,
quæ
a Negat das nit gestimbt/ oder in der fâste
abgelassen. b Bern. de Inter. domo c. 33.
med. mili pag. 1076.

70 RHETORICA CAELSTIS.

quæ vix falconi sufficiat in prandium; huic tamen cordi, prò totus non sufficit orbis. Multi de se dixerint: Alas non habeo, volare tamen non cesso, corde solo in omnes orbis partes excurro, imaginatione & phantasiâ ubique prævolante.

Hos animi vagos excursus; hos mentis domesticos tumultus optimè Bernardus exprimens: Sæpe, ait, aliquâ injuriâ commotus, meis cogitationibus & tumultibus in corde premor, hincque sollicitus & cæcus occasione vindictæ, de acceptâ injuriâ tumeo. Consilia multiplico, & nihil aliud nisi jurgia quæ adsunt, corde præfugio, præsentem video (*ea vis imaginationis est*) absentibus contradico, intra memetipsum contumelias profero, & recipio, receptis autem durius respondeo. Cùmque qui obviet, nullus adsit, rixas in corde propono, insidias invidentium discutio, & quæcunque contra me movere possunt, penso, exquiro, quid respondeam, & cùm nullam rem teneam, litigo vacuus labore: sicque diem in otium, noctem verò in cogitationem verto, torpeo ab utili opere, quoniam fatigor illicitâ cogitatione; ita mens secum interiùs pugnat, cùm menti homo repugnat. Hæc omnia imaginatio, & phantasia scelerum incentrix, incredibiliter auget. Ideò Bernardus prioribus dictis adjungens: In corde, inquit, servo depicta ea quæ feci, ideò temporalium rerum tumultus in corde versare non cesso, cùm vaco, operor. In cogitatione enim comedo cùm

jejuno,

jejuno
tranq
huc i
a Bern

H
serva
oranc
nes un
lum c
runc
est a
toru
Quam
fenti
Sontu
cem h
est. b
homo
cans, f
nis, ne
Al
da et
Deo
Millia
millie
gites
rum h
homo

a
teu
b

jeiuno, loquor cum taceo, irascor, cum sum
tranquillus, corpus requiescit, & animus
huc illucque discurrit. *a*

a Bern. l. de Conscientiâ mihi pag. 1100.

§. 6.

Hic triplex Documentum studiosius ob-
servandum. Primum est. Tanto ardentius
orandum, quanto vehementius distractio-
nes urgent. Perinde uti fieri solet, cum cæ-
lum omne cietur tonitru, quanto enim
tunc sævior est tempestas, tanto copiosior
est æris campani pulsus. *a* Augustinus mul-
torum languidissimis precibus ingemiscens:
Quam multi, ait, deprecantur Deum, nec
sentiunt Deum, nec bene cogitant de Deo.
Sonum deprecationis habere possunt, vo-
cem habere non possunt, quia ibi vita non
est. *b* Æsonans, aut cymbalum tinniens,
homo orans, nec mentem orationi appli-
cans; sat vocis & verborum, non sat attentio-
nis, nec satis bonorum desideriorum habet.

Alterum Documentum. Consideran-
da est innumera multitudo Angelorum
Deo semper assistentium. Canit Daniel:
Millia millium ministrabant ei, & decies
millies centena millia assistebant ei. *c* Co-
gites tecum mi homo: Sat in cælo aulico-
rum habet Deus, à quibus laudetur: & ego
homunculus vilissimus prorepro, cupioque,
ut

a Je zorniger das Wetter ist / je ernstlicher
teutet man zum Wetter.

b Aug. tom. 8. in Ps. 139. c Dan. c. 7. v. 10.

ut ad dictionem meam rex cæli attendat, & ego ipse non attendo ad ea, quæ dico.

Nostrates aulas, obsecro, inspiciamus, & Legatorum in iis orationes. Stat Princeps auditurus, adest in obsequium Principis tot nobilissimorum hominû corona, prodit legatus, attentio summa, incipit fari, dicendo progreditur, solum oculis gerit Principem, ad causam verò sibi commissam attentissimus, nihil nisi ex preparato & verbis conceptissimis proloquitur.

Et nos quid? & quomodo? Prodimus locuturi cum Deo, quem millia millium & decies centena millia Angelorum cingunt, quorum vel unus Imperatoribus omnibus præferendus est, nos tamè tam frigidè, tam remissè ac segniter causam nostram agimus, velut eam ultrò prodituri. Heu quàm in rem nostram non vigilamus! Hic assiduè, si uspiam clamandum, ATTEN-DITE.

Tertium, Æternitas perpetuè cogitanda est, ita mens faciliùs se vinciri patietur. Quem enim modò adoramus, eum totis æternitatibus laudare cupimus. Hâc horâ, inquit Bernardus, quâ oras, ô quanti cum Deo loquuntur, eumque in semetipsis amplectantur? Tu verò æternitatis immemor, in his delectaris, quæ pereunt & transeunt, & tecum manere non possunt. Quàm multi jam æternitatem inchoârunt, quibus si daretur hæc horula ad agendam pœnitentiam, quàm ardentibus votis ante aras se prosternerent orantes, suspirantes, plorantes

tes

res
hic
reat
folto
Hæc
trans
lignit
mob
tion
gaud
num
a C
b B

Prep

N

verit
cere,
eluv
stitui
sacri
est
Fit
Irus
sus, c
satur
cârque
hoc
a G

res ad impetrandam misericordiam; & tu hic veluti jocularis? Si amor non teneat, terreat timor. Animæ mors est, inquit Chryostomus, non provolvi ad Dei genua. *a* Hæc autem, eodem Bernardo teste, vera est tranquillitas, cum tota mens in seipsâ colligitur, & in uno Æternitatis desiderio immobiliter figitur. Debet proinde fluctuationem cordis restringere, & ad unius veri gaudii desiderium, cogitationû & affectionum motus colligere. *b*

a Chryf. tom. 5. l. 1. de orando Deo.

b Bern. de Inter. domo. c. 40. & c. 63.

CAPVT VI.

Preparationem ad præcepti necessariam esse, & que sit preparatio remota.

NOëmus Arcæ fabricator, carcerem pænè annum, cum pauculis suorum inter feras toleravit, sepultus veriùs quàm mortuus. Vbi ex hoc seu carcere, seu sepulchro in auras emerfit, Orbis eluvione finitâ, sacrificium aſertorisuo instituit. Id Deo plurimùm placuisse, codices sacri testantur hoc encomio: Odoratusque est Dominus odorem suavitatis. *a*

Fit nonnunquam, ut Codrus aliquis aut Irus famelicus, culinam opulentam ingressus, carnis esse odorem, dum ea veru versatur ad ignem, totis hauriat naribus, dicâtque: hoc mihi thymiama gratissimum, hoc mihi thus, hoc stacte & casia est.

a Gen. c. 8. v. 21.

Dúm-

Dumque has narium delicias avidè trahit, pasci videtur ac refici.

Tam acceptum Deo fuerat Noëmi sacrificium, ut ipsum etiam odorem illius tanquam optimum laudaret, & quasi attraxerit: Odoratus est Dominus odorem suavitatis. Ne miremur; summo se studio Noëmus præparavit ad has religiones obeundas. Nam ædificavit Noë altare Domino, & tollens de cunctis pecoribus & volucribus mundis, obtulit holocausta super altare. *a* Hic multâ opus fuerat industriâ & præparatione, tam in aræ structurâ, quam in delectu animalium.

Verùm Christianæ gentis sacrificium est, Oratio; hæc autem bona non erit, si desit ei præparatio, de quâ duo nunc exequamur; primò necessariam esse omnino præparationem: Deinde, quæ remota sit præparatio, exponemus.

a Gen. c. 8. v. 21.

§. I.

Oraturus se præparet, aut malè orabit. Quod Siracides fidelissimè monens: Ante orationem, inquit, præpara animam tuam, & noli esse quasi homo, qui tentat Deum. *a* Quis citharædus fidibus canit, & fides non prius temperat? Quis in confessu gravium virorum perorat imparatus? Non inertos orationi, quæ immediatè funditur. *b* Chry-

a Eccl. c. 18. v. 23.

b Hat weder Hand noch Fuß / was unbedacht sam geredt wird

LIBER I. Cap. VI. 75

sofomi monitu. *a* Vide, quis roges? quem roges? & quid roges? Quis? homo vermiculus, pulvis, umbra, nihil. Quem? Deum, cæl. terræque Dominum, qui potest & animam & corpus perdere in gehennam. *b* Quid? & animi & corporis salutem, beatitudinem æternam.

Plurarchus censet à Numâ rege monitum illud profectum: *Adoraturi sedent.* Sedere, est omnem animo seditionem, ac tumultum cogitationum excludere, & uni Deo, cum quo loquendum, attendere. Ita David rex sedit coram Domino. *c* Prisci sacra facturi per præconem promulgari jubebant: HOC AGE. Quo dicto tam sacerdos quàm quivis alius sacris operaturus monebatur, id serid ageret, quod agendum esset.

Deus olim Mosen ad colloquium evocaturus Ascende, inquit, ad Dominum tu & Aarona, & Nadab, & Abiu, & septuaginta senes ex Israël, & adorabitis procul. Solusque Moses ascendet ad Dominum, & illi non appropinquabunt; nec populus ascendet cum eo. Surrexerunt Moses, & Iosue minister ejus: ascendensque Moses in montem, senioribus ait: Expectate hinc, donec revertamur ad vos. Cùmque ascendisset Moses, operuit nubes montem, & habitavit gloria Domini super Sinai, tegens illum nube sex diebus: septimo autem die voca-

E

vit

a Chrysof. tom. 2. hom. 9. in Matth. initio. *mi-*
hi pag. 1015. *b* Matth. c. 10. v. 28.

c 2. Reg. c. 7. v. 18.

76 RHETORICA CAELSTIS.

vit eum de medio caliginis. *a* Ne Moſen cum Deo collocaturū conites turbarent, relinquuntur à tergo; inſuper omnia involvuntur tenebris, ut tantò mens collectior fit, quantò minùs oculis permiſſum pluribus occupari.

Orator coram Turcarum Imperatore cauſam acturus, per plurima conclavia deducitur, in ſingulis geſtu ſupplicij, ſubmiſſis humi genibus, reverentiam tanquam adverſus Imperatorem præſentem adhibere cogitur, ſi quidem ad Imperatorias aures admitti velit. Et nos abſquè omni præparatione irruimus locuturi cum Deo, verè quaſi homines, qui tentant Deum.

Hac de re Thomas Aquinas graviter pronuntians hiſ iſſis verbis: Ille, inquit, qui ante orationem animam ſuam non præparat, dimittendo ſi quid adverſum aliquem habet, vel aliàs ad devotionem ſe non diſponendo, non facit, quod in ſe eſt, ut exaudiatur à Deo, & idèd quaſi interpretativè tentat Deum. Vnde etiam hujusmodi tentatio irreligioſitatis ſpecies eſt. *b* Deus ſingulorum hac in re conatum penitiſſimè ſcrutatur: Præparationem cordis eorum audivit auris tua Domine. *c* Quiſquis imparatus orat, homo eſt, quaſi qui Deum tentat. Præcepit ergo Deus, ut preces inſituri, ad illas nos præpararemus.

Orare, omnium laborum reverà graviffimus

a Exodi c. 24. v. 1. & 2. & v. 13. ac ſeqq.

b S. Thom. 2. 2. q. 97. art. 3. ad 2.

c Pſal. 10. v. 17.

mus, & maximè serius labor est. Sunt plurimi labores, qui sanè non magnâ egent preparatione. Faber malleum aut limam, sutor cheleuma ^a & subulam capit; sartor acum & filum, tonsor pectine.n arripit & forcipem; comesturus cochlear, bibiturus calicem sumit, ita quivis horum ad suum laborem satis accinctus est. At verò precaturus, nequaquam satis ad precandum paratus est, si libellum sumat precatorium. Industriâ hîc majore opus est & paratu. Pila ludere, equum agitare, librum lectitare, quâ horâ vis, potes: orare amplioris est moliminis.

Sunt quædam laborum genera, quæ cibo non præmissis difficillimè peraguntur. Zythepse, cùm triticum tostum versant, ^b ante lucem prandeat, aut jentant; messorum antequam falcem insegerem mittant, matutino prandio labores fulciunt. Orationem ordiri cogitas? præpara animam, & noli esse quasi homo, qui tentat Deum. Beatus Abbas Agathon dicere solebat: Alius alio labore robustior, omnium robustissimus est, orare. Sic est profectò. Idèò Siracides: Præpara, inquit, præpara animam tuam ad orationem, ut ea par sit tam serio labori. Quocirca omni modo ad orandum opus est præparatione. Nam quales, ut Cassianus loquitur, orantes volumus inveniri, tales nos esse oportet ante tempus orandi. ^c

E 2

Præ-

a Draet. b Die Bierbrenn wann sie das Matz
ruhren. c Cass. l. 10. sacrar. collat. c. 14.

§ 2.

Præparationem porrò duplicem statui-
 mus: Remotam & propinquam. Remota
 gemino hoc scito explicari potest: *Cave pi-
 cem, & Non neglige vestem.* Duo hæc oranti
 necessaria. Primum est: Cave picem. Cur
 ea sit caverda, causam Ecclesiasticus assi-
 gnat: *Qui tetigerit picem, inquinabitur ab
 eâ.* ^a Multum fecerit, qui manu picem tra-
 ctaverit, & manum à sordibus servaverit
 immunem. Atqui beatus Paulus levare vult
 puras manus in oratione. Ideirò quisquis
 cupit seridè orare, nulli rei creatæ cor suum
 sinat adhærescere: liberrius sit orantis
 animus, non auro, non hominum ulli ag-
 glutinatus. Perinde ut esse solet unius die-
 culæ aut noctis hospes. Est subinde diver-
 sorium vile, mensa tenuis, lectus rigidus,
 cetera omnia incommoda: id autem hospes
 tantopere non curat; seipsum his solari so-
 let: Toleremus hæc nocte unicâ, cras alibi,
 & forsan meliori loco erimus. ^b Quod si
 diversor hospitium reperiat lautum, men-
 sam instructam, selecta fercula, nobile vi-
 num, mollem lectum, cauponè humanum,
 suavem somnum, nihilominus die altero
 rationes poscit, & iter ad destinatū locum
 convertens; Vale hospes, inquit, vale hospi-
 tium. Et illum, & istud laudamus, sed aliò
 tendimus. Haud aliter Christianus Orator
 tam expeditæ mentis sit, ut solùm suspiret

^a Eccl. c. 13. v. 1.

condi-

^b Heut hier, morgen anderswo.

LIBER I. Cap. VI. 79

conditorem : Quod si mens hominis , ulli conditæ rei adhæreat affixa, illud ipsum cui adhæret, sub oratione recurret, & orantem turbabit. Dominicum illud longè certissimum : Vbi est thesaurus tuus, ibi est & cor tuum. ^a Quod amas, hoc cogitas, cum oras. Excute amorem, & excussisti cogitationem.

Fuit sacerdos, quod Theologus narrat, qui domi suæ convivium celebraturus, coeto pretiosiores pisces non sine anxiam sollicitudine præ cæteris commendavit, industriam singulari coquendos. Hæc una piscium parandorum cura, mille curarum prægnans mater, convivatorem in plurimas cogitationes distraxit, ne fortè cocus pipere aut sale nimio, aut forsan nimis exiguo condiret pisces, ne aut nimis diu admoverentur igni, aut æquo citius subtraherentur, ne jure nimium largo aut non grato perfunderentur. Interim ad rem divinam abiit sacerdos, sed mente vagus, corde aridus, curis distractus, culinam mersus. Dum actione mediâ est, quæ cælo calentes & igneos posscebat affectus, ille deproperare verba, nec cogitare aliud, quàm suæ culinæ pisces: nec tamen ejuscemodi cogitationes cohibere. Ergo adest fuliginosus ex orco cocus, & cacabum ab igne raptum cum piscibus ad aram deferens: O cocce, inquit, non presbyter: en pisces, en salem, condi ut lubet. Sic irrisâ sacerdotis supervacaneâ curâ, evanuit. ^b Si hæc cacodæmoni potestas sapius

^a Matth. c. 6, v. 20.

^b Ioan. Maior in speculo, mihi pag. 586.

80 RHETORICA CÆLESTIS.

cōcederetur, quoties diversa hæc exclamaret: ô amator, ô mercator, ô caupo, ô venator, ô argentarie, ô equiso, a quid jam Veneris aut Mercurii sacra, quid vinum aut pecuniam, quid equos aut canes animo verfas? Memento cum Rege te loqui, non Hispaniæ, sed cæli & terræ. At hæc, inquis, dum oro, identidem recurrunt. Tu ipse in causâ es: cur antequam orares, his rebus animum affixisti? quid mirum, si jam avelli non possis?

a D Kramer/ D Hofenschler/ D Butler/ &c.

§. 3.

Isidorus Pelusiota humanæ socordiæ succensens: Risu, inquit, profectò dignus es, mi homo (quem ego quo nomine appellem; nescio, dum stuporem tuum reprehendo) quando precaris: Confige timore tuo carnes meas. Eorum enim est hæc precatio, quæ quod in se est, conferunt, & jejunt, & suâ sorte contenti, parvòque beati vivunt, eaque ratione carnis exultantem lasciviam castigant, & compescunt, quiq; cælitus opem & auxilium suæ exercitationi mitti postulant. At illis minimè convenit, qui, quemadmodum tu facis, crapulâ in modicâ corpus saginant, & variis deliciis petulantiam tantùm abest, ut repriment, ut potius excitent cuticulâ bene curatâ.

Addit idem. Omnes homines ita sunt affecti, ut illis studeant & opitulari, & attendere, quos viderint nequaquam dormientes, neque ignaviæ deditos; sed qui ipsi

ipfi se
sunt
rum n
timor
tu pos
nullâq
rabile
voto t
itaque
que a
quæ s
Qu
lüm
homi
perit
mus
lans
sine
tet te
vis va
nus
esse
patian
impli
sexce
oras
press
Na
Mach
ut et
que t
num
a Isid.
b Tho

ipsi se præparant, & instruunt, & prompti sunt ad officii partes peragendas. Tu horum nihil facis, & tamen clamas: Confige timore tuo carnes meas. Quâ igitur fronte tu postulare audes, ut dum ipse dormis, nullâque salutis tuæ curâ tangeris, insuperabile auxiliû cæleste ad te advolet? Cùmq; voto tuo frustraris, id ægrè fers. Præcedant itaque ea, quæ tuarum sunt partium, quæque à te exiguntur, & tunc demum ea, quæ sunt auxilii divini, subsequantur. *a*

Qui rogat, quæ facere non vult, non solum homines, sed ipsum quoque Iudicem hominum conatur fallere. Tu ergo rebus perituris noli cor apponere. Religiosissimus scriptor hoc ipsum monitum instillans: Esto purus, inquit, & liber ab intus, sine alicujus creaturæ implicamento. Oportet te esse nudum, & parum cor gerere: si vis vacare & videre, quàm suavis sit Dominus. *b* Observa illud, quod moneris, liber esse sine alicujus creaturæ implicamento. Si patiaris maligniore affectu vel unico te implicari, jam actum est, jam vincus es, sexcentas tibi cogitationes ingeret, dum oras, unicus hic affectus, nisi eum prius represseris, quàm ores.

Narrat Cassianus integerrimum senem Machedem, eam à Deo gratiam impetrâsse, ut etiamsi sacra colloquia diem noctemque totam protraherentur, à somno tamen nunquam expugnaretur; quàm primum

E 4 sermo-

a Isid. l. 4. epist. epist. 2. 4. & 17.

b Thom. de Kemp. l. 2. lmit. Christi; c. 8.

82 RHETORICA CAELSTIS.

sermone misceretur vani, protinus in somnum solveretur. Ad hunc ipsum senem Machetem grandis epistolarum fasciculus à parentibus & cognatis è provinciâ Pontimissus est, cum per quindecim annos utrimque silècium tenuisset. Hic senex apud se deliberans: Quantarum, inquit, cogitationum tumultus hæc mihi lectio concitabit, cum intellexero, quid parentes agant, quid cognati, quid noti alii. Et ista me vel ad inane gaudium, vel ad inutile tristitiam impellent. Et quot diebus tot nugarum memoria orationis tenorem interturbabit? Quanto tempore tot ingestarum rerum velut offam soporiferam dirigere non potero? Quanto labore tranquillitatè per hæc perditam non reparabo? admissis vel semel tot politicorum hominum sermonibus, occurrant ea omnia, quæ pridem deserui, notorum vultus animo inhærebunt: & nunquid incesset me desiderium ad eos revivendi, & colloquendi cum ipsis? Quid demum juverit, solo mundum corpore deseruisse, si ad eundem animo recurram? Heu quam malè reviviscit, qui bene fuerat mundo mortuus! Hæc secum volvens: Quid diu, inquit, hæreo? quin unâ liturâ deleo tot turbatrices epistolas. Dixit, & fasciculû prout ligatus erat, in ignem projiciens: Ite, inquit, cogitationes patriæ, hic pariter ardet. Mea pluris interest attètè orare, quàm tot vanis salutationibus attendere. Hoc certè Machetes fortiore fecit dexterâ, quàm fuerit illa Mutii ardenti faculo admota.

a *Cassian. l. 5. instit. c. 32.*

Gem

Geminum prorsus in beato Ignatio, Societatis IESV Parente, cernere est. In cubiculo clausis foribus orantē janitor accessit, litterarum fascem traditurus: Semel iterūque pulsanti nihil responsum est. Cū molestus esse pergeret, & crebrius more consueto fores obtunderet. Ignatius pandens ostium: Ecquid, mi frater, ait, tibi vis? Cui janitor: En litteras, Pater, qui eas huc tulit, è patriā tuā dicebat allatas. Et unā litterarum fascem in manus patri tradidit. Huic Ignatius: Bene est, ait, & mox ostio iterum clauso, quidquid epistolarum fuit in proximum caminum (hiems erat) cremandum generosissimā manu abiecit, & cōtinuō ad interruptam orationem rediit.

Ergo cave picem, & à rebus creatis, quantum potes, animum avelle, ut is, tantò evolet sublimiūs, quantò minus ab infimis detinetur

a. Ribaden, l. 5. vit. S. Ignatii c. 1. propius finē.

§. 4.

Alterum præparationis remotæ documentum: *Non negligē vestem.* Qui orare instituit, amicus Dei sit, & gratiæ divinæ cyclade privatus non sit. Quis enim hostem capitalem benevolē audiat? Est, qui mihi supplicet, sed ego illum cane pejus & angue odi, quid impetrabit hic orator? odium auget. Eodem modo cubiculum aliquis, aut templū ingreditur laudaturus Deum, & petiturus quippiam à Deo. Heus bone,

E 5

quid

84 RHETORICA CÆLESTIS.

quid agas, vide. Num in gratiâ es? vox divina te ferit: Nomen habes, quòd vivas, & mortuus es. *a* Amici priùs fiamus: tolle impium adversùs me bellum, & mecum in gratiam redi, dein ad sis laudaturus, aut petiturus aliquid à me. Non est speciosa laus in ore peccatoris. *b* Oratio grata est, sed ab amico, non ab hoste. Quemadmodum non conveniunt scabiosæ manus, & aurei in digitis annuli; pileus pertusus & plumis ornatus; sacculus holosericus & cuprei in connumuli, *c* pretiosissimum vinum è malis punicis expressum & picata lignea capendo, *d* curvæ ac repandæ tibix, & ocreæ candidæ: ita non est speciosa laus in ore peccatoris. Psallite Domino sancti ejus: *e* non hostes ejus. Nam rectos decet collaudatio. *f* Eam ob causam in lege priscâ sacrificium pro peccato ceteris premissi solitum *g* Ita sentiens Alphonsus Tostatus Præsul Abulensis: Vt Deo, inquit, accepta sint posteriora sacrificia, oportet, ut illud primum præmittatur, tanquam dispositio ad alia. *h*

Ita profus non consultum tantummodo, sed & necessarium, ut oraturus, delicti tamen sibi conscius in se dolorem concitet, per actum contritionis, ut vocant hoc modo: *Mi Deus, ego te summum bonum offendi, sed doleo ex animo: ignosce, Fermisimè*
statuo

a Apoc. c. 3. v. 1. *b* Eccli. c. 15. v. 9.

c Rufenhaller. *d* Verpichte hützigine Bier's stitz. *e* Psal. 29. v. 5. *f* Psal. 32. v. 1.

g Exod. c. 5. v. 7. & 8. *h* Abul. q. 2. in Exod.

statuo non peccare amplius. Aut brevissimum illud usurpandum: *Deus propitius esto mihi peccatori.* a Qui tale quid precibus præmittit, vestem non negligit, sed sui accusationem velut togam induit. Et reverà iustus, Salomone teste, prior est accusator sui. b

Est genus colubrorum, qui venenum ponunt, cum fontem adeunt ad extinguendam sitim: Non aliter qui ad CHRISTVM misericordiæ fontem properat, virus peccati prius excutiat, & tum demum bibat: sic impetrabit, quod rogaverit. Clemens Alexandrinus hoc ipsam explicans: Precatio, inquit, cum Deo conversatio & colloquio est, ac proinde inter familiares & amicos fieri debet, & supponere, deletam offensam. c Rectos decet collaudatio. Quod ille ab utero cæcus confirmans: Scimus, inquit, quia peccatores Deus non audit: sed si quis Dei cultor est, & voluntatem eius facit, hunc exaudit. d Et tamen, dices publicanum audiit. Non negamus; audiit: sed publicanus vestem, de qua loquimur, non neglexit, sui accusatione se vestivit, ita qui hostis Dei fuerat, amicus ab oratione.

Idcirco ante omnia veniam suis erroribus deprecetur, & seipsum accusando, divinæ gratiæ vestem induat, qui cum Deo in sermonem venire desiderat. Quod celestis magister docens: Si manseritis, inquit, in me, & verba mea in vobis manserint,

E 6

a Luc. c. 18. v. 13. b Prov. c. 18. v. 17.

c Clem. l. 7. Strom. d Ioan. c. 9. v. 31.

ferint, quodcunque volueritis, petetis, & fiet vobis. *a*

Atque geminum hoc documentum oratori Christiano damus: *Picem caveat, & vestem non negligat.* Cor suum nulli creatæ rei agglutinari sinat, & apud supremum Numen semper in gratiâ esse contendat. Ante orationem præparet animam suam, & non sit quasi homo, qui tentat Deum. Quantò accuratior fuerit præparatio, tantò attentior erit oratio.

a Ioan. c. 15. v. 7.

CAPVT VII.

Quæ propinqua sit ad orationem præparatio.

Cultus diuinus apud Hebræos sacrificiis maximè constabat, de quibus ipsi diuersa decem miracula commemorant. Primum festis diebus innumera vis hominum confluxit, & tamen nullus unquam exclusum se questus est: sacrum hoc hospitium admisit omnes. Alterum, cum starent, se comprimebant, cum verò delictorum confessionem ritu suo ederent, & in terram procumberent, nihilominus quatuor cubitorum spatium nemini negatum. Tertium, sacrificiorum sub dio institutorum ignis nunquam pluuiis extinctus. Quartum, sacrificiorum fumus nunquam à vento sic dissipatus est, quin rectâ nubes peteret. Quintum, Sacerdotem summum

nullo

null
event
ac p
tii d
narum
cata
ctific
traxi
bant
Deci
aut se
Ha
prob
dem
Heb
crifi
holo
Quo
sem
Sacr
cor
despi
Anim
tudi
ocul
vigi
glor
est D
& ve
milia
Ha
a Pfa
c Bar
e Ecc

nullo expiationis die, sinister aut malus eventus impedit. Sextum, in propositionis ac primitiarum panibus nihil unquam vitii deprehensum. Septimum, nulla feminarum, quæ uterum ferret, carnis sanctificatæ nauseam sensit. Octavum. Caro sanctificata nunquam fœtoris aliquid contraxit. Nonum, in eo, quo victimæ mactabantur loco, nullæ cernebantur muscæ. Decimum, nemo sacrificantium à serpente aut scorpione læsus est.

Hæc Iudæi jactant, sed certè non comprobant. Hæc fabulæ Christianis auribus fidem non faciunt. Contrarium è vatibus Hebræis discimus. Dilucidè rex David: Sacrificium, inquit, & oblationem noluisti; holocaustum pro peccato non postulasti, *a* Quoniam si voluisses sacrificium dedissem utique; holocaustis non delectaberis. Sacrificium Deo, spiritus contribulatus; cor contritum & humiliatum Deus non despicias. *b* Simillimè locutus Baruch: Anima, inquit, quæ tristis est, super magnitudine mali, & incedit curva, & infirma, & oculi deficientes (*nimirum lacrymis, jejuniis, vigiliis exhausti*) & anima esuriens dat tibi gloriam, & justitiam Domino. *c* Spiritus est Deus, & eos, qui adorant eum, in spiritu & veritate oportet adorare. *d* Oratio humilientis se nubes penetrat. *e*

Hæc Christianæ gentis sacrificia sunt,
pura,

a Psal. 39. v. 7. *b* Psal. 50. v. 18. & 19.

c Baruch. c. 2. v. 18. *d* Ioan. c. 4. v. 24.

e Eccli. c. 35. v. 21.

pura, humilis, & ardens oratio. Quæ autem ad orationem remota sit præparatio, capite superiori exposuimus, jam ordinis ratio poscit, de præparatione, ut eam vocamus, propinquâ differere.

§. I.

Primum propinquæ præparationis membrum est, *Puritas animi*. Diacostides, nobilis gemma & magnarum virium est, sed eas omnes in ore cadaveris amittit. Talis reverà est oratio, gemma pretiosa, sed in ore hominis impuri vim omnem perdit. Siracides canit: Non est speciosa laus in ore peccatoris. a

Libertum, quod supra diximus, ac purum sit cor oratoris Christiani. Optimè dixit Augustinus: Munda tantum cubiculum cordis, ubi fueris, ubicunque oraveris intus est, qui exaudit, intus in secreto. b Cui subscribens Bernardus: Oratio, inquit, cordis est, non labiorum. Neque enim verba deprecantis Deus intendit, sed orantis cor aspicit. c

Cùm Core, Dathan & Abiron, ceterique proceres Hebræi, numero ducenti quinquaginta, secessionem fecissent à Mose, jamque starent, thura offerrent, & odores spargerent, terra horreadum repente contremuit, & undante superficie non secus quam pelagus vento fluctuans, populum univ-

a Eccli. c. 15. v. 9. b Aug. tom. 9 tract. 10. 173
Leam. c. 2. c Bern. l. de Inter. domo, c. 48.

universum terruit. Immani mox sonitu eliso, quæ seditiosi tendebant, solum hiatus horribili subsidit, & eodem momento non tantum ducentos quinquaginta viros, sed & uxores eorum ac liberos, omnemque familiam absorpsit, descenderuntque vivi in infernam, operti humo, & perierunt de medio multitudinis. ^a Sublatis in hunc modum profanis, hiatus ille ita rursus clausus est, ut ne vestigium quidem ejus superesset. Quid, obsecro, Deum ad indignationem tantam commovit, ut in tot capita sui populi tam prodigiali strage animadverteret? num ei thus, num ignis, aut thuribula displicuerunt? non odores, non prunæ, sed nec thuribulum, sed cor thura offerentium displicuit D E O. Pessima fuit oratio rebellium ac seditiosorum hominû, quorum mentem contumax superbia infecerat. Tam nõ placuerunt hæ preces, ut nec finem illarum Deus expectarit, quin graviter vindicaret in perduelles hos oratores. Bias Prienæus, cum in naufragii discrimine, inter scelestos ac deploratæ vitæ homines esset, illique deos ob sospitarem deprecarentur: Silete, ait, ne dii nos hîc essentiant. Ita Dathamo, Abironi & asseclis dici potuisset: Tacete & abstinete his sacrificiis: non placebit Deo nec thus selectissimum, nec thuribulum aureum, si cor sit superbum aut lascivum. Ergo, mi Christiane, ut orationem tuam commendes, cor tuum ab omnibus sordibus expurga.

Alise

90 RHETORICA CAELESTIS.

Alterum est, *Propositum firmum*, adversus omnes futuras distractiones. Abrahamus in illo itinere maestissimo, quod ad montem Moria confecit, ubi Isaac filius erat immolandus, methodum orandi optimam demonstravit. Nam ubi afflictissimus hic parens ad montis radices stetit, provido consilio ad servos comites versus; Vos, inquit, expectate hic cum asino: ego autem & puer illuc usque properantes, postquam adoraverimus, revertemur ad vos. *a* Prudentissimè. Ita prorsus oratorem Christianum agere convenit. Iumenta, famuli, comites ceteri, & quidquid impedimentorum est, à tergo relinquendum. Dimitte vana vanis, tu animum intende DEO, & solus age cum solo. Ita Moses solus ad Dominum ascendens, & pændè idem, quod Abrahamus, imperans: Expectate hic, ait, donec revertamur ad vos. *b* Ita & ipse Christus, in itinere tristissimo ad cliyum olivarum, suorum octo, in villam Gethsemani reliquit, & tribus solum comitibus ad locum cruentæ luctæ contendit. Sed ubi orandi locum jam oculis designasset, tres etiam illos comites à se amandans: Sedete hic, ait, donec vadam illuc, & orem. Et ipse avulsus est ab eis, quantum jactus est lapidis, & positus genibus orabat. *c* Ostendit hoc loco Dominus IESVS, quo proposito preces ordiamur. Docuitq; exemplo, quod iusserat: Tu autem cum oraveris, intra in cubiculum

Gen. c. 22. v. 5. *b* Exod. c. 24. v. 14.

Matth. c. 26. v. 36. *c* Luc. c. 22. v. 41.

culum
tuum
& cur
tuans
ea fore
rumqu
minds
mi of
dum.
orare
a M

Te
tium
simill
tu, u
& per
distrac
irruie
miscet
partur
cand
tes ar
cand
venti
Ec
docet
subli
statis
Deu
mine
matu
Pfalz

culum tuum, & clauso ostio ora patrem tuum. & Omnibus tunc aliis cogitationibus & curis valedicendum; plebs ista tumultuans tunc animo excludenda, & quamvis ea fores obrundat, ac iterum & iterum, iterumque pulset, rogétque admitti, nihilominus in oratione perdurandum, nec animi ostium ante orationis finem referendum. Ita quis apud se statuatur, priusquam orare incipiat.

a *Matth. c. 6. v. 6.*

§. 2.

Tertium, *Divinae gratiae petitio.* Evangelium cogitationum turba, seditiosa plebs simillima est. Hæc eo subinde fertur impetu, ut vel custoditas etiam fores effringat & perrumpat. Haud aliter seditiosarum distractionum vulgus, in orantis mentem irruit, & clandestinis omnia tumultibus miscet. Quando igitur humanæ vires hæc parùm opitulantur, Deus in auxilium vocandus est: Iuva, Domine, & tumultuantes animi mei turbas compone, excita precandi spiritum in me servo tuo; impera ventis & mari, & erit tranquillitas magna.

Ecclesia hic præit, suoque nos exemplo docet, ante omnem orationem divinum subsidium implorare. Nam ea in omnibus stans precationibus, hoc ducit principium: Deus in adiutorium meum intende, Domine ad adjuvandum me festina. Nec aliter matutinos hymnos orditur, quam illis Psaltæ verbis: Domine, labia mea aperies,
&

92 RHETORICA CAELESTIS.

& os meum annuntiabit laudem tuam. Ed spectat solenne illud: *Sursum corda*. Quod Cyprianus explicans: Sacerdos, inquit, præfatione præparat fratrum mentes, dicendo, *Sursum corda*. Ut dum respondet plebs; *Habemus ad Dominum*, admonetur se nihil aliud, quàm Dominum cogitare debere. a Augustinus, quò sineerius divinis intendere, hoc ipsum postulans: Libera me, Deus meus, exclamat, a multiloquio, quod patior in animã meã miserã, in conspectu tuo. b

Quintũ præparationis propinquæ membrum est, *Præsentia Dei*, orantis animo validè impressa. Cum absentibus non loquimur, nisi per epistolas: si loqui placeat cum Deo, prius præsentem cogitemus. Ut autem in precibus animi fastidium vitemus, subin te qui orat, mente subvolet in cælum, & medius Angelorum ante Dei solium se posternat, & ita causam suam exponat: aut Christum velut ante se stantem aspiciat: Deum certè præsentem, quocunque tandem modo, veneretur. Salomon ad id hortatur: In omnibus viis tuis, ait, cogita illum, & ipse diriget gressus tuos. c Nimirum istud fœderis Deus cum suis amicis init: Si tu sive ores, sive labores, mihi tuos semper adicias oculos, & ego tibi meos vicissim semper oculos, seu oranti seu laboranti affgam, & omnes gressus tuos dirigam; qui tetigerit te, tanget pupillam oculi

a Cyp. de orat. Dominicã, b August. l. 25. de Trin. sine, c Prov. c. 3. v. 6.

oculi mei. Hoc Sionis rex David, suamet confirmavit experientiam. Hinc illius hæ voces: Providebam Dominum in conspectu meo semper, quoniam à dextris est mihi, ne commovear. *a* Quemadmodum ego ad Deum, sic ille ad me oculos adjecit. Beatæ Senensî Catharinæ Christus dixisse memoratur: Filia, memor esto mei, & ego memor ero tui. Hæc suavissimâ vicissitudine suos sibi devincit Deus.

a Psalm, 15. v. 8.

S. 3.

Cum Christus à suo funere rediivus in cælum abiisset è monte, in eodem visi duo Angeli, qui dicerent: Viri Galilæi, quid statis aspicientes in cælum? *a* Cur oculos sollicitudine tantâ erigitis ad sidera, an oblitî, quod valedicturus vobis magister dixerit: Ecce ego vobiscum sum usque ad cõsummationem sæculi? *b* Nos subinde altos ad cælum gemitus emittimus, perinde si Deus à nobis procul sit. Quid hoc, ô viri, quid aspicitis in cælum? Hic ipsissimus, hic totus est Deus, ubi oratis in ore vestro, in oculis vestris, quin & in corde vestro præsentissimus est.

Reverà si hæc talia cogitatione paullùm profundiore perpenderemus, in precibus longè attentiores essemus. Quisque sibi diceret: Hic tuus est iudex, intus in corde tuo sedet attendens, non tantùm

quid

a Actor. c. 1. v. 11, b Sunt ultima verba c. 28.

Matthai.

quid dicas, sed & quid cogites. Attende tibi, nusquam non deprehensus es. Nam, ut Theologi sentiunt, Deus ubique locorum, & in omnibus rebus creatis perfectiùs est, quàm anima sit in corpore. Admiranda prorsus est inter animum & corpus copulatio & adhæsio, quam Philosophorum scholæ nunquam satis explicarint. Non nescimus, totum animum in toto esse corpore, sed & totum in digituli extremo; Deus autem in rebus, quas condidit, perfectiùs præsens existit. Vbi autem non est, ut Augustinus loquitur, qui ubique præsens est? Non essem Deus meus, non omnino essem, nisi essem in me. ^a Cur igitur, cum oramus, non ad hunc unum respicimus? cur non uni huic intendimus? Quid vagamur miseri? & extra nos abimus in tot labyrinthos & fallacias?

Mira memorat beatus Nilus de viro quopiam sancto (fortassis ille ipse is fuit) qui duas hebdomades continuis panè precibus exegit. Indignissimè id tulerunt caecodæmones, atque ut tantam orandi constantiam saltem turbarent, si non frangerent, stercem ^b rapuerunt, cui virum sanctum imposuerunt, & illum velut avenam vanno eventilarunt: ^c & tamen tantopere turbare non valuerunt, ut preces abrumperet impatientiâ. Et qui tandem id fieri potuit? Vir ille sanctus non manu libellum, non

^a Aug. tom. 8. In P. alm. 75.

^b Rude textum ejuncu.

^c Ist ein Spil/ den Jäcklin schutzen.

non orbiculos precatorios versavit, sed Deum in pectore suo præsentem adoravit, ad hunc unum oculos adiecit, quod diaboli nullis molitionibus nec seriis, nec ludicris, prohibere potuerunt.

6. 4.

Basiliius magnus à simili rem explicat. Datur actio comica; aliquot millia spectatorum sunt. Ita Romæ ante aliquot annos data est Tragedia Crispus, Constantini Cæsaris filius, quem pater jugulari iussit ob falsam accusationem Novercæ. Egere nobilissimi, modos Musicos, fecere præstantissimi; ter data semper placuit. Spectatorem habuit & summum Pontificem. Ita Principes, Reges, Imperatores, quandoque comædias spectant. Hic plerique omnes actores, ut tali se probent spectatori, eum pænè unum observant, num attendat, num rideat, num actionem sibi placere ostendat. Si quem fortè memoria deficiat, aut is cetero qui gestu delinquat, vix scenam digreditur, & mox ab aliis percunctatur. dic, amabo, num Princeps, num Rex errorem meum notasse videatur? Actione verò jam finita, neminem audies interrogantem, dic, quid sentit de actionibus sartor ille Claudius, quid pistor vicinus noster? qui placuimus Samueli fabro ferrario? num Ionas arcularius largiter risit? quid plausus tulimus à Thomâ sutore? an nos laudavit Silvester molitor? Hæc equidem nemo quærit, aut cerè

certè infans vel fatuus: sed illud indagare satagunt actores, num placuerint principi, num princeps riserit, & actionem probarit, quis iudicio principis omnium optimè egerit, quòd si principem habeant laudatorem, aliorum omnium vituperia nihili faciunt: sin unico huic neminem actorum placuisse resciant, omnes demittunt auriculas, ut iniquæ mentis asellus, cum gravius dorso subiit onus. *a* Tanti fit vel unicus ejusmodi spectator.

Meritissima est comædia, omnis vita nostra, dum vivimus in theatro agimus. Oramus: velut in scenam prodimus coram Deo recitaturi, quod pietas dictaverit. Cur autem non unum atque unicum hunc spectatorem nostrum aspiciamus? Malè oramus? cur huic uni atque unico displicere non formidamus? nonne iste considerat vias nostras, & omnes gressus nostros dii numerat? *b* Quidquid oculorū nobis est, in hunc spectatorem nostrum spectamus:

Speculator adstat de super

Qui nos diebus omnibus

Actūsque nostros prospicit

A luce primā in vesperum. c

Divus Basiliius, quem dixi, rem scitu dignam interrogans: Quomodo, ait, obtinebit quis, ut in oratione sensus ejus non vagentur? Responsum ab eodem audiamus: si certus sit ante oculos Domini se stare. Dei presentiam in omni omnino loco paucissimis

a Horat. l. I. serm. sat. 9. initio. *b* Job c. 31. v. 4. *c* Hymnus Ecclesie Fer. 5. in Laudib.

mis sic describimus: Rex quispiam præsens est in toto regno suo, sed solum per potentiam; unicum dictat epistolium, aut mandatum, mox illud omne regnum pervolat eum imperio. Idem rex in palatio suo est per præsentiam. Hic ejus aula, hic regia est. At verò hic ipse rex in conclavi suo, suoque solio est per essentiam & existentiam, ut scholæ loquuntur. Progrediamur ab his infimis. Deus ubique locorum tam per potentiam, quam per præsentiam, & essentiam præsentissimus est. Non est ullum locum designare vel acús apice, ubi Deus non intimè sit præsens. Quocircà summis ac quotidianis studiis, nos ipsos eò perducere conitatur, ut in omni profus actione, præcipuè verò in oratione, præsentiam Dei attendamus & veneremur.

Hoc certè Deus à nobis exigit, hoc vult, hoc præcipit. Sic imperatum est Abrahamo: Ambula coram me, & esto perfectus. *a* Sicut ego te, ita tu me semper respice. In eam rem Deus animum humanum multò celerimum fecit, qui vel ventorum alas longè præverteret, & eo, quò vellet, momento ad suum se verteret cõditorem. Corpus hominis tardigradum ac testudineum est; pedentim & per gradus de loco in locum movetur; animus puncto temporis ad Deum pervolat. Quocircà sedulò cogitemus oraturi: Deus videt, Deus audit, Deus punit.

a Gen. c. 17. v. 1.

CAPVT VIII.

*Quid mente aridâ oraturus habeat solatii,
Documenta quinque.*

Nobilissimus inter Græcos Oratores Pericles, ad dicendum à populo sapius lacessitus, negavit se id facturum, quòd imparatus esset. Prudèter prorsus. Nam uti Stobæus loquitur, Cogitatio est fons orationis: ubi nulla, vel indocta præcedit cogitatio, ibi nulla, vel stulta sequitur oratio.

Hinc & Demosthenes Epicli opprobranti, quòd tanto studio meditaretur ad concionem proferendam. Erubescerem, aiebat, optimo jure, si mihi ac Reipublicæ cupiens prodesse, dicerem ex tempore. Ideò postridie dicturus ad populum, nocte præcedente totâ vigilabat, ut tantò paratior prodiret, quantò exactiùs fuisset dicenda meditata. Cùmque Pythias illi objiceret, sententias ejus olere oleum, sobriè ac sapienter respondit: Melius est, ut mea oleû, quam ut oleant vinum.

Si tantum meditationis ac studii jure adhibendum, ut peritè loquamur cum populo, quid non faciendum, ut piè loquamur cum D E O? Quam ob causam, quæ remota, quæ propinqua præparatio ad orationem adhibenda sit, exposuimus.

Sed est, qui objiciat, vix fieri posse, ut oraturus cogitationes suas sic vinciat, quin
a Stob. serm. 27. evolens

evolent etiam nolente Domino. Id enim Bernardum, id alios sanctissimos viros sapius expertos esse, sat constat: & ipsi contra seipos hoc questi sunt. Deinde qui potest fieri, ajunt, ut homo tot profanis mercibus negotiis, tot seriis obrutus curis, tam attentam instituat orationem; cor vel invito se suffuratur, & domo profugit: & hinc dissipata oratio: Respondemus: Hebræus rex David gravissimis regni geminati curis intentus sollicitum se regem præstitit, non minus tamen attentum Oratorem egit. An non auditus est dicere, & scribere, & canere: Oculi mei semper ad Dominum: Benedicam Dominum in omni tempore, semper laus ejus in ore meo: Providebam Dominum in conspectu meo semper? Si ergo rex, cui duplex regnum, Israëlis & Iuda fuit administrandum, nihilominus velut infimum mancipium, pervigili oculo Dominicos nutus observavit, dies noctesque ad imperantem Heri digitum abiit, rediit: quid nos mendiculos par est facere? Quod si pro viribus conitatur cogitatione dissipatas colligere, nec tamen conatui res succedat, cor aridum, sterile, vagum permaneat, nec solatii quidquam suppetat; calum aneum, terra verò sit ferrea, quid hic faciendum? Animus nequaquam despondendus, & in eam rem explicabimus, cur Deus sic nobiscum agat, & quid solatii capiendum in tantâ mentis ariditate.

§. I.

Vaticinatur scriptor ille religiosissimus, Et quamdiu vixeris, inquit, mutabilitati subjectus eris, etiam nolens, ut modò lætus, modò tristis, modò pacatus, modò turbatus, nunc devotus, nunc indevotus; nunc studiosus, nunc acediosus; nunc gravis, nunc levis inveniaris. Sed stat super hæc mutabilia sapiens, & bene doctus in spiritu, non attendens, quid in se sentiat, vel quâ parte flet ventus instabilitatis, sed ut tota intentio mentis ejus ad debitum & optimum proficiat finem. Non ergo turbetur cor tuum; non aliter hæc vita ducitur.

Idem evenire solet in oratione, quæ nonnunquam sine caelesti succo, sine igne, sine omni solatio insulsa, flaccens, languida, frigida, planè lignea videtur, sexceteris insuper distractionibus adeò est impedita, ut caelestes illæ sentiuntur minæ: sit cælum, quod supra te est, æneum; & terra, quam calcas, ferrea. ^b Idem in aliis actionibus contingit, cum quis sibi labruscas, & pruna silvestria videtur mādere, ^c tam insuave ac acerbum est, quicquid agit, aut cogitat. Quid hic auxiliū? Quædam accuratius & ordine hic notanda.

Primum: *Vera vita sanctimoniam, hanc solatiorum dulcedinem nequaquam expetit*, cum sine

^a Thom. de Kemp. imit. Christi, l. 3. c. 33.

^b Levit. c. 16. v. 19. & Deut. c. 28. v. 23.

^c Schlee vnd vnzeitige Trauben.

fiat illa nervosior longè fit & robustior. Orare nolle, nisi voluptati fit oratio, aut nisi ad eam animi ardor impellat, nimis delicatæ mentis est. Sensilis illa pietas amygdalinum lac est, quod Deus, cui vult, & quando vult, affundit, veluti

Teneris immulgens ubera labris. a

Cùm ergo suavis orandi gustus instillatur; Deo gratias: cùm subtrahitur & negatur, iterum Deo gratias. Siquidem eum hominem non inter infantes numerat, cui lac negat, & cibum præbet robustorum.

Devotionis nomen, nos passim creberri-
mè usurpamus, sed revera vim ejus, & ve-
rum significatum ignoramus. Ea porrò ve-
rissima est devotio, seipsum divinæ volun-
tati devotissimum, hoc est, ad omnia cùm
agenda, tum patiènda promptissimum of-
ferre. Quod præclare Ludovicus Blosius
exponens: Vera devotio, inquit, in sui ip-
sius submissione, resignatione, abnegatio-
ne ac nihili pensione sita est potiùs, quàm
in sensibili sapore & dulcedine. Certè mul-
tis ad salutem utilius est ariditatem, amari-
tudinemque cordis sentire, quàm affectuo-
sa desideria & suavitatem. Ille Deo valdè
placet, qui in ipsâ sterilitate, paupertatèque
suâ internâ, humiliter dicere novit: *Domine,*
licet ego immundus sim, & omni consolati-
one indignus, te tamen non derelinquam, sed
desolatus libenter ero, juxta tuum beneplaci-
tum & permissionem. Nimis infidelis DEO est,
qui, quando Deus eum consolatur, Deo ser-

F 2

VITE

a Virgil. l. II. Æneid, medio.

vire vult: sed quando spirituali consolatione destituntur, mox à Deo recedit, & illicita solatia perquirunt. Si tibi oranti, aut sacrificanti, aut divina meditati, aut sacræ lectioni insistenti, aut quodvis aliud sanctum opus facienti, deest sapor ille devotionis affectus, perge tamen in incæptis, & pium concipiens desiderium placendi Deo, offer ei cordis tui sterilitatē ac laborem in laudem æternam. Sic enim ipsa ariditas, quam perfers, non minùs erit illi grata, quàm internæ dulcedinis affluentia: imò verò fortè gratior. Rationalis siquidem devotio longè certior, ipsique Domino acceptior est, quàm devotio sensibilis. Est autem devotio rationalis, quando quis quodlibet peccatum odit, & execratur, promptaque voluntate Deum colit, & ea, quæ Deo placere cognoscit, strenuè complectitur, & peragit. Si hanc devotionem habes, nihil decedet mercedi tuæ, etiamsi illam alteram non habeas. a

Sanè vera perfectio non in perceptione magnæ dulcedinis, neque in consolationis affluentia consistit, sed in hoc sita est, ut quis seipsum & omnia pro Dei amore relinquat atque abneget, & voluntate propria in voluntatem Dei integrè transfusa, liber tranquillisque in omnibus quæ sibi obveniunt, permaneat, ac Deo adhæreat. Nonnulli se periisse putant, quando sensibili devotione privantur: & rursus se

San-
a Iudov Blosius *spec. spirituali* c. 14. *mibi* pag. 63. Et *Canone Vitæ spir.* c. 26. pag. 21.

Sanctis, Deoque acceptissimos esse credunt, quando illam accipiunt: sed falluntur & errant. Plerumque enim Deus ibi per gratiam suam maximè sentitur; & sæpe homini melior est ariditas cordis, quàm esset profusissima abundantia suavitatis. Nam in ariditate, & sterilitate homo clariùs agnoscit, se ex se nihil posse. Porrò suavitas illa conceditur etiam his, qui pessimè vivunt. Certa sanctitas & devotio est æqualis illa promptitudo animi, quã quis paratus est servire Deo, non minùs in adversis quàm in prosperis. *a* Vera igitur verissima devotio est, bona voluntas, quã homo paratum se offert ad cultum, honorem & beneplacitum Dei. *b*

a Idem in *instit. spirit. c. 7. mihi pag. 365.*

b Et in *brevi reg. p. 428.*

§. 2.

Alterum, quod hac in re observandum, *Divina voluntatis decretum.* Hic dixeris, ò si nõrim, divinæ voluntatis esse, ariditate ac distractionibus me turbari, nec verbum contrà mutirem. At verò, ut censeo, Deus vult, ut attentè orem: ego autem flaccidus, vagus, frigidus, successu pænè nullo precatiónes in eo: & istud me angit. Non nego, velle Deum, ut attentà sit oratio nostra, vult tamen etiam, ut id quod in oratione patimur inviti, inhærentes nobis nævos eluat. Hinc amaritudo, tristitia, distractio, ariditas, exilium animi, calum æneum,

terra ferrea, quid nisi delictorū nostrorū
pœnæ sunt? Deus abscondit vultum suum,
& negat, se domi esse. Ne miremur, aut
indignemur; nos prius hunc lusum cum
Deo lusimus. Deus frequenter ad pectoris
nostri januam pulsat; nemo audit, nemo
aperit, nemo admittit. Vices igitur reddit,
& pariat. Agamus Deo gratias, qui tam
elementer in nos animadvertit.

Ioannes Avila peritus rerum spiritua-
lium magister, dicere solebat: O si nōsse-
mus, quā contemptibile sit, non tantum
quod terrenum est, sed etiam quod caeleste,
si absit Dei voluntas; cum è diverso tā vi-
le nihil sit, quin pretiosissimum fiat, si Dei
voluntas non desit. Inde fieret, ut pro se
quisque promptè diceret; millies condu-
cibilis est, amaro esse corde, si Deus ve-
lit, quā affluere solatiis, si istud non pla-
ceat Deo. Quocircā, mi Domine, ab eā
parte, quā ego tam aridæ, tam vagæ, ac fri-
gidæ mentis sum causā, vehementer do-
leo: à quā verò tu pœnā hanc in noxa-
rum mearum supplicium irrogas, eam li-
bentissimè subibo.

Hæc humanæ voluntatis cum divinā con-
iunctio maioris est promeriti, quā atten-
tissima oratio.

Tertium: *Ariditatem mentis & evagatio-
nem, sanctissimi quique viri perpessi sunt. An-
tonius, Franciscus, Bernardus, alii se homi-
nes esse hac in re senserunt: Sanctissimus
rex David seipsum lugens: Anima mea, in-
quit, sicut terra sine aquā tibi. a Vti ager à
a Psalms. 142. v. 6. multo*

LIBER I. Cap. VIII. 105

multo tempore non rigatus pluviis, æstu-
hiat & supplicat cælo, sic animus meus sic-
citate inarescit. Eandem de seipso habuit
querelam Bernardus: Exaruit cor meum,
coagulatum est sicut lac, factum est sicut
terra sine aqua, nec compungi ad lacrymas
queo, tanta est duritia cordis. Non sapit
psalmus, non legere libet, non orare dele-
ctat, meditationes solitas non inuenio. Vbi
mentis serenitas & pax? ^a

Si amicis primæ admissiōis hæc eve-
niunt, quid miramur nos neutiquam pri-
marios Dei amicos, his miseris involvis?
Christus rarissimè suos in amœnum Pa-
borciæ rupis verticē, sed quotidie in Gol-
gothæum montem solet educere: nec sem-
per amygdalinum lac, sed mordax sinapi,
& felleum acetum præbet in potum. *b* Es
nunc quidem solatur, nunc terret; nunc in-
visit, nunc deserit; modò dejicit, modò ite-
rum erigit dejectum, prout æternæ sapien-
tiæ visum in rem hominis esse.

Virum religiosum memorant complu-
res annos optimis moribus fuisse, & ne-
mini non magis quàm sibimet satisfecisse.
Devenit is tandem ad tam mœstam animi
siccitatem, ut quidquid ageret, tristissimum
tædium sentiret, ut nec oratio, nec lectio,
nec meditatio, nec horum quidquam ei sa-
peret, omnia instavia, fellea erant omnia.
Interim alios vidit alacres, & bono esse
animo. Noctē igitur opportunā sibi sum-
psit,

^a Bern. serm. 54. in Cant. pag. 728.

^b Fletum factura sinapi.

psi, quâ a me imaginem Christi crucifixi se
 abiciens non sine lacrymis, ita precari cœ-
 pit: Hactenus sanè credidi, mi Domine ni-
 hil magis tibi convenire, quàm in omnes
 bonum ac facilè esse. Sed en, ego jam tot an-
 nis tibi servio pro viribus, acerba prorsus
 & plurima passus. Si cui alteri domino tan-
 tum obsequii detulisset, plus gratiæ, puto,
 redderet. Alii solatiis perfunduntur; ego
 desertissimus sum, nec quò me vertam, sat
 scio. Dixit, & toto templo velut jam jam
 ruituro, fragor ingens intonuit. Dum ille
 anxius circûspicit, en adest horribili aspe-
 ctu vir, qui perticam ferream librans in-
 trepidantè, humo illum affixit. Iacuit miser
 in mortuum, velut rotâ contusus, & maxi-
 mis doloribus oppressus. Manè qui oedem
 ingrediebantur ex more cantaturi, semine-
 cem reppererunt. Mox ad nosocomium
 detulerunt, ubi tribus hebdomadibus maxi-
 mos tulit dolores, nec ei quisquam inservi-
 re potuit, nisi obstructis naribus, aded
 tetrum odorem halabat. Resumptis non-
 nihil viribus, cum reperere potiùs quàm in-
 cedere posset, ad eundem se locum confer-
 re statuit, ut ibi sanaretur vulnus, ubi fuis-
 set inflictum. Ergo ad Christum in cruce
 pendentem redit madentibus oculis, cul-
 pam & fatetur, & deprecatur. Dum orat,
 hanc sibi vocem audire visus est: Verme vi-
 liorem te judica: & scias solatium humi-
 litate quærèdum, non expostulatione. Hoc
 ita cautum fecit, ut vitam deinceps religio-
 sissimam

fissimam egerit. & Discamus alieno malo sapere, nec cum Deo unquam vel afflictissimi exoptulare. Dicamus cum Iob: Quis ei dicere potest: cur ita facis? b

a *Annales Patrum Dominicanorum.*

b *Iob c. 9. v. 12.*

§. 3.

Quartum: *Cognitionem sepi parit animus solatus destitutus.* Etenim qui sese in oratione tam vagum, tam siccum, & frigidum apprehendit, istud non immeritò sibi occinit: Vides, qui sis, quantæ virtutis, quàm sanctus? aridissimum lignum, frigidissimum saxum es, quod nisi Deus benignissimâ manu contingat, nec guttula solidæ pietatis è saxo hoc desiliat.

Quòd si cum sensu & prolixè sæpius oraremus, homines multæ orationis, & pænè jam sancti nobis ipsis videremur. Quando autem nostra cum Deo colloquia tam jejuna sunt & exsucca, nostram ipsi tam oris, quàm cordis inopiam erubescimus, & sic arrogantia alas submittimus.

Quâ de re beatus Gregorius eximie: Sæpe, inquit, gratiæ donum est, quod quis irâ deputat: & sæpe divinæ distractionis ira est, quod gratiâ iudicat. Nam plerumque gratiam æstimat dona virtutum, & tamen de eisdem donis elatus corrumpit: plerumque velut iram metuit adversa tentationum, & tamen eisdem tentationibus pressus ad virtutum custodiâ cautior exurgit. Sicque

fit, ut animus Deo altius inhæreat, unde se à Deo profundius cecidisse suspirat. Homo igitur ab internis gaudiis expulsus, clausas contra se januas secreti spiritualis aspiciat, atque ad semetipsum foras projectus in carne gemat, & cæcitatæ suæ damna considerans dicat: Si venerit ad me, non videbo eum: si abierit, non intelligam eum. *a*

Rationem de occulto Dei consilio quæ-
rere, nihil est aliud, quàm contra ejus con-
siliium superbire. Cum ergo factorum causa
non deprehenditur, restat, ut sub factis il-
litis cum humilitate taceatur; quia nequa-
quam sufficit sensus carnis, ut secreta pe-
netret majestatis. Qui ergo in factis Dei
rationem non videt, infirmitatem suam con-
siderans, cur non videat rationem videt.
Unde & per Paulum dicitur: O homo tu
quis es, ut respondeas Deo? nunquid dicit
figmentum ei, qui se finxit: Quid me feci-
sti sic? an non habet potestatem figulus lu-
ti, ex eadem massâ facere aliud quidem
vas in honorem, aliud verò in contume-
liam? *b* Quo autem se cernit figmentum divi-
ni operis, eo semetipsum redarguit, ne con-
tra manum resultet operantis: quia qui
benignè, quod non erat, fecit, quod est in-
justè non deserit. *c*

Quintum: Animi sine solatijs destitutio,
est animi eruditio: Qui non est tentatus
quid scit? *d* sic vires acquirimus, sic in æta-
tem,

a Job. c. 9. v. 11. *b* Rom. c. 9. v. 20. & 21.

c Gregor. l. 9. mor. c. 7. & 9. *d* Eccles. c. 6. 34.
7. 8.

tem adultam roboramur, cum etiam hoc genere tentationis exercemur. Revera quod Paulus dixit, virtus in infirmitate perficitur. Et addidit. Libenter igitur gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus. *a* Inter aves aliasque animantes admirabile prorsus & civilem jus est; quamdiu pulli deplumes sunt & involucres, cibum a parentibus velut premansum accipiunt. At vero pullos jam plumantes, ad volandum provocant parentes, perinde si eis dicerent: Vos ipsi iam victum quaerite; plumas habetis; utimini: sic Deus naturae auctor & gratiae, cum suis tanquam cum pullis agit, ad volandum provocat, ne semper sub maternis alis haereant, rus evolent, victum sibi quaeritent; pati discant, solatjis carere assuescant, seipsof contemnere, & vero etiam odisse sciant. Haec verae devotionis indicia, haec generosi amoris argumenta sunt: nec enim verus amor est, qui fortis non est: Deus suis cunas subducit, & a lacte depellit, cibo solido pascendos. De infirmioribus illi, & etiamnum infantibus, quibus mulsim ant lac propinandum est, Paulus queritur; Facti estis, quibus lacte opus sit, non solido cibo, imbecilles ad audiendum. *b*

De Isaac Moyses hunc in modum loquitur: Crevit puer & ablactatus est, fecit Abraham grade convivium in die ablactationis ejus. *c*

F 6

Die

a 2. Cor. c. 12. v. 9. & 10. *b* Hebr. c. 5. v. 12.

c Gen, c. 21. v. 8.

110 RHETORICA CAELESTIS.

Die natali, cum omnia gaudiis exsonarent, nihil convivii sapiens Abraham celebravit, illo autem die, quo infans ademptum sibi lac flebat, epulum convivis datum est. Ita caelites gaudent, cum vident hominem à lacte depulsum, solatiis exutum, miseriis obrutum, calamitatibus depressum, nihilominus à divinâ voluntate non dissentientem, tranquille ac toleranter omnia ferentem. Hunc talem DEVS inter constantes amicos suos numerat, hunc erudit ut filium. Quod Isaias confirmans: Quem docebit scientiam, inquit, & quem intelligere faciet auditum? Ablactatos à lacte, avulsos ab uberibus. Eos videlicet, qui omni voluptati non solum temporali, sed & spiritali nuntium remiserunt Christi amore.

Ioannes Taulerus ecclesiastes optimus narrat, ad se venisse sapius, qui dicerent: Malè secum agi, turbari se, atque affligi hinc tentationibus, illinc calamitatibus, vitam omnem acerbam esse. His ille solitus est respondere: Bono animo, viri, in tantâ difficultate res non est, ac putatis. Est sanè, aiebant, in maximâ: sed nos ipsi in culpa sumus. Quibus iterum Taulerus: Quisquis ejus mali culpam sustineat: id, quod patiendû est, crux est, quam Deus humeris vestris imposuit: hanc crucem, sive socordia vestra, sive malitia aliena fabricarit, non multum id refert, vos illam patienter ferre: imò & Deo gratias agite, & voluntati divinæ quàm integerrimè vos ipsos committite. Sed enim, inquiebant, cor in nobis siccum

siccum
Quib
cum v
credi
est,
Cum
tet;
cont
navi
rare
laud
H
est,
anim
tium
Hoc
quis
desi
obse
mus
tuli
omne
stum
Chri
tes.
capit
a Epi

Ple
D

LIBER I. Cap. IX. III

ficum, impatiens, ac vagum experimur. Quibus ecclesiastes ille: Hoc ipsum, aiebat, cum verâ resignatione tolerate. Istud, mihi credite, salubrius, longéque vobis utilius est, quam si sensu vestro devotissimi sitis. Cùm tranquillum est mare, ars naucleri lactet; in tempestate se prodit. Tunc vela contrahere, aut explicare, clavum tenere, navim gubernare, fortunam industriâ superare, vim venti arte vincere, hoc demum laudabile est.

Hoc raræ artis, hoc Christianæ virtutis est, ad eam æquanimitem pervenisse, ut animo dicas: Hoc mihi summum sit solatium propter Deum omni carere solatio. Hoc est, nuges & alimenta infantilia reliquisse, a lacte remotum esse, uberibus ali desuisse; hoc est suis militare stipendiis, quod obsequium Deo gratissimum est. Crescimus igitur, & desinamus esse adolescentuli quasi lactantes, donec occurramus omnes in unitatem fidei, in virum perfectum, in mensuram ætatis plenitudinis Christi, ut jam non simus parvuli fluctuantes. Crescimus in illo per omnia, qui est caput Christus. *a*

a Ephes. c. 4. v. 13.

CAPVT IX.

Alia quatuor Documenta de eodem.

Plè veréque dictum censeo: apud Deum valet non magnus clamor, sed magnus

112 RHETORICA CAELSTIS.

magnus amor: & magis Deo placet oratio fortis, quàm oratio dulcis. Quod superiore capite cœpimus declarare. Vt igitur cœpta pertexamus, reliqua huius rei documenta subijcimus, ut potius orare fortiter cupiamus, quàm dulciter.

§. 1.

Sextum igitur sit documentum: *His experimentis nos Deus inspicit.* Quod Moses Israëli dixit: Tentat vos Dominus Deus vester, ut palàm fiat, utrum diligatis eum. an non, in toto corde, & in totâ animâ vestrâ. *a* Non rarò Deus homini suavitatem omnem & gustum orationis meliorem adimit, ut experimentû de illo sumatur, num ollæ tantùm & mensæ amicus sit, an ob suum duntaxat commodum conditori suo seruiat. Salomon amicos illos ollares & patinarios, à certis & fidelibus secernens: Omni tempore diligit, qui amicus est, inquit, & frater in angustiis comprobatur. *b* Adversa omnia scit, mera esse tentamenta.

Quæri possit, cur Hebræus rex David ardente pectore suum illud ingeminârit: Paratû cor meum, Deus, paratû cor meum. *c* En Hierosolymæum hunc principem paratissimum, non ad secunda tantùm & prospera, sed etiam & æquè paratum ad aduersa & aspera. Nimirum vesci didicit, non tantùm dominico, niveo, filigino, prima-

a Deut. c. 13. v. 3. *b* Prov. c. 17. v. 17.
c Psal. 56, v. 8.

rio, se
dido,
ac cor
valido
fuit d
seusal
niret
cor il
folia
lende
Fui
& q
Hic
drag
orat
gust
suave
riter
non r
non
Hic
tis De
liore
servi
Se
quæ
bus,
tuit.
Deu
posca
stiga
rant
preh
Si
a Cal

rio, sed etiam gregario, atro, squaroso, sordido, etiam hordaceo, mucido, fursuraceo ac confusaneo pane: exercitati jam oris, validorum dentium, & gulæ nequaquam fuit delicatæ: deinde seu saccaro panem, seu sale aspergeres, modò à Dominicâ veniret manu, æquè gratus fuisset. Paratum cor illius, paratum, paratissimum ad omnia, solatiis juxtâ, ac ærumnis, à Deo non avelendum.

Fuit hujus animi constans Dei amicus, & qui primæ admissionis videri potuit. Hic candidè fassus: iam annis, inquit, quadraginta Christo coaditori servio, assiduis orationibus, & tamen sine ullo interiore gustu & consolatione. Hoc mihi unum est suave, facere quod possum. Hoc unum pariter molestum est & affligit, cum viribus non respondeo, cum quod possum facere, non conor.

Hic vir suis expensis, & in orbe hoc gratis Deo servit, præmium laboris, loco meliore recepturus. Nam gratis Deo nemo servit.

Septimum: *Altissima Dei providentia*, quæ quosdam hominum annis compluribus, alios per omnem vitam solatiis destituit. Cur autem? Tu quis es, ô homo, qui Deum interrogas, & ab eo facti rationem poscas? hæc inter mortales nunquam investigabimus. Longissimè plerumque aberrant conjecturæ nostræ. Hæc nobis indeprehensibilia sunt.

Si Astrologos & *fastorum* Scriptores
a *Calendermacher*. inter

114 RHETORICA CAELSTIS.

interrogas, cur anno millesimo sexcentesimo vigesimo octavo, mensem Augustum adeò laudârint, & omnem in eo siderum conjunctionem felicissimâ vaticinati sint, cùm tamen totus ille mensis ob continuas pænè pluvias plorabundus, horridus, infelix fuerit: September verò, quem ipsi damnârunt ut tristem ac lacrymabundum, ceteros omnes serenitate aëris superârunt? si quæras, inquam, quid hoc causâ? unde pronuntiata fuerint tam fallacia? Habent, quo se tueantur Astrologi; dicunt: Nos non omnia cæli arcana scimus. Itânè? exteriorem cæli faciem non satis dignoscimus, quantò minùs, quæ cælum celat, arcanissima arcana rimabimur? cur Deus hunc hominem hoc modo, illum longè diverso tractet, nos nunquam penetrabimus. Hoc scimus, justissima esse Dei judicia, sed occulta. Altissima est Dei providentia, quam nos pumiliones nunquam attingemus, vertice quantumvis erecto.

De hac Dei providentiâ, deque divinis permissionibus insigniter Augustinus: Noli ergo mirari, ait, permittit Deus, & judicio permittit: permittit & mensurâ, numero, pondere permittit. Apud illum non est iniquitas, tu tantùm ad eum pertine. In ipso spem pone, ipse sit adjutor tuus, salutare tuum. Refugium tuum ipse est, & non te finit tentari suprâ quàm potes ferre, sed faciet cum tentatione etiam exitum, ut possis sustinere, ut, quòd te finit patit tentationem, potestas ejus sit. quòd non finit

finis ultra in te fieri, quam potes ferre, misericordia ejus sit. ⁴

Sed hanc ipsam Dei providentiam uberius explicans: Qui sunt, ait, recti corde? Qui omnia, quaecunque in hac vita patiuntur, non ea tribuunt insipientiæ, sed consilio Dei ad medicinam suam, nec præsumunt de justitiâ suâ, ut putent se injustè pati, quod patiuntur: aut idè esse Deum injustum, quia non plura patitur, qui plus peccat. Hæc sæpe dicimus: aliquid fētis, sive secundum corpus, sive secundum dispendiū rei familiaris: sive per orbitatem aliquam charissimorum tuorum: noli respicere eos, quos nōsti iniquiores te. Non enim fortè audes dicere justum te, sed nōsti pejores te, & florere in istis, & nō flagellari, ut displiceat tibi consilium Dei, & dicas: Ecce, pata, peccator sum. & propterea flagellor: quare ille non flagellatur, cujus novi tanta flagitia? Quantumcunque mali fecerim ego, nunquid ego tantum feci, quantum ille? distortum est cor tuum. Quam bonus Deus Israël, sed rectis corde? Tui autem labuntur pedes, quia zelas in peccatores, patrem peccatorum intuens. Sine curare: novit Deus, quid agat, qui vulnus novit. Non fecatur alius. Quid si desperatur? Quid si propterea tu secaris, quia non desperaris? patere ergo, quidquid pateris recto corde, novit Deus, quid tibi donet, quid tibi subtrahat. Quod tibi donat, ad consolationem valeat, non ad corruptionem, & quod tibi

a Aug. in Ps 61. mihi pag. 257. fine Psalmi.

tibi subtrahit, ad tolerantiam valeat, non ad blasphemiam. Si autem blasphemas, & displicet tibi Deus, & tu tibi places, perverso corde & distorto es: & hoc pejus, quia cor Dei vis corrigere ad cor tuum, ut hoc ille faciat, quod tu vis, cum tu debeas facere, quod ille vult. Quid ergo? vis detorquere cor Dei, quod semper rectum est, ad pravitatem cordis tui? Quamto melius ad rectitudinem DEI corrigis cor tuum? nonne hoc te docuit Dominus tuus, de cujus passione modo loquebamur? nonne infirmitatem tuam portabat, quando dixit: Tristis est anima mea usque ad mortem?^a

Refert Ludovicus Blosius, Birgittam sanctissimam viduam a Christo interrogatam: Cur turbaris & sollicita es, filia? Respondit illa: Diversis ac noxiis cogitationibus affligor: insuper tui me iudicii terror percillit. Cui Dominus: Hæc, inquit, mea est iustitia, ut sicut prius delectabar mundæ vanitatibus contra voluntatē meam, ita nunc molestæ tibi sint perversæ cogitationes contra voluntatem tuam. Iudicium meum time, sed moderatè. Et scias cogitationes pravas, quibus mens reluctatur, & detestatur illas, purgationem esse animi, & coronam. Si eas prohibere non possis, tolera, & animo iis obnitere. Et quamvis illis non consentias, time nihilominus, ne inde superbias. Quicumque stat, solius Dei virtute stat. *b* Ut igitur homo intelligat imbecillitatem suam, quam habet à seipso, &

^a Idem in ps 63. mihi pag. 266.

^b Blos. Monil spirit. c. 4. medio.

for

fortitudinem meam, quam à me accipit, necessarium est, ut quandoque permittatur pravis cogitationibus pulsari, quibus, si non consentiat, efficiuntur mentis expiatio, & custodia virtutum. Et quamvis ex sint amarissimæ toleratu, animum tamen perferant, & præparant æternitati beatæ quæ sine amaritudinibus non obtinetur. ^a Necessarium non est ut semper dulce sit, quod est utile: Plerumque fit contrarium, ut salubre sit quod est insuave.

^a *Idem ibid.*

§. 2.

Octavum, *Christi cohortatio*. Ludovicus Blosius, quem dixi, hominem cælesti solatio carentem, erigit his omnino verbis: Caveat is, qui orat, ne volutariè ac datâ operâ, per gravem negligentiam inter orandû mente distrahatur: caveat item, ne orationem propterea deserat, quod in eâ nullam fortè consolationem sentit. Sanè sicut mentis distractio, quæ præter voluntatem orantis accidit, fructum & utilitatem orationis non tollit, ita nec cordis ariditas, dùm adest bona voluntas. Nam quod Birgitte viduæ, hoc & Gertrudi virgini à Domino est dictum seriâ cohortatione: Vellem, electis meis persuasum esse, quod eorum bona exercitia & opera mihi omnino placeant, quando ipsi serviunt expensis suis. Illi autem expensis suis mihi servitium præstant, qui licet saporem devotionis minimè sentiant, fideliter tamen, ut possunt, orationes,

118 RHETORICA CAELSTIS.

& alia pia exercitia sua peragunt, confidentes de pietate meâ, quòd ego illa libenter & grâte suscipiam. Plerique sunt, quibus, si sapor & consolatio interna concederetur, non eis prodesset ad salutem, & meritum ipsorum valde minueretur.

Sed & illa Christi cohortatio studiosius expendenda est: scito, filia, quòd anima perseverans in humili fidelique oratione, adipiscitur omnè virtutè. Vnde nullo modo orationis studiù négligendù aut omitendum est, propter aliqua adversantia, si-ve ea procedant ab illusionè satanæ, si-ve à fragilitate propriâ, si-ve à cogitationibus immundis. Frequenter enim diabolus orationis tempore, animam variis imaginibus & phantasmatis magis infestare conatur, quàm extra tempus orationis. Et tunc calidè suggerit oranti, quòd talis oratio nil ipsi proffit, cùm alia cogitare nõ debeat, quàm illa, quæ orat. Hoc autem malignus hostis persuadere nititur, ut is, qui orat, tædium mentis incurrat, atque ita exercitium orationis omittat, quæ est armatura fortissima adversus omnes inimicos. O quantum animæ utilis, & mihi grata est ea oratio, quæ in utilitatis propriæ, & bonitatis meæ cognitione peragitur cum charitate.^a

Nimirum hoc optimæ orationis genus est, extremam vtilitatem suam agnoscere, & summam DEI bonitatem extollere.

Sed

^a *En orationis optima paradigma. Blos. Monil. spirit. c. 3.*

Sed eadem illa, quam diximus, Gertrudis virgo è caelo didicit, orationis veræ & devotæ verba, nobilissimis gémis aut floribus vernantissimis esse similia : sin oratio negligentior sit, & sine curâ, qualem plerumque sola extorquet consuetudo, tum illius verba floribus marcidis, & gemmis obscuris non dissimilia censerî. Cúmque eadem virgo Gertrudis vuculas non multas, ducentes vicies ad salutandû Dominum IESVM pronûtiâsset, intellexit singulas eiusmodi salutationes esse instar organi musici : tum verò suavissimam edi symphoniam, si vera non desit devotio, quam esse, affirmavimus, promptissimam in divinis obsequiis voluntatem. Sed pergimus.

§. 2.

Nonum, *Hominis solida devotio.* Hic cum Bernardo vociferor Sit tibi IESVS semper in corde, & nunquam imago Crucifixi ab animo tuo recedat. Hic tibi sit cibus & potus, dulcedo & consolatio tua, mel tuum, desiderium tuum; lectio tua, & meditatio tua; vita & mors, & Resurrectio Domini IESV. Tu modò hunc Dominû cum orientibus dynastis sollicitus quære, e iam si non semper ducem habeas stellam. Sidus, quod tribus illis ab oriente regibus facem præferebat, subinde se subduxit, mox iterum sublime claravit iter, Vtrumque regis viatoribus utile, utrumque DEI beneficium fuit. Nam ortu primo sese spectan-

dum

dum offerens, causam dedit inquirendi novi regis & adorandi: cum oculis se negavit, ad Christi cunabula diligentissime indaganda impulit, cum autem denuò præcundo viam mōstraret, gaudiū geminavit.

Tu ne cede malis, sed contra audentior ito, a etiamsi caelestem hunc anteambulonem aliquoties è conspectu amittas. Qui solatiis divinis fruitur, futuro se paret, & illud lobi meditetur: *Quis mihi tribuat, ut sim juxta menses pristinos, secundum dies, quibus Deus custodiebat me? quando splendebat lucerna ejus super caput meum, & ad lumen ejus ambulabam in tenebris? & Qui solatiis divinis destituitur, nihilominus cum psalte regio canat: Etsi ambulavero in medio umbræ mortis, non timebo mala, quoniam tu mecum es. c. Bono animo, stella, quæ latet, iterum se visendam exhibebit, & igneo viam sirmate signabit.*

Quod si oculos è caelo flectamus in terram: Fertilis ager non censetur, qui lætas segetes minimè pollicetur, nisi liberalissime stercoretur. Fecundum solum in fruges exuberat, etsi rariùs & parciùs fimo rigetur, siccitatis & æstus patiens, multo cum fenore refundit, quidquid accipit. Hoc boni agri, hoc fecundi horti est. Ita prorsus homo divinæ voluntati verè conformis & devotus, etiamsi modicum solatii sentiat, tamque à Deo, quam ab hominibus desertus videatur, nihilominus, quod potest, facit, bonarum actionum solitum tenorem

a Virg. l. 6. Aeneid. post. init.

b c. 29. v. 8. c Psal. 23. v. 4.

non

non intermittit, suo vivit succo; quantif-
 cunque demum calamitatibus urgeatur,
 Deo fidelis perstat. Hiberno nobiliori fru-
 mento gratum est, gelu durari terram, tan-
 tō enim altiores capit radices, quanto ma-
 gis gelatur solum: serenum semper & mite
 cælum, segetes in herbam evocat præmaru-
 rē, non sine certo damno. Pari modo ani-
 mus humanus non æstates solum, sed &
 hiemes expectet; durandus est utroq; tem-
 pestatis genere; neque enim solatiis tan-
 tum mulcendus, sed & mæroribus strin-
 gendus est: cum cælum ridet, ac favet, Deī
 misericordiam; cum tonat, & fulminat,
 Deī justitiam, suam verò infantiam & nu-
 seriam agnoscat.

S. 4.

Hic tamen duo quædam nō ignoremus.
 Primum est, ad eos hæc monita non spe-
 ctare, qui, quod possunt, non faciunt, qui
 animum ad orationem non præparant, nec
 viribus suis respondent, quorum conatus
 aut nullus, aut planè languidus est: Hi va-
 nissimè jactant: Ita Deus vult, qui mentem
 meam in oratione distrahi permittit: quid
 ego possum? O bone, hoc Deus non vult,
 ut, quod possumus, non faciamus, nec co-
 nemur rectè orare. Conatus es? fecisti,
 quod potuisti? & tamen oratio non succe-
 dit? Iam dic, quæsiivi, & non inveni illum;
 vocavi, & nō respondit mihi. Ergo, si ve-
 lis, ô Domine, ut cor meum sit aridum ac
 vagum,

a Cantic, c. 5. v. 6.

122 RHETORICA CÆLESTIS.

vagum, & ego muscis abigendis sim occupatus, Fiat voluntas tua; non idèò misericordiae divinae ostium pulsare, aut in humilitate me subicere omittam, imò iam utrumque faciam constantius.

Videat, obsecro, quâ ratione nostri etiam navi, & ornamento nobis sint & adjumento. Cespitare, labi, corruere, nonnunquam expedit, si constantiâ majori & submissiōne assurgamus: Bene cecidit, qui humilior surrexit; feliciter lapsus est, qui jam cautior incedit; non sine lucro corruit, qui se robustior jam levavit.

Alterum est, quod hîc observemus. Non idèò non orandum, aut ab oratione cessandum, si distractiones & siccitas mentē occuparint. Est enim fortassis, qui quærat, an non consultius videatur, ab oratione tunc penitus cessare, cùm cogitationes adèò tumultuantur. Respondemus, plerumque non esse consultius, nam eâ ratione victor evaderet cacodæmon, ut qui homini parata in se tela rapuisset. Sat pulchra diabolo victoria est, orationis tædium immisisse. Tu igitur orare perge. Multum dat, qui dat, quod habet, qui sibi nihil retinet, qui nihil, quod est in se, omittit.

Quid fiet agro, qui nihil cibi admittere sustinet, cùm nihil appetentiæ sentiat? saltem aliquid edulii sumat, tamen non appetat, dum scilicet appetitus sensim redeat. Idem in precibus observandum. Et docet experientia, cum qui orationem vel cum mediocri attentione ac diligentia perseverat,

rat,

rat, longè meliùs finire quàm cæperit. Quod Ecclesiastes significans: Melior est, inquit, finis orationis quàm principium. *a* Sic enim orandum est, ut etiamsi cæperimus frigidè, orando tamen incalescamus.

Cæcus, qui Domini IESV medicam manum implorabat, in viâ Hericho versus, quò magis vetabatur turbæ, ne clamaret, tantò ipse contentiùs clamabat. Ita profusus orantibus agendum etiamsi vanissimarum cogitationum vulgus minetur, & importunè silentium imperet, non tamen ideò ab oratione cessandum. Nos verò multò magis clamemus: IESV, fili David, miserere mei. Domine, canis sum; sed & catelli edunt de micis, quæ cadunt de mensâ dominorum suorum. *b* Domine non dimittam te, nisi benedixeris mihi. *c*

Viator, quò ventum experitur vehementiorem, eò vestes arctiùs sibi apprimit; ita qui orat, quò insultus patitur graviores, eò ardentius divinam opè imploret. In defissimis tenebris, in fluctibus profundissimis, Deum adiutorem suum comprehendat arctissimè. Eluctabitur jam sepultus undis. Vita talis non est quidem suavis, sed est fidelis: oratio talis non est dulcis, sed est fortis, quæ omnes illas delicatas orationes longissimè superat. Conemur facere, quod possumus: cetera committamus Deo: speremus in eo, & ipse faciet. *d*
a Eccles. c. 7. v. 9. *b* Matth. c. 15. v. 27.
c Gen. c. 32. v. 26. *d* Psalm. 36. v. 5.

CAPVT X.

Quot orationis partes.

Vir oppidò eruditus, Iuriconsultissimus, & maximi nominis toto Imperio Romano, dicere solebat: Nos Germani (liceat dicere) prudenter, sed periculosè factui; filios nostros in regiones exteras amadamus ingenti sumptu, & sæpè cum iacturâ pudicitiae, nōnunquam etiam vitæ. Quis harum peregrinationum finis? ut diversarū nationum idiomata discant. Fac fieri? Quid inde? Cū redeunt, linguam patriam & vernaculam ignorant; germanicè loqui nesciunt, cum infantibus balbutiunt.

Sunt, quos Mithridatis cognatos dixeris, qui linguarum plurimarum periti, cum diuersissimis nationibus sermocinari queant. Principes affari, Legationes obire, Gallos, Italos, Britannos, Vngaros, Hispanos suā quamvis nationem peculiari linguā salutare nōrunt. Pulchrum hoc, & commendandum.

Enimverò dicite, hi linguarum tam gnari, cum Deo quo loquuntur sermone, num patrio & nativo, an peregrino? Certè alius hīc stilus, alia lingua, alia est Rhetorica. Heu quam multa scimus, quorum ignorantia utilior esset ac sanctior. Nā sæpe, cū plurima didicerimus, orare nescimus. O igitur, Domine, doce nos orare.

Diximus duplici superiori capite, discipulum

lum cælestis Rhetoricæ minimè terri oportere, licet dicendo irrucescat, etsi vox & memoria hæreat, quamvis in oratione aridus, vagus, frigidus sit, neque enim hæc certa mali oratoris signa esse. Nunc sequitur, quod Rhetoricæ primum est: Quot sint partes orationis? Quatuor numerantur; Exordium, Narratio, Confirmatio, Epilogus, seu Peroratio. Totidem omnino partes ad orationem Christianam pertinent, idcirco ea nunc explicabimus.

§. 1.

Pars orationis prima est Exordium, quod apud oratorem Christianum est, *Humilitas*. Salomon hac in re testis locupletissimus: Iustus, inquit, prior est accusator sui. *a* Omnes, putem, qui de oratione præceptiones tradunt, illud singulariter instillant, *Oratio sit Humilis*. Ita quidem ut Humilitas sit verum orationis principium. Apertè Siracides: Oratio humiliantis se, inquit, nubes penetrabit, & donec propinquet, non consolabitur: & non discedet, donec altissimus aspiciat. *b* Quòd si miseriarum nostrarum abyssum inspiciamus, non difficilis nobis videbitur Humilitatis virtus. Heu quanta hominis vilitas, imò quàm grande illius nihilum est! Homo corruptionis speculum, imbecillitatis exemplum, temporis spolum, fortunæ ludibrium, putredinis sepulchrum, avolans umbra, umbræ somnium,

G 2

popina

a Prov. c. 18. v. 17. *b* Eccli. c. 35. v. 21.

popina vermium, lacertorum epulum, calamitatis simulacrum, inconstantiae prodigium, invidiae theatrum, statera momentum, vitiorum habitaculum, morborum atrium, autumnii fœnum, mortis mancipium, vanitas vanitatum, pulvis, cinis, nihilum, & hic tam bellus homo superbiat, cujus intellectus tenebricosus, voluntas pertinax, memoria vaga, cujus imaginatio inquietissima, sensus exteriores curiosissimi, caro ad otium & omnem nequitiam pronissima est, & tamen hic ipse superbiat, qui causas submittendi se habet innumeras?

Quid de illo equite sentiendum, qui fractis viribus & equitandi imperitus, equum insuper habet contumacem, duri oris, cespitatore, pavidum, sternacè, sed & ephippium sessori non habile, retinaculum ac frenum vix ullius usûs sunt, & quod accedit, via montosa, aspera, subjectis præcipientis periculosissima. Talis omnino eques est homo, cujus appetitûs irascibilis, quem vocant, & concupiscibilis, equus ille refractarius & indomitus, quem Ratio regat, sed heu quàm illa debilis est, & imminutis viribus: propositum loco freni sit, plerumque tamen imbecille ac invalidum est. Mundus præcipientis plenus, miserrimi hujus equitis iter periculosissimum reddit. Denique tam miseri sumus à nobis ipsis, ut nec unico quidem puriore desiderio in DEVM feramur, nisi hoc ipsum Deus suggerat. Non enim

a Vide Prodromum *Eternitatis*, c. I. §. 2.

enim
nobis,
mus,
nostr
tulatr
gratis
præst
firmis
sentin
clefia
Deus
interis
ad ver
vis cog
virtu
nos i
depri
abyss
Acc
quâ lo
mend
te rog
bus te
præfe
mend
quide
lauda
mend
& ule
los e
elicia
Ari
a 2. Co
gesti

enim sufficientes sumus cogitare aliquid à nobis. *a* Sponte nostrâ labimur, & cadimus, sed nequaquam assurgimus sponte nostrâ. Actum est de nobis, ni Deus opitulatricem manum porrigat. Absit divina gratia, & perimus. Nulla virtutum officia præstamus, ni certis Deus adminiculis infirmitatem nostram confirmet. Vitiolorum sentina, & ipsa sumus fragilitas. Hinc Ecclesia nos orare docet in hunc modum: *Deus, qui conspicias omni nos virtute destitui, interius exteriusque custodi, ut ab omnibus adversitatibus muniamur in corpore, & à pravis cogitationibus mundemur in mente.* *b* Verè virtute omni destituimur, & hoc est, quod nos in Humilitatem submittat, & jure deprimat; vilitatis nostræ impenetrabilis abyssus.

Accedit immensa DEI majestas, cum quâ loquendum est oranti. Quis, obsecro, mendicorum aded infani, ut stipem in ponte rogaturus, melioribus, quas habet, vestibus se amiciat, philippeos & aureos manu præferat, nummorum copiam jactet? talis mendicus erat Pharisæus. Ascenderat hic quidem orare; noluit Deum rogare, sed se laudare, insuper & roganti insultare. Hoc mendici non solent; centones monstrant & ulcera, ut non tantum aures, sed & oculos expugnent, & aliquid nummularum eliciant.

Aristippus seriæ frontis Philosophus,
 G 3 Laërtio
a 2. Corint. c. 3. v. 5. *b* Dominicâ 2. Quadragesima.

Laërtio teste, a Dionysium regem Siculum pro amico deprecaturus accesserat. Sed irritæ cadebant preces. Ille ad regis pedes advolutus, demum, quod petiit, impetravit. Hoc ut Philosopho indecorum non nemo reprehendit. Cui Aristippus: Rectè, inquit, à me id factum censeo, nam Dionysius aures in pedibus habet. Benignissimus Deus exoratu neutiquam difficilis est, de eo tamen non iniquè dixerimus: Aures habet in pedibus. qui impetrare cupit, quod rogat, in genua procumbat, ad pedes se abjiciat. Exordiū orationis Christianæ Humilitas: quantò humiliùs oras, tantò certius impetras. Hoc orandi artificium non ignorans latro: Domine, inquit, memento mei, cùm veneris in regnum tuum: deprædationibus & latrociniis inferos sum meritus, idèò summam interpretabor gratiam, si solam obtinero mei memoriam. Non hanc tantùm, sed & paradisum obtinuit, quia submissè rogavit.

Beatam Tereſam in Hispaniis sanctissimam feminam, ajunt, Humilitatis non tantùm summam admiratricem, sed ejus etiam virtutis perstudiosam fuisse, dicereque solitam, Dominum IESVM ejusdem amore incredibili teneri. Cur autem tantus Humilitatis cultor & amator existeret, hanc esse rationem, aiebat, quod amaret ipse veritatem, Humilitas autem aliud non sit, quàm veritas, dum scilicet agnoscimus, quèd parùm reverà simus, & nihil penitus, à nobis ipsis boni habeamus. Nihil ad hæc esse

esse afferebat, quod Deum tam celeriter ac
 facile vincat, alliciat, & in preces flectat,
 quàm Humilitatem. Hac quippe invitante
 & impellente, illum in materna viscera
 descendisse, & per hanc à nobis illum in
 animas nostras vel crine capitis pellicien-
 dum: tum etiam qui plus habuerit Humi-
 litatis, plus etiam Dei habere; qui verò il-
 lius minus, etiam hujus minus habiturum:
 neque enim intelligere se posse, quomodo
 vel sine Humilitate amor, vel sine amore
 haberi possit Humilitas. Ceterùm illà im-
 probabat Humilitatem, quæ donorum à
 Deo in dies receptorum cognitionem nobis
 aufert. Salutare quippe est eadem co-
 gnovisse, simul tamen etiam agnoscere, ea
 nos minimè promeruisse: si enim dona
 hæc non agnoscantur, animus iners & tor-
 pidus manebit, & nihil heroico ausu ag-
 gredietur. Illà quoque vituperabat Humi-
 litatem, quæ ab orationis studio nos avo-
 caret, quando scilicet fictâ quâdam submis-
 sione nos indignos dicimus, qui corâ præ-
 sente Deo versemur. Sic & illam damnabat
 humilitatem, quæ animum in bonarum ac-
 tionû exercitio vel turbat, vel certè red-
 dit languidum. *a* Vera Humilitas non im-
 pedit, sed accendit orationem. Quod illa
 castissima matronarum Iudith asseverans:
 Humilium & mansuetorum semper tibi
 placuit deprecatio. *b*

Mulier Syrophæniſſa Humilitatis inſi-
 gnites

G 4

a Franc. Ribera Theologus, in vitâ S. Teresæ
 l. 5. c. 16, in fine. *b* Iudith c. 9. v. 16.

gniter gnara, quia catello se conferri submissè tulit, à Christo quidquid voluit, obtinuit: Propter hunc sermonem, ait Dominus, vade, exiit dæmonium à filiâ tuâ. *a* Cor contritum & humiliatum Deus non despiciet. *b* Qui semper respexit in orationem Humilium, & non spreuit preces eorum. *c*

Offa sine liquamine & sine sale, *d* oratio sine Humilitate, cibus planè insulsus & fatuus. Semper Deo placuit Humilium deprecatio. Atque hæc pars prima orationis est.

a Marcic. 7. v. 29. *b* Psalm. 50. v. 19. *c* Et Psalm. 101. v. 18.

d Vngesatzne vnd vngeschmaltzne Supp.

§. 2.

Pars altera, Narratio, sive orationis *Attentio*. Hæc triplex est, ad verba, ad verborum sensum, seu significata, ad Deum. Optima videtur ea, quæ verborum sensum spectat. Rex sanctissimus David sæpius hortatur: Psallite Deo nostro, psallite: Psallite regi nostro, psallite. Quoniam rex omnis terræ Deus: psallite sapienter. *a* Verba pauca, sed centum conciones sunt parandæ attentioni.

Vtilissimum iudico è sacris bibliis selectiores aliquot sententias semper in promptu habere, ad omnia aduersa tantò fortius excipienda, ad omnia vitia tantò animosius fugienda, ad virtutem quamcunque tantò studiosius exercendam. Exempli gratiâ:

a Psalm. 46. v. 7.

gratiâ: Serio precaturus seipsum his verbis
 extimulet: *Psalle sapienter, quoniam rex om-*
nis terra Deus, psalle sapienter. Saltem has
 duas voculas animo verset: *Psalle sapienter.*
 Orare vis? agedum fac, quod facis, & rectè
 ora, Euge quid cantes, attende.

Eruditè Cassiodorus: Non solùm can-
 tantes, inquit, sed etiam intelligentes psal-
 lere debemus. Nemo enim sapienter facit,
 quod non intelligit. *a* Hæc Bernardus ap-
 positissimè confirmans: Magnam, inquit,
 injuriam Deo facio, cum illum precor, ut
 meam precem audiat, quam ego, qui fun-
 do, non audio. Deprecor illum, ut mihi
 intendat, ego verò nec mihi, nec illi inten-
 do. Quod deterius est, inutilia & immun-
 da in corde versando, factorem horribilem
 ejus aspectibus ingero. *b* Eodem profus
 modo Cyprianus: Quomodo, inquit, te au-
 diri à Deo postules, cum teipsum non au-
 dias. Vis Deum esse memorem tui, quan-
 do rogas, cum tu ipse memor tui non sis?
 Hoc planè est vigilare oculis, & corde dor-
 mire, cum contrà facere debeat Christia-
 nus, dormire oculis, & corde vigilare. *c*

Idem hic Clarævallensis Abbas, vt suos
 ad vigilantem attentionem excitet: Credi-
 mus, inquit, Angelos sanctos ad stare oran-
 tibus, offerre Deo preces & vota hominũ,
 ubi tamen sine irâ & disceptatione levari
 puras manus perspexerint. Probat hoc An-
 gelus,

G 5

a Cassiodor, in dictum Psalmum.

b Bernar. l. de Animâ c. 8. mihi pag. 1057.

c Cyprian. de orat. Domin.

gelus, ita loquens ad Tobiam: Quando orabas cum lacrymis, & sepeliebas mortuos, & derelinquebas prandium tuum: & mortuos abscondebas per diem in domo tuâ, & nocte sepeliebas eos, ego obtuli orationem tuam Domino. ^a Nam quoddam psallentibus quoque dignanter admisceri sancti Angeli soleant, quid eo manifestius, quod Psalmista ait: Prævenerunt Principes conjuncti psallentibus. Unde & dicebat: In conspectu Angelorum psallam tibi DEVS meus. Doleo proinde aliquos vestrum gravi in sacris vigiliis deprimi somno, nec celi cives revereri, sed in præsentia Principum tanquam mortuos apparere. Vereor, ne vestra desidia quandoque abominantes cum indignatione recedant; & incipiat unusquisque vestrum serò cum gemitu dicere Deo: longè fecisti notos à me, posuerunt me abominationem sibi.

Dico ergo his, qui ejusmodi sunt: Maledictus, qui opus Dei facit negligenter. ^b Dicit quoque non ego, sed Dominus: utinam te calidum aut frigidum invenissem! sed quia te tepidum inveni, incipiam te evomere ex ore meo. Ea propter attendite Principes vestros, cum statis ad orandum vel psallendum, & state cum reverentia: psallite sapienter. Cibum in ore, psalmus in corde sapit. ^c

Qui orat, & attentionem non curat,
cibum

^a Tob. c. 12. v. 12. ^b Scriptit. fraudulenter. & Hierem. c. 48. v. 10. ^c Bern. serm. 7. in Cant. post med. mihi pag. 575.

cibum non mandit, sed integrum devorat, cum insigni nocumēto valetudinis. Littera occidit, si eam absque spiritūs documento glutieris. Sed addit Bernardus: Vnde vos monco, dilectissimi, purè semper & strenuè divinis interesse laudibus. Strenuè quidè, ut sicut reverenter, ita & alacriter Domino assistatis non pigri, non somnolenti, non oscitantes, non parcentes vocibus, non præcidentes verba dimidia, a non integra transilientes, non fractis & remissis vocibus muliebre quiddam balbâ de nare sonantes, sed virili (ut dignum est) & sonitu & affectu voces sancti spiritūs depromentes. Purè verò ut nihil aliud dum psallitis, quàm quod psallitis, cogitetis. Spiritus sanctus illâ horâ gratum non recipit, quidquid aliud, quàm debes, neglecto eo quod debes, obtuleris. *b*

Idcirco pars altera orationis accurata est attentio, quæ narrationem faciat planam, & minimè salebrosam. Quisquis, ait Augustinus, in superficie colit Deum, magis placere vult hominibus. *c* Oratores attentos vult Deus. Maledictus, qui opus Dei facit negligenter.

a Hac o viri Religiosi, obsecro, servemus, sempsallamus, seu oremus. *b* Bern. serm. 47. in Cant. pag. 708. *c* August. in Psal. 65. mihi pag. 277.

§. 3.

Pars tertia orationis Confirmatio, five *Fiducia*. Humilitas docet sibi ipsi semper diffidere

diffidere; ut autem in omnibus Deo fidamus, docet Fiducia. Hanc virtutem summè necessariam oranti asserès Iacobus Christi discipulus: Postulet autem in fide, inquit, nihil hæsitans. Qui enim hæsitat, similis est fluctui maris, qui à vento movetur & circumfertur. Non ergo æstimet homo ille, quòd accipiat aliquid à Domino. *a*

Hebræis olim ter in anno ad tabernaculum orationis undique conveniendū fuit desertis domibus. Ne quis verò interim rei familiari malè metueret, Deus illis securitatem ab omni periculo promittens: Nullus, inquit, insidiabitur terræ tuæ ascendente te, & apparente in conspectu Domini DEI tui ter in anno. *b* Hoc eò factum, ut dum orationi vacarent, Deo ex toto fiderent, qui & domorum custodiam, & omnem ipsorum salutem in se recepisset.

Orbis Servator Christus hæc ipsam fiduciam nobis quàm commendatissimam esse desiderans: Omnia, inquit, quæcunque orantes petitis, credite, quia accipietis, & evenient vobis. *c* En apertissimum Domini promissum, & necdum Deo perfectissimè fidimus? necdum quæ petimus, certò accepturos credimus? Actum est de nobis, si tantis testibus negemus fidem. Hæ pollicitationes divinæ sunt, fallerè nequeunt. Rectè, & ad Theologiæ normam dicitur: Mè-sura credendi, est mensura impetrandi. Quantò capacius fiduciæ vas adferimus, tantò

a Iacob. c. i. v. 6. 7. 8. *b* Exod. c. 34. v. 24.

c Marci c. 11. v. 24.

tantò plus orando impetramus. Et enluculentissimum ejus rei paradigma. Videte mihi tria prorsus disparia orantium vasa, quorum aliud alio capacius. Iairus synagogæ princeps, amplum & capax fiduciae vas attulit: amplius & capacius porrexit Hæmorrhœissæ sanguinis profluvio laborans: amplissimum ac capacissimum divino fonti subjecit Centurio. Magnæ in Christum fiduciae Iairus fuerat, qui valetudinem aut vitam filiae restituendam credebat, sed Christi præsentiam ad id necessariam censebat. Hinc deprecabatur eum multum, dicens: Quoniam filia mea in extremis est: veni, impone manus super eam, ut salva sit, & vivat. *a* Magna fiducia & amplum vas. Sed majus Hæmorrhœissæ, & amplius vas, quod attulit. Siquidem certò persuasa dixit: Si vel vestimentum ejus attigero, salva ero. *b* Non protensam manum, sed solum vestis attactum ambiebat. Attigit; & sanitatem continuò acquisivit. Fiducia hæc nonnihil cõfirmatior fuit priori. At verò Centurio vas fiduciae ad Christum detulit capacissimum. Non Domini præsentiam, non manum imponendam, non vestem contingendam exigit, sed fiducia ingenti: Dic tantum verbo, inquit, & sanabitur puer meus. Miratus summam hanc fiduciae cælestis Medicus: Non inveni, ait, tantam fidem in Israël. Et mox ad Centurionem versus: Vade, inquit, & sicut credidisti, fiat tibi. Dictum factum.

G 7

Et

a Marc. c. 5, v. 23. *b* Ibid. v. 28.

Et sanatus est puer illâ horâ. *a* **Quantò** major fiducia orantis, tantò efficacior oratio. Fiducia in Deum potentissimè persuadet Deo, quod perorando rogat. Credite, quia accipietis, ait Dominus, omnia quæcunque orantes petitis. Fide Deo, cum precaris, & nunquã irritò successu precaberis. Revela Domino viam tuam, & spera in eo, & ipse faciet. *b* Effunde corã Deo cor tuum ingenti fiduciã : & ipse providebit, ipse faciet. Quid faciet ? officium suum te juvando, modò tu tuum facias in illũ sperando.

c **Æ** grotabat Rex Ezechias : de vitã jam conclamãrant Medici ; Isaias mortem jam denuntiaverat. Nihilominus rex fiduciã plenus, abscisã licet omni spe humanã, *Convertit faciem suam ad parietem, & oravit ad Dominum.* *c* Tantopere placuit Deo hæc tanta fiducia, ut mortis sententiã mox rescisã, insuper quindecim vitæ annos adiecerit. Hãc vitæ gratiã Ezechias illustri facinore, novãque in Deum fiduciã institit venerari. **Æ** vo illo liber à Salomone scriptus summo pretio habebatur, ex eo namque facilis & obvia cuivis morbo medicina promebatur. *d* Hinc spes in DEVM apud nõnullos debilitari & evanescere cernebatur. Quod optimus rex ægrè ferens, ut humanæ d'ffidentie nervos incideret, cum librum flammis sepeliri iussit. Voluit nimirũ Ezechias ut deinceps ægrotantes animum & oculos, omnẽque spem salutis in Deo

desi-
a *Matth. c. 3. v. 8. & aliis seqq.* *b* *Psal. 36. v. 5.*
c *4. Reg. c. 20. v. 2.* *d* *Isidorus Clariss.*

desigerent. Deo in omnibus fidendum.

Lantfrancus, vir sanctior nescias an eruditior, cum liberam etiamnum vitam ageret, faceretque iter nullam adhuc religione devinctus, in prædones incidit. Hi eum omni viatico & vestibus spoliârunt. Atque ut impunè hoc facerent, spoliati oculos velârunt, eumque manibus post terga revinctis in senticetum prorsus avium seduxerunt, ne voce suppetias inclamare posset: clementiæ fuit non abstulisse vitam, quæ tamen non videbatur eâ ratione diutiùs servari posse. Quid enim faceret Lantfrancus, quid consilii caperet, quò se verteret, quò iret velatis oculis, manibus ligatis, voce non quidem interclusâ, sed quæ ad viatorum neminem pertingeret! Ergo auxilium omne desperandum, ergo fame moriendum, aut feris in prædam occurrendum. Iamque nox appetebat, quæ spem omnem præcidere videbatur: avii dumeti horror & mors anxium animum terrebant. Nec jam videri poterat aliud concessum, quam sortem suam acerbè lamentari, nullis tamen auditoribus, nisi cautibus, saxi, arboribus. Quando igitur hoc unum restabat, hominem non exiit vir iste desertissimus, & ipse sibi lessum cecinit, seipsum velut mortuum deploravit. Deinde ad Deum versus: O Domine Iesu, inquit, tantos in discendis litteris expendi sumptus, & necdum orare scio. Mi amantissime Deus, tu unus superes auxiliator, extremam necessitatem laborantem adjuva. Vitam antea actam, sanctè polliceor,

polliceor, emendabo, & tibi soli serviam, a te solo servatus. Dixit, nec tamen mox Angelus adfuit qui hominem in viam reduceret. Durior est in suos nonnunquam Deus, experitur illos, nec statim juvat, tamen si statuerit juvare. Ita huic viro incenato, victo, in tesquis deviis, sub dio miserimè pernoctandū fuit. Aurorā redeūte, jamque vicino sole audiit Lantfracus hominum transeuntium strepitus. Clamavit igitur, quantis potuit viribus. Vocem secuti viatores mox adfuerunt, & solverūt ligatum. Ille jam liber & in viam reductus, non differendum censuit, quod exequi statuerat. Eam ob causam: Quæso vos, inquit, in cœnobium pauperrimum me ducite. Duxerunt. Hic Lantfrancus sanctitatis rudimenta jacere Humilitate; vilissima quæque munia obire, focum struere, scutellas eluere, culinæ sordes convertere, aliorum calceos extergere, nullam obsequii vilitatem abhorrere, assiduis sese orationibus exercere, atque his gradibus ad sanctimoniam illustrem tendere.

Nos fiduciam hoc loco sumamus imitandam, quâ ille vir sanctus in extremis angustiis divinam opem impetravit. Omnia quæcunque orantes petimus, si credimus, Deoque fidimus, accipiemus.

§ 4.

Pars orationis quarta, Peroratio, seu, *Patiens perseverantia*. Ea duplex est. Prima, cum

cùm quis uno eodémque tempore orationem produens perseverat. Ita Christus in colle Oliuario, ubi eandem orationem ter repetiisset, Factus in agoniâ prolixius orabat; & tribus prope horis, ut aliquorum fert sententia. Altera cùm à DEO quid petitur non vno solùm alteróve mense, sed annis compluribus. Vtraque hæc perseverantia necessaria est. Ita nos Christus diversis cohortationibus instruens: Petite, inquit, quærite, pulsate. Si amicus amicum mediâ nocte conveniat, & panes hospiti apponendos petat, etiamsi alter cunctetur, & fores jam obseratas, domesticos jam quieti datos, se verò surgere non posse obiiciat; si tamen alter pulsare, & rogare panes non cesset, demum importunitate precum & perseverantiâ è lecto excutiet amicum, qui victus petitione crebrius repetitâ surget, dabitque panes, quotquot voluerit. Et ego dico vobis, ait Dominus, petite, & accipietis, quærite, & invenietis, pulsate, & aperietur vobis. Omnis enim, qui petit, accipit; & qui quærit, invenit, & pulsanti aperietur. *b* Eodé spectat illa Domini parabola. Iudex erat civicus, Dei hominumque contemptor. Hunc vidua crebris obsecrationibus cõpellabat, ut sibi ab adversario tutam agere liceret. Multo tempore surdis fuit auribus iudex. Tandem tam crebro rogatu fatigatus: Etsi, aiebat, ipse secum, nec Deum, nec homines reverear, quia tamen hæc vidua mihi toties molesta

140 RHETORICA CAELESTIS.

molesta est, jus illi dicā, eamque ab adversario vindicatum ibo. Deus autem ait Servator, non faciet vindictam electorum suorum clamantium ad se die ac nocte? *a*

Persuaderi vult Deus, & velut cogi fidelissimā precum perseverantiā. Hinc Ephremo Syro teste, illud satanæ opus est, ut cogitationes orantis in infinita jaculetur, nec sinat hominem in eā persistere postulatio-
ne, quam impetrare contendit. Novit quippe, quod si perseveret deprecans, exaudiet eum qui fecit illū, etsi innumerabilia peccata admiserit. *b* Ita satanas occupatissimus est, omnemque movet lapidem, ut impediat, turbet, subruat & evertat precandi constantiam. Hic hostis,

————— Cui nomina mille,
Mille nocendi artes, ————— *c*

nihil non tentat, eo sine ut qui orat, fastidium concipiat, & omnem animum prolixius orandi objiciat. Agnosce satanæ voces: Quid agis, hæc eadem toties ingeminando: scit utique Deus, quid tibi desit, quid te affligat. Satis est semel iterumque suam Deo necessitatē exposuisse. Scriptum est enim: *Antequam* clament, ego exaudiam, adhuc illis loquentibus ego audiam. *d*

Itane Scripturas loqueris, argutor nequissime? Rursum scriptum est: Quoniam oportet semper orare, & non deficere. *e*

Rursum

a Luc. c. 18. v. 2. & seqq.

b S. Ephrem in Pan.

c Virg. l. 6. *Aeneid.* ante med. d. *Isa.* c. 65. v. 24.

e Luc. c. 18. v. 1.

Rursum scriptum est: Si ille perseveraverit pulsans, dico vobis, etsi non dabit illi surgens eò quòd amicus eius sit, propter importunitatē tamen ejus surget, & dabit illi panes, quotquot habet necessarios. *a* Rursum scriptum est: Hi omnes erant perseverantes unanimiter in oratione. *b* Ergo vade retro satana, quoniam non sapis, quæ Dei sunt. *c* Deus vel ided sapiissime cunctatur dare quod postulatur, ut tantò perseverantior sit oratio, quantò tardior est impetratio. Virtutis est sic esse importunum. Si quidem hæc precum importunitas, delinifica illa suada est, quæ summæ Rationi Deo facillimè, quod vult, persuadet.

Quando igitur non possumus nescire, id omni modo cacodæmonem moliri, ut si orationem non impedire, saltē orandi perseverantiam possit auferre. Tantò igitur importuniùs orandum ac pertinaciùs, quantò vel Deus cunctantior nos audit, vel diabolus tumultuosior nos invadit. Ejus animi lobus: Etiam si, inquit occiderit me, in ipso sperabo. *d* Non sinam me supplicem à divino folio avelli, spe plenissimus, usque & usque obsecrationes meas iterabo. Eiusdem omnino mentis Hieronymus: Memini me clamantem, ait, diem crebrò junxisse cum nocte, nec priùs à pectoris cessasse verberibus, quàm rediret Domino imperante tranquillitas. *e*

Nimi-

a Luc. c. 11. v. 8. b Actor. c. 1. v. 14. c Marc. c. 8. v. 23. d Job c. 13. v. 25. e Hieronym. ad Enstoch.

142 RHETORICA CÆLESTIS.

Nimirum quo altius effodiendo fonti terra egeritur, tantò aqua copiosior invenitur.

Ad hanc ipsam orandi perseverantiam Chrysostomus impellens: Plerumque, ait, torpescimus & resiliimus, nisi statim exaudiamur: propterea oro, ut ex his eruditi, non ægrè feramus, neque segniores fiamus, si non statim audiamur. Fortassis enim Dominus continentiam nostram sedulitatem sapienter exercens ita differt, volens ut mercedem quoque patientiæ recipiamus. Et quia ipse tempus scit, quando nobis utile est assequi, quod quærimus. Ergo assidui simus in divinis precibus, si quando aliquid à Deo petierimus. Perseverantia orantis balista validissima. ^a

Hæ quatuor sunt orationis partes: Exordii locum *Humilitas*, Narrationis *Attentio*, Confirmationis *Fiducia*, Epilogi locum obtinet *Perseverantia*. Feliciter perorat, qui in oratione perseverat.

a *Chrysof. tom. I. hom. 49. in Genes. mihi pag. 342.*

CAPVT XI.

Quæ orationis impedimenta sint, & vitia.

Hospes opulentus, & ut fit, plenus fastidii, in hospitium paganum è viâ divertit. Pauculi homines illic fuerant, qui rem hospitis curarent, muscæ quæ vexarent, innumeræ. Ægrè tulit fastidiosus

diolus diversitor, tot sibi nō vocatos adesse convivas, & cū videri vellet facietior, tandem ad cauponem: Heus caupo, inquit, tot muscis impudentibus sanè convivis separatam mensam instrue, ego symbolas pro omnibus persolvam. Caupo magis veste & loco quàm ingenio rusticus, urbanè prorsus hospiti moroso respondit: Mi Domine, tu modò convivas hos jube accumbere, ego cibum præbebo gratis.^a

Reverà specimen dabit imperii planè admirandi, qui muscarum agmen ad unam mensam ita composuerit, ut quietè ac modestè accumbant. Non minùs eum ut insignissimum oratorem venerabimur, qui cogitationum suarum dominus, imperio non sterili & vano, eas intra certos limites coercuerit, qui jussu efficaci præceperit: *Huc usque & non ultra*. Dixerat olim Ecclesiastes: Muscæ morientes perdunt suavitatem unguenti.^b

Cogitationes inquietæ ac turbulentæ cor humanum in diversa distrahentes, non minùs importunæ sunt orantibus, quàm muscæ convivantibus. De his Gregorius: Cogitationes superfluxæ, inquit, suavitatem spiritûs perdunt, quoniam integritate ejus perfrui non permittunt.^c Dicuntur autem ejuscemodi muscæ morientes, non solùm quia orationis suavitatem & gratiam exterminant, sed etiam licèt utiles futuræ videantur,

^a Mein Herr/ lasses nur nider sitzen/ so will ich ihnen die Zech schencken.

^b Eccl. c. 10. v. 1. c Greg. c. 18. Moral. c. 25.

deantur, cùm occurrunt, post orationem tamen non magis fructuosæ, quàm res mortuæ deprehenduntur. Simulacra illa, quæ in oratione spem magnæ utilitatis offerunt, oratione finitâ sic evanescent, ut trunca & inutilia cadavera relinquantur. Muscæ morientes perdunt unguentum orationis. Quâ autem ratione sint ejiciendæ, suprâ demonstratum. Nunc porrò dicendum, quæ potissimum impedimenta sint & vitia orationis.

§. I.

Primum orationis impedimentum est, *Solatium aut gaudium à rebus creatis emendicatum.* Nec medicus, nec chirurgus in illas ædes vocari solent, in quibus omnes sano sunt corpore. Siquidem malagmata non nisi læsis membris imponuntur. In eam domum consolator d. vinus non mittitur, quæ solatiis humanis & gaudiis vanis pascitur. Ad eos Paracletus venit, quos in luctu ac mœrentes invenit. Salomonis consilium est: *Date ficeram mœrentibus, & vinum his, qui amaro sunt animo: bibant, & obliviscantur egestatis suæ, & doloris sui non recordentur amplius.* a Bernardus divini solatii optimus æstimator: Pretiosa est, inquit, divina consolatio, nec omnino tribuitur admittentibus alienam. Infelix tu Esau, qui dixisti: Num unam tantum benedictionem habes pater? Quanto melius erat dicere cum Prophetâ: Vnam petii à

a Prov. c. 31. v. 6. & 7. Do.

Domino, hanc requiram. *a* Indignus enim benedictione cælesti convincitur, qui eam dubio quærit affectu, aliud sibi refugium parans. *b*

Hebræus populus annonam è cælo non accepit, manna non collegit, quamdiu farina Ægyptiâ victitavit. Hæc consumptâ victus depluit è nubibus. Quamdiu solatiis aut gaudiis vanis nutrimur, tamdiu jure destituimur divinis: Rara est mixtura profani & divini solatii. Nos equidem cuperemus & hoc & illo frui. Cuticulam curamus sedulo, & vanæ voluptatis mel lingimus avidissimè, simul tamen etiam dulcedinem cælo distillantem ineruditâ gulâ poscimus. Vanas & divinas voluptates eodem vase claudere difficile est. Aves, quæ volant & natant, inter immundas à Mose numerantur; turbidâ voluptatis aquâ natante, & simul in precibus ad Deum evolare velle, immundæ avis argumentum est.

Nemo se fallat; uti nulla luci & tenebris, sic nulla cælo & fluxarum rerum illecebris societas est. Continuis dissiliis in homine luctantur caro & spiritus qui parti adhæret uni, bellum indicit alteri; oderit carnem, qui amore dignum censet spiritum. Hoc Hebræus rex David perspicacissimè observavit. Hinc illæ voces: Renuit cõsolari anima mea: memor fui Dei, & delectatus sum. *c*

Scio equidem ad stomachum meum non fore dominicum vinum, cælestes delicias, si
de
a Psalm. 26. v. 4. *b* Bern. in illud. Ecce nos reliquimus, &c. mihi pag. 1016. *c* Ps. 76. v. 4.

devorem melleas mundi placeas. Hinc Augustini monitum est: Relinque omnia, ut invenias omnia! Tantò melior erit tua oratio, quantò vita tua fuerit à rebus fluxis abstractior.

6. 2.

Alterum orationis impedimentum *Curiositas*, ò Curiositas, ò verè vitium humanæ gentis! Curiositatem rectè dixeris non quidem vitiorum summum, sed ad summa notissimam ducem. Curiositas otiosorum hominum princeps negotium est. Hi non solum omnia nòsse cupiunt, sed in aliorum sermones & actiones, imò in ipsas pænè cogitationes indagant. Multa legere venustæ dictionis gratiâ, vel solâ sciendi appetentiâ, meræ curiositatis est. Anselmus hanc vitiorum ducem depingens: Curiositas, inquit, est studium perscrutandi ea, quæ scire nulla est utilitas. Quidquid à curiositate velut à matre prodit, plurimum orationem impedit. Oratio velut somnus lenissimus quovis strepitu turbatur & abrumpitur. Hinc sacra Salomonis carmina suum sponsæ soporem toties defendunt: ne suscitetis, neque evigilare faciatis dilectam, donec ipsa velit: orationem ipsius, dum finierit, ne interrompите.

Antonium magnum orantem sol sæpius impediit. Solebat vir sanctissimus sole vespertino ad tergum occumbente, omnem reliquam noctem orâdo pervigilare, ita ut matuti-

matutinus solia orantis os sese infundens, eodem quo reliquerat situ, cum Deo colloquentem deprehenderet. Hoc ægrè ferēs Antonius, & in solem excandescens: Quid sol me impedis, clamabat, qui jam ad hoc oriris, ut me a veri luminis claritate abstrahas. Hæc eum, inquit Cassianus, in fervore spiritus proclamantem audivimus. *a* Nox ei tota velut unicum, sed dulce ac pauld productius suspirium fuit. Hic omne cor suum in paternos Dei sinus effundebat; hic omnem mundum pedibus calcans cum conditore mundi colloquium miscebat suavissimum.

Apud hos tales oratores licet discere, quomodo victā curiositate omnis mens humana in Dei manus se transfundat. Curiositas hamus diaboli ad quævis trahit vitia. Bethsamitæ, quod Regum fasti memorant, non pietate moti, sed curiositate, viderunt arcam, gavisī sunt, quod vidissent. *b* Hæc una curiositas tantopere Deo displicuit, ut virorum principum septuaginta, hominū verò plebejorum quinquaginta millia puniverit morte. Percussit Dominus de viris Bethsamitibus, eò quod vidissent arcam Domini, & percussit de populo septuaginta viros, & quinquaginta millia plebis. *c* Leve prorsus & puerile videbatur delictum, id tamen maximum excepit supplicium.

Illā verò pessimā curiositas est, quæ in vitam

a Cass. collat. 9. c. 31. *b* 1. Reg. c. 6. v. 13.

c Ibid. v. 19.

vitam moresque alienos oculatissima in-
 quirat. Curiosissime mortalium, quid vides
 festucam in oculo fratris tui, & trabem in
 oculo tuo non vides? *a* Labeculã in alienã
 facie curioso digito notas, & in tuã fordi-
 dimum atrorem non accusas; in aliis
 damnas morum navulos, in teipso robusta
 vitia lippiendo transis. Ponderus & pondus,
 mensura & mensura, utrumque abomina-
 bile est apud Deum. *b* Quidquid tu agis,
 sancte hypocrita, grandi mensurã, ingenti
 spercilio, pondere verborum magno ex-
 cusandum & commendandum est: quod
 alii agunt, hoc curiositas tua gracili men-
 surã, levi pondere vituperat; mensura hæc
 gemina, duplex hoc pondus apud Deum
 est abominabile.

Erinaceum Lex Hebræa vetus aut im-
 mundum animal damnavit. Hoc si tangat-
 ur, foris aculeatus globus tangenti, at in-
 tus sibi ipsi contractis pedibus mollis pul-
 pa est: ita isti curiosi indagatores sibi ipsis
 propitii ac blandi, asperi sunt aliis & rigi-
 di: quod inquirunt, vident, audiunt, malè
 ac levorsum interpretantur, sui ipsorum mi-
 tissimi non censors sed laudatores. Ho-
 rum miserrima prorsus conditio est, qui
 quidquid alienum est, in malignam inter-
 pretantur partem, & cum dicta factaque
 damnare non possint, damnant animum soli
 Deo apertum.

Abrahamo sepulchreti jus à filiis Heth
 empturo responsum est: *Sepeli in mortuum*

a Matth. c. 7. v. 3. *b* Prov. c. 20. v. 10.

tuum. a Hoc curiosis illis indagatoribus æperquisitoribus omnibus inculcandum est: *Sepeli tu tuum mortuum; tuum, tuum.* Nos temerarii modestæ nimiam curiositatis esse censemus de actionibus exterioribus sententiam ferre, ad cogitationes, ad intima animorum proposita, ad abditissimas pectoris intentiones soli Deo notas decurrimus, & alienos mortuos sepelimus. Hunc prodigum, illum præparcum, hunc & avarum; fastuosum illum, hunc nimis humilem, istum iracundum, hunc nimis plumbeum & ignavum judicamus. Hæc quotidiana sunt; mille audias ejuscemodi judicia. O curiose, nimium & temerarie vespillo, quid vivos sepelis? *tu tuum sepeli mortuum:* tuis intende, quod tui muneris est cura, quid aliena scrutaris? Quid funera nihil ad te spectantia deploras? tu tuum plora, & sepeli mortuum. Memineris, te Christianum esse, non civem Atheniensem curiositati natum. De quibus Paulus; Athenienses autem omnes & advenæ hospites, ad nihil aliud vacabant, nisi aut dicere, aut audire aliquid novi. *b* Hinc suos commonefaciens: Audivimus, ait, inter vos quosdam ambulantes inquietè, nihil operantes, sed curiosè agentes. *c* Hæc maxima orantium impedimenta sunt, hæc orationis alas incidunt. Aut igitur curiositatem vita, aut oratoris nomen perdidisti.

a *Gen. c. 23. v. 6.* b *Actor. c. 17. v. 21.*

c *2. Thess. c. 3. v. 11.*

§. 3.

Tertium orationis impedimentū, *Animi duritia*: quæ duplex est, illa in pauperes, hæc in inimicos & hostes. Durus & asper animus in pauperes omnem orationis fructum eripit. Locupletissimus testis Salomon: Qui obdurat aurem suam, inquit, ad clamorem pauperis, & ipse clamabit, & non exaudietur. ^a Mentionem inicit Hebræus psalter aspide surdæ & obdurantis aures suas. ^b Hæc enim, quod Augustinus nos docet, ne carminum incantamenta percipiat, auriculam unam terræ admovet, alteram converso sirmate oppilat: hunc ipsum exercet astum pecuniæ amans, qui hanc quidem aurem monetæ suæ applicat, quàm minimè minuendam, sed assiduè augendam censet, alteram aurem obserat vanâ futuri sollicitudine: quid ego, ait, in alios tam largus sim, fortassis ipse penuriâ premendus? quid filiis meis, quid hæredibus relinquam, si ærariolum meum tam maturè dissipem?

En surdam aspidem! Ita pauperum clamores obstructis auribus excludit. Huic pro caudâ est vivendi meta. Hæc enim cura plerumque distinet, cruciatque deparcos, ne sibi ante obitum desint necessaria, vel ne filii tenuitatem patrimonii accuserent. Quisquis igitur sic aures obdurat, clamabit & ipse, & non exaudietur. Par pari referet

Deus,

^a Prov. c. 21. v. 13. ^b Psal. 57. v. 6.

Deus, & velut in os objiciet: sicut me sapius famelicâ pauperis voce clamantē non audiisti, ita nec ego te quantumcunque clames, audiam. Ad ravim usque clama, non audio: Auxilium, fidem, & opem meam implora, non audio: Misericordiam & liberalitatem meam invoca, non audio, quia nec tu me audisti clamantem ad te; tuas tibi vices refero. Monui & prædixi.

Vlysses, ut in apologis est, sociorum aures adversus Sirenum voces cerâ munit. Hoc Vlyssis ingenium, opulenti sed avari Eucliones æmulantur, qui flebiles egenorum preces, libellosque supplices ceratis ostiolis excludunt. Cera eliquato jam melle arida & insuavis, ditiorum illiberalem, durum, immitem, asperumque animum in egenos aptè notat. Vis igitur, cum clamaveris, audiri? Tu quoque clamantes audi: Cave ullum è paupertinâ tribu præfractè rejicias. Tibi dictum puta, quod filio injunxit Tobias: Noli avertere faciem tuam ab ullo paupere: ita enim fiet, ut nec à te avertatur facies Domini. *

Sed alia est animi durities in adversarios & hostes. Frustra orat, qui suis obrectatoribus & inimicis veniam negat. Apertissime præcipit Siracides: *Relinque proximo tuo nocenti te: & tunc deprecanti tibi peccata solventur.* Intelligis hoc & capis? & an, quod juberis, facturus es? Inssionis causas Siracides adjungit: *Homo homini reservat iram, & à Deo quarit medelam?* Nondum hæc capis, & necdum ignoscis omnibus,
 a Tob. c. 4. v. 7. H 3 qui

152 RHETORICA CAELESTIS.

qui te laeserunt? Audi ab eodem plura. *In hominem simile sibi non habet misericordiam, & de peccatu suo deprecatur?* Non satis hæc luculenter dicta? vis luculentiora? Idem divinus moator addit: *Ipsæ, dñ̄ caro sit, reservat iram, & propitiationem petit à Deo? quis exorabit pro delictis illius? memento novissimorum, & desine inimicari.* a Etiamnum deliberas, an inimicis tuis ignoscas? num cupis clariora, his clarissimis? En ipsum tibi solem meridianum statuo. Christus dilucidissimè: Cùm, inquit, stabitis ad orandum, dimittite, si quid habetis adversus aliquem, ut & Pater vester, qui in cælis est, dimittat vobis peccata vestra. Quòd si vos non dimiseritis, nec Pater vester, qui in cælis est, dimittet vobis peccata vestra. b

Hæc ipso sole clariora sunt. Aut igitur inimicis veniam non nega, aut non ora, sic enim frustrà orabis. Quod magister è cælo confirmans: Si offers munus tuum ad altare, inquit, & ibi recordatus fueris, quia frater tuus habet aliquid adversum te: relinque ibi munus tuum ante altare, & vade prius reconciliari fratri tuo: & tunc venies offeres munus tuum. c Nam, ut scias, homicidarum munera Deo non sunt accepta. Atqui homicida est, qui odium in animo velut cruentam siccam exacuit. Ioannes Apostolus expressissimè: Omnis, inquit, qui odit fratrem suum, homicida est: & scitis, quoniam omnis homicida non habet vitam.

a *Eccli. c. 28. v. 2. & seqq.*

ater-

b *Marci c. 11. v. 25. & seqq.*

c *Matth. c. 5. v. 24. & 25.*

æternam in semetipso manentem. & Affe-
ctui & animo certè homicidiū coquit, qui
odium admittit. Ita Hieronymus: Cùm ho-
micidium, inquit, ex odio sæpe nascatur,
quicumq; odit, etiamsi necdum gladio per-
cusserit, tamen homicida est. Nam odium
est desiderium homicidii plenum. Hinc ple-
rumque qui averso & hostili est animo, si
adversarium vel parvulo cochleari posset
submergere, hoc sibi balneum jucundum
ac utile censeret. Igitur oraturus Deum,
exue homicidam, & indue Christianum.
Quod & Augustinus crebrè inculcans:
Odisti fratrem, inquit, & securus ambulas,
& concordare non vis? non agnoscis, quare
tibi spatium dederit Deus? Ecce jam homi-
cida es, & adhuc vivis? O quicumque ille
es, attendis, quid tibi fecerit homo, & non
attendis, quid tu feceris Deo? quare non
dimittis homini parùm, ut tibi Deus di-
gnetur dimittere multum? b

Et quomodo, dic sodes, orationem Do-
minicam recitas, si veniam inimico negas?
num totam profers? totam, inquis, profero.
Nihil ergo verborum retices? nil, ais, reti-
ceo, dico liberè. Dimitte nobis debita no-
stra, sicut & nos dimittimus debitoribus
nostris. Tunc ista? ergo impudentissimè
mentiris, & tuum ipsè collum laqueo in-
duis, quando debita tuis debitoribus non
dimittis.

Quapropter & Augustinus seriè te in-
terrogans: Ne, inquit, ignoscas inimico,
a. r. Ioan. 6. 3. v. 15. G 4 devia-
b. Aug. serm. 5. de S. Stephano.

154 RHETORICA CAELSTIS.

deviabis à Christo? Dimitte illi veniam, ne dum fratri tuo negas misericordiam, tibi claudas Patris indulgentiam. *a* Iudicium enim sine misericordia illi, qui non fecerit misericordiam. *b* Hæc Augustinus monitis prolixioribus confirmans: Interrogate, inquit, quando rogatis Deum, corda vestra; videte, quomodo transmittatis verbum istum: Dimitte nobis debita nostra, sicut & nos dimittimus debitoribus nostris, Non eris orans, nisi ista dicas; si alia dicas, non te exaudit ille, quia non ipse tibi dictavit lurisperitus, quem misit. Necessè est ergo, ut & quando verba nostra dicimus in oratione, secundum ipsam dicamus; & quando ipsa verba dicimus, bene intelligamus, quod dicimus, quia manifestam illam Deus esse voluit. Si ergo non oraveritis, spem non habebitis, si aliter quàm magister docuit, oraveritis, non exaudiemini; aut si in oratione mentiti fueritis, non impetrabitis. Ergo & orandum & verum dicendum est: & sic orandum est, quomodo ille docuit. Velis nolis quotidie dicturus es: Dimitte nobis debita nostra, sicut & nos dimittimus debitoribus nostris. Vis securus dicere? fac, quod dicis. *c*

Chrystomus DEI personam induens: Quo pacto vis, inquit, ut ea, quæ in me peccasti, dimittam, qui illorum, quæ in te deliquisti proximus, cupis atque oras, ut

a Aug. tom. 10. serm. 27. & eod. 10. ser. 182.
b de Temp. mihi pag. 342. *b* lac. c. 2. v. 13.
c Idem Aug. to. 8. in Ps. 103. mihi pag. 485.

ultor existam? a Quapropter aut orare desine, aut omnibus inimicis tuis offensionis veniam impertire.

a *Chrys.hom. 5. in epist. 1. ad Tim.*

§. 4.

Quartum orationis impedimentum, *Orantis immunditia*. Monoculus, Philostrato teste, lautissimum instituit sacrificium, sed dignus non est habitus, qui vel placeret, vel oculum reciperet. a Oratio nobile sacrificium, sed à luscioso vel lippiente, aut cæco animo non acceptum. Qui orat, & animum quacunq; noxâ letali inquinatum non prius emaculat, indignationem potius quàm favorem provocat. Orationes, inquit Chrysostomus, puræ esse non possunt, si fœda sit anima, quæ parit eas. b Et obsecro, qui tandem possit grata esse oratio illa, si orator omni orbatus sit gratiâ? Istud à re simili discamus. Præfidens & nimium temeraria sit hominis illius audacia, qui rogaturus aliquid, eum optimatem adit, cui sese multò exosissimum esse non nescit. Mortalium audacissime, hunc tibi Dominum prius in amicum concilia, deinde, quod cupis, roga. Ita prorsus, quomodo is preces suas Deo gratas fore somniaverit qui gratiam omnem perdidit?

Sed unde hoc sciam, inquis, me in gratiâ esse? Tu tuam interroga conscientiam,

H 5

num.

a *Philostrat. in Apollon. l. 1. c. 7.*

c *Chrys. tom. 5. hom. 36. mihi pag. 233.*

num ea delicti gravioris te accuset. Suum illa vulnus non dissimulabit, si læsa sit. Quapropter consultissimum est, Actum contritionis, a quem vocant, precationibus aliis præmittere, ad animum contractis sordibus expiandum. Quod tunc præcipuè faciendum, si nobis vel minimum suspecti simus de offensione DEO illatâ. Hic prima vox orantis sit; *Miserere mei Deus*, aut, *Deus propitius esto mihi peccatori*. Divinus psaltes compendio rem explicans: Iniquitatem, inquit, si aspexi in corde meo, non exaudiet Dominus. *b* Non ignoro, si peccatum vel blandioribus solùm oculis salutè, Deus me orantem vultu non benevolo respiciet. Ab amicis saluari vult, aut ab iis certè, qui priùs inimicitias ponunt, quàm Deum patrem suum appellent.

Isaias vates Hebræus castæ orationis culpam omnem Israëlitis sceleribus impingens: Peccata vestra, inquit, absconderunt faciem ejus à vobis, ne exaudiret. *c* Aures divinas, quo minùs preces vestras audiant, delicta vestra obserant. Audit Deus, sed non aversos à se. Hoc ipsum malum Hieremias deflens: Nos, ait, iniquè egimus, & ad iracundiam provocavimus: idcirco tu inexorabilis es. *d* Hæc illa nubes est, quæ inter Deum & hominem opponitur, ne transeat oratio. *e* Hæc densa nubila sunt, commissa

crimi-
a Hunc Lector in Horologio meo descriptum & explicatum inventes Horâ 1. Diei.

b Psal. 65. v. 13. c Isai. c. 59. v. 2.

d Hier. Thren. c. 3. v. 42. e Ibid. v. 44.

crimina, quæ ascendunt è corde pravo, velut ex uliginosa & palustri terrâ. Verùm ex atris his nubilis tonitrua, grâdines, fulmina prorumpunt, è peccatis ira, indignatio & furor Dei nascitur. Hoc iis singulariter nec sine formidine considerandum, qui sapius quidem moniti, nihilominus ad genium vivunt, & animo suto non obsequi, nefas ducunt. Nec tamen omnem pietatis sensum in se volunt credi extinctum. Hos Salvanus acriter constringes: Quæ oratio est, inquit, ut doleamus nos non audiri à Deo, cùm ipsi Deum non audiamus; & susurremus non respici à Deo terras, cùm ipsi non respiciamus ad cælum? & molestum sit despici à Domino preces nostras, cùm præcepta ejus despiciantur à nobis? Fac nos pares Domino nostro esse, quis est justæ querimonix locus, hoc pati quemquam quod fecerit? salvo eo quod probare facile possum, nequaquam nos pati illa, quæ facimus, & mitiùs multò nobiscum Deum agere, quàm nos cum Deo. ^a

Exploratissimum nobis sit, quod Salomon pronuntiat: Qui declinat aures suas, ne audiat legem, oratio ejus erit execrabilis. ^b Et qui obdurat aurem suam ad clamorem pauperis, & ipse clamabit, & non exaudietur. ^c Hoc igitur semper obversetur animo: *Audi audiendus.* Vis propitium Dominum? sis attentus famulus. Alioquin idem Salomon Dei jussu tibi occinet:

H 6

Invq-

^a Salvan. l. 3. de Provid. Dei, mibi pag. 24.

^b Prov. c. 28, v. 9, c. *ibid.* c. 21, v. 13.

158 RHETORICA CAELESTIS.

Invocabunt me, & non exaudiam: Manē confurgent, & non invenient me, eò quòd exosa non habuerint disciplinam, & timorem Domini non susceperint. a Iure merito patieris, quod facis. Non audis? nec igitur audiendus es. Par pari referetur. Tu monita spernis, conciones negligis, reprehensionem nullam admittis: Tu quoque spernēris, ne dubita, negligēris, & ad Dei conspectum non admittēris. Non audiens non audieris: opposuisti nubem, ne transiret oratio. Ut igitur Deus preces nostras audiat, nos leges Dei audiamus: ut nostras nobis condonet noxas, nos cunctas inimicis nostris ignoscamus injurias; ut nostros supplices libellos admittat, nos quoque adeuntiū pauperum desideria excipiamus. Hæc pari procedūt passu. Audi audiendus. a *Prov. c. 2. v. 28.*

CAPVT XII.

Quæ orationis sint adiumenta:

AVgusto narrat Suetonius tam delicatas & teretes fuisse aures, ut verba odisset obsoletiora, & sermonem amaret purum & elegantem, qui sententiam quàm apertissimè declararet. Ideò nonnullos cùm amicorum eum cognatorum suorum, festivis salibus perstrinxit. Agrippinam neptē laudavit ob ingenium, sed opus est, aiebat, te dare operam, ne molestè loquaris. Marcum Antonium, qui
Ora-

Oratoris nomen affectabat, falsè notabat, velut ea scribentem, quæ homines mirentur potius, quàm intelligant. Mecænatem virum ceterà eruditum, & sibi perquàm familiarem, sed stylo lascivientem, delicias parùm viriles sectantem, verbis quæsitis, & ad venustatem compositis nimium exuberantem, facetâ epistolâ irrisit. Hanc porrò epistolæ clausulam adjecit: Vale mel gentium, ebur ex Hetruriâ, laser Aretinum, adamas supernas, Tyberinum margaritum, &c. His jocos amici orationem nimium cincinnatam exagitant, voces ac sententias ineptas, factores appellare solitus est. Sicut forensi Rhetoricæ colores sui sunt, sua illi lumina, sed scienter iis utendum est.

Eodem prorsus modo habet suos & Cælestis Rhetorica colores, habet sua quoque lumina, sed opus est, ut iis orator christianus peritè sciat uti. Capite superiori orationis impedimenta, ac vitia proposuimus, nunc ejusdem adjumenta, colores ac lumina proponemus.

§. I.

Primus orationis color, *Gratiarum actio*. Metuendum valde, ne plurimi hominum, grandi ære alieno laborent, ob solum grati animi defectum. Innumeris quotidie beneficiis à Deo afficimur, sed heu rara & frigida est gratiarum actio. A Deo nobis corpus, animus, corporis, animi bona, valetudo, facultates, eruditio, tot præsentis vitæ

commoda, tot futura certissima promissa sunt. Quid nos? leprosi sumus, sanamur sed meritam benefactori gratiam non persolvimus. Reverà grandis culpa, tantòque vulgator, quantò minus à tot ingratis hominibus æstimatur. Verissimè dixit Seneca: Inter plurima maximaque vitia nullum est frequentius, quàm ingrati animi. Adeò autem hoc turpe vitium est, ut de ingratis etiam ingrati conqueràtur, cum interim hoc omnibus hæreat, quod omnibus displicet. Non solum ingratus est, qui beneficium accepisse se negat, quod accepit, sed etiam qui dissimulat; ingratiissimus omnium, qui oblitus est. Et dubium sit, utrum pejorem vocemus, an eum, apud quem gratia beneficii intercudit, an illum, apud quem etiam memoria.

Vitiosi oculi sunt, qui lucem reformidant; cæci, qui non vident. Nimiùm ingratus est, qui, quod in primâ parte animi positum esse debuit, & semper occurrere, ita seposuit & abiecit, ut in ignorantiam verteretur: apparet illum non sæpe de reddendo cogitasse, cui obrepfit oblivio.

Infinite nominibus Deo sumus obstricti, & nihilominus tot beneficiorum memoriam flagitiosè perdimus. Nulla profectò sit oratio, quæ gratiarum actione carreat. Et mente & ore assiduè versanda sunt illa verba: *Deo gratias: Benedixus Deus in æternum: Te Deum laudamus: Benedicam Dominum in omni tempore, semper, laus ejus*

77

in ore meo. a Confitemini Domino, quoniam bonus, quoniam in eternū misericordia eius. b
 Assidua gratiarum actio mirè placet Deo, qui turbam ingratorum odit, averfatur, & arcet. Et multa sanè beneficia Deus non confert, ne conferat in ingratos. E contra-rio eos, qui suo se benefactori memores si-
 stunt, beneficiis obruit. Nam qui primo be-
 neficio gratias egit, secundam promeruit. Ita donis dona cumulatur. Quapropter
 omnis oratio, simul etiam sit gratiarum
 actio. Ut accipias, ora; quia jam accepisti,
 gratias age. Hoc expressissimè Paulus præ-
 cipiens: In omni oratione, inquit, & obse-
 ratione cum gratiarum actione petiti-
 ones vestrae innotescant apud Deum. c

Sal germanicum & planè pretiosum
 aroma tanti usūs est; ut cibus panè omni-
 bus condiendis adhibeatur. Iuscula, carnes,
 olera, pultes, rapa, panis ipse ciborum op-
 timus salendus est. Hoc nobis aroma præ-
 Indiaram omni saccharo, pipere, cinnamo
 est: ii verò cibi, qui aromate hoc perspergi
 nolunt, minùs salubres judicandi. Ejus in-
 dolis est omne pomi genus. d Cibus vel
 idèd superbus: sed certè malignus, quòd
 aroma nobilissimum aspernetur. Oratio ut
 cibus est, Deo gratissimus, qui nisi sale per-
 spergatur, insulsus erit & ingratus. Quo
 sensu Chryostomus: Omnis, inquit, oratio
 nostra gratiarum actione non careat. Qui
 non

a Psalm. 33. v. 1. b Et Psalm. 135, v. 1.

c Philip. c 4. v 6.

d Das Ops satze man nit.

non semper Deo gratias agit, prohibet quasi Deo, ne sibi amplius beneficiat, quasi diceret, Cessa, Domine, cessa benefacere, nam & ego cesso gratias agere.

Rex Hebræus David in divinas laudes mirificè accensus: Repleatur, inquit, os meum laude: ut cantem gloriam tuam, totâ die magnitudinem tuam. In te cantatio mea semper. *a* Paratissimus est horis omnibus Deum laudare, Deo gratias agere, totâ die magnitudinē Dei extollere. Quod Augustinus explicans: Quid est, inquit, totâ die? hoc est, sine intermissione laudare. In prosperis, quia tu Deus, consolaris; in adversis, quia corrigis. Antequam essem, quia me fecisti, cum essem, quia salutem dedisti. Cum peccâssem, quia ignovisti, cum conversus essem, quia adjuvisti; cum peccâssem, quia coronasti. *b*

Augustini dictis Chrysostomus accedens: Optima, inquit, beneficiorum custos est ipsa beneficiorum memoria, & perpetua confessio gratiarum. Admoneo vos, ut Dominum semper benedicatis. Si venerint mala, benedicite, & dissolventur mala. Si prospera venerint, benedicite & perseverabunt bona prospera. Iugiter sibi subvenire facit, cui collatū beneficiū ante oculos semper assistit. *c* Quod observans rex David: Quoniam, ait, misericordia tua ante oculos meos est. *d* Idcirco in omni oratione petitiones

a Psal. 70. v. 7. & 8. *b* Aug. in psal. 70. mihi pag. 302. *c* Chrys. hom. 25. in Matth. & tract. de Symb. *d* Psal. 25. v. 3.

tiones nostræ innotescant apud Deum cum gratiarum actione. Rhetoricæ cælestis color optimus, gratiarum actio.

§. 2.

Alter Rhetoricæ color, *Orationis & omnium, quæ in oratione Deo proponuntur, cum Christi promeritis conjunctio.* Ecclesia hîc exemplo præit, quæ orationes omnes hæc solemnî clausulâ consignat. Per Christum Dominum nostrum. Ita orationes & actiones nostræ Christi orationibus & actionibus conjunctæ unum quid sunt, velutî cum aliquot aquæ guttulæ vini dolio miscentur.

Ludovicus Blosius luculento testimonio, quæ diximus, confirmat. Hæc ipsa scriptoris verba sunt: Cùm Gertrudis virgo in opere quodam magnam sentiens difficultatem diceret Deo Patri: *Domine, hoc apud offero tibi in laudem æternam, per unicum Filium tuum, in virtute Spiritûs sancti;* intellexit, quodd quidquid piè offertur Patri per Filiû, illud mirificè supra humanâ æstimationem nobilitatur, & redditur Deo Patri acceptû. Quemadmodû viride vel aureum apparet, quidquid per vitrum aut gemmam viridis aureive coloris cõspicitur. Exemplo res demonstratur: Cùm quis in ediam tolerat, aut stipem erogat, ita Deum alloquatur: Pater æterne, hîc ego unicam ferro guttulam, sed eam in mare meritorum Christi

a Blos. Monil. spirit. c. 3. fine.

Christi Filii tui conicio: placeat tibi, oro, hæc mea oblatio. Aut brevius. Hanc ego abstinentiam, hanc eleemosynam, hunc ego laborem meum cum Domini IESV promeritis conjungo. *a*

Tali affectu hominis, tali pretio Christi Salvatoris oblata Deo, nõ possunt nõ plurimum placere. Sic vilissimæ actiones nostræ, sic omnes, quas toleramus miseriæ, actionibus & doloribus Christi copulatæ summam induunt dignitatem. Sic aurum fit è plumbo, sic vini generositatem aqua obtinet, sic vitrum gemmæ pretium acquirit, ita frigus in saluberrimum calorem transit, ita lutum in fragrantissimum thus mutat, ita terra sordes thesauris cæli sociatæ, inter cælestes gazas numerantur.

Hanc nostrarum cum Christi actionibus conjunctionem Paulus explicatissimè commendans: Omne, inquit, quodcunque facitis, in verbo & opere, omnia in nomine Domini nostri Iesu Christi facite, gratias agentes Deo & Patri per ipsum. *b* Atque hic secundus est Rhetoricæ cælestis color, nostrarum cum Christi actionibus ac promeritis conjunctio.

a Plures ejuscemodi formulas vide in meâ

Amusi Rectæ Intentionis l. 2. c. 8. §. 7.

b Coloss. 3. 4. 17.

§. 3.

Tertius est, *Eleemosyna, & venia inimicis data.* Inter impedimenta orationis & vitia,

vitia, *Duritiem cordis* tertio loco numeravimus. Hic illi color oppositus est, qui & veniam adversariis, & monetam manu benignam tribuit egenis. Vis, inquit Augustinus, orationem tuam volare ad Deum? fac illi duas alas, jejunium & eleemosynam. Altera jam facta est ala, si ignoscis delinquenti, & donas egenti. ^a

Iacob jam tumulo vicinus, filiis fatalem lectulum cingentibus, tabellas testamentarias conscribens, & cuius filiorum debitam partem assignans, demum ad Iosephum versus: En ego morior, inquit, & erit Deus vobiscum, reducetque vos ad terram Patrum vestrorum. *Ut autem noris quàm ego te semper charum habuerim*, do tibi partem unam extra fratres tuos, quam tuli de manu Amorrhæi in gladio & arcu meo. ^b

Quis obsecro hic gladius, quis arcus iste? Iacob vir simplex & rectus habitans in tabernaculis, quando unquam gladium strinxit? ecquando armis usus est? E Chanaan in Mesopotamiam properans, solo armatus bacillo transiit Iordanem. Unde igitur illi hæc præda gladio & arcu comparata? Chaldæus interpres sic verba componit: Quam tuli de manu Amorrhæi, oratione meâ & deprecatione. En gladium Iacobi, en arcum. Tunc autem gladium strinxit, tunc arcum intendit, cum

^a Aug. in Ps. 42. sine omnino.

^b Gen. c. 48. v. 21. & 22.

cum pro hoste capitali Esau oravit. Ita quidem Iacob pugnavit. Hinc Ephrem Syrus: Si inter orandum, inquit, animum vagari permittas, eris, velut qui tenet quidē arcum, verū sagittam contra adversarium dirigere nequit, illam in vanum nullā certā intentione emittens.

Verū, oratio apud Deum eō est efficacior, quō magis offensus fuerat orator ab his, pro quibus orat. Orantis enim patientia, vim confert orationi. Quem ad contumelias tacentem nemo audit, eum benevolentissimē audit Deus in oratione deprecantem. Hominis patientis deprecatio non fert repulsam. Mittitur à Deo Propheta, qui regis Ieroboami sacrilegia reprehenderet. Irato rege violentam manum extendente, *subitò exaruit manus ejus, nec valuit eam retrahere ad se.* a Sed orante illicō Prophetā, reversa est manus regis ad eum, & facta est sicut prius. Cur impius rex à pœnā ob tam gravem culpam irrogatā tam citō liberatur? Prophetę injuriam patientis oratio intervenit. Ostendit Propheta mansuetudinem, ait Theodoretus, & Deus clementiam: nam petiit, & Deus dedit medelam. b

Cū olim Deus efficacissimam sibi quę gratissimam orationē laudare instituisset, Moſis & Samuelis orationes memorans: Si steterit Moſes, & Samuel coram me, inquit, non est anima mea ad populū istum. c

Hic

a 3. Reg. c. 13. v. 4. & 6.

b Theodor. quæst. 42. c Hierem. c. 15. v. 1.

LIBER I. Cap. XII. 167

Hic Gregorius questionem ponens : Quid est, inquit, quod Moses & Samuel ceteris Patribus in postulatione præferuntur? Nisi quod hi duo tantummodò in cunctâ Testamenti veteris serie, pro inimicis suis leguntur orâsse. Vnus à populo lapidibus impetitur, & tamen pro lapidatoribus suis Dominum deprecatur. Alter ex principatu eicitur; & tamen rogatus ut Deum exoraret, fatetur dicens : Absit à me peccatum, quò minus cessem orare pro vobis. *a* Gratiissima & efficacissima oratio pro inimicis orare.

Censeat Theologi tribus illis horis quibus terrarum orbis se tenebris involutum obstupuit, Christum in cruce jam sublimè, ita quidem siluisse, ut toto eo tempore tacitus orârit ad Patrem. Quale autem hujus orationis posuit exordium? Pater dimitte illis, quia nesciunt, quid faciunt. Veniam hostibus rogavit, sed & militibus, à quibus crucifixus, vestes suas veluti elemosynas distribuit. Cruentâ hanc trabem Christiane suspice. En tuum hic gladium, en arcum tuum. Huic tu sagittas, si quas habes, impone & eiacularè; nunquâ errabunt illæ, omnia penetrabunt; cor ipsum cælestis Patris referabunt. Sed vide hunc tuum gladium ita stringas, hunc arcum tuum ita intendas, ut hostes tuos attingas & vulneres, sed prout suos Iacob, suos Christus attigit, & vulneravit. Iacob pro Esau inimico, Christus pro crucifixoribus hostibus oravit. Hæc amantiû sunt vulnera. Pater dimitte illis.

a Greg, hom, 27. in Evang. & l. 9. moral. c. 9.

illis. Et vos, *δ* Christiani, dimittite, & dimitemini: eadē quippe mensurā remetietur vobis. *a* Quasi mensura divini amoris magnitudinē suā mutuetur à iudicio humano! ut tantum sperare quisque debeat à DEO, quantum in alios contulerit, & eandem expectare delicti veniam, quā erogaverit, modo per omnia eodem. Sed nōne aeternā oblivione delictum omne sepeliri, nullāque illius memoriā in offēsi animo residere volumus? Quod igitur ab alio in causā nostrā fieri optamus, id in aliorum delictis faciamus, memores illius: Prout vultis, ut faciant vobis homines, & vos facite illis similiter. *b* Memores & illius: Quod ab alio oderis fieri tibi, vide, ne tu aliquando alteri facias. *c* Quæ cum non facimus, an non nos ipsos in dies damnamus, orantes, Dimitte nobis debita nostra, sicut & nos dimittimus debitoribus nostris? Nos non dimittimus; non ergo dimitte. Post injuriam non admittimus ullum in amicitiam; nec tu nos admitte. Excludimus post delictum in nos ab omni familiaritate nostrā, exclude & tu à tuā. Non fidimus; non fide. Non credimus illis nostra; non crede nobis tua. Non facimus illos socios bonorum & honorum nostrorum; nec tu facias nos tuorum. Nos debitores nostros ad Leonem, ad crucem postulamus; tu quoque nos, qui tui debitores sumus, Leoni & cruci objice. Non parcimus; non

a Luc. c. 6. v. 37. & 38, *b* Luc. eod. c. v. 31,
c Tob. c. 4. v. 16.

parce. Nos sententiâ nostrâ inimicos nostros ad inferos damnamus; quid restat Domine, quàm ut nos etiam eodem deturbes? Hæ vestræ, Christiani, orationes sunt.

Aut ergo dimittite, aut vestris ipsi sententiis perite. Si preces placet fundere non irritas, videte, (quod Augustinus monuit) ut geminas habeat alas oratio; ignoscere delinquenti, donare egenti; veniam hosti, monetam pauperi. Hæc Augustinus disertissimè pro suggestu non solum explicans, sed altè animo infigens & identidem inculcans: Ecce, inquit, post sermonem sit Missa catechumenis. Manebant fideles; venietur ad locum orationis. Scitis, quòd accessuri sumus, quid priùs Deo dicturi sumus? Dimitte nobis debita nostra; sicut & nos dimittimus debitoribus nostris. Agite, ut dimittatis, agite. Venietis enim ad ista verba orationis, quomodo ea dicitis, quomodo nò dicitis? Postremò interrogo, dicitis, an non dicitis? odisti, & dicitis? Respondebis mihi, ego non dico. Oras, & non dicitis? odisti, & dicitis? oras, & non dicitis? Citò respondeo. Ergo si dicitis, mentiris: si non dicitis, nihil mereris. Observate, attendete. Modò es oraturus, dimitte ex toto corde. Litigare vis cum inimico tuo, priùs litiga cum corde tuo. Litiga, inquam, litiga cum corde tuo. Dic cordi tuo: Noli odisse. Illud autem cor tuum, animus tuus odit adhuc. Dic animo tuo, noli odisse. Quomodo orabo, quomodo dicam, Dimitte nobis debita nostra?

nostra? possum quidē hoc dicere, sed quod sequitur, quomodo dicam? sicut & nos? Quid? sicut & nos dimittimus. Vbi est fides? Fac quod dicis, sicut & nos. Sed non vult dimittere anima tua, & contristatur, quia dicis ei: Noli odisse. Responde illi: quare tristis es anima mea, & quare conturbas me? Quare tristis es? Noli odisse, nec perdas me. Quare conturbas me? Spera in Deū. Langues, anhelas, & gritudine sauciaris: non potes tibi tollere odium. Spera in Deum, medicus est, pro te pepēdit in ligno nondum est vindicatus. Quid vis vindicari? Idē enim odisti, ut vindicaris. Vide pendentem Dominum tuum, vide pendentem, & tibi de ligno tanquam de tribunali præcipientem. Vide pendentem, & tibi languenti de suo sanguine medicamentum facientem. Vide pendentem, si vindicari vis. Vindicari vis? vide pendentem audi præcipientem, Pater ignosce illis, quia nesciūt, quid faciūt. Sed potuit hoc Christus, dicis mihi, ego non possum. Ego enim homo sum, ille Deus: homo ego, homo ille, Deus homo, Deus ergo ut quid homo, si nō corrigitur homo? sed ecce tibi loquor, & homo, multum est ad te imitari Dominum tuum, attende Stephanum conservum tuum. Certē Stephanus sanctus, homo erat, an Deus? homo erat, planē homo erat: hoc erat quod tu. Sed quod fecit, non fecit, nisi donante illo, quem rogas & tu. Ecce quid est requiescere, pro inimicis orare. Hic

a Aug. 10. 10. serm. 237. de temp. c. 8. & 9. mihi pag. 385.

H
ing
nio
nio
nos
nam
orat
mos
adju
Sira
in si
omn
dum
ad I
gn
Sa
plo
Cur
rant
ro,
olea
lo m
tio i
mife
diam
te, &
cum
bis D
tierit
fron
a Tob
b Ecc

§. 4.

Hic unicum illud & aureum sexcenties ingeminandum: Bona est oratio cum jejuniō & eleemosynā. *a* Ventri metuis à jejuniō? saltem oculos pande, & refice jejunos pauperes. Inediam refugis? eleemosynam saltem tuis precibus junge. Bona est oratio, bona est, optima est, sed cum eleemosynā. Hæc enim non tantum orationem adjuvat, sed & ipsa orat. Quod testatus Siracides: Conclude, inquit, eleemosynam in sinu pauperis, & hæc pro te exorabit ab omni malo. *b* Aded namque ad impetrandum potens est, ut etiam te tacente clamet ad Deum, & impetret, quæ tibi Deus cognoverit expedire.

Salomon ad ingressum oraculi in templo gemina fecit ostiola è lignis oleaginis. Cur non è lignis Setim, quæ cariem ignorant, cur non è cedro? Imò cur non ex auro, cum id loci religio posceret? Rectè oleam adhibuit, ut orationis locus symbolo misericordiæ insigniretur: ut enim oratio impetret, misericordia persuadet. Beati misericordes, quoniam & ipsi misericordiam consequentur. Hinc illud Christi: Date, & dabitur vobis. *c* Date vos pauperibus, cum panem aut vestem petunt, & dabit vobis Deus, cum æternam beatitudinem petieritis. Quòd si his minima negatis; quæ fronte, quo jure maxima Deum rogatis?

a Tob. c. 12. v. 8.

I

Eadem

b Eccli. c. 29. v. 15, *c* Luc. c. 6. v. 38.

172 RHETORICA CÆLESTIS.

Eâdem quippe mensurâ, quâ mensi fueritis, remetietur vobis : Vos pauperes non auditis, nec vos Deus audiet æqualissimâ prorsus mensurâ. Quod Chrysostronus instillans : Cùm, inquit, defeceris orans, & non acceperis, cogita, quoties pauperem audisti petentem, & non exaudisti. Et tu quidem hoc ex crudelitate facis, Deus autem ex benignitate, *a* imò ex justitiâ.

Ita igitur orationi eleemosynam junge, ut tibi liceat hoc modo precari : Domine, ego cùm ipsa sim miseria, pauperes tuos exaudi vi ; tu cùm ipsa sis misericordia, non exaudies me pauperem?

Exaudiêris, certus esto; eâdem mensurâ, quâ mensus es, remetietur tibi : Danti dabitur. Conclufisti in sinu pauperis eleemosynam, & hæc pro te ab omni malo exorabit.

a Chryf. hom. 79 ad populum.

S. S.

Quartus Rhetoricæ cælestis color, *Resignatio*, quam vocant, seu, Indifferentia & Convenientia cum divinâ voluntate.

Christum è monte descendentem homo leprosus, prono corpore adorans: Domine, aiebat, si vis, potes me mundare. *a* Brevissima quidem oratio, sed perfectissima. Tantum habuerunt momenti, geminâ solum syllabulæ illæ : SI VIS. Aded exacta est precandi hæc formula, ut eam ipsam Christus Dominus in summis angoribus obser-

a Matth. c. 8. v. 3.

vans
ist
num
Div
var
Do
dolo
tio,
pre
extr
vict
mod
Plur
hono
riam
sequ
dâmi
min
nem
à nu
lem.
difo
virt
pre
ne,
tion
& h
vu, b
Erip
& a p
catio
tes :
ego,
vans
a Luc.

vans dixerit: Pater, si vis, transfer calicem istum à me. *a* Hæc eadem omnium orationum nostrarum sit clausula, *Domine si vis*. Diversissimæ sunt orationes nostræ, prout variant calamitates nostræ. Est, qui oret: Domine in morbo sum, totius corporis doloribus oppressus, libera me. Bona oratio, si ei non desit clausula, *SI VIS*. Alius precatur: Deus fons omnium thesaurorum, extrema me paupertas conficit, tu tantùm victui meo tribue necessariâ. Oratio licita, modò pauperculus hic addat: *Domine si vis*. Plurimi sic orant: Pro tuo honore, Deus, honores & dignitates quæro: ad tuam gloriam hoc illud ve munus expeto: jube consequar, quod ambio. Orationem hanc non damnamus, modò clausulam, ei orator meminert hanc apponere; *Domine, si vis*. Non nemo sic orat: Vxorem ducere decrevi, sed à nummis, formâ, virtutibus egenam nollem. Tu Deus qui nuptiale fœdus in paradiso sanxisti, da divitem, da formosam, da virtute præditam. Non iniquæ sunt hæc preces, sed maximè his addendum: *Domine, si vis*. Quàm multi doctrinam & eruditionem variam petunt, malè petituri, nisi & hunc epilogum adjungant: *Domine, si vis*. Est, qui cum psalte regio vociferetur: Eripe me de manu inimicorum meorum, & à persequentibus me. *b* Sed & huic precationi addendum, quod addidit psaltes: In manibus tuis sortes meæ. Hoc est, ego, Domine, paratus sum in utrumque, prout

prout tibi visum fuerit: Si vis, potes me saluum inimicis meis subducere; si vis, potes me iis proterendum relinquere. Quæcunque fors è manu tuâ prodierit, mihi placebit. Scis, Domine, quàm nec ipsum mihi cælum, nec ipsa quidem placeret beatitudo contra tuam voluntatè, quantò minus mea, vel alterius valetudo poterit placere, si me vel alterû valere tibi displiceat? Domine, si vis, fiat, quod oro. Sin autem nolis, non fiat, obsecro, non fiat, quod peto. Melius est, repulsam pati te volente, quàm votorum summam assequi, nolente te. Si vis, Domine, & prout vis, ita fiant omnia.

Pretiosissimus hic orationis color est, & qui nostris pictoribus ultramarinum dicitur. ^a Absque indifferentiâ & resignatione nulla potest placere oratio.

Quæsierat olim quispiam è socio divi Francisci, Æg dio: Quid tandem faciendum sibi censeret, quod DEO gratissimum foret? Ægidius ut erat festivæ sanctitatis, canere incæpit: Vnus uni, unus uni. Hæsit nonnihil alter, & fastus est, se non assequi hoc responsi genus. Cui Ægidius: Tu, inquit, unicam habes animam, hanc unico Deo sine omni impedimento, ita integrè ac indifferenter trade, tanquam tu solus & DEVS in orbe sint. Quidquid tu DEVM rogaveris, & quidquid tibi Deus concesserit, hoc animo quàm resignatissi-

mo
a Ciu aintzigs Loth vmb 40. Thaler/ vor Zeiten
ymb 100. Golderonen.

mo accepta. *a* Hæc pretiosa est oratio.

Hanc resignationis virtutem Religiosus Ecclesiastes insigniter ob oculos ponens: Vitâ, inquit, & doctrinâ suâ Dominus id in nobis efficere voluit, & intendit, ut libero, resignato, ac immobili ferre discamus animo, si ab aliis fallaces ac seductores vocemur, seu alia quælibet verborum in nos cõgerantur jacula & injuriæ; quibus bonæ famæ & existimationis nostræ vitietur integritas: si prætereà non verbis tantùm, sed operibus quoque infestemur, si corporis nobis subtrahantur necessaria, si non solum temporalia, quibus carere non possumus, nobis denegentur, sed ipsis quoque corporibus nostris injuria inferatur, & læsio, cui infirmitas succedat, aut alia quævis pœna, seu dolor irrogetur, quæ iisdem corporibus nostris molestiam possiat adducere. Si prætereà omnes actus nostros meliori, quo possumus, modo perficiamus, & ipsos nihilominus alii quàm pessimè interpretentur. Insuper ut hæc nõ solum ab hominibus feramus æquanimiter, sed ipsa quoque Domini flagella patienter toleremus, si nobis præsentia suæ consolationem subtrahat, adeoque se à nobis elonget, ac si inter ipsum & nos murus sit interpositus: & si in labore & angustiis nostris, pro solatio & ope ad ipsum venientibus talem se nobis exhibeat, velut si oculos ad nostri occludat occursum, neque videre, neque

I 3

audire

*a Chronicon S. Francisci parte 2. l. 7. c. 20. mihî
pag. 271.*

audire nos volēs, solofque nos in afflictio-
nibus, ac miseris nostris certare sinat, sicut
& ipse à patre suo relictus fuit. In his om-
nibus in ejus nos divinitate absconderè de-
bemus, ut in ipsâ nostrâ desolatione im-
mobiles permanentes, in nullâ mortali
creaturâ vel negotio solatium quæramus,
nisi in illo duntaxat verbo, quod & Chri-
stus ipse dicebat: *a* Fiat voluntas tua. *b*

Quocirca brevissima hæc clausula, *Si vis
Domine*, tam venustus, quàm gratus ora-
tionis color est.

a Matth. c. 26. v. 42. *b* Taulerus in Institut.
c. 15. mihi pag. 35.

§. 6.

Quintus orationis color est, *Animi cla-
mor*. Hoc assiduum fuit psalmographo He-
breo, vociferari precando & clamare. Hinc
illud sexcenties ingeminat, voce meâ ad
Dominum clamavi. Ad te, Domine, cla-
mabo. Ad te, Domine clamavi totâ die.
Clamavi in toto corde meo, exaudi me,
Domine. *a* Scio equidè, Domine, quàm duo
hæc sese fideliter consequantur, homo toto
corde clamans, & DEVS exaudiēs: ubi cla-
mor precantis tam ferius, ibi promptissi-
mus annuentis assensus. Hinc David de
omni corde suo laudavit Dominum. *b*

Hinc rectè dixit Gregorius: Tanto mi-
nùs quis clamat, quantò minùs deside-
rat.

a Psal. 3. v. 5. Ps. 27. v. 1. Ps. 81. v. 10. Ps. 118.
v. 145. *b* Eccles. c. 47. v. 10.

rat. Consideremus hîc, obsecro, tria fratrum paria, Abelem & Cainum, Gallum & Iulianum, Pharisaum & Publicanum. Hos duos etiam inter fratres numero, quos Christi concio societate tam arctâ copulavit.

Abel & Cain orârunt ambo, sed effectum dissimillimo. Respexit Dominus ad Abel, & ad munera ejus. Ad Cain autem & ad munera ejus non respexit. *a* Quid causâ dixerimus fuisse? suum uterque sacrificiû perfecit, Deum uterque invocavit: non placuit uterque. In Abelem conjiciuntur oculi, avertuntur à Caino. Quid tandem causâ? Abel utique oravit seriò; clamavit in toto corde suo, litavit Domino, & perlitavit. At verò Cain remissiore animo, non id quod optimum habuit, sed vilius aliquid de fructibus terræ adolevit: sed Abel, quod reperit selectissimum de primogenitis gregis sui, & de adipibus eorû obtulit. *b* in toto corde suo clamavit. Hinc ad Abelis, non ad Caini dona Dominus respexit. Atque ut Symmachus & Aquila loquuntur, *Delectatus est.* Quo autem id signo Deus luculentum fecit? igne calitus demisso in Abelis, non in Cain sacrificiû. Ita patres Cyprianus, Cyrillus, Hieronymus, Chrysostomus, Theodotion asserunt, quorum verba sunt: Inflammavit Dominus super Abel, & sacrificium ejus, super Cain autem non inflammavit. Hæc nobis bono erunt hac ratione.

I 4

Quando

a Genes. c. 4. v. 4. & 5. *b* *ibid.*

Quando nos orationem animo remisso ac frigido non solum incœperimus, sed eodem etiam finierimus, in nos ipsos rectè pronuntiabimus: Non inflammavit Dominus super me & sacrificium meum. Sed & causam addamus: Non Abel, non David, sed Cain fui; non clamavi in toto corde meo.

Gallus & Iulianus fratres Constantii Imperatoris filii, ambo clerici, sed sibi dissimillimi. Quales autem ipsi, talis erat & oratio ipsorum. Hi fratres duo à fundamentis ædem sancti Mamantis struere cœperunt, sumptus & operas partiti. Quidquid Gallus ædificavit, stabile fuit. Quod Iulianus cœdidit, totum corruit, ipsi etiam fundamentis è terrâ velut indignabundâ eiectionis. Quid causæ tam disparis successus in unâ eademque structurâ? Iulianus ex asse nequam nõ clamavit in toto corde suo, Christianum simulavit, dum diadema & purpuram obtinuit Dei perduellis. Idcirco non inflammavit Dominus super sacrificium & preces hominis tam insigniter improbi. At verò Gallus Iuliani frater optimo animo utens, summâ fide, clamavit in toto corde suo. Propterea super sacrificium illius inflammavit Dominus, hujus ædificium surrexit, hunc Deus exaudivit. Tanti est in toto corde suo clamare ad Dominum.

Pharisæus & Publicanus eodem tempore, in eodem templo preces planè impares iniecerunt. Pharisæus ad eum non clama-

vetur, non quasvis exaudit preces: clamoribus, hoc est, valdè seriis ac fervidis precationibus ad opem ferendam persuadetur. Ergo contende vocem, clama, mi æger, clama, clama, & juvaberis.

At verò Publicanus, ut verbis Augustini loquamur, pœnas de seipso exigebat, propterea Deus confitenti parcebat. Nam peccatus suum percutiebat, clamabat in toto corde suo.

Atque hic serius est orandi modus: Clamemus in toto corde nostro, & effundamus sicut aquam cor nostrum, ante conspectum Domini. *a* Ita haud dubiè David, ita Daniel, ita Iudith, ita Susanna, ita tot alii orârunt; clamârunt in toto corde suo.

Qui inter nos ore compresso muginatur & mussat, cum ut in mores delinquentem corripimus hac voce: Clariùs, clariùs; pande os. Tu verò pande cor, quisquis oras, nec orasserid; vociferare, & clama in toto corde tuo, & inflammabit Dominus super sacrificiũ tuum. Fervor devotionis est animæ lingua, sine hac muta est anima.

Hebræus rex David: Elevaverũt, inquit, flumina vocem suam. *b* Res creatæ omnes modo, quo possunt, clamant, & laudant Deum. Nos homines rationis compotes, non patiamur, obsecro, nos clamando vinci, clamemus in toto corde nostro. Cum hominibus subinde fabulari licet: colloquium cum Deo, negotiorum summum est, cum curâ semper & serid instituentũ. Hinc

a Thren. c. 2. v. 19. *b* Ps. 92. v. 3.

Hinc rectè dixit Hieronymus: Malo unum psalmum cum hilaritate mentis decantare, quàm totum psalterium cum torpore, fastidio, & acediâ.

CAPVT XIII.

Quatuor oraturo monita.

DEVS olim ut rem grandem pollicitus: Faciam, inquit, mirabilem in die illâ terram Gessen, in quâ populus meus est, ut non sint ibi muscæ. Contrâ minatur toti Ægypto: Immittam in te omne genus muscarum, & implebuntur domus Ægyptiorum muscis diversi generis. Exiguum & vile animalculum musca, sed grande fuit ac miserabile supplicium à muscis ita cruciari.

Qui orat, & cogitationibus vagis non singulari studio repugnat, miser est Ægyptius, de quo verissimè dicatur: *Impleta est domus illius muscis diversi generis.*

Qui verò eâ orant animi contentione, ut tumultuanti cogitationum turbæ pro viribus resistent, mentemque ad Deum ardentè erigât, hi sanè inter Ægyptios idololâtras non numerandi veniunt, è populo Deifunt, in domibus eorum muscæ non sunt. Atque hinc, quales sint, noscuntur: Facta est mirabilis terra Gessen, ut non sint ibi muscæ.

De hoc muscarum examine coercenda haftenus locuti sumus. Nunc porrò tam hoc quàm sequenti capite præceptiones seu monita novem subjiciemus illis perpennenda, qui suum cum Deo spiritum cupiunt conjungere; qui conantur, ut supra demonstratum est, in toto corde suo clamare.

§. I.

Monitum primum: Oratio inambulans & vaga, sterilis est labor. Veniã tuã, mi homo, quæserim ex te, cum cubiculum aut templum ingrederis, quid facere cogitas? Orare, inquis: Ergo rectè ora. Hæc agendi norma, si in ullo negotio, in isthoc certè valeat: Quod facere vis, fac bene. Nam oratio tam segnis & incustodita, nihil impetrat, imò nec oratio quidem est, sed vanus & inanis sermo, flumen verborum, sed non pisculentum. Qui sic orat, Deum potiùs irridet, quàm ut laudet. Quod Basilius Magnus astrués: a Divinum auxilium, inquit, est implorandum non remisè, nec mente huc vel illuc evagante: talis enim non solùm non impetrabit, quod petit, sed Deum magis irritabit, Aliquam ejus causam subjiciens Bonaventura: Valdè indecens est, ait, ut quis cum Deo loquatur ore, & aliud meditetur corde. Nò afficitur erga Deum, qui aliud cogitat, aliud loquitur.

a *Basil. serm. cujus inscriptio est, Institutio ad vitam perfectam.* Et de orando Deo: post med.

tur. a Quid talis oratio impetret, quæ nec quidem rogare novit? Siracides ad architecturam respiciens: Vnus ædificans, ait, & unus destruens, quid eis prodest nisi labor? b Haud aliter, si ædificet lingua, cor destruat, labor est steriliſſimus. Hoc igitur verſetur in corde, quod profertur ab ore.

Monitum ſecundum. Oratio vaga & inambulans, nõ ſterilis tantum, ſed & noxius labor. Ejuſcemodi namque oratio non ſolum nihil impetrat, ſed & nocumentum adfert. Auguſtino teſte, Oratio juſti clavis eſt cæli, aſcendit precatio, & deſcendit Dei miſeratio. Hæc autem cæli clavem pravè detorquet, quiſquis orat, interim tamen quid oret, ipſemet ignorat. Vnde triplex oranti damnum. ſeram deſtruxit, clavem fregit, locum non aperuit: c Ita prorfus, qui animo in oratione tam vagus fuit, tempus perdidit, Deum offendit, cælum non reſeravit. Pulcherrimè dixit & veriſſimè Auguſtinus: Oratio oranti eſt præſidium, Deo ſacrificium, dæmoni flagellum. Quod ſi nullus ſit orantis ardor, nulla attentio, verſamur, & cantemus: Oratio oranti eſt nocumentum, Deo ludibrium, dæmoni gaudium.

Importuni proſectò & miſeri locutores ſunt, qui garriunt, & blaterant ut ebrii, aut

I 7

ut

a Bonav. l. de perfect. vita, c. 15.

b. Eccli. c. 34. v. 28. c Verub den Schlüssel.
Chryſoſt. ſerm. 2. de Eliã: Clavis cali ſit ſermo
Eliã ſanctiſſimi. Iubet enim & clauditur
cælum; orat poſtmodum & aperitur.

ut irati, aut etiam ut limphatici & insani. Ebriis lingua in udo est; hinc verba lapsantia merguntur luto. Iratis lingua felle ac veneno natat; hinc verba virulenta mortem propinant. Lingua phreneticis in igne est; hinc verba furiosa volant & flammea. Etsi ebrius, iratus, fanaticus toto die loquantur, nihil promovent, quod enim ditius garriunt, tantò minùs proficiunt. Talis omnino est, qui ignorat, quid orando dicat; temulentus, fremebundus, rabiosus fabulator est, & tamen audet coram supremo Rege verba facere: quò plus loquitur, plus offendit; lingua illius fel & ignem vomit. Nec placere potest tam insolens inutilitas.

Oscas Israël's ruinam deflens: Lappa, inquit, in tabernaculis eorum; sacrificium eorum quasi panis lugentium, omnes, qui comedent eum, contaminabuntur. Panis lugentium, panis sordibus, cinere sparsus & obductus est. Nauseat Deus tam immundos panes. Sed & illud Prophetæ perpendendum: Lappæ in tabernaculis eorum. Lappa hamatum lolii genus est, vestibis adhærens. Homo ad preces imparatus, alia omnia quàm quod facit, cogitans, hamatis vepribus, tribulis & lappis plenus est; Deum nihilominus ad colloquium audet evocare. Non placat iram hæc oratio, sed provocat. Oratio incustodita labor noxius.

a *Oscæ* c. 9, v. 4. & 6.

6. 4.

Monitum tertium: Orare maxima hominibus

minis est dignitas. Hominem Deus honore summo afficit, cum illum & quoties & quamdiu vult, secum colloqui permittit. Ingrediamur aulas, obsecro, & obstupescemus tantum argenti & auri effundi ad propitias Principum aures impetrandas. *a* Quandoque non hebdomades solum, sed menses, sed & annos totos expectandum est, dum Principis conclave & aures pateant oratione acturo. Ad Deum immense majestatis Dominum omni hora, momenti omnibus patet aditus. Rex celi nunquam non propitias & vacivas habet aures. Importunitatis hic nemo infimulatur. Grator est, qui frequentior, & importunior. Adeste terrae vermiculi, prorepite scarabæoli, accurrite homunculi miscelli; liberrimum vobis est cum conditore vestro colloquium. Nec est, quod vel causæ vestræ vel facundiæ quidquam diffidatis: quod simplicius perorabitis, hoc melius, modò non frigeat, aut exeret oratio vestra: modò eum, quem rogatis, ex oculis non vestrâ sponte amittatis. Cassiodorus idasserens: Ad penetralia judicis, ait, precator admittitur, & nullus inde respuitur nisi qui tepidus invenitur. *b*

Chrysestomus hanc hominis cum Deo suo colloquentis tantam dignitatē expendens, sic ratiocinatur. Nos quidem Angelis dissimillimi, eodem tamen jure, imò meliori, quantum ad hoc, vivimus; nam illi, dum orant, faciem & pedes convelant, nos

ulcera

a Vmb gnädige Audientz. *b* Cassiod. in psalmo.

ulcera nostra & quidquid in nobis fœdum est, detegimus, & magnâ fiduciâ Deo adstantus velut intjmi domestici. Verba Chrysoftomi sunt: Quantæ dignitatis sit hominem cum D E O miscere sermonem, neminem latet. Ceterùm eam dignitatem oratione consequi, nemo prorsus valeat: quandoquidem hic honos etiam Angelorum superat majestatem: quod ipsi probè intelligentes, apud Prophetas describuntur omnes multo cum tremore, laudes & cultum Domino offerentes, facies quidem ac pedes ob ingentem reverentiam tegentes, volatu verò, dum non valent in quiete manere, magnum tremorem declarantes: nimirum & nos illud interim docentes, ut tantisper dum oramus, humanæ naturæ obliviscamur, sed occupati mentis alacritate simul & tremore, nihil respiciamus rerum præsentium, sed existimemus nos in Angelorum medio consistere, idemque sacrificium cum illis peragere. Nam in reliquis multum discriminis est inter conditionem illorum, & nostram: sive naturam expendas, sive vivendi genus, sive sapientiam, sive intelligentiam, sive quidquid aliquis recensere possit. Ceterùm orare commune est opus Angelorum pariter & hominum, neque quidquam interest inter nostram naturâ, & illorum, duntaxat quod attinet ad deprecationem. Hæc te separat ab mutis animantibus, hæc te sociat Angelis: quin facillè fiet, ut quis in illorum civitatem transferatur, in illorum vitam & consor-

confortium, ad illorum honorem, utilitatem, sapientiam & intelligentiam, qui per omnem vitam precibus ac divino cultui vacare studuerit.^a

Orare, seu loqui cum Deo summæ non solum utilitatis, sed & dignitatis est.

DEVS olim cum Mose locuturus, quantum ceremoniarum & moræ voluit præmitti? spectabat Moses ardentem rubum & accedere festinabat, sed repressus audit: Ne appropies huc; solve calceamentum de pedibus tuis, locus enim, in quo stas, terra sancta est. Et abscondit Moses faciem suam, non enim audebat aspicere contra Deum. *b* Cum tamen Angelus tantum cum Mose sit locutus, Dei autem nomen præ se tulerit, quia personam Dei sustinebat. *c* Nos autem sine ceremoniis, & sine morâ, quocumque volumus momento, cum Deo loquimur. Orare summæ hominis est dignitas.

a Chryf. tom. 5. de orando Deo l. 2. initio mihi pag. 591. *b* Exodi c. 3. v. 5. & 6.

c Communis Theologorum sententia est, omnes Dei apparitiones in veteri Testamento factas per Angelos. De Mose clarissimè Actor. c. 7. v. 30. Apparuit illi in deserto montis Sina Angelus in igne flammæ rubi.

§. 3.

Monitum quartum: Enunciata prisceorum Patrum expendenda. Quid, quæso, sapius, quid gravius & constantius sanctissimi

simi scriptores inculcârunt? orationem attentam. Ex omni sanctorum Patrum numero, tres solùm hîc sisto : Augustinum, Chrysostrum, Bernardum. Augustinus ad excitandum segniter orantium torporem: Multi, ait, languescunt in orando, & in novitate suæ conversionis ferventer orant, postea languidè, postea frigidè, postea negligenter. Quasi securi fiunt. Vigilat hostis, dormis tu? Ergo non deficiamus in oratione. Ille quod concessurus est, etsi differt, non aufert. Securi de pollicitatione ipsius non deficiamus orando, & hoc ex beneficio ipsius est. Propterea dixit: Benedictus Deus meus, qui non amovit deprecationem meam, & misericordiam suam à me. Cùm videris non à te amotam deprecationem tuam, securus esto, quia non est à te amota misericordia ejus. Quamdiu ergo hîc sumus, hoc rogemus Deum, ut non à nobis amoveat deprecationem nostram, & misericordiam suam; id est, ut perseveranter oremus, & perseveranter misereatur. *a*

Non est locus, ubi non sit DEVS. Cùm autem oras, clamas non voce, sed mente. Nam & tacentes exaudit Deus; nec quæritur locus, sed sensus, sed spiritus. Hieremias in carcere confortatur. Daniel inter leones exultat. Tres pueri in flammarum medio tripudiant. Iob nudus & vlcerosus in sterquilinio triumphat. Isaias Deum in atrocissimo supplicio laudat. Stephanus Dei

a Aug. tom. 8. in ps. 65. sine, mihi pag. 278.

LIBER I. Cap. XIII. 189

Dei filium inter saxorum nimbos prospicit. Paradisum in cruce latro impetrat. Non est locus, ubi non sit Deus. Benedicamus igitur Dominum, in omni loco, & in omni tempore.

Chrysoftomus orantis intentionem insigniter extimulans: Omnes quidem oramus, inquit, sed non omnes in conspectu Domini. Etenim cum corpore in terrâ prostrato, & ore frustra delirante, mens ubique per domum ac forum circumvagatur, quo ore talis posset dicere, quòd oraverit in conspectu Domini? Nam in conspectu Dei orat, qui orat undequaque colligens suam mentem, nihil habens cum terrâ commercii, sed ad ipsum Deum totus commigrans, omni cogitatione humanâ ab animo depulsâ.^a

Idem Constantinopolitanus præsul: Iubet Christus, inquit, ut anima interiori ingrediatur intellectum, quando orat, ut nihil cogitet, nisi de quo orat, & quem orat, ut claudat ostium sensûs sui carnalis, ut omnes cogitationes carnales, & sollicitudines foras excludat. Si autem orans de carnalibus rebus cogitaveris, non introisti in interiori intellectum, nec clausisti sensûs ostium: & idè tacitè cum cogitationibus superfluis anima loquens, orationis perdit tempus & fructum. Secundùm hoc & illud superius intelligi potest. In mediâ enim synagogâ orat, qui in medio

^a Chryf. tom. I. hom. de fide Annæ, ante med.
mibi pag. 491.

multiitudinis malarum cogitationum orat, undique mundialibus sollicitudinibus circumdatus. Quando enim orans cogitat de uxore, de filiis, de mancipiis, de domo, de possessionibus, de pecoribus, de militiâ, de lucro, de capsis, ^a & aliis, quæ sunt innumerabilia, quæ super cor incautè orantis ascendunt, nonne tibi videtur hæc synagoga malorum? omnes enim istæ variæ species cogitationum, diversi sunt immundi spiritus. Quomodo ergo non in mediâ synagogâ orat anima tua, quando tot secum immundos spiritus habuerit spectatores & colloquentes? ^b

Hæc à se dicta Chrysoſtomus explicatiſſimè confirmans: Tu, inquit, non audis orationem tuam, & dominum vis audire precem tuam? Flexi, inquis, genua. Cur vâſti quidem genua intus, sed mens tua foris priùs vagabatur. Corpus tuum intus, sed ſenſus foris; os quidem ſloquebatur, sed mens uſuras cogitabat, poſſeſſionum reditus ſupputabat, deſcriptiones domorum videbat, amicorum verba voluebat, negligentias intuebatur famulorum, paraſitorum urbanitates ridebat, mulierum ſpeciè conſiderabat. Diabolus enim, cum ſit aſtutus, ſcit, quoniam in tempore orationis grandia poſtulemus, & ſapius impetremus, impedire feſtinat improvidas mentes. Hinc cum ad orationem venimus, cogitationum nos opprimunt nubes, ut nos

avocent,

^a De Ciſtis, loculis, maſſupiiis ^b Chryſ. tom. 2. hom. 13. in c. 5. Matth. mihi pag. 737.

avocent, & sine fructu efficiant. Labia solummodò moventur, mens autem sine fructu est, & aures ejus surdæ sunt. *a*

Bernardus cum Chrysoftomo ad idem institutum collineans: Vbicunque, ait, fueris, intra te ipsum ora. Si longè fueris ab oratorio, noli quærere locum, quoniam tu ipse locus es. Si fueris in lecto, aut in alio loco, ora; & ibi est templum. Frequenter orandum, & flexo corpore mens est erigenda ad Deum. Sicut enim nullum est momentum, quo homo non utatur, vel fruatur Dei bonitate & misericordiâ, sic nullum debet esse momentum, quo eum præsentem non habeat in memoriâ. *b*

Sed est non nemo, qui conqueratur cum Bernardo, dicatque: Nihil est in me corde meo fugacius; quod quotiens me deserit, & per pravas cogitationes diffluit, totiens Deum offendit. Cor meum, cor vanum, vagum & instabile, dum suo ducitur arbitrio, & divino caret consilio, in seipso non potest consistere, sed omni mobili mobilius per infinita distrahitur, & hac atque illac per innumera discurret. Et dū per diversa requiem quærit, non invenit, sed in labore miserum, à requie vacuum manet: sibi non concordat, à se dissonat, à se resistit, voluntates alternat, consilia mutat: ædificat

a Idem hom. 17. in Matth. mihi pag. 1037.

b S. Bernardus lib. de Animâ cap. 6. mihi pag. 1056. Ibid. cap. 7. Et de modo orandi pag. 1131. & serm. 86. & ult. in Cantico sine.

ficat nova, destruit vetera, destructa reedificat, eadem iterum atque iterum alio & alio modo mutat & ordinat, quia vult, & non vult, & nunquam in eodem statu permanet. *a*

Ergo cubiculum tuum intra, mentem erige, corpus deprime, & ora patrem tuum in abscondito: orationi junge meditationem. Nam per orationem illuminatur meditatio, & in meditatione exardescit oratio. Quid enim homini prodest, si per meditationem, quæ agenda sunt, videat, nisi orationis auxilio, & Dei gratiâ ad ea obtinenda convalescat? Non autem rectè oras, si præter Deum aliquid quæras, quoniam in ipso sunt omnia. Ibi remedia vulnerum, ibi subsidia necessitatum, ibi deniq; quidquid accipere vel habere hominibus expedit, quidquid decet, quidquid oportet. *b* Hæc priscorum Patrum monita sunt. Sed omnia hæc unicâ Chrysoptomi voculâ consignamus. Os illud aureum in Liturgiâ suâ populum attentionis commonefaciens, vocem hanc unicam pro veteri ritu proclamabat, ATTENDAMVS. Hostis orationem turbaturus vigilat, & nos dormimus? Attendamus.

a Idem *ibid.* l. de Anima c. 9. de instabilitate cordis humani, pag. 1057. Job. 14. v. 2.

b Chrystom. 5. in Liturgiâ mihi pag. 1178.

CAPVT XIV.

Alia quinque monita prioribus connexa.

Discipulus Domini Iacobus, modum precandi præcellentissimum suggerit his omnino verbis: Appropinquate Deo, & appropinquabit vobis. *a* Sed sunt nonnulla, quæ nos remorentur. Homo deformis, quò speculo est vicinior, eò etiam est deformior. Speculum enim sine fuce verax suam cuique deformitatem aut formam liberrimè repræsentedat. Ita nos deformitati nostræ malè metuumus, ne si Deo totius universi speculo propinquemus, tantò appareamus fædiore, quantò sumus DEO propiores. Nec ignoramus, tantò evidentiorẽ esse indocti hominis infantiam, quantò is cum viro egregiè docto diutius agit: Ita homo ipsa infantia, tantò apparet stultior, quantò divinæ sapientiæ sit propinquior. Eam ob causam Mathois abbas, Pelagio teste, dicere solebat: Quantum homo Deo appropinquaverit, tantum se peccatorem videbit. *b*

Ideo Isaias vates cum dixisset: Vidi Dominum sedentem super solium excelsum. Mox addidit. Vir pollutus labiis ego sum. *c* Neque cameli hanc speculorum candidam reprehensionem ignorant, idè aquas pellucidæ a gerrimè ingrediuntur, ne aquæ limpida planities gibbam animalis deformitatem

a *lac. c. 4. v. 8.*

mitatem

b *Pelag. libello 13. n. 28, c* *Is. c. 6. v. 1. & 5.*

mitatem monstret : ita nos impuri Deum sanctitatis fontem refugimus.

Sed contrà hortatur nos vates regius, & suaviter impellens : Accedite, inquit, ad eum, & illuminamini. Et facies vestræ non confundentur. ^a Audete, & Deum prece supplici accedite; non solùm vos humaniter excipiet, sed & oculorum nebulas absterget. Solatio reserit & gaudio. Accedite, & illuminamini. Accedite, operæ non pœnitebit: Hoc speculum tantò vos formosiores faciet & lætiores, quantò habueris viciniore.

Capite superiori exposuimus quatuor documenta, quæ impellant & urgeant, ut accedamus, & appropinquemus Deo. Nunc alia quinque prioribus connexa subjungemus.

^a Ps. 33. v. 6.

§. 1.

Monitum quintum. Ardor sanctorum hominum orantium inspiciendus. Evolve res gestas Divorum omnium, & in omnibus singulare orandi studium admiraberis. Quam vigilans & serius in orando de seipso David enuntiat : Deprecatus sum faciem tuam in toto corde meo. ^a Eorum qui ardentè precati sunt, catalogum hîc texere, infinitæ sit operæ. Nos ignotiores nominabimus. Vir sanctus Isaac, tres dies, totidemque noctes continuis precibus exegit. Hunc virum beatus Gregorius

^a Ps. 118. v. 58.

lau.

lau
n
nu
tu
te
ru
ce
cu
sta
gu
ine
sto
nud
nun
dor
tidie
pro
ann
pin
clut
Rut
Mo
ber
no
Ar
cur
per
do
N
apo
rec
tem
a Gre
b Rv

LIBER I. Cap. XIV. 195

laudans : Quem, inquit, multi nostrum
 noverunt. *a* Idem cum Isaaco fecit Sifin-
 nius Abbas, qui triduum totum perpetuatis precibus occupavit : quo quidem tempore nunquam sedit. Beatus Reinerus, voluntario quidem se damnans carcere, quæ tamen animi salutem spectant cum iis, qui ad se ventitabant, sedulo tractabat; carnibus nunquam vesceretur, singulis diebus Veneris pane solo & aquâ inediam tolerabat, quo vis dominico & festo die, cælesti pane refici volebat, loriam nudo pectori appressam assidue gestabat, nunquam nisi asseri, aut nudæ humo indormiebat. Vir iste aded rigidæ vitæ, quotidie trecenties toto corpore in terram projectus orabat. Obiit demû Osnaburgi, anno millesimo, ducentesimo trigesimo septimo, ubi annis viginti duobus latuit inclusus. Beatus Appollonius, Palladio & Ruffino testibus, in Thebaide quingentos Monachos velut Provincialis præses gubernavit. Hic vir centies interdium & centies noctu, submissis semper genibus oravit. *b* Arsenius omni Sabbato ad cadentem solis cursum, ad ejusdem reditum in oratione perstitit. Taceo alios innumeros, qui orando vim omnem diaboli eliserunt.

Narrat Ioannes Subdiaconus à Iuliano apostatâ Imperatore, cum in Persas moveret, diabolum loco tabellarii in occidentem missum explorandis rebus. Verum

K aliger

a Gregor. l. 3. Dial. c. 14.

b Ruffin. Aquil. c. 7. Pallad. c. 52.

aliger hic nuntius decem diebus hæsit, & iter suum expedire nequii. Moram precibus iniecit Publius Monachus, qui, ut Christianis laboratibus subveniret, diebus noctibusque decem pænè continuis clamavit ad Deum. Ita rediit ex Orco tabellarius, conatu irrito, effectu nullo: nec negavit importunissimis clamoribus nescio cuius homuncionis se impeditum. Huic Iulianus in reditu caput auferendum minatus est, ipse suum paulò post amisit. ^a

Ardens & constans orandi studium in Sanctis omnibus videre est. Hinc Chrysostomus liberè pronuntians: Cùm, inquit, videro quempiam non amantem orandi studium, nec hujus rei fervidâ vehementique curâ teneri, continuò mihi palàm est, eum nihil egregiæ dotis in animo possidere. Rursus ubi quem conspexero, insatiabiliter adhærentem cultui divino, idque in summis damnis numerantem, si non continenter oraverit, conjecto talem omnis virtutis firmum esse meditatorem ac Dei templum.

Quisquis non orat Deum, nec diurno colloquio cupit assiduè frui, is mortuus est, & vitâ carens, expertusque sanæ mentis. Quemadmodû enim corpus hoc nostrum, si non adsit anima, profectò mortuum est ac foetidum: sic anima nisi seipsam incitet ad orandum, mortua est, & graviter olens. ^b Interioris hominis vita, oratio.

Hanc

^a Ioan. Subdiaconus libell. 2. n. 12. ^b Chryf. tom. 5. l. 1. de orando Deum, mihi pag. 588.

Hanc ob causam nemo sanctorum hominum fuit, qui non totum animum, omnemque curam ad orandi studium adjunxerit. Quot reges & reginæ, omnes Davidis psalmos centum quinquaginta, aut preces canonicas quotidie recitarunt? Quot hominum Religiosorum nostro ævo sunt, qui præter statas orandi vices, quotidie quinque aut sex horas precectioni tacitæ impendunt?

Stephanus Capunsachus quotidie quatuor horas post cenam orationi dedit. b
 Consalvus Mederius quotidie sex horas soli cælestium rerum meditationi attribuit.
 c Antonius Criminalis quotidie trigesies flexis genibus proxiùs oravit. Sebastianus Barradius sacrum facturum duarum aut trium horarum præparationem præmisit. Eo enim precandi studio ferebatur, divinis colloquiis sic assuetus, ut in extremo senio quotidie duodecim horas orationi daret. Obiit Conimbricæ millesimo sexcentesimo decimo quinto. d
 Franciscus Suarezius Granatensis, qui Theologiæ illustrandæ supra 20. bene grandia volumina conscripsit, quotidie se flagris castigavit, semel duntaxat de die corpus alimoniam refecit, non minùs orationi, quàm studiis deditus fuit, in omni dubio ad orationis subsidium confugit. Et inde factus est, male se omnium eorum, quæ unquã didicisset

K 2

jactu.

a Oratio mentalis vulgò dicitur.

b Historia Societatis IESV l. 10. c. 72.

c Eadem l. 12. n. 66. d Die 14. Aprilis.

sacturam facere, quàm vel unicam consue-
 a meditationis horam negligere. Obiit
 Olisiponæ anno millesimo, sexcentesimo
 decimo septimo. a

Quot millia, utriusque sexûs hodièque
 complures horas in singulos dies precibus
 impendunt, quot millia pleramque diem
 orando agunt? cur nos alii ad hoc orandi
 studium tam segnes? si conaremur nôsse
 Deum, faceremus quod ipsi, & magno ad-
 fectu colloquia divina frequentaremus.
 Quàm verè dixit beatus Ignatius: O Do-
 mine, utinam te nôssent homines! Qui
 Deû novit, Dei colloquium assiduè ambit.
 a *Hi omnes Societatis IESV Sacerdotes fue-
 runt.*

§. 2.

Monitum sextum. Exemplum tot beata-
 rum mentium imitandum. Opus Angelo-
 rum Oratio, dicebant prisci: Daniel He-
 bræus vates subtilissimis oculis cælestem
 curiam contemplatus Millia millium, in-
 quit, ministrabant ei, & decies millies cen-
 tena millia assistebant ei. a Multò plures
 esse Angelos Cyrillus Hierosolymitanus
 asserit, sed eos numero illo designari, quem
 nostra intelligentia meliùs assequeretur.
 Igitur oraturus cogitet, & seipsum his tali-
 bus admoneat: Attende tibi, coram eo
 principe locuturus ades, quem tot centena
 millia, quem tot milliones Angelorû cin-
 gunt: cave linguâ titubes, cave mente ex-
 cidas,

a *Dan. c. 7. v. 10.*

LIBER I. Cap. XIV. 199

eidas, aut aliena inferas sermoni. Heu quam in hoc negotio cæci sumus, in ceteris oculatissimi!

Regem, obsecro, cogitemus, quem in amplissimo conclavi maxima virorum Nobilium, Baronum, Comitum corona cingit, & hic unico loquendum. Fuerunt non pauci, quos lingua, quos animus & memoria defecit, quos tantæ nobilitatis majestas, mutos & elingues reddidit. Et nos temerè ad colloquium cum Deo irruimus; nulla præparatio, vix ulla mentis compositio, reverentia exigua, attentio nulla: inter mille milliones Angelorum stamus, & tamen nec ad illos respicimus; nec ad eum, quem adoramus; & modò cum Deo loquimur, modò cum homine garrimus, desultoriâ animi levitate: sub oratione non tantùm non cogitationes, sed nec oculos cogitationibus minùs celeres continemus.

Quàm illi Oratorum optimi longè obfervantiores fuerût tam Dei, quem adorabant, quàm Angelorum, quos ut Dei famulos spectabant. Solymæus rex David ad preces attentissimus: in conspectu Angelorum, inquit, psallam tibi, & confitebor nomini tuo. Sciens videri & obseruari me à tot centenis millibus vigilantissimorum oculorum. Idcirco cùm velut in theatro agam tot oculis expositus, attentè & circûspectè agam. Si hæc oraturi præmeditemur, à tot Angelis videri nos & audiri, & vel nostram attentionem laudari, vel osci-

K 3

tantiam

tantiam nostram & mentem incompositam vituperari, longè attentius precaremur.

Ergo seipsum oraturus hortetur, & dicat: In conspectu Angelorum psallam tibi, Deus meus: Confitebor tibi, Domine, in toto corde meo. ^a Vires meas omnes intendam, ut hoc, quod agendum est, rectè agam.

Clarævallisensis Abbas Bernardus, ad necessariam hanc attentionem provocans: Omnino, inquit, oportet nos orationis tempore curiam caelestem intrare, illam utique curiam, in quâ rex regum stellato sedet solio, circumdante innumerabili & ineffabili Beatorum spirituum exercitu. Quantâ ergo cum reverentiâ, quâto timore, quanta illuc humilitate accedere debet à palude suâ procedens & repens ranuncula vilis? Quàm tremebundus & supplex, quàm denique humilis & sollicitus, & toto intentus animo, majestati gloriæ in præfentiâ Angelorum, in concilio justorum & congregatione assistere poterit miser homuncio? In cunctis igitur actionibus nostris multâ opus est animi vigilantiam, sed præcipuè in oratione. Nam licet horâ omni, & omni loco oculi Domini super nos speculentur, maximè tamen in oratione. ^b O verum Bernardi dictum, ô longè verissimum!

Moni-

^a Ps. 137. v. 2.

^b Ber. serm. de 4. modis orandi, mihi pag. 401.

§. 3.

Monitum septimum. Doctrina & instructio Christi attendenda. Nulla est actio humana, in quâ nos tam distinctè, articulatim, & accuratè doctor cœlestis erudierit, atque in oratione. Docuit namque, quid orandum, & ubi orandum, & quomodo, & quo fine, quòve animo, quâ causâ orandum sit. Ut rectè dixerit Guilielmus Perardus: Noluit nos negligenter addiscere, quod voluit tam diligenter docere.

Monitum octavum. Rectè orare Christus non tantùm docuit verbo, sed monstravit exemplo. Nam forsitan quæras, cur Christus oraverit? Id factum asserimus ad institutionem nostram. Ludimagister, cùm inter puerulos, quos docet, litteras appellat, & colligit, non ex ignorantia id facit, sed ut instruat ignorantes. Ita fecisse Christum, aureus Ecclesiastes Chrysostomus affirmans: Sicut enim, inquit, cùm magistrum audis balbutientem, & singulas litteras dicentem, non eum dicis ignorare, cùm interrogat, ubi sit illa vel illa littera; scis, quia non ignorans interrogat, sed discipulû volens instituere: sic & Christus nô opus habens oratione orabat, sed te volens instituere, ut assiduus sis ad orationem, ut sine prætermissione, ut sobriè, ut multâ cum vigilantia ores. a

K 4

Christi

a Chryf. tom. 4. in epist. ad Hebr. hom. 27. mihi pag. 1626.

Christi orationem liber Evangeliorum testatur. Matthæus: Dimissâ, inquit, turbâ ascendit in montem solus orare. *a* Et Marcus: Diluculo valde surgens, inquit egressus abiit in desertum locum, ibiq; orabat. *b* Lucas verò creberrimas Christi orationes his verbis describit: Exiit in montē orare, & erat pernoctans in oratione Dei. *c* Et facta est, dum oraret, species vultus eius altera. Et factum est, cum esset in quodam loco orans, ut cessavit, dixit unus ex discipulis ejus ad eum: Domine, doce nos orare, sicut docuit & Ioannes discipulos suos. De oratione porrò inter oliveta: Factus, inquit, in agoniâ, prolixius orabat. Nec orare desit in ipsâ cruce Servator. Vix enim cruentam hanc trabem ascenderat, & statim auditus est dicere: Pater, dimitte illis, non enim sciunt, quid faciunt. Toto insuper tenebrarum tempore per tres horas, dum siluit, orasse credendus est. En optimum ludimagistrum litteras colligentem, & preces adhibentem non sui, sed nostri causâ. Ideò nos compellans: Exemplum, ait, dedi vobis, ut, quemadmodum ego feci, ita & vos faciatis. *d*

Monitum nonum Christi præceptum observandum. Non instructionem solam, nec solum exemplum à Domino habemus, sed & præceptum: Petite, quærite, pulsate. Intra in cubiculum tuum. Quo jussu præceptum
a Matth. c. 14. v. 23. *b* Marci c. 1. v. 34. *c* Luc. c. 6. v. 12. & c. 9. v. 29. & c. 11. v. 1. & c. 22. v. 43. & c. 23. v. 33. *d* Ioan. c. 13. v. 15.

priè cogitationum evagatione prohibuit.
 Sed & illud aperti imperii est : Quoniam
 oportet semper orare, & non deficere. *a*
 Idem vociferantur Apostoli. Petrus clamat:
 Vigilate in orationibus. *b* Clamat & Pau-
 lus: Orationi instate, vigilantes in eâ. *c*
 Quocirca si nos aliud non impellat, hoc
 abundè satis est: Christus jubet, Præceptum
 Domini est. Ergo appropinquate Deo, &
 appropinquabit vobis. *d* Quod & David
 inclamans : Accedite, inquit, ad eum, & il-
 luminamini. Diversi sunt modi, quibus ad
 Deum liceat accedere, optimus est per ora-
 tionem. Hoc solum observemus probè,
 quò sermo hic omnis tendit, ne ritu ludæo-
 rum Deo appropinquemus. Contra quos
 Isaias gravissimè conquestus : Appropin-
 quat populus iste ore suo, inquit, cor autè
 eorum longè est à me. *e* Appropinquemus
 non ore tantum, sed & corde. Nunc appro-
 pinquemus nos illi, & ille nobis appropin-
 quabit in fine vitæ, cum omnes deserent.

a Luc. c. 18. v. 1. b 1. Pet. c. 4. v. 7. c Coloss. c. 4. v. 2. d lac. c. 4. v. 8. e Is. c. 29. v. 13.

CAPVT XV.

Orationis exaudita signa.

B Asilius Macedo Imperator Orientis
 variè laudatus in priscâ historiâ, ho-
 minem in aulâ suâ perniciosissimum
 fovit, Theodorum Santabarenum assenta-

torem & susurronem nequissimum. Per-
 suaserat is Imperatori Basilio vitæ illius
 insidias strui à filio. Mox Pater, uti præ-
 ceptus est in nefas suspicio, filium in vincula
 rapi, & in carceré detrudi iussit. Solenniori
 die Senatores aliosque urbis Principes ad
 epulum vocavit. In triclinio non procul ab
 imperatoriâ mēsâ garrulus in caveâ psitta-
 cus humanas voces imitabatur. Eo ipso
 tempore facunda hæc avis verba quædam
 crebrius ab aulico famulitio audita, hunc
 in modum efferebat: Heu domine Leo, heu
 domine Leo. Ingemuit non nemo ad has
 voces, & è Senatoribus præsertim aliqui
 dum tacitis suspiriis fortunæ vices expen-
 derent, cibo potuque abstinebant. Obser-
 vavit Imperator quosdam suorum cõviva-
 rum mæstiores altis cogitationibus attine-
 ri; Et amici, ait, quid silentio tam mæsto
 temeramus mensam? Cui è primariis unus:
 Augustissime Imperator, inquit, diserta
 hæc volucris ejus rei nos monet, quæ lacry-
 mas etiâ excire possit. Submississimè roga-
 mus, liceat cum veniâ precari quidpiam.
 Dicite, ait Imperator, quid petitionis est?
 Hic modestissimè Senator: Nos, inquit,
 mensam salialem ac regiam accumbimus,
 interim Majestatis tuæ filius procul omni-
 bus gaudiis luget in carcere. Si quid pec-
 cati est, credimus jam expiatum. Vel hæc
 avis forti Leonis indolet, quantò magis
 nos ejus miseratione tangi convenit. Qua-
 propter, si licet, libertatem regio juveni
 rogamus. Motus pater oratione tam op-
 portu-

LIBER I. Cap. XIV. 105

portunâ: Eximatur, inquit, vinculis Leo, Mox aulici catervatim convolant ad carcerem. Leo filius vinculis exemptus, tonsus, lotus, in regium juvenem vestitus, ad Cæsaream mensam productus est. Magna utrimque gratulatio, magnum gaudium. Hoc convivis & Imperatori psittacus orator non expectatus persuasit: hunc captivum liberavit psittacus: à psittaco fuit hæc suada eloquentia.

Nos sæpe psittaci sumus, dies totos garimus, tanquam si nobilissimum linguæ artificium sit, quàm plurima loqui. An verò tales oratores simus, qui dictione possint persuadere, & Deum in preces flectere, id plurimum habet dubii. Quis enim verò id sciat, dixerit quispiam, Deum precibus ac votis annuisse? Eò igitur orationē deduximus, ut certis de oratione quæstionibus respondeamus. Sit igitur prima Quæstio, quæ signa sint orationis exauditæ & ratæ. Ea igitur ordine subjungemus.

Signum primum: *Fiducia ingens in Deum.* Ad istam accendunt nos omnia divinorum voluminum oracula. Iure merito, Fiducia est fundamentum vitæ cum virtute agendæ. De Fiduciâ in oratione singulariter erigendâ Cassianus dilucidè: Pro certo, inquit, non exaudiendum se supplicans quisque non dubitet, cum se dubitaverit exaudiri. Tantum quis exaudiri meretur,

quantū crediderit DEVM præstare posse. Promissum Domini stat irrevocabile: Propterea dico vobis, omnia, quæcunque orantes petitis, credite, quia accipietis, & fiet vobis. *a* Discipulus Domini Iacobus explicatissimè: Qui enim, inquit, hæsitat, non æstimet homo ille, quod accipiat aliquid à Domino. *b* Subjungit Cassianus: Retractare nos convenit illā beati Ioannis Evangelistæ sententiā, quā ambiguitas huius quæstionis evidenter absolvitur. Hæc est, inquit, fiducia, quam habemus ad Deum, quia quidquid petierimus secundum voluntatem ejus, audit nos. Ergo super his plenam nos & indubitabilem iussit exauditionis habere fiduciam. *c*

d Lacedæmonii vulgatissimo verbo dicere solebant; Armata manu invocanda est fortuna. Qui orat, sic Deo fidat, ut veluti cogat. Quod adstruens Gregorius: Vult, ait, Deus rogari, vult cogi, vult quādam importunitate vinci. *d* Adeamus ergo, quod Paulus hortatur, cum fiduciā ad thronum gratiæ; ut misericordiam consequamur, & gratiam inveniamus in auxilio opportuno. *e*

e Signum alterum est, *Duorum aut plurium in oratione consensus*. Neque hîc defunt pollicitationes Dominicæ, quæ orationem ex consensu comprecantium erigunt his verbis: Iterum dico vobis, quia si duo ex

a Marc. c. II. v. 24. *b* Iac. c. I. v. 6. *c* Cassian. collat. 6. c. 34. med. *d* Greg. in 6. ps. panit. *e* Hebr. c. 4. v. 16.

vobis consenserint super terram, de omni re, quamcunque petierint, fiet illis à patre meo, qui in cœlis est. *a* Successu carere ac vanescere non potest hæc promissio. Terra prius cælumque in antiquum chaos revolvitur, quam in nihilum recidant hæc verba: Domini voces novimus: Cælum & terra transibunt; verba autem mea non præteribunt. *b* Maximarum virium est oratio, cum idem petitur à pluribus, quemadmodum execratio plurium est valde pe- netrabile jaculum. *c*

Signum tertium, *Fidei plenitudo*. Quoties in sacris Evangeliiis illud ingeminatur. Fiat tibi secundum Fidem tuam? Marcus de Christo Servatore verbum è verbo sic expressit: Et egressus inde abiit in patriam suam, & non poterat ibi virtutem ullam facere: nisi paucos infirmos impositis manibus curavit, & mirabatur. *d* Quid hoc rei, obsecro? An non Christus Dominus ubique rerum omnium præpotens est? quis thaumaturgam ipsius dexteram repressit? Et quo tandem modo id ipsemet mirabatur? an non eventum hunc sequiorem præscit? imò verò maxime. Exemplo rem mostramus. Chirurgus aut Medicus ab arte præcellentissimus in urbem vicinã evocatur. Hic ille paratissimus est artis suæ specimen edere, sed cum pænè nihil succedat,

K 6

ipse-

a Matth. c. 18. v. 19. *b* Matth. c. 24. v. 25.

c Das gmain Gebett / vnd der gmain Suesch seynd mächtig starck.

d Marci c. 6. v. 1. & 5.

ipsemet miratur, & ait: Num ego fascina-
tus sum? Ita ferè Christus est miratus, quod
nobis, inquit Augustinus, mirandum signi-
ficavit. *a* Firmiter autem decreuerat, nulla
illic signa facere, quod Nazianzenus asse-
rit. *b* Hinc nostro loquendi more dicitur:
Non poterat. Quod enim sanctè statuimus
non facere, id rectè dicimur facere non
posse. Horum autem omnium causa fuit
incredulitas civiù in Christi patriâ. Quod
expressè dixit Marcus: Propter increduli-
tatem eorum. *c* Credulitatis penuria non fi-
nit Deum esse munificum. Vbi Fides defi-
cit, illic oratio perit.

a Aug. l. i. super Gen. *b* Greg. Nazianz. orat.
4. de Theol. *c* Marci c. 6. v. 6.

§. 2.

Signum quartum: *Perseverans importuni-
tas.* Sæpius monemur: Petite, quærite, pul-
sate. *a* Ad instantissimam orationem, in-
quit Augustinus, hæc omnia referuntur.
Petite: Non conceditur, quod petitis? Que-
rite: Negatur, quod quæritis? Pulsate: Deus
vult cogi. Hæc piâ importunitate pluri-
mum delectatur Deus. Et ne quisquam
crederet, frustra voces in aërem spargi pre-
cando, illi exhortationi, quâ petere, quæ-
re-
re, pulsare, jubemur, additum est: Omnis,
qui petit, accipit, & omnis, qui quærit, in-
venit; & omni pulsanti aperitur. Pulsate
igitur, pulsate, pulsate. Quamdiu tandem?

a Matth. c. 7. v. 7.

Num tribus, num sex aut decem annis? Quis tamdiu pulset? ne, obsecro, molestum fit vel viginti, vel quinquaginta, vel centum annis pulsare, quoniam oportet semper orare, & non deficere. Petiit, quaesivit, pulsavit Chananæa. Hinc Christus subitò, uti Chrysostronus loquitur, in illius laudes erumpit: Ô mulier! Propterea, inquit, laudo constantiam ejus, laudo fidem; quia injuriata permansit, & ratione extorsit. Si enim ab initio dimissem illam, nec illa paullatim erudita fuisset, nec tu virtutem animi ejus, nec latentem fidei thesaurum scisses: & idèd suspendi donationem, ut tu agnosceres fidem. O mulier, Deus dicit, Ô mulier! Audiant hæc, inquit Chrysostronus, qui jactant, & orant, & fastidiosè precantur. Quando dico charissimi, roga Deum, obsecra eum, famulare illi, dicis: Rogavi semel, secundò, & tertio, & decies, & vigesies, & quidnam accepi? Ne recedas, quousque accipias, finis postulati acceptio deprecantis est. Tunc cessa, quando acceperis, imò magis nec tunc cesses, sed tunc persevera, agens gratias pro eo, quod accepisti, ut perseveret tibi, quod acceperis. ^a

Eandem hanc orandi desidiam Bernardus perstringens: Sed dicis, inquit, ego quotidie oro, & orationis meæ nullum fructum video, sed sicut accedo ad illam, sic & redeo: nemo mihi respòdet, nemo loquitur,

nemo
a Chrys. tom. 2. de variis locis in Matth. hom. 17. ante finem mihi pag. 1038.

nemo quippiam donat, sed incassum laborare videor. Sic loquitur humana stultitia, non attendens quid veritas promittat: Amē dico vobis, quia quidquid orantes petitis, credite, quia accipietis, & fiet vobis. Vnum ergo è duobus indubitanter sperare debemus, quoniam aut dabit nobis, quod petimus, aut quod noverit esse utilius. *a* Beatus Agidius dicere solebat: Arbor, cum plantata est, non protinus grandescit, aut fructus parit: Nec oratio supervacanea est, quia non illico fecunda. Nimiùm deses est, qui orare incipit, & ante finem finit.

Quintum signum, *Eleemosyna*. Siracides clarissimè: Conclude, inquit, eleemosynam in sinu pauperis, & pro te exorabit ab omni malo. *b* Tam clarum & abundans hoc testimonium est, ut confirmatione ampliori non egeat. Siracides eleemosynam ita proponit spectandam: Stat illa ante Dei solium, quàm primùm autem viderit in angustiis te constitutum, mox accurrit, & ad Deum supplex accidit, orat & exorat, rogat & impetrat, suumque clientem ab omni tam culpæ quàm pœnæ malo liberat. Nempe hoc Deo ingenium est, ut cum supplicem cernit eleemosynam, continuò in preces facilis, vinci sese patiat. Vult autem Siracides eleemosynam in sinu & in corde pauperis abscondi. Tântò tutiùs erogamus stipem, quantò occultiùs. Ita sine conditur eleemosyna. Tunc verò in corde

reponi.

a Bern. l. de Anima c. 6. mihi pag. 1096.

b Eccles. c. 29. v. 15.

reponitur, cum egeno grata & ad ferendam opem est opportuna. Nam subinde tale quid egenis damus, quo illi se nihil adjuutos sentiunt. In corde igitur quod porrigis, repone; da ut profis, da ut subleves egentem.

Hoc autem Siracidæ promisso non eum designari credimus, qui semel iterumque stipis aliquid projectat, sed qui, ut sacer Psaltes loquitur, intelligit super egenum & pauperem, qui pauperum clamores & auribus & animo admittit, qui miseratione tangitur, qui ærumnas illorum veluti sentit, qui facultatum suarum non supremam tantum superficiem radit, sed altius immergit manus, qui sese in eandem paupertinam tribum posse redigi credit, qui fenoris amplissimi securus ac certus sua tribuit. En hominem, qui super egenum intelligit. Dixerit hic talis cum Psalte regio: In die tribulationis meæ Deum exquisivi manibus meis. *a* Deum invenire cupis? manibus quære argenteis. Sed argenteas manus has non mimis, non adulatoribus, non parasitis, non ludionibus, non combibonibus, non susurronibus, non nugivendis, non histrionibus injice, Deum iis exquire, Dei amicos pauperes his invade, & medius hostium tutissimus ibis, medius procellarum illæsus stabis. Efficacissimè orat, qui argenteas manus, quibus pauperes erexit, cælo attollit.

a Ps. 76. v. 3.

§. 3.

Sextum signum, *Vehemens afflictio*. Ille ipse, qui afflictiones immittit, simul etiam præcipit atque promittit: Invoca me in die tribulationis, & eruam te. *a* Ad suppetias ferendas paratissimum se offert Deus, non auditurus solum preces, sed levaturus etiã calamitates nostras. Me, inquit, invoca, cum agrè tibi est: tunc tu plures orandi, ego plures juvandi causas habeo. Tu modo me roga, exaudiêris; securum te reddo. Gratulatus sibi rex David: Ad Dominum, inquit, cù tribularer clamavi, & exaudivit me. Promissis Deus liberalissimè stetit. In die tribulationis invocavi eum, & eruit me.

Solent naturæ in naviculis piscatoriis, cum remi strident, & arctiùs se ligatos veluti queruntur, aquas affundere: ita Deus, qui ad clavum sedet, tenetque gubernaculum, cum nos sub manu ejus positi miseras nostras querimur, solatii & auxilii fontem affundit, prout est pollicitus: Et ego, reficiam vos. *b* Tunc plerumque vicinior est Deus, cum afflictior homo. Nulli se negat Deus vocanti se. Ne cadamus animo: Nobiscum est Deus, non inter rosas solum, sed etiam inter procellas & fluctus: Cum ipso sum, inquit, in tribulatione; eripiam eum, & glorificabo eum. *c*

Septimum signum, *Emendatio vite*. Hoc

Isaias

a Ps. 49. v. 15. *b* Matth. c. 11. v. 28.

c Ps. 90. v. 15.

Isaias vates affirmans : Tunc , inquit,
 clamabis, & Dominus exaudiet ; clamabis,
 & dicet: Ecce adsum. *a* Quærere liceat ex
 Isaiâ: Nunc illud quando veniet? quando-
 quidem facta est stipulatio : Tunc invoca-
 bis, tunc exaudiet. Tunc illud quando spe-
 randum? Respondet vates : Si abstuleris de
 medio tui catenam , & desieris extendere
 digitum, & loqui, quod non prodest. Tria
 hîc Deus desiderat in iis, à quibus rogatur.
 Primum est : Aufer de medio tui catenam.
 Heu quoties catenas nectimus non annu-
 lorum aureorum, sed criminum & delicto-
 rum, noxâ noxa excipit, scelus scelere fini-
 tur : his annulis novos quotidie annulos
 inserimus, nequitiam nequitis augemus, li-
 bido sequitur è libidine ; catenatum fabri-
 camus scelus. Aufer catenam hanc, rumpe
 hos annulos, cessa tandè peccata cumulare
 peccatis, & aures Numinis habebit oratio
 tuâ faventissimas. Tunc invocabis, & Do-
 minus exaudiet. Alterû est: Desine digitum
 extendere. Qui minantur & rixantur, exten-
 sis digitis loquuntur. Hæc discordiæ signa
 sunt, & animi ad vindictâ accessi. At scimus
 hos gestus non convenire supplici. Minas
 igitur rixasque tolle, & animû indulge pa-
 ci; contine minaces digitos. Tunc invoca-
 bis, & Dominus exaudiet. Tertium: Desine
 loqui, quod non prodest. Vis, ut sermo
 tuus momenti sit, & ponderis apud Deum?
 sermones vanos, inutiles, impuros, obtre-
 ctatorios, lascivos tolle, moderare verbis,
 linguæ

214 RHETORICA CÆLESTIS.

linguæ impera, desine quod non prodest loqui. Tunc invocabis, & Dominus exaudiet.

Hæc ad Cassiani mentē indicia sunt orationis à Deo exaudiendæ. Non omittendū hîc, ipsam orationem nostram esse mercedem & salutem nostram, præsensque precationis præmium, tametsi, quod poscit, non obtineat. Nam, ut Iansenius annotat, oratio amorem divinum auget. Quando carbonibus vivis thus injicitur, optimus odor spargitur: Eodem prorsus modo cum amoris prunæ orationis thus accipiunt, Deo gratissimus odor incéditur. Et quemadmodum respiratio non solum est causa, sed & signum vitæ, ita etiam oratio vitalis & planè salutaris est, etiamsi non impetret, quod postulat. Proinde Psaltes optimè dixit: Os meum aperui, & attraxi spiritum. *a* Ad rem Clemens Alexandrinus: Plus, inquit, paratus esse debet homo petere, etiamsi non impetret, quam impetrare non petendo, aded optimum bonum est ipsa petitio. *b* Hoc ipsum certè Dei donum est os aperire, spiritum attrahere, cor & pulmones recreare: Sic orare tantum, est inter humanas miseras suaviter respirare. Quod tam egregiè quam clarè Ambrosius exprimens: Petitio, inquit, Deo facta, magnus est fructus, & qui petit à DEO, dum petit, accipit, ipsum namque petere, est accipere. *c*

a Psal. 118. v. 131.

b Clemens Alex. l. 7. Strom.

c Ambros. ep. 84. ad Demetrium.

LIBER

LIBER SECVNDVS.

CAPVT I.

Orationis assiduitas docetur.

VREVS Orator Chryso-
 stomus, ut orationis assiduita-
 tem altiùs infigeret animo,
 & nusquam non orandum
 doceret: Non quæritur lo-
 cus, inquit, sed devotio men-
 tis. Hieremias in lacu cœni demersus erat,
 fideliter orans Deum promeruit. Daniel in
 lacum leonum missus ad se Dei misericor-
 diam inclinavit. Tres pueri in camino ar-
 denti erant, & Deo placuerunt. Latro in
 cruce erat, & exauditus est, fideliter postu-
 lando. Crux ei nihil obfuit, sed confessio
 fidei paradisum aperuit. Iob in sterquilinio
 erat, & per patientiam suam Deum propi-
 tiabatur. Quòd si in iudiciis assistis, ora. Et
 cùm irascitur rex, ora. Quòd si & in bal-
 neis es, ora: ubicumque fueris, ora. Vbi-
 que Deus præsens est, semper in proximo
 est; nõ clauditur loco, invocanti dicit, Ad-
 sum. Quòd si hominem rogare volueris, in-
 terrogas, quid facit? Et dicitur tibi, pran-
 det, cenat, dormit, cum amicis agit, non
 vacat; aut certè minister respondere tibi
 non dignabitur. Ad Deum autem nihil ho-
 rum

tum opus est, sed ubicunque fueris, aut invocaveris, audit te. *a*

Hæc Bernardus confirmans: Ubicunque fueris, inquit, intra te ipsum ora. Si longè fueris ab oratorio, noli quærere locum, quoniam tu ipse locus es. Si fueris in lecto, aut in alio loco, ora: & ibi est templum. Igitur quocunque loco cõsistis, cogitationes tuas iacta in Deũ, & aliquid salutare in animo tuo versa. Omnis siquidem locus ad meditandũ congruus est. Addit quod auro & gemmis scribendum: Omne tempus, quo de Deo non cogitas, hoc te computes perdidisse. *b*

Vult Deus à cogitationibus nostris nunquam excludi, vult iis assiduè interesse. Eò spectat præceptum illud: Quoniam oportet semper orare. *c* Quã de re jam explicatiùs agendum.

a Chryst. tom. 2. Hom. 17. de muliere Chananaea, mihi pag. 1039.

b Bern. l. 2. de Anima c. 6. mihi pag. 1056.

c Luc. c. 18. v. 1.

§. 1.

Deum assiduè cogitare, vera filiorum Dei nota est. Aquilæ, quod mireris, pullos suos orare docent. Nam eos unguibus ad solè suspendunt, veluti monstrarent, quem vènerari deberent. Quod si. fixis immotisque oculis solares radios admittunt, in nido servant, & alunt: sin autem lumine tremulo velut

velu
ci
Aq
fed
sci
ren
credo
dem
meo
mum
fixa
filio
imm
Deu
ia c
plus
ama
Vbi
quid
ter c
assid
H
stula
fed f
est,
cogi
pun
simè
ment
Dei b
debet
tem no
a Iude
b Bern

velut oratione minùs attentâ palpitent, eji-
ciunt nido, tanquam non suos: Perinde si
Aquila parens dicat: Mei non degenerant,
sed acie immotâ solem adorant. Hinc pri-
sci, cùm istud Aquilarum examen pingere-
rent, adscribere solebant hæc verba: *Sic
credo. Quasi mater pullo dicat: Video qui-
dem rostrum & pennas, unges & colorem
meo non dissimilem, sed tamen jam pri-
mùm credo te Aquilæ filium esse, cùm acie
fixâ salutas solem. Haud aliter & nos DEI
filios esse illos judicamus, qui oculos pænè
imotos in æternum solem defigunt, qui
Deum assiduè cogitant. Amans in re ama-
tâ oculos tantò fixiùs collocat, quantò
plus amat. Nil certius: quò Deum plus
amamus, hoc Deum sapius cogitamus.
Vbi thesaurus est, ibi & cor est. Vis scire,
quid ames? Attende tantùm, quid frequen-
ter cogites. Nota filiorum Dei est, Deum
assiduè cogitare.*

Hoc autem beneficiorum memoria po-
stulat. Deus non omnibus tantùm horis,
sed singulis horæ punctis in nos beneficus
est, nos saltem semel benefactorem hunc
cogitemus quavis horâ, quæ compluria
punctorum millia comprehendit. *a* Veris-
simè dixit Bernardus: Sicut nullum est mo-
mentum, quo homo non utatur, vel fruatur
Dei bonitate & misericordiâ, sic nullum
debet esse momentum, quo eum præsen-
tem non habeat in memoriâ. *b*

De

a Iudæi olim horâ dividerunt in 1080. minuta.
b Bern. loco supra laudato. *i*

218 RHETORICA CAELESTIS.

De Aquilâ in altricem suam lôgè gratissimâ hæc memorat naturæ encomiastes. *

In urbe Thraciæ Sesto eximia fuit virgo, non avorum tantum & auri, sed formæ simul ac pudicitiaæ dives. Hæc fortè prædam sequebatur per nemora venatrix, cursu feras agitans & arcu. His studiis incensa in montis præalti vertice geminas invenit Aquilas, sed etiamnum implumes, & multâ siti languidas. Ex his alteram, quæ præstantiorem spondebat indolem, è nido subduxit, & in pedese conjecit, hanc avem filiola instar educatura. Iamque ales regia ad dominæ nutus adedè assueverat, ut captam subinde prædam ex unguibus dimitteret, & ad virginis manum blanda revolaret. At nutrix virgo cum alite suâ veluti verba miscens, & attactu mulcens, quandoque diu colluserat.

Sed tandem morbus suam aliti altricem eripuit. Febrile cœpit virgo, & affigi lecto. Omnem oris elegantiam vis morbi abstulit. Hic Aquila industriâ incredibili velut famula lecto assidere, & tantum non poscere quid vellet, quid imperaret. Subinde lecto exiliens in venatû evolavit, seu fortè perdix, seu turdus, seu cothurnix, seu palumbus occurreret. Quidquid venatu asscuta est ad dominæ lectulum apportavit, & prædam unguibus tenens monstravit, tanquâ si quæreret, nû placeret quod attulisset? Ita convictûs sui pretiû & impensam b fide.

a Plinius l. 10. Nat. hist. c. 5. 1

b Hat das Kostgeld redlich bezahlet.

fidelissimè rependit . Interea febris hu-
 morem omnem virgineis venis emulserat,
 jamque mors vicina & avi & altrici diem
 supremam indixerat. Hinc Avis poenè ma-
 gis ægrotata, non jam amplius evolare, domi
 latere, & modò grabato incubare, modò
 gremio sedere, nunc dominæ caput cir-
 cumvolare, nunc labris oscula propinare,
 nunc alto silentio mœroris non obscura
 signa edere, nunc questus ferali murmure
 ingeminare, & mœrentibus amicis augere
 luctum, jam etiam cibum rejicere, & som-
 num spernere. Ut verò ales misera suam
 altricem jam mortuam vidit, vitam pariter
 exosa pectus rostro fodere, & vulneri un-
 gues imprimere: perinde si mortis moras
 increparet. Cùm verò funus prodiret do-
 mo, Aquila quamvis vulnerata feretrum
 altricis fidelissimo comitatu secuta est. Vix
 autem cadaver in rogo ardere cœperat,
 mox ales regia in medias se flammæ præci-
 pitavit. Nitebatur quidem sacerdos fustem
 objicere, & avem generosissimam aspellere,
 sed frustra. Nam ultrò vi omni neglectâ,
 eodem altricis ac dominæ rogo, avis gra-
 tissima conflagrare voluit.

§. 2.

Pausamus hîc nonnihil Lector, & si quid
 à priore libro tædii conceptum est, hilari
 metro discutiamus. Quod de reginâ vo-
 lucræ diximus prosâ, id etiam vorsâ can-
 temus.

L

Litteræ

Littore Threicio, rapidis qua barbara tellus
 Fluctibus alluitur, queis nomen & ossa reliquit
 Occumbens tua Phryxe soror, nec disita longe,
 Vnde suo liquidas nudo monstrare Leandro
 Dum parat Hero vias, turri sublimis ab altâ
 Funeream accendit cyprio pro lumine tadam:
 Dives avum, dives formas, dives & auri
 Virgo fuit, nulli laudum cessura tuarum
 Hero, sed intacto longè victura pudore.
 Namq; cupidineas invicto corde sagittas
 Arcebat, nullis Veneris penetrabilis armis.
 Fortè sequebatur nemorosa per avia prædam
 Venatrix, cursuq; feras agitabat, & arcu:
 Cum super æræ saxoso culmine montis,
 Vnde gravis longè spectantibus imminet horror,
 In nido geminas Aquilas implumibus alis
 Repperit ad verso tentantes lumina Phœbo:
 Horrebant teneris cervix & brachia pinnâ,
 Arcebât fauces jam dudum, & hiantia prædam
 Gutturâ poscebant, mater dum pabula ferret,
 Aut saniem, aut laceri fibras & membra co-
 lumbi.

Ex his præstantis qua visa est indolis unam
 Accepit gremio, jugâ mox & saxa reliquit
 Virgo metu, celeres pedibus timor addidit alas.
 Non aliter magnum qui clam pastore juven-
 cum

Occidit lupus, ac pavitans, humilisq; se-
 quentes

Auscultat post terga canes, & consulit auras.
 Iamq; adeo ad nutus assueverat ales heriles,
 Ut prædam interdum pedibus dimitteret uncis,
 Ambirétque manum domina revocantis, at
 illa

Blandi-

Blanditias & verba refert, molliq; remulcens
 Attactu, colludit avi qua charior una
 Est oculis, est una genus, est una capillis.
 Heu latis quam vana fides, quibus aspera fatè
 Vis luctus pariter clavo confixit ahenò!
 Ecce datura duas uno de vulnere mortes
 Virginis egregios febris depascitur artus,
 Et carptim nitidum forma populatur honorem:
 Puniceum decus oris abit, nativaq; languent
 Lilia, vernantis frontis flos decolor aret:
 Vnus utrique modus, geminog; tumentibus
 astu

Horrescunt tremula circum precordia fibra,
 Ac si parca ambas nesseset de flamine vitas:
 Sæpe feram contra tabem luctata volucris
 Exilit è thalamo, domina miserata dolores,
 Et prædam tenero qua fors placitura palato
 Per calum venatur agens, seu forte cothurnix
 Occurrat, seu turdus edax, aut cerea perdix.
 Apportat quodcumque datum est, alimenta
 rependens

Altrici, dederat que pabula vesca priusquam
 Eniti, & vacuo posset se credere calo,
 Prædatrixq; sequi valles, & montibus altis
 Attonitas avium turmas agitare volando.
 Iamque adeò humorem venis emulserat om-
 nem

Febri, & egelidis viduaverat ossa medullis,
 Et jam virgineo fera mors in corpore regnas
 Indicebat avi suprema fata diei.

Iam lepus impavidos Sesti prope mœnia
 cursus

Exercet, jam falco rapax impunè propinquat
 Turribus, accipiterq; metu securus ab omni

222 RHETORICA CAESTIS.

Errat, nec notos Aquila reminiscitur unguet:
Nam deses later illa domi, dominaq; grabato
Incubat, & lentas moriendo protrahit horas.

An anima post fata sua superesset, & auras
Duceret ereptâ crudeli funere vitâ?

Nunc corpus domine plausis circumvolat alis,
Nunc sedet in gremio, labris nunc oscula figit
Dulcia, nunc tristes ferali murmure questus
Integrat, & luctum moerentibus auget amicus.

Errabat virgo Stygiis jam frigida ripis,
Iamque ter Herculeas superâras Phœbe co-
lumnas,

Cum lacrymis humecta, cibos blandumq; so-
porem

Spernit aviu, tantum iuvat indulgere dolori
Querentem miserâs moriendo abrumpere
cueras.

Vt verò agnoscit nimum sua fata morari,
Irarum fluctus subito furiata dolore
Precipitat, pectusq; fero fodit impia rostro,
Atque iterans duos pulmonibus imprimit
ungues,

Increpitans seram tam crebro è vulnere mor-
tem.

Interea ante fores ingens in vestibus atris
Agmen adest, manibus tadas, luctumq; sub
imo

Corde ferens, largoq; humectans flumine vultu:
Supponunt humeros oneri, subeuntq; volentes
Exuvias animi, superum jam templa tenentis:
Fit clamor, longisq; tremunt ululatibus aura,
Imposuere rogo corpus, quod ponè sequuta est
Ales membra trahens rubro stillantia tabo, ut
Una eademq; duo cohonestet funera pompa.

Vix

Vix bene virginium corpus libaverat igni
 Mulciber, & piceum glomerârat in aëra fumū,
 Cùm subito ruit in medium, seseq; cruentam
 Injecit moritura pyræ, letumq; petiuit:
 Quamvis objecto nequidquam fuste sacerdos
 Pelleret, ast ultrò grato se miscuit igni,
 Inq; sinu domina tantum meditata quievit.
 Fœlices animæ vestro sine fine sepulchro
 Manna fluat, calumq; irroret hymettia mella,
 Vos lauri virides, vos myrthea protegat umbra:
 Eternum durate, mei durate camœnis. a
 a Salustius heb. die 5.

§. 3.

Hic alitis in altricem suam tam gratus
 fuit animus. Mirabilis Deus in sanctis suis,
 sed non minùs mirabilis in volatilibus suis.
 Quid agimus, mortales, si beneficiorum
 divinorum minùs memores, minùs grati
 ceteris animantibus sumus? Non est mo-
 mentum, quo nobis non beneficiat Deus,
 non sit igitur momentum, quo nos non
 simus memores Dei. Illud Bernardi assi-
 duè inculcandum: Omne tempus, quo
 de Deo non cogitas, hoc te computes per-
 didisse.

Ut autem tantò frequentius & magis
 assiduè Deum cogitemus, sciamus nil Deo
 jucundius esse (sic loquar) quàm suum
 cum humano corde permutare. Hanc fa-
 cere argentariam solet Deus, a quodcum-
 que aptum huic rei hominem habet. Ideò

L 3 ipse

a Den Wechsel treibt Gott.

ipse veluti ditissimus trapezita & argentarius : *a* Præbe, inquit, fili mi, cor tuum mihi. *b* Cui filius forsitan dixerit : Mi amantissime Pater, sine corde non possum vivere, Et nōsti quā serio præceperis, Diliges Dominum Deum tuum ex toto corde tuo, & ex totā animā tuā. Quī hoc faciam, si cor non habeam? urget nihilominus divinus Pater : Præbe, fili mi, cor tuum mihi. Et ne corde careas, permutemus; ego tuum, tu meum accipe.

Reverā Deus nobiscum sic agit humanissime. Jusserat olim, quod Daniel testatur, in Rege Nabuchodonosore sic corda mutari: Cor ejus ab humano commutetur, & cor ferā detur ei. *c* Hoc ipsum in Saule factum testantur fasti regii : Immutavit ei DEVS cor aliud. *d*

Hæc autem divini & humani cordis permutatio, tunc reverā legitimè fit, cū homo suam omnem memoriam sic affigit Deo, ut panè jugiter Deum cogitet. Ita homini cor aliud interitur, cor vanum auferitur. Dixerat psaltes: Cor eorum vanum est. *e* Hoc vano corde ablato, divinū substituitur.

Carolus IV. Imperator Moguntia cum Gerlaco Archiepiscopo egit presentibus Canonicis compluribus. Fuit ex horum numero, qui pretiosiore, quā par erat, pileo est usus. Id Imperator observans, & hominem suavi ore comiterque accedens:
Elegan-

a Wechseherr.

b Prov. c. 23. v. 26. *c* Dan. c. 4. v. 13.

d 1. Reg. c. 10. v. 9. *e* Psal. 5. v. 10.

Elegantem, inquit, habes pileum; mutemus. Et simul dum suum porrigit, alienum capiti suo imposuit. *a* Ita Deus, cujus deliciae sunt cum hominibus esse: O homo, inquit, mutemus corda; tu vanum habes & mundanum, ego tibi meum dabo, & divinum.

Ille Aquilarum pullus, Plutarcho teste, qui in nido ad latus materni cordis collocatur, robustissimus evadit, & genuinam Aquilarum indolem ostendit: Homo, qui Deum semper cogitat, divino cordi proximus, in adversa omnia fortissimus confurgit. Immutat ei Deus cor aliud.

a Historiam hanc uberius narramus in Trismegisto l. 3. c. 2. §. 3.

§. 4.

Notum est illud Plinii: Aquilarum pennae mistas reliquarum alitum pennas devorant. *a* Cogitationes nostrae pennae avium recte conferuntur. Et quia minimè unius generis sunt, recte dixeris aquilarum, vulturum, cygnorum, columbarum, passerum, psittacorum pennas misceri. Siquidem modò bonae, modò malae, modò pessimae sunt cogitationes nostrae; hinc nobis plurimum negotii faceffunt. Quisquis cogitationibus suis vult moderari, hoc unum, quam potest, maximam diligentiam spectet, ut de deo quam sapientissimè Deum cogitet. Haec cogitationes, Aquilinae pennae sunt, quae alitum aliarum pennas devorant. Sunt cogitationes superbae, sunt invidiae & avarae,

L 4

sunt

a Plin. l. 10. Nat. hist. c. 3. fine.

sunt sordida & impura, pennas dixeris auferinas. Sed misce illas aquilinis, & ab iis devorabuntur. In seipso id quis experitur, quod, quo sapius Deum cogitat, hoc cautior, hoc & sanctior, & etiam ausim dicere, in actionibus omnibus sit felicior. Rectissime dixit Hieronymus: Una cogitatio felix est, cogitare de Domino. *a* Dominus scit cogitationes hominum, quoniam vana sunt: *b* Vanissimæ sunt.

Et videte ingentem earum vanitatem. Parentes filiolum summâ curâ educant. Ad scholas puer deducitur; discit formare litteras; paullatim altiora combibit, & proficit inter coævos; simul & musicæ dat studium, organis ludere, chelyn & testudinem tractare, fidibus & assâ voce canere perdiscit; ita musis mansuetioribus cognoscendis annos aliquot insumit: jamque è patriâ in Academias mittitur, ad Philosophiam se applicat, deinde jus civile cognoscit, Bartolum & Baldum tractat. Ab his studiis in exteris terras alio sole calentes amandatur, in Gallias, Italiam, Hispanias proficiscitur, hîc diversorum idiomatum disciplinam accipit; hîc saltare, equitare, palæstricis vacare inter studia habet; hîc homines fiunt. Maxima quæque sperantur, vir evadet maximus, aptissimus ad omnia. Parentes longissimâ cogitationum serie disponunt, quod filio munus, quam sponsam deligere, quâ ratione nuptias, quâ tot alia præceat instituire. Ita demum filius in patriam

a Hieron. in ps. 93, v. 11. *b* Psal. eod.

triam redit, cultu & moribus peregrinis, studiorum præbet specimen, magnam sui spem concitat, seriis negotiis sensim admovetur. Sed cum grande cogitationum suarum volumen jam pœnè absolverint, parentes, unica subrepat febricula, & tot vanissimas parentum cogitationes, unaque filium tollit, conditque tumulo. Verè scit Dominus cogitationes hominum, quoniam vanæ sunt. Una igitur cogitatio felix est, cogitare de Domino.

Pingebant prisci Aquilam cum dipsade, quæ volucris pectus admorderet. Picturæ inscriptionem apponebant hanc: SEMPER ARDENTIUS. Hominem designat hæc icon, qui quanto frequentius DEUM cogitat, tantò frequentius cogitare, tantò & ardentius amare desiderat, quò enim diutius divinam pulchritudinem ac bonitatem aspicit, eò plus diligit. Hoc ponit ob oculos illud genus serpentum Dipsas, quæ hominem ita pungit, ut quò plus bibit, plus sitiat, *Semper ardentius*. Hic idem fit. Æternæ Sapientiæ promissum est: Qui edunt me, adhuc esurient, & qui bibunt me, adhuc sitient. *a* Crebris de Deo susceptis cogitationibus id assequimur, ut Deum panè assidue cogitemus, & quod initio non adeò erat facile, usu non facile tantum, sed & suave fiat. Quocircà imitemur Aquilas, & ad præceptum Domini, in arduis ponamus nidum nostrum. *b* Sic infra nos erunt omnes tempestatum furia: mugiat, tonet,

L 5 fulgeat,

a Eccli. c. 24. v. 29. *b* Job c. 39. v. 30.

fulgeat, imò & ruat calum, volent saxa,
 precipitent fulmina, inter tot ruinas stabimus,
 modò animus per assiduas de Deo cogitationes
 DEI hospitium fiat. Illud Bernardi vel centies,
 vel millies reperendum ingemino: Omne tempus,
 quo de Deo non cogitas, te computes perdidisse.

CAPUT II.

Quâ ratione semper & assidue orandum.

HUSSAI Principis Jobi pronunciatum est: Homo nascitur ad laborem, avis ad volatum. *a* Cùm autem longè diversissimi sint labores, in percontando ponitur, quinam sint difficillimi? Theologorum non nemo ad rogatum responderet, quatuor videri difficillimos omnium labores. Laborantis in partu, Docentis in ludo, Imperantis in bello, Precantis in templo. De labore primo in divinis voluminibus crebra mentio. Cùm Rabfaces Assyrius optimum Regem Ezechiam in angustias adduxisset, Rex Isaia nuntiarî jussit: Venerunt filii usque ad partum, & vires non habet parturiens. *b* Labor & dolor parturientium maximus.

De altero loquuntur scholæ. Quanti laboris centum aut ducentos discipulos cùm in officio continere, tum liberalibus disciplinis imbuere. Multi discipuli, multæ curæ: hic garrit, iste dormit, ille pingit, hic circumspicit, pars magna dicentem non attendit.

a Job c. 5. v. 7. *b* 4. Reg. 6. 19. v. 3.

tendit. E tanto numero subinde vix viceni dicta capiunt, ceteri fungi, sed insolentes & vagi sunt. Grandis labor tam vagis aut stupidis scientias instillare.

Tertium imperantis in bello laborem esse difficillimum nemo ambigit. Hic sana intelligentia, capax memoria, multa experientia, & ante omnia ingens animus, sed & corporis vires requiruntur. Subinde consilia manu firmanda sunt. Nonnunquam volandum potius quam equitandum. Imperatorem inter tympana & tubas agere, vehemens labor.

De labore quarto precantis in templo Cassiodorus testis. Ipsi, inquit, est perfecta oratio, cujus & caussa clamat, & lingua, & actus, & vita, & sermo, & cogitatio. Hæc omnia conjungere, difficillimum. Ideo Abbas Agathon interrogatus, quis omnium optimus simul & gravissimus videretur labor? dixit: Rectè orare. Homo nascitur ad laborem. Hic quartus precandi labor nos omnes citat, præsertim cum Christus dixerit: Quoniam oportet semper orare, & non deficere. *b* Joannes Maldonatus asserit, multos & graves auctores magno studio quæsisse, quâ ratione Dominicum hoc dictum sit interpretandum. Quando igitur nostrum omnium interest illam Domini cohortationem non verbis solum explicare, sed & monstrare factis, complures ejus explicationes in medium dabimus.

a Cassiodor. in psal. 16. Exaudi Domine.

b Luc. c. 18. v. 1.

§. I.

Prima explicatio . Non iussit Christus assidue nos genibus niti, & indefessas calceas attendere : sed aut orare, aut utile quid aliud agere. Bene orat, qui bene agit. Orationem veram, dixeris, esse actionem sed religiosam : actio bona, oratio est, sed operosa & practica.

Altera explicatio : Semper orat, qui statas orandi vices religiosè observat. Religiosissimus rex David hoc observans : Septies, inquit, in die laudem dixi tibi. « Atque hoc est Dominum in omni tempore benedicere, præstituta orandi tempora minime negligere.

Tertia : Semper orat, qui orando perseverat, tamen non impetret, quod flagitat. Hic nemo desperet, nemo annos numeret, nemo dicat : Jam septennium, jam decennium, jam annos plurimos precando explevi, & nihil impetravi; nemo talibus querelis calum surditatis accuset, quoniam oportet semper orare, & non deficere. Non deficit, qui orare non desinit.

Quarta : Miratur Augustinus, quomodo Christus multiloquium prohibeat, nihilominus semper orare jubeat. Sed ad institutum : Si, ait, non vis intermittere orare, noli intermittere desiderare. Continuum desiderium tuum, continua vox tua est. Tacebis, si amare destiteris : Frigus charitatis, silentium cordis est. Si semper manet chari-

charitas, semper clamas, si semper clamas, semper desideras, si desideras, requiem recordaris. Semper orat, qui semper vitam beatam, æternam desiderat. *a*

Quinta: Joannes Chrysostomus breves sed crebras jaculatorias preces jure maximi æstimans: Breves, inquit, & frequentes orationes Christus & Paulus præceperunt, parvis ex intervallis. Si continuas & crebras orationes facias, totumque tempus interpolans frequentiam, facile poteris modestiam exhibere, & ipsas orationes cum multâ facies solertiâ. *b* Hoc & Cassianus adstruens: Utilius censent, inquit, breves quidem orationes, sed creberrimas fieri, ut frequentius Dominum deprecantes jugiter eidem coherere possimus. *c* De iisdem jaculatoriis precibus Augustinus ad Probam scribens: Dicuntur, inquit, fratres in Ægypto crebras quidem habere orationes, sed eas tamen brevissimas & raptim quodammodo jaculatas, ne illa vigilanter erecta intentio per productiores moras evanescat. *d* Anna Elcanæ uxor multiplicabat preces non cumulando verba, sed iterando, ut potius multum oraverit quàm multa. Unde fiebat, ut ejus animus non dissiparetur in plurima, sed ad unum colligeretur. Maximarum profectò virium sunt hæ breves & jaculatoriæ

a Aug. tom. 8. in ps. 36. mihi pag. 129. & tom.

2. epist. 121. ad Probam c. 9. *b* Chrys. tom. 5.

hom. 79. de Oratione, mihi pag. 394.

c Cassian. l. 2. de institut. Cænob. c. 10.

d August. dicto loco ad Probam c. 10.

toriae preces, quae Dei memoriam assidue refricant, animum evagari non facile fiunt, peccata plurima impediunt.

Sexta: Assiduam penam memoriam Deum colere. Ad hoc Cassianus instigans: Mens nostra, inquit, jugi omnipotentis Dei contemplatione pascatur. Hac ratione penam semper conditoris meminisse possumus. *a* Quod beatus Nilus confirmans: Qui amat Deum, inquit, semper cum hoc tanquam cum patre consuetudinem & sermonem habet, repudiando omnem notitiam turbidam. Sanctus Basilius, in eam rem vult etiam noctem dividi: Vide, ait, ne media pars vitae transeat inutilis: tribue partem somno, partem precationi, imò ipse etiam somnus pietatem exerceat. Et beato Hieronymo teste, Sanctis etiam ipse somnus est oratio. Sicut autem qui peccando in mortem obdormiunt, totam quasi aeternitate peccant; ita qui orando aut sancta cogitando in somnum decidunt, totam quasi nocte orant.

Septima: Assidue orat, qui omnia negotia & universas actiones suas, tam inchoare quam finire, medias etiam precibus distinguere; in his omnibus intentionem rectam restaurare consuevit. Ejus animi Siracides; Laudabo, inquit, nomen tuum assidue. *b* Solymæus rex David, quia utique actiones omnes precibus coepit, distinxit, finiit, hinc liberè pronuntiavit: Semper laus ejus in ore meo, *c*

Octava:

a Cass. collat. 9. c. 3. sine omnino.

b Eccli. 6. 51. v. 15. *c* Psal. 33. v. 2.

Ostava: Pauperes eleemosynis sibi conciliare, ut cum ipse precari desierit, illi incipiant, uti alternatim canitur in templis. Pelagius & Ruffinus dignum relatu memorant his ipsissimis verbis, quæ optimâ fide subjungam. Venerunt aliquando, inquit, ad Abbatem Lucium in Ennato monachi quidam, qui dicebantur Euchitæ, hoc est orantes: & interrogavit eos senex, dicens: *Quod est opus manuum vestrarum?* Et illi dixerunt: Nos non contingimus aliquod opus manuum, sed sicut dicit Apostolus, Sine intermissione oramus. *a* Dicit ei senex: Et non manducatis? illi autem dixerunt, etiam manducamus. Et dicit eis senex: *Quando ergo comeditis, quis pro vobis orat?* Et iterum interrogavit eos, dicens: non dormitis? Et illi dixerunt: Dormimus. Et dixit senex: Et cum dormitis, quis pro vobis orat? Et non invenerunt, quid ad hæc responderent ei. Et dixit eis: Ignoscite mihi, fratres, quia ecce non facitis, sicut dixistis: Ego autem ostendam vobis, quia operans manibus meis, sine intermissione oro. Sedeo enim, juvante Deo, infundens mihi paucas palmulas, & facio ex eis plectam, & dico: Miserere mei Deus secundum magnam misericordiam tuam, & secundum multitudinem miserationum tuarum dele iniquitatem meam. *b* Et dixit eis: Oratio est, an non? Et dixerunt ei: Etiam. Et ille dixit: *Quando permanferototâ die laborans & orans corde vel ore, facio plus*

plus minùs sedecim nummos, & pono ex eis ad ostium duos, & residuos manduco. Qui acceperit illos duos denarios, orat pro me, tempore quo ego manduco, vel dormio, atque ita per gratiam Dei impletur à me, quod scriptum est: Sine intermissione orate. *a* En optimum modum orationis, qui orationem panè assiduam facit, eam in alios atque alios partiendo.

§. 2.

Nona & omnium commodissima explicatio Dominici dicti: Quoniam oportet semper orare. Reverà plus hìc mysterii tegitur, quàm explicationes hæ omnes aperiant. Et reverà diversa sunt, semper orare, & semper bene agere. Alioqui dixisset Dominus: Oportet semper bene operari. Atqui hoc nemini non perspectum: Nunquam licere malè operari. Ab isto igitur diversum Dominus jubet, Oportet semper orare. Quà in re Christus moraliter locutus est eo planè modo, quo nos dicere consuevimus: Hi homines toto die comedunt, toto die bibunt, & ludunt. Sunt alicubi puerperæ, *b* quæ panè singulis horis comedant. De hominibus tam exercitatæ gulæ non malè dixeris: Hi homines semper comedunt. *c*

Hoc

a 1. *Theff.* 5. *Pelag.* l. 12. n. 9. *mihi pag.* 613.

Ruffin. l. 3. n. 212. *pag.* 531. *apud Rosv.*

b De his D. Guarinonius l. 4. de abominand. humana gentis c. 52.

c Die Leute essen alle weil; sie essen ein gantzen Tag.

Hoc loquendi ritu Servator non Mathematicam orationis assiduitatem, sed moralem imperavit, ut saltem quot horis semel iterumque animum erigamus ad Deum jaculatoriâ prece. Hoc Augustini & Cassiani, hoc Chrysostomi præcipuè vult interpretatio, quæ docet non solum certa precandi intervalla observare, sed quàm fieri potest, creberrimè orare. Hoc Ecclesiastici monitum est: Non impediaris orare semper. *a* Hoc & Pauli præceptum: Sine intermissione orate. *b*

Orationem jugem, jugis postulat necessitas. Hostis perditus & pernox nos urget, haud aliter quàm oratione jugi vincendus. Ad exemplum urbis sanctæ id faciendum monens Isaias: Super muros tuos Hierusalem, inquit, constitui custodes: totâ die & totâ nocte in perpetuum non tacebunt. *c*

Atque hoc est semper orare. De oratoribus tam assiduis dictum videtur illud regii psaltæ: Oculi Domini super justos, & aures ejus in preces eorum. *d* Cornelius centurio Romanus è gentibus oriundus, religiosus tamen ac timens Deum cum omni domo suâ, faciens eleemosynas multas plebi, deprecabatur Deum semper. *e* En virum orationis plurimæ. Non is erat è populo Dei, non circumcisis, non sacro fonte lustratus, miles fuit, alumnus Martis, inter arma educatus; sed quia Deum

timuit,

a Eccli. c. 18, v. 22. *b* I. Thess. c. 5, v. 17.

c Isai. c. 62, v. 6. *d* Psal. 33, v. 16.

e Actor. c. 10, v. 2.

timuit, idè precationes & jejunia frequen-
tavit, eleemosynas largas erogavit. Deum,
quem nondum nôrat, deprecans semper.
Hoc tantopere Deo placuit, ut Angelum
miserit, qui virum suavissimè solatus: Ora-
tiones tuas, inquiebat, & eleemosynas tuas
ascenderunt in memoriam in conspectu
Dei. *a* Deus, mi Corneli, non potest obli-
visci tui; fidissimi monitoris loco est, lar-
giendi & orandi studium. Idcirco jube ac-
cessit Petrum, qui te tuamque familiam
omnem baptismate sacro abluat, & Christo
adjungat.

En præmium paratissimum semper oran-
tis, Deumque semper deprecantis. Illius
oblivisci non potest amantissimus Deus:
Ecce, inquit, in manibus meis descripsi te. *b*
Tu corde tuo, tuamque memoriâ me non
excluide. Describere me in tabulis cordis tui. *c*

Ergo non impediamur semper orare. Be-
nedicamus Dominum in omni tempore,
semper laus ejus in ore nostro, quoniam
oportet semper orare, & non deficere.

a *Ibid.* v. 4. *b* *I. s. c.* 49. v. 16.

c *Prov. c.* 3. v. 3.

§. 3.

Sed multa hîc objicias: Quid opus tam
crebrâ, imò tam assiduâ oratione? Deus om-
nia novit: Et num divina liberalitas oratio-
nes nostras expectat? Deinde ceteris, inquis,
rogavi Deum; quid impetro? cessabo igitur,
cùm videam, nolle Deum precibus meis
annuere. Eadem, mi Christiane, tibi sæpius
inculcanda sunt, cùm tu easdem etiam
que-

querelas sæpius recantes. Hæc Dei dilatio, ut scias, non est invidiæ, sed curæ, non est ignorantia, sed providentiæ. Fidem tuam & constantiam tuam exerceri ac spectari vult Deus. Ita Christus mulierem Chananæam vociferantem audire dissimulavit, imò veluti canem repulit, ut illa contentiùs rogaret, sibi majus præmium obtineret, aliis exemplum illustrius præberet. Sic Annæ petitio differtur, ut ejus devotio, clarior evulgetur. Neque verò multiloquium censendum, prolixa oratio, aut eorundem verborum in oratione repetitio. Anna sterilis multiplicabat preces coram Domino, & Franciscus Assisias noctem integram illud unicum ingeminavit: Deus meus, & omnia. Idem in Ecclesiâ more modoque veteri consuevit fieri. Productioribus colloquiis familiaritas cum Deo contrahenda est. Ideò Moses in medio caliginis diebus septem detinebatur, inde in montem ad colloquium quadraginta dierum cum Deo ineundum evocatus est.

Dixerat Christus ad fontem confidens mulieri Samaritidi: *Qui* biberit ex aquâ, quam ego dabo ei, non sitiet in æternû, sed aqua, quâ ego dabo ei, fiet in eo fons aquæ salientis in vitam æternam *b* Femina ejus aquæ avidissima: Domine, inquit, da mihi hanc aquam, ut non sitiam, neque veniam huc haurire. *Quid* ais, mulier? vis divinum bene-

a I. Reg. c. I. v. 12. *Chryf. ho. I. Assiduè sonabat eadem, nec destitit iisdem verbis iterãdis multũ temporis absumere.* *b* Ioan. c. 4. v. 13. & seq.

beneficium ad superbiam & fastum, valetudinem ad oblectationem, divitias & gratiam ad DEI contumeliam derivare? Renuit Christus hanc aquam à se oblatam concedere; neque injuriã. Non placuerunt verba illa: *Vt non sitiam, neque veniam huc haurire.* Vult Deus quotidie rogari; supplices, non superbos amat; fatuam pactionem, *semel pro semper*, non admittit Deus. Sic enim dona ejus vilescerent, ita tandem, quod donum est, velut debitum exigeretur.

Melius est igitur sitire, & ad hauriendum huc venire: Melius est, ad DEVM assiduis precibus accurrere, quàm rebus omnibus abundare, ac suoapte nutu vivere. A catello, quem domi ad oblectationem alis, id discere. Hic cùm famelicus est, velut ad obsequium accurrit, blandus adest, & mulcet, petitque cibum eo, quo potest, sermone. Si ei frustillum nimis minutum objicias, mox redit, & subinde in pedes sese erigit: iterum buccellam projicit, iterum hiat, & oculis in dominum intentis adstat, dum plura recipiat: sin illi os grande aut multum pulpæ des, nec revocatus quidem redit, sed ad rodendum & glutiendum attentissimus abit. Vidisti aliquando canem, inquit Seneca, missa à domino frustra panis aut carnis apertore captantem? quidquid exceptit, protinus integrum devorat, & semper ad spem futuri hiat. ^a Hoc nostrum est ingenium. Hinc petentibus rogata vel non conceduntur vel minutatim, ut animum, oculos, spem omnem

^a Sen. epist. 72. sine.

omnem intendamus in Deum . Cùm non esurimus, aut sitimus, ad pietatis & gratiæ fontem non recurrimus.

Dicet fortasse quispiam, inquit Chryso-
stomus, si habeo justitiam, quid opus est ora-
tione ? Huic sanctissimus Pater respondens:
Oratio, inquit, non est parvum vinculum
dilectionis in Deum, quæ cum eo nos col-
loqui assuefacit, & ad sapientiæ studium
deducit. Homines quidem nobis superiores
allocuturi, & habitum, & incessum, & ami-
ctum, & omnia componimus. Ad Deum
autem accedentes hiamus, fricamus, nos
huc & illuc versamus, negligentes ac socor-
des sumus, humi genibus flexis per forum
oberramus. *a* Quis igitur miri, si non faciat
Deus, quod volumus, cùm nos non facia-
mus, quod jubemur. Nihilominus oratio,
tametsi nihil impetret, nos arctius conjun-
git Deo, qui sua etiam promissa vult nostris
precibus honorari. Bernardi hoc asserentis
verba sunt: Nemo orat, nisi quod credit &
sperat. Vult autem à se requiri Deus, etiam
quod pollicetur. Et ideo fortè multa, quæ
dare disposuit, prius pollicetur, ut ex pro-
missione devotio excitetur: sicque quod
gratis daturus erat, devota oratio promerea-
tur. Sic pius Dominus, qui omnes homines
vult salvos fieri, merita nobis extorquet à
nobis: & dum nos prævenit tribuendo, quod
retribuatur gratis, agit, ne gratis tribuat. *b*

CAPVT

a Chrysost. tom. I. in psal. 4. mihi pag. 610.

b Bernard. homil. 4. super Missus, sine. Et in
floribus, mihi pag. 3090.

CAPVT III.

Quid in oratione petendum.

MAximus Tyrius a è veteri Apologo narrat, Regē Phrygiæ Midam auri cupidissimum, aliquamdiu fontem è vino fluere iussisse. Ad hunc sitibundus venit Satyrus, qui promulside tam suavi liberaliùs sitim suam propitiâs, jam vino gravis facillimè se capi passus est. Rex huic captivo suo blâdiens petiit ab eo, quod sibi charissimum acceptu, & Deo non difficile factu foret. Petiit ergo, ut quidquid in omni regno suo nasceretur è terrâ, probatissimum aurum esset. Non difficulter votis annuit remulentus Deus. Cumq; jam omnis terræ partus, omne pomorum, olerum, frumentorum genus succrevisset, purum putum aurum fuit; sed ingens oborta fames stultissimum votum publicè damnavit. Midas suam suorumq; infelicissimam felicitatem deplorans, fatuæ petitionis seipsum accusavit, jamq; non unum, sed Deos Deasq; omnes impensissimè rogavit, restituerent regno suo fructuosam paupertatem, hostibus darent tam infelicem opulentiam. Dii senatu coactò deliberârunt, quid ad Midæ libellum supplicem respondendum. Consensu demum decretum est: Habeat ut natus, & sciat, Deos non in omnem horam mutabiles esse; votis suis fruatur.

Hic

a Tyrius dissert. 30. An orandus Deus.

Hic Tytius: Placet Apologus, inquit, & latens sub eo veritas. Quanti suum sibi exitium accersunt grandibus votis. Ut consequantur, petunt; damnant, cum consecuti sunt. Multi violenter impetrant, quod cupiunt, & id donum interpretantur. Errant fatui: supplicium est, non donum, sed quod suis ipsi tam improbis & importunis precibus extorserunt. Plurima sunt ejuscemodi bona, quæ non nisi iratus Deus potest concedere. Pars orationis præcipua est, scire quid petas. Hic ergo docebimus: Quid in oratione petendum.

§. I.

Fit nonnunquam, ut quis comparandæ vesti tabernam adeat, & pannum petat: Hic sedulus panni negotiator officinam excutiens, violaceum, prasinū, venetum, multicolorem pannum profert, ut delectus sit emptori. Sed enim emptor coloris negligens: Bonum, inquit, & durabilem volo pannum, sive atrii, sive cinerei, sive alterius coloris sit, pannum exhibe, qui ætatem ferat. Non aliter, ajebat Socrates, orandum est: bonum aliquid & utile petendum. Quidnam sit illud, scit ille melius, qui dat, quam qui rogat. Nos sæpissime petimus, quod longè salubrius non impetraremus. Facultates petis & opes? hæc multa millia hominum præcipitarunt Orco. Honores petis? seis ipse plurimos tantò gravius cecidisse, quantò altius ascenderunt. a Conjugium petis amplum ac nobile? Multis

consul-

a Hoch gestigen / hoch gefallen.

consultius fuisset ignobilem, deformem, inopem sed honestam duxisse virginem. Petris valetudinem? quot millia damnati gregis caelo fuissent recepta, si annis aliquot aegrotassent. Ergo caelestium arbitrio te totum permittite: quia qui tribuere bona ex facili solent, etiam eligere aptissima possunt. Hoc idololatrias vel ratio docet. Hinc eruditus ille, sed nebulosus Satyricus, fatua & saepe improba hominum vota sic irridet:

— Non tu prece poscis emaci —

Quae nisi seductis nequeas committere Divis. b
At bona pars procerum tacita libabit acerrâ;
Haud cuivis promptum est murmurâ, humi-
lêsq; susurros

Tollere de templis, & aperta vivere voto.

Addit, quae clarè possint peti, quae clam &
tacitè soleant rogari:

Mens bona, fama, fides, haec clarè & ut audias
hospes:

illa sibi introrsum, & sub linguâ immurmur-
rat: ò si

Ebullet patruî praclarum funus, & ò si

Sub raistro crepet argenti mihi seria dextro

Hercule, pupillûmve minam, quem proximus
haeres

Impello, expungam! c ———

His talibus votis ac petitionibus non mul-
tum

a Hoch gestigen / hoch gefallen.

b Submissâ voce petis, quae clarâ non auderes.
Persus sat. 2. initio.

c Hac stultissima hominum vota sunt: ò si haec
aut illo mortuo pinguem hereditatem obti-
neam; ò si pecuniam inveniam! &c.

tum ultra bestias sapimus. Taurus & Camelus, ut in fabulis est, petieruat à Iove cornua. Camelus non tantum non impetravit quod petiit, sed aures etiam perdidit, quas Iupiter præcisas esse voluit: Bovi data sunt quidè cornua, sed eum petitionis statim pœnituit. Nam cum inermis liber esset, & à nemine capi facile posset, enatis cornibus injectus est laqueus; ita miser ad carrum, ad aratram, ad macellum tractus est.

Frequenter idem cum camelo & tauro petimus. Est, qui numen assiduis precibus eò fatiget, ut inimicis & adversariis possit resistere, ita cornua petit, & in malevolos arma. Ah in suam ipse perniciem hæc postulat; imò multi cornua, quæ petunt, non acquirunt, & aures insuper amittunt ut camelus. Rectè dixit Philosophus: Si Deus votis nostris omnibus annueret, brevè orbis periret. Dictum Tarsensis Pauli hoc confirmat: Quid oremus, sicut oportet, nescimus, a Exorari autem in perniciem rogantium sæva bonitas est. Quemadmodum pulcherrimum opus est, etiam invitòs nolentesque servare, ita rogantibus pestifera largiri, blandum & affabile odium est. Quidni eum oderimus, à quo in damnum ac periculum nostrum adjuti sumus?

Insignissimè hic Romanus sapiens philosophatus: Sunt quædam, inquit, nocitura impetrantibus, quæ non dare sed negare beneficium est. Sæpe enim noxia concupiscimus, nec dispicere, quàm perniciosa sint, licet, quia iudicium, interpellat affectus.

a Rom. c. 8. v. 26.

M

Sed

Sed cum subsedit cupiditas, cum impetis ille flagrantis animi, qui consilium fugat, cecidit, detestamur perniciosos malorum munerum auctores. Ut frigidam ægris negamus, & lugentibus æ sibi iratis ferrum: sic ea, quæ nocitura sunt, impensè æ submissè, nonnunquam etiam miserabiliter rogantibus, perseverabimus non dare. Sicut, qui dicant: Scio hoc illi non profuturum. Sed quid faciam? rogat, resistere precibus eius non possum. Ipse viderit. De se, non de me queretur. ^a Cum multis Deus sic agit. Israël's populus in solitudine importunis precibus carnes postulavit: valde displicuit Deo hæc postulari, sed tamè annuit iratus magis quàm propitius. Idem populus æno iudicium Hebræorum, regem petiit. Et què id Deo displicuit, sed tamen concessit, non ut beneficium, sed ut supplicium. Sciebat hoc illis non profuturum. Duo Zebedæi filii per matrem, quam subornarant, affectionem in regno Christi petierunt; responsum est: Nescitis, quid petatis. Petiit Paulus stimulum carnis à se auferri; responsum est: Sufficit tibi gratia mea. Quid ergo petendum?

a Sen. l. 2. de Beneficiis, c. 14.

§. 2.

Compendio res tradenda. Vnicum est, quod honestissimè ac jure petitur à Deo, *Gloria* aut *Gratia*. Vtrumque petit qui alterutrum. Explico. *Gloriam* petere dicendus est, qui petit aliquid æternum. In specimen

cimen has preces ponimus: *O mi Deus, hoc solum deprecor, aternitate totâ inter diabolas & hostes tuos te maledicere. Cetera da, & aufer quod vis; cade, seca, ure, prout vis, habebis obsequentem.* Aut hoc modo: *O Domine, ego quidem musicorû imperitissimus sum, & cum tuis illis in celo musicis heu neutiquam conferendus, sed ex gratiâ in Angelorum societatem me recipe, ut aternum te laudem.* Qui sic orant, gloriam petunt, sed modestè ac submissè, quod utique Deo plurimum placet. Neque displicet beatitudinem simplicissimè sic petere, *Domine, in celum me admitte.* Hæ tales preces aternitatis donum, gloriam cælestem ambiunt.

Gratiam verò *Primam*, ut eam Theologi vocant, petimus, cum læsæ conscientiæ veniam rogamus; aut certè gratiæ augmentum poscimus, cum in gratiâ quidem sumus, sed eam augeri cupimus. Qui gratiam sic ambit, simul etiam gloriam expetit, nam passu pari hæc eunt. Cum enim augetur gratia, simul etiam gloria, quæ futuro seponitur, augmentum sumit.

Porrò Gratiâ censetur petere, quicumque spirituale quippiam, qui virtutes, qui cælestem sapientiam, qui vitiorû victoriam petit. Peculiariter crebrius petenda sunt: Venia peccatorû, Non peccandi propositum, Spiritus orationis & precum, Humilitatis & Charitatis incrementum. Id denique, quod DEVS scit nomini maximè necessarium. Ita gratiam postulamus.

Quocirca hæc duo absolutè bona sine

ambagibus, sine præfatione multâ, sine conditione peti possunt. Gratiam aut Gloriam petere honestissimum ac laudatissimum. Orationis Dominicæ petitiones inspicite, Gloriam aut Gratiam, ejusque augmentum omnes spectant. Quarta solum petitiō, quæ panem postulat, periturū aliquid videtur poscere. Sed & hæc, si attendimus, verè spiritualis est, nam aut panem petimus *super substantialem* (ut Græcus cōtextus est) seu divinum & æternum, aut certè quotidianum, seu solam vitæ alimoniam, *a* quam Salomon modestissimè petens: Tribue, inquit, tantum victui meo necessaria: *b* si & nos pariter solum petamus victum, spirituale aliquid petisse censetur, quod eruditè Isidorus Pelusiota confirmans: Nil, inquit, præter panem requirere, spiritualis procul dubio ac præclaræ & philosophicæ mentis fuerit. *c* Qui quotidianum duntaxat panem mendicat, his quasi verbis Deum compellat: Amantissime Pater, quia mihi orandum & laborandum, & verò etiam luctandum est, ut cælum inter violentos rapiam, ideò vitæ necessaria, victum ac vestitum peto; non superflua, non rerum abundantiam; non panem selectissimæ farinæ non vestem magni pretii, aut rari artificii posco: modò pascar & tegar; victui tantum necessaria tribue. Hæc solum expetere, inquit Pelusiota, mentis est spiritualis.

Itaque

a Die blossig nahrung vn auffenthaltung.*b* Prov.c. 30. v. 8. *c* Isid. Pelus. l. 5. epist. 281.

§. 3.

Itaque si leges orationis Dominicæ sequamur, non formam, non valetudinē, non opulentiam, non corporis vires, non vitam longiorem, non famæ celebritatem petemus; hæc enim, ait Christus, gentes inquirent, & hæc Deus velut auctariū solet adjicere. Num igitur, dices, nil periturum, nil mortale aut fluxū petere licebit? Nihil sanè, nisi sub conditione, certisq; legibus & cautè. Si nimirum id, quod petimus, Dei honorem non imminuat, & nobis expediat.

Innumera petimus à Deo, cum ad ea singula responderi possit aptissimè. Non expedit tibi, quid hoc petis? non expedit tibi. En Solymorū rex David, posito diademate, projectis gemmis exutā purpurā, remotā regii splendoris dignitate omni, solitarius gemens, sacco clausus, squalidus, fletu madidus, cinere sordidatus, vitam parvuli sui tot lamentationum suffragiis petit, & benignissimum Deum tantā precum ambitione pulsat, sed nihil impetrat. Cum tamen, quod fortissimum petentibus adjumentum est, impetraturum se, quod sic à Deo peteret, credidisset. Ne miremur: non expediebat ei; rem temporis & non æternitatis petiit.

Ita Franciscus Borgias Dux Gandiæ, Deum impensissimè nec sine lacrymis rogārat, ut Leonoræ conjugii ægrotāti vitam produceret. Sed vocem audiit, quæ responderet.

deret : *Fiat quod vis ; sed tibi non expedit.*
 Hic Borgias in largissimas lacrymas effusus : *Tua, inquit, voluntas fiat, mi Deus, non mea. Quid mihi conducat, nemo te melius novit. Quod si tibi sic placeat, non uxorem tantum, sed & liberos, & meipsum tolle. En ego me tibi meaq; omnia in tuas consigno manus, paratissimus facere ac pati quidquid volueris.*

Quisquis aliter petit, quod non æternum est, malè petit. In petendâ re mortali, hæc conditio nunquam non miscenda; si honori divino non obstat, si animi salutem non impediat.

2 Vide Heliotropium meum l. 2. c. 3. §. 5.

§. 4.

Augustinus significatissimè istud explicans : *Quid est, inquit, quod dicit multis locis scriptura? quia invocabunt, & non exaudiam eos. Certè misericors omnibus invocantibus se. Invocant illi, sed non Deum. Invocas, quidquid amas: Invocas, quidquid in te vocas; invocas, quidquid vis, ut veniat ad te. Porro si Deum propterea invocas, ut veniat ad te pecunia, ut veniat ad te hæreditas, ut veniat ad te secularis dignitas, illa invocas, quæ vis, ut veniant ad te: sed Deum tibi adiutorem ponis cupiditatum, non exauditorem desideriorum. Deus bonus, si det, quod vis. Quid, si malè vis? Nónne erit tibi magis non dando misericors? Porro si non dederit, jam nihil tibi*

tibi Deus est, & dicis: Quantum rogavi, quàm sæpe rogavi, & non sum exauditus? Quid enim petebas? Fortè mortem inimici tui? Quid si & ille petebat tuam? Qui te creavit, ipse & illum: homo es, homo est & ille. Deus autem iudex est: audit ambos, sed non exaudit ambos. Tristis es, quia nõ es exauditus contra illum: gaude, quia ille non est exauditus contra te. Ego, inquis, non hæc petebam: non inimici mei petebam mortem, sed vitam petebam filii mei. Quid mali petebam? Nil mali petebas, sicut tu sentiebas. Nam quid si ille raptus est, ne malitia mutaret intellectum illius. Sed peccator, inquis, erat: & idè volebam illum vivere, ut corrigeretur. Tu volebas eum vivere, ut melior esset. Quid si Deus noverat, si viveret, pejorem futurum? unde ergo nõ si, quid illi prodesset, mori, -an vivere? si ergo non nõ si, redi ad cor tuum, dimitte Deo consilium suum. Quid ergo, inquis, faciam? quid orem? Quid ores? quod te docuit Dominus, quod te docuit celestis magister. Invoca Deum tanquam Deum. Illo melius nihil est, ipsum desidera, ipsum concupisce. *a*

Quocirca, quod idem Augustinus enucleatè docet, oremus pro corpore, sed sine ullà comparatione amplius pro animâ supplicemus. *b* Quis enim Cæsarem accedens has preces precatur: Auguste Imperator, lacerum mihi pallium est, sex crucigeris

M 4

egro

a Aug. tom. 8. in psal. 85. mihi pag. 385.

b Idem tom. 10. serm. 60. de Tempore, fine.

250. RHETORICA CÆLESTIS.

ego ad illud sarcendum : largire tres se-
ktertios. Quid ista, stolide, à tanto Principe
petis? Pete digniora Cæsare.

Quando igitur Gratia & Gloria hone-
stissimè petuntur ac securissimè, ideò quod
rerum fluxarum est, non nisi sub conditio-
ne, idque indicando tantùm & innuendo
rectè petitur. Ita Domini mater in nuptiis
Canæ, non vinum magnis precibus effla-
gitavit, sed novorum conjugum tenuitatè
exposuit: Ita leprosus, quid gratum esset,
indicavit solùm, & innuit: Domine, si vis,
potes me mundare. *a* Ita Lazari sorores
non importunè fratri valetudinem expos-
cunt, sed Christo solùm hoc nuntiari vo-
lunt: Ecce, quem amas, infirmatur. *b* Hoc
indicare est, non postulare; quã quidem le-
ge petendum, quidquid extra Gratiam &
Gloriam desideratur. Omnia namq; tem-
poralia ita indifferentia sunt, ut tam obesse
queant, quàm prodesse. Permissum est qui-
dem sic orare: Domine, si vis, facultates au-
ge, valetudinem instaura, vires suffice, no-
men & bonam famam concilia, calamitates
averte; Si tamen honori tuo nil derogetur,
& ita fieri expediat. Nam forsàn hæc magis
quàm aperta pernicies, nocerent; hæc for-
sàn plus prodesse negata quàm concessa.

Infans petit panem; dat pater: petit cul-
trum, negat. Atqui opus est cultro, nec
enim integrum panem glutiet. Ego fran-
gam, ait pater. Ita nos sæpe cultrum peti-
mus vulneris instrumentum. Quibus Pa-
ter:

a Luc. c. 5. v. 12. *b* Ioan. c. 11. v. 32.

ter: Mei filii, ait, panem non nego, sed nego
cultrum vestro bono.

§. 5.

Istud Bernardus copiosius declarans: Ad hoc tende, inquit, ad hoc conare, ut in Domino delecteris, & dabit petitiones cordis tui. Sed considera, quod petitiones cordis dixerit, quas approbat iudicium rationis. Nec habes, unde causeris, sed unde magis tanto affectu in gratiarum actione verferis. Quandoquidē tanta super te cura est Deo tuo, ut quoties ignorans quæris, quod tibi inutile est, non te audiat super hoc; sed mutet illud utiliori dono. Sic & pater carnalis parvulo quærenti panem libenter porrigit: quærenti cultellum, quem non necessarium putat, non consentit, sed magis panem ei, quem dederat, frangit, vel per aliquem ministrorum frangi præcipit, ut nihil ille habeat periculi, nihil laboris. Addit: Pro necessitatibus animæ orandum nobis est, & frequentius, & ferventiùs, id est, pro obtinendâ gratiâ Dei, animæque virtutibus. Sic & pro vitâ æternâ, totâ pietate & toto nobis orandum est desiderio, ubi nimirum corporis & animæ plena & perfecta sit beatitudo. Sit ergo oratio, quæ pro temporalibus est, circa solas necessitates restricta; sit oratio, quæ pro virtutibus est animæ, ab omni impuritate libera, & circa solum beneplacitum Dei intenta; sit ea, quæ sit pro æternâ vitâ, in omni humil-

tate, praesumens de solâ (ut dignum est) mæ-
 feratione divinâ.^a

Vult igitur Deus, quæ temporalia sunt
 sub conditione peti, non quòd velit nos
 parcè petere, sed quòd illa non digna Deo
 sint dona. Gratia & Gloria, hæc munera
 sunt regia. Neque metuendum ulli, ne
 Deus nobiscum agat, quemadmodum An-
 tigonus rex egit cum Thrasylo Cynico.
 Petiit hic sibi drachmam *b* à rege donari.
 At rex eum repellens: Non petis, aiebat,
 munus regium. Ergo talentum argenti, seu
 sexcentos philippeos petiit. Rex illum ite-
 rum facessere iubens: Non petis, aiebat,
 munus Cynicum. Non ita Deus, qui mul-
 tò & humanior & liberalior in nos est,
 hinc ei gratissimum, si & plurima petamus,
 & maxima. Optimè dixit Chrysostomus:
 Quemadmodum ad Imperatorem nemo
 pro veste discissâ, nec pro decem obolis
 ereptis audet accedere: ita etiam tu, at-
 que adèd longè ampliùs, cave, ne ad Deum
 accedas pro rebus vilibus, contemptis, &
 nihili: ut verbi gratiâ, si quis in pecuniâ
 tibi fecerit injuriam, aut si quis affecerit
 te contumeliâ: *c* sed in iis, in quibus dia-
 bolus te injuriâ afficit, superno maximè
 auxilio opus est.^d

Baltha-

*a Bernard serm. 5. sine, in quadrages. de triplici
 modo orationis.*

b 4. sestetios. 2. Baten.

*c Hæc quidem etiâ licet petere, sed sic: Si
 vis, Domine, si ad tuum honorem, si utile sit.*

d Chrysostom. 1. in ps. 142. mihi pag. 1049.

Balthasar Alvarezius a vir magnæ sanctitatis, Deoque conjunctissimus, cum in illa Domini verba: *Petite, & accipietis*, altiùs animum defigeret, intellexit ex alto, nolle Deum nos esse parcòs in petendis ab ipso donis & gratiis, talem namque parcitatem dæmonis esse tentationem. Et cum semel aliquid pro indigente peteret, sibi audit dici: *Cur tu in petendo parcus es, cum Deus in dando tam liberalis?* Tanquam indicaretur illi, ut etiam pro aliis indigentibus peteret. Alio etiam tempore cum, felicem negotii successum peteret, audivit hæc verba: *Ego te tanquam Rex adjuvabo.*

Nemo igitur petendo modicus sit: immortalia præcipuè petamus & summa. Quoniam, ut Ambrosius loquitur, non bonum tantum, sed & opulentum Dominum habemus.

a Hispanus Societatis IESV Sacerdos.

b In vitâ Balth. Alvar. Ludovicus de Pentac. 15. §. 2.

CAPVT IV.

Quibus modis per orationem trahamur ad Deum.

Non vitio vertamus, si quis quærat: Cur obsecro, toties, & subinde prolixius cum Deo loquendum? cur tam attentè, tam seriò, tam sollicitè, tantâ animi præparatione, intentione tantâ cur orandum? Deus siquidem ab æterno

cuncta nobis defutura, omniâque nobis adversatura prævidit. A Christo id discimus monente: Scit pater vester, quia his omnibus indigetis. *a* Deinde aliquem rogare nõ est aliud, quàm eum precibus vel le flectere. Atqui Deus immutabilis, inflexibilis est. Sic Regum fasti loquuntur: Porrò triumphator in Israël nõ parceret, nec pœnitundine flectetur. *b* Prætereà multò majoris est liberalitatis ultrò dare non petenti, quàm morosis auribus longas preces transmittere, atque tum demum exorabile dominum se præbere. Ex vero Cordubensis Philosophus dixit: Nulla res caritatis cõstat, quàm quæ precibus empta est. *c* Atqui Deus liberalissimus, imò ipsa est liberalitas.

Cur igitur toties, tamdiu, contentione tantâ orandum? quæstio non absurda, quàm & doctissimi posuerunt.

Christus suavissimè pollicitus: Et ego, inquit, si exaltatus fuero à terrâ, omnia traham ad meipsum. *d* Quibus autem modis, per orationem præcipuè trahamur ad Deum nunc exponemus.

a Matth. c. 6. v. 32. *b* 1. Reg. c. 15. v. 29.

c Seneca l. 2. de Beneficiis c. 2. sine.

d Ioan. c. 12. v. 32.

§. 2.

Triplex est Theologis trahendi genus, Morale, Naturale, Civile. Moraliter trahimur laudando, invitando, rogando, promittendo, comminando, dosando. Cùm
David

David Saulem fugiens Odollam specum occupasset, convenerunt ad eum omnes, qui in angustia constituti, & oppressi ære alieno, & amaro animo. Ita quadringentos viros attraxit. Sed quibus tractoriis organis? promittendo, quia dando non potuit. Sic moraliter trahendo, quod Regum fasti testantur, factus est eorum princeps.

Naturaliter verò trahitur diversis modis. Valde trahit similitudo, siquidem par pari facile sociatur; aves concolores unà volant, corvi cum corvis, columbæ cum columbis; sic congeneres feræ, lupi cum lupis, cervi cum cervis pererrant silvas; sic inter homines similis gaudet simili. In humano corpore, calore plurima trahuntur: caput inflammatum stomachi vapores attrahit, manus aut pes malignè incensus, quidquid mali humoris alibi sparsum est, ad se corrivat, sic in ingenti hoc orbis corpore solaris calor expirationes & anhelitus terræ colligit; hinc omne genus tempestatum. Cùm autem natura vacuum & inane plurimùm horreat, metu vacui levissima quæque deorsum trahit, sursum gravissima. Idem hic vacui metus vel æneam ollam subinde rumpit, cùm aquâ in eâ congelavit; sic aquæ in fontibus subterraneis in altum educuntur. Quâ porrò vi occultâ & mirabili sympathiâ paleas succinum, magnes ferrum, Cæcias nubes trahit?

Civile verò trahendi genus est, cùm quis

quis supplicii formidine, aut aliā vi legitima compellitur ad faciendum officium. Beato Lucā teste, cū sese omnes, qui ad cenam magnam invitati fuerant, excusassent, dictum est servo: Compelle intrare. *a* Sic Absalon, cū Ioabum semel iterumque vocasset, at ille venire recusasset, denique Ioabi segetes incendi iussit, ita eum ad se pertraxit. *b* His omnibus modis benignissimus Deus nos prius ad orationem, tum demum ad se trahit. Sed antè objectionibus respondeamus, quàm hunc triplicem trahendi modum disertius explicemus.

Ad orationem, inquis, sæpiuscule me trahis sentio, sed advocant negotia; non vacat.

Itane inter postremissimas curas habendum mentis cum Deo colloquium? Negotia, ut scias, ab oratione pendent, non hæc ab illis. Insuper est labor, & sæpe inanis ac inutilis, quem oratio non condit.

Objicias iterum: Nonnunquam oblitio preces sepelit; orationes præsertim breviores sæpius iterarem, si earum sæpius meminissem.

Hic ingenuè te ream fateris. Quàm enim facile meminimus, quod libenter agimus? Nemo oblivisci ejus potest, quod diligit. *c* Rarè & non libenter orare, pænè idem sunt. Sit Deus thesaurus cordis tui, & non solum frequenter, sed assiduè orabis.

Et

*2 Luc. c. 14. v. 23. b 2. Reg. c. 14. v. 30.
& lam. vet.*

§. 2.

Et primò quidem Deus nos moraliter trahit invitando, benefaciendo, rogando: Venite ad me omnes, qui laboratis, & onerati estis, & ego reficiam vos. *a* Ecce prandium meum paravi, tauri mei & altitia occisa, & omnia parata, venite ad nuptias. *b* Ita beatitudinem promittendo, gehennam comminando, singulis horis benefaciendo humanissimè vocat: Venite ad me omnes, venite, venite.

Sed & naturaliter nos trahit similitudine admirandâ, nam in similitudinem hominum factus, & habitu inventus ut homo, *c* sermonibus suavissimis nos delinens, ipso in orbem ingressu hæc nobis significavit: Igne olim vestitus in Sinai montem inter fulgura, tubas & fulmina descendi; nunc autem, ne quisquam confortium meum horreret, en adsum vobis simillimus, vestram in me naturam cernitis, esurio, sitio, ploro perinde ut vos, comedo, bibo, dormio non aliter quàm vos, frater vester, simillimus vobis. Non solum autem similitudine, sed & calore, & vacuè timore, & sympathiâ incredibili nos trahit. Tanto amoris æstu flagrabat Dominus Iesus, ut aliqui eum furere putarent. Ita Marcus dilucidè: Cùm, inquit, audissent sui, exierunt tenere eum, dicebant enim, quoniam in furorem *a* *Math. c. 11. v. 28.* versus *b* *ibid. c. 22. v. 4.* *c* *Philip. c. 2. v. 7.*

versus est. *a* Quantis caloribus ardebat, cum diceret: Desiderio desideravi, hoc pascha manducare vobiscum, antequam patiar. *b* Quantis ignibus exæstuabat, cum in cruce jam morti proximus clamaret, Sitio. Hanc in eo sitim ardentissimam gentis humanæ salus excitabat. Hic affixus sol cruci, vapores & halitus terræ, frigidissima corda in altum ad se pertraxit. Hic etiam vacui metus ruinam orbis minabatur. Nam sanctissimum Domini corpus jam sanguine & aquâ vacuum, ab ipso etiam animo desertum in trabe pependit, sol expalluit, terra movit & tremuit, mortis carcer referavit, & patuit, captivi non pauci evolârunt. *c* Orbis videbatur ruiturus. Ita calore trahebamur, sed & sympathiâ prorsus admirandâ trahimur. Eucharistia velut magnes potentissimus nos trahit vi latentissimâ. Nec enim aliud cernit oculi, quàm candidum panis orbiculum; corpus, sanguis, animus, Christus totus, homo Deus latet. Inventio sanè obstupescenda!

Sed & civiliter nos trahit Deus, dum per orationem suavi necessitate adigit ad meliora. Iis, quæ principio capitis objecta sunt, respondet ille ipse, qui trahit. Quid vobis desit scio perfectissimè, & ab omni retro æternitate scivi. Ego Dominus, &
non

a Marci c. 3. v. 21.

b Luc. c. 22. v. 16.

c Multa corpora Sanctorum, qui dormierant, surrexerunt, Matth. c. 27. v. 42.

non mutor. *a* Ego amantissimus vestri, ego ditissimus, ego liberalissimus, dabo, quod petitis, victum & vestitum non subtraham, multò minùs negabo meam Gratiam. Hoc solùm à vobis exigo: Venite, pulsate, petite.

En, ut mitissimus Deus civiliter nos trahat! nam apud plurimos nec moralis nec naturalis proficit attractio; excitantur minis, alliciuntur beneficiis, invitantur promissis; non veniunt, tractorios funiculos omnes abrumpunt. Christus eos ad præsepe in stabulum, ad conciones in templum, ad Eucharistiæ mensam in cenaculum, ad orationes in olivarum hortum, ad columnam purpuream in Pilati prætorium, ad vestem albam in Herodis palatium, ad crucis spectaculum in Golgothæ clivum, ad victoriæ triumphum in Iosephi viridarium vocat; non veniunt vocati. Ergo trahendi, ergo compellendi sunt. Ita Deus varias in nos calamitates immittit, rebus adversis premit, ærummis urget & impellit. Ita pènè cogimur orare; vix aliud effugium; trahimur ad Deum.

Nos quidem sapiuscule miramur: unde hæc afflictio, unde calamitas ista? Christus cum Absalone causam assignans: Misit, ait, ad te^o obsecrans, ut venires ad me, *b* & noluisti venire. Traxi te funiculis, sed mollibus & byssinis, rogavi, & invitavi. Sed tu rupisti vincula mea, & dixisti: Non serviam. *c* Traxi te nascendo & docendo,
traxi

a Malach. c. 3. v. 6. *b* 2. Reg. c. 14. v. 32.

c Hier. c. 2. v. 20.

traxi te patiēdo & moriēdo, traxi te re-
furgēdo & in cælum ascendēdo. At tu
rupisti vincula mea. Validum mihi restat
vinculum; trahendus es cladibus & ærum-
nis, ad orationem compellendus es; ita de-
nique jungemur, ita in amicitiam copula-
bimur.

S. 3.

Hic, obsecro, te Lector, animum adver-
te, & serius audi, quâ ratione ab utrâque
parte, sed profus inæquali vinculo traha-
mur. Trahit nos Deus, trahit & diabolus
& velut trahendo certant, uter vincat, &
hominem ad se pertrahat. Nos mediis sta-
mus, & in potestate nostrâ est, à quo at-
trahi velimus. Diabolus tenui filo, aut
etiam fragili culmō nos non invitos ligat,
vanitates & titulos, sterilissima nomina
iaculat, pecuniam ostentat, libidinum
voluptates monstrat, & hominem sine vi
petrahit ad vitium. Abit miser homo, &
expressissimas Dei leges violat, ut vel libi-
dini suæ, vel alijs cupiditatibus satisfaciat.
Deus etsi quâdoque nauticos funes, etsi
catenas injiciat ei, quem attractum cupit,
etsi varias calamitates, iacturam gratiæ,
cæli odium, etsi supplicium æternum &
inferos minetur, Satanas nihilominus tra-
hendo, vincit, & deliberantem hominem
in suam pertrahit partem. Ita reverà efficit
diabolus, ut homo injecta sibi à Deo vin-
cula rumpat, Dei leges evertat, Deum
conspuat.

Hoc

Hoc indignitas maxima, hoc summa in Deum injuria est. Atqui hoc reipsâ & verè fit in omni letali noxâ. Hæc tanta in Deum contumelia nullis inferorum ignibus, æternitate nullâ expiabilis est.

Etiamnum semper quærimus, cur Deus peccatum letale unicuique, quod vel solâ sit cogitatione, suppliciis æternis puniat? En causam, en injuriam ipsis oculis aspectabilem. Huc animum, huc oculos; videte, obsecro, videte indignitatem criminis; unum eundemque hominem Deus trahit & diabolus. Funes Deus & catenas injicit, robusta vincula; pollicetur cælum, minatur inferos. Nil efficit; credendum est Deo; rumpit vincula homo, & audacissimè dicit, Non serviam. At verò diabolus, subtilibus superbix funiculis, vel aureo avaritiæ filo, vel pictis luxuriæ catenulis trahit hominem, quò vult. Ita Deum certando vincit, triumphat, imò etiam insultat Deo, & opprobrat: En ita tui te homines colunt, pro quibus in crucem actus, pro quibus mortuus es: hæc tibi pro tuis reddunt beneficiis. Quid à me præmii sine accepturi, non nesciunt, nihilominus me sequuntur, mihi serviunt. Tua vincula rumpunt, meis se vinciri sinunt, modò eis pecuniolam, modò voluptatulam, aut gloriolam, velut viridem ramum his oviculis ostendam, facillimè quò volo, pertrahi se permittunt. Ego nullos pro eis colaphos, non flagra, non spinas, non clavos,
non

non mortem pertuli, nihilominus tuis legibus calcatis, meas studiosissimè observant. Hoc Christo cacodæmon exprobrat.

Hoc, ò Christiani, hoc gehennis omnibus dignissimum est, hoc æternitate nullâ fatis expiari potest. Quod in hac imagine Dei & diaboli pariter trahentium, vel oculis expositum est; nemo non videt, quàm indignum sit, malle hominem in cacodæmonis potiùs, quàm Conditoris partes transire, Diaboli leges multò accuratiùs, quàm Dei servare.

Ventus est, cui Cæcias nomen, de quo Plinius: Narrant, inquit, & in Ponto Cæciam in se trahere nubes. * Hinc adagio: Cæcias nubes trahit. O. Sertorius vir strenuus & bellicosus, Plutarcho teste, cùm Characitanos oppugnaret, hujus venti naturam peritissimè in suam traxit fortunam: Nam cùm barbarus hostis in specus & antra sese abderet, ille grandes cinerum acervos è regione congeri jussit. Iamque Cæciâ hostibus adverso flante, aliquot turmas equitum emisit, qui & hostem ad conflictum elicerent, & unâ cineres turbarent. Felicissimè cessit stratagemâ. Nam Cæcias ita hostem cineribus involvit, & afflixit, ut mox sese dederet. Non multùm abssimili ratione pugnat in nos Deus, quos ut sibi dedititios faciat, acervos cinerum, cumulos calamitatum adversus nos aggerat, ut in suam redigat potestatem. Nimirum hoc Dei consilium est, tam copiosos oculis

a Plinius l. 2. Nat. Hist. c. 47. med.

lis ci
impell
quàm
re, D
rebus
mus or
stros pe
modò n
& mære
funden
factur
culis A
tatis.
Væ ho
rumpen
vitam
oration
la mont
exprob
meum e
pollicit
sed tu
liter, n
sed etia
vincula
calamita
crebras
amicitiâ
vincula
diaboli
luit, sec
nunc &
in æter

a Osee

lis cineres ingerere, tam variis ærumnis impellere, ut denique non aliud velimus, quam ad Deum per orationem procurrare, Deo nos dedere. Et quia cupit, ut in rebus omnibus & assiduè ad se confugiamus orando, eam ob causam oculos nostros perpetuo cinerum aggestu implet, & modò morbis, modò pauperie, modò curis & mœroribus nos oppugnat, ut ad preces fundendas pertrahat. Hoc per Oseam se facturum jam olim denuntiavit: In funiculis Adam traham eos, in vinculis charitatis. *a*

Væ hominì, qui toties vincula divina rumpens, audet dicere: Non serviam. Invitamur, urgemur, trahimur ad assiduas orationes. Sub vitæ finem tot sua vincula monstrabit Deus, & jure meritissimo exprobrans dicet: Volebam quidem te meum esse, sed noluisti: Traxi te *moraliter* pollicitis, minis, beneficiis, precibus, donis, sed tu rupisti vincula mea. Traxi te *naturaliter*, non solùm pascendo te corpore meo, sed etiam moriendo pro te, at tu rupisti vincula mea. Traxi te, *civiliter*, miseriis & calamitatibus diversis. Voluisssem, ut per crebras orationes arctissimâ jungeremur amicitia, sed tu noluisti, & rupisti omnia vincula mea, dixisti, Non serviam. At verò diabololum tenui filo trahentem, quò voluit, secutus es. Quia igitur deseruisti me, nunc & ego te deseram, & projiciam à me in æternum.

Ita

Ita filii regni ejicientur in tenebras exteriores, ibi erit fletus & stridor dentium. ^a
 Nunc ergo deprecemur Dominum, & clamemus: Trahe nos post te. ^b
^a Matth. c. 8. v. 12. ^b Cantic. c. 1. v. 4.

CAPVT V.

Quando prolixius & ardentius orandum.

Agitabatur olim quæstio inter complures, num sapientia potius, an opulencia deligenda. Visum est non paucis, opulenciam præstare Sapientia. Nam opulenti ajebant, doctos non presentant, non ambiunt, sed docti opulentos. Contrà sentiebant alii, longè meliorem esse sapientiam omni opulencia. Vir enim eruditus & sapiens studiosissimè quærit, quidquid damnosè sibi deesse cognoscit: Opulentus facilè persuadetur omnium bonorum possessione se frui, cum abundet pecuniâ; ita bonam illud minimè quærit, cujus penuriâ maximè laborat.

Priori non absimilis est quæstio: An humana genti non consultius foret, si Deus singulis, quod cuique scit deesse, liberali manu tribueret, quàm multis precibus fatigari sustineret? Hic una omnium rectè sentientium vox est: Non fore consultius. Si enim Deus etiam non petentibus daret, quod cuius necessarium judicaret, quàm rarus, quàm & frigidus orationis usus esset? Deus multiplici rerum indigen-

tiâ nos ad se trahit, perinde ac si singillatim omnes monuisset: Cùm tibi aliquid defuerit, ad me propera, quære, pulsa, pete. Impetrabis, si debita poposceris.

Explicavimus, quâ ratione semper & assidue orandum. Quid in oratione petendum. Quibus modis per orationem trahamur ad Deum. Restat dicere, quando potissimum prolixius & ardentius sit orandum.

§. I.

Primò; Tunc sanè attentius, prolixius, & ardentius orandum est, cùm donorum aliquid à DEO accipimus. Consultissimum est, ita se ipsum assuefacere, ut quotiescunque aliquid divini luminis & melior è cælo radius allucet, cùm aliquid à Deo impetratum est, cùm prospero successu res eunt, cùm quis bene sibi esse sentit, mox sese ad Deum vertat; Benedictus Deus in æternum; mi Domine, hoc à te munus est, tibi gratias ago.

Alaudulas ferunt, quotiescunque aliquid in agro pabuli reperiunt, mox evolare in altum, suaviter cantare in laudem & præconium sui altoris. Homo nutritoris Dei alumnus, non se gratiorem exhibeat alaudâ? Quotiescunque igitur Deus beneficentia se nobis ostendit, licet in re modicâ, toties nos illi gratissimos exhibeamus; mox sequatur oratio. In omnibus gratias agentes benedicamus Dominum in omni tempore.

Secundò

Secundò: Orandum est, cum ardui quid aggredimur. Suis id Christus divinis exemplis nos docuit, qui discipulos sibi electurus totam noctem precibus pervigilavit. Res erat ardua duodecim concionatores eligere, qui orbem universum ad CHRISTI signa transferrent. Electionem hanc Dominus orando inchoavit.

Castissima vidua Judith facinus summè arduum, & multò, quam sexus ferret, animosius aggressa est orando. Holoferni supremo duci caput amputare meditabatur. Quid agis mulier imbellis? virum femina, heroem, Ducem, Imperatorem bellicosissimum dextra ducendis filis assueta obtruncet? Ipsi subinde carnifices multorum suppliciiis celebres, in caede talium virorum trepidant, & Hebræa vidua tam strenuum Principem sola jugulet? Quid agis Judith?

Illam nihilominus cogitatum facinus attentissimis precibus exorsa est, stetitque Judith ante lectum, orans cum lacrymis, & labiorum motu in silentio dicens: Confirma me Domine Deus Israël, & respice in hanc horam ad opera manuum mearum, ut hoc quod credens per te posse fieri cogitavi, perficiam. Et sanè perfecit, Deus manum direxit, illa caput Holoferni abstulit, hostium exercitum in fugam conjecit, Bethuliam servavit, gloriosissimam victoriam quam sperarat, obtinuit, quia, quod moliebatur, precando inchoavit. ^a

Objicias hinc: Sunt, qui precibus pænè nihil

nihil temporis assignent, nec actiones suas oratione inchoent, nec Deum libellis supplicibus fatigent, nihilominus negotia sua dexterrimè perficiant, & rerum suarum successum ad votum habeant.

Esto. Nec invidemus: nam subinde Deo sic permittente adiutorem habent diabolum. Hoc videre est in Israelis populo, qui Mose absente & colloquente cum Deo, armillas & inaures aureas congeffit, eo animo, ut Aaron è metallo tam nobili fabricaret Deum. Aaron intemperantissimis precibus adactus, aurum in fornacem coniecit, & opus absolutum, vitulus conflabilis exivit. Sed, quæso, quâ tandem ratione id factum, num in solitudine mox adfuerunt aurifices; & adfuerint sanè, unde illis tam subitò aurificinæ instrumenta? Et quæri potest, num opus malleatum & prociusum, an verò fusile & conflatum ruerit? *a* Si primum, fieri non potuit, ut tam citò absolveretur; si alterum, unde forma & omnis supellex fusoria? Sunt, qui dicant, aurum ab Aarone in fornacem coniectum, vitulum à diabolo aurifice formatum. Sic enim Aaron testatur: Projeci illud in ignem, egressusque est hic vitulus. *b* Ut ut hæc sunt facta: quidam non multum laborant, & parùm orant, eis tamen ad votum fluunt omnia. Alii laboribus se frangunt, diligentia plurimum infumunt, frequenter & sollicitè orant, vix ul-

N lo

a Istis ein tribne oder gossne Arbeit gewesen?

b Exod. 32, v. 24.

lo tamen successu, Quæso prioribus illis progressionibus tantas non invidemus; felices sunt suo damno. Isti verò, qui nihil sine precibus aggrediuntur, Deum faventem habent, qui sæpe non vult labori respondere processum, ex causâ ipsâ notâ. Quidquid igitur laboris sumimus, aut operæ, adorandus est Deus, ut actiones nostras omnes & aspirando præveniat, & adjuvando prosequatur.

S. 2.

Tertiò: Orandum est, cum periculum peccandi est. Quoties contingit in salutis discrimine versari, aliquis vel in pudicitiam ac castitatem, vel in justitiam, aut temperantiam aliamve legem delinquat. Quid hîc agat bonæ mentis homo, num quod unus aliquis Turcarum fecit, qui vinum Mahometi lege vetitum potaturus dixit: Vinum adest, ô anima, contrahe te ac necessitati cede. *a*

Apagæ has conscientias cauterio inustas: cum periculum est lædendæ conscientiæ, mox ad Deum se vertat homo, & divinam imploret opem, uti Christus docuit: Et ne nos inducas in tentationem. Eam autem tentationem rectè deprecamur, quæ animo nocitura est. Et Theologi passim tradunt, non in periculo solum corporis, sed animi ac salutis, idque tantò magis orandum. Istud Fanciscus Suarezius his omninò verbis asserens:

Primo,

a *Das dich Get / es kompt ein Guf.*

Primò , inquit , *a* ac præcipuè obligatur homo ad orandum pro se maximè in spiritualibus , quâ oratione prævenitur , ne incidat in tentationem , id est , non solum ut per tentationem non vincatur , sed etiam ut in illam incidere , aut eâ graviter vexari non sinatur . Tunc enim confidere de suâ libertate , esset magna superbia & præsumptio ; confidere autem de solo auxilio ordinario sufficiente , esset stulta negligentia . Addo insuper in hujusmodi occasionibus , pro quibus hæc oritur obligatio , illam omittere , grave est peccatum , non solum contra illam virtutem , contra quam vexat tentatio , verbi gratiâ , contra castitatem , sed etiam speciali modo contra charitatem , vel ut probabile est etiam contra Religionem . Orandum igitur & precibus periculum amoliendum est .

Vix ullus in seipsum tam iniquus erit quin oret ; Deoque se commendet , cum vitæ discrimen ob oculos versatur . Siccine corpori suam propugnamus incolumitatem , & animi negligemus ? Quid prodest homini centum annis vivere , & universum mundum lucrari , animæ verò detrimentum pati ? *b* Ita princeps Theologus Thomas Aquinas docet , divino & naturali jure sub novi peccati poenâ nos obligari ad orandum , cum in periculo

N 2 sumus

a Franciscus Suarez tomo 2. lib. 1. de oratione in communi , cap. 30. num. 17. & 18. mihi pag. 71.

b Matth. c. 16. v. 26.

sumus peccandi. Tunc enim utrimque trahimus, hinc à Deo divinisque legibus, illinc à diabolo pessimisque suggestionibus. Si cupimus à Deo attrahi, quamplurimum nos ad illum vertamus paratis his vocibus: Et ne nos inducas in tentationem. In hoc animi periculo ne finas nos interire: Domine salva nos.

Quartò: Orandum est, cùm adversa premunt. Psaltes regius longâ calamitatum serie exercitatissimus: Beatus, inquit, cujus Deus Jacob adjutor ejus, spes ejus in Domino Deo ipseus. *a* Cur, obsecro, non Abrahamum, non Isaacum, sed Isaaci filium Jacob nominat? Hic erat de præsidio, quo Deus suos in adversis fidelissimè tuetur, idcirco nominavit Deum Jacob, ut constaret, quid Deus eo tempore à suis exigeret. Jacob fraternâ intemperie pulsus è parentum domo, solum vertere pro asylo habuit: Sic è Chanaan in Mesopotamiam ad Labanum avunculum contendit, pauperrimus viator, bacillum pro omni supellectile, proque omni telo secum asportavit. In itinere Deum impensissimè sibi conciliare insistens: Si, ait, fuerit Deus mecum, & custodierit me in viâ, per quam ego ambulo, & dederit mihi panem ad vescendum, & vestimentum ad induendum, reversusque fuero prosperè ad domum patris mei, erit mihi Dominus in Deum. *b* Impetravit, quæ voluit, & plura quàm voluit. Cùm verò reditum illius in patriam, Esau frater cum

qua-

a Psal. 145. v. 4. *b* Gen. 6. 28. v. 30.

quadringētis viris hostiliter excepturus occurreret. quàm ardentem Jacob precatus: Deus patris mei Abraham, inquit, & Deus patris mei Isaac: Domine, qui dixisti mihi, revertere in terram tuam, & in locum natiuitatis tuæ, & benefaciam tibi. Minor sum cunctis miserationibus tuis, &c. Erue me de manu fratris mei Esau, quia valde eum timeo. ^a His precibus & Deum sibi propitiavit, & immutavit fratris animum. Nam Esau, subito ferociam omnem exuens, mentem induit amicissimam, jamque iterum ex hoste frater, humanissime fratrem complexus est.

Nos quandoque ad solam Mortis memoriam, velut ad terrificam larvam, aut colubrinam Medusæ peltam expallescimus. Hem meticulosi infantes! Ad orationem velut ad Matrem confugiamus, & vanus hic metus evanescet: sentiemus opitulantem Deum Jacob, si oraverimus ut Jacob. Consilium Apostoli Jacobi scimus: Tristatur aliquis in vobis? oret. ^b

Christus ipse, tamen si tristaretur ad mortem, confugit tamen ad orationem, & factus in agonia, prolixius orabat. ^c Tribus horis circiter, ut aliquorum fert sententia. Si in mœrore, aut in rebus adversis difficile sit orationem producere, brevior sit oratio, sed crebrior; sit frequenter repetita, si non possit esse longa. Doctissimus Jansenius Episcopus autumat Christum

N 3

stum

^a Gen. c. 32. v. 11. ^b Jacobi c. 5. v. 13.

^c Luc. c. 22. v. 43.

stum non tantum in Olivarum horto, & Calvaria clivo, sed ad omnem injuriam notabiliorem orasse, in exemplum nobis: perinde si dixisset, ita propulsanda sunt injuria, orationis clypeus est objiciendus. Quod religiosissime rex David executus: Pro eo, inquit, ut me diligerent, detrahebant mihi, ego autem orabam. *a* Qui mihi debuissent referre gratias, intulerunt injurias. Ego autem optimam orandi occasionem nactus, ab oratione non destiti, certus fore, ut dum homines adversos habeo, Deum propitium inveniam. Ita est, qui in injuriis tacent, in oratione efficacius clamant; patientia provocat misericordiam.

a Psal, 108. v. 4.

6. 3.

Beatus Hieronymus existimat Christum in cruce pendentem, tacite decem psalmos recitasse; initium fecisse à vigesimo primo, & ad psalmi trigesimi verba illa pervenisse: In manus tuas commendo spiritum meum. Quod confirmatur hymno ad cenam dicto. Quorsum enim hæc oratio Christi? Numquid non Deus erat? Nosra hoc institutioni fecerat, ut quando-cunque nobis malè esset, orando vim mali retunderemus. Non aliter quàm sicut gliscente incendio ad aquam properatur, ita ingruente turbamento properandum ad preces.

Apostoli periclitantes in aquis ob fluctuum in naviculam insultus, Dominum in.

in puppi dormientem suscitaverunt. Optime factum. Vult suscitari, ideò dormit. Quid ergo in Apostolis deprehensum? Non quòd somnum turbârint, non quòd territi clamârint, nec etiam quòd illis fluctuum defendi rogârint, sed quòd minorem, quàm par erat, fiduciam exhibuerint, & dormientem velut periculi ignarum excitaverint.

Tutissimum in adversis asylum, oratio. Quod etiam Christiani Iapones nos docebunt. Anno millesimo sexcentesimo duodecimo, Rex Iaponum Daifu quatuordecim Christianos ex urbe Sarungâ totòque regno, religionis causâ proscripsit. Inter hos Ioannes Faramundus domo nobilis, & facultatibus abundans. Hic à suomet famulo, quem à parvulis educavit, proditus est. Quare crux inusta fronti, & manuum ac pedum digiti omnes præcisi. Promulgatum insuper, ne quis totâ Japoniâ sub pœnâ capitis generosissimum hunc Athletam hospitio reciperet. Inspecite, oro, & considerate hoc mutilati hominis spectaculum, in fronte stigma ruber, manus pedesque truncati, ipse desertissimus ab omnibus & exclusissimus est. Sua tamen oculis, sua linguæ ac animo libertas etiamnum constat: Quis prohibeat cum Josaphato rege dicere: Deus noster, cum ignoremus, quid agere debeamus, hoc solum habemus residui, ut oculos nostros dirigamus ad te, &

N. 4.

En

a 2. Paral. c. 20. v. 12.

En specimen nobilissimum in adversis & tolerandi & orandi. Et quamvis nostrum singuli Faramundum Japonem Christianum non æquaremus solum, sed superareamus calamitatum copiam, nemo tamen animum despondeat: hoc habemus residui, ut oculos nostros precando ad illum dirigamus, in cuius manu sita sunt omnia: clamemus ad eum, & ipse salvabit nos in tempore afflictionis nostræ. *a*

Deus nos idèò adversis premi permittit, idèò in mare iratum ducit, idèò dormit, tanquam quid agatur, ignoret, ut orationibus vigilantissimis suscitemus ipsum. Videt equidem ille pervigil oculus nos fluctibus pænè sepeliri, sed dissimulat videre; imò ipse ventos ac turbines in nos concitavit, ipse iussit eos furere, ipse maris iracundiam adversum nos commovit, interim dormienti similis, nostram in se fiduciam arbitratur, nostras ad se orationes auscultat. Suscitemus Dominum precatione attentissimâ, & imperabit ventis ac mari; Fiet tranquillitas magna. *b* In oculis portus est; enavigabimus.

a Hierem. c. 11. v. 12. *b* Matt. c. 8. v. 26.

§. 4.

Quàm autem oratio hominis afflictæ, Deo sit grata, vel inde potest liquere. Hebraeus Psaltes tam sibi, quàm afflictis omnibus applaudens: Respexit Dominus, inquit, in orationem humilium. *a* Vel, ut Pagnini est interpretatio, in orationem myri-

a Psal. 101. v. 18.

myricæ, a Vel, ut aliorum, in orationem cicadæ: Eorum scilicet qui miseris involuti, ærumnis pressi, auxiliis destituti gemunt. Sed miramur, ô Domine, quid inamœnis stridoribus cicadæ potius quàm merulæ, vel achantidis, vel luscinia suavissimo cantu delecteris. Quàm dulcis est Musica tot avicularum, quæ primo vere silvas & viridaria exhilarant? Nihil ad illas cicadæ. Quidquid sit, has illis divinæ aures præferunt. Nam illæ cantatrices aviculæ ad oblectationem cantant; cùm turbantur, cessant. At cicada rore pascitur, & æstivis mensibus totos dies stridet, canitque incredibili constantiâ: sic animi submissi homo, tametsi vilis & abiectus sit adversis insuper exagitatus, sorte tamen suâ contentissimus est, & æquali constantiâ conditorem laudat. Alii tunc suaviter canunt orando, cùm omnia ad nutum fluunt, cùm annus fertilis, cùm proventus copiosi, cùm eventus fausti, cùm veris ridet amœnitas; Tolle ista, jam vox sepulta, oratio vix ulla, languent & tacent omnia. Idcirco Deus in humilium rationem respicit, cicadæ stridulum melos, aliarum avium concentui præfert.

Strabo memorat, Eunomium citharædum Locrensem, cum Aristone Musico Rhegino cantu & fidibus certasse. Cùm verò Eunomius ob chordam subito ruptam, de victoriâ periclitaretur, cicada felici casu supervolitans in Eunomii citharâ

N 5

con-

a Humilis virgulti.

confedit, & fractæ chordæ vocem stridore suo supplevit. Hinc Locris in Italiâ Eunomii statua visitur, quæ cicadam citharæ insidentem monstrat. *a*

Aspice Christum crucifixum in sublime elatum, in eo artus & nervi omnes veluti chordæ ad concentum tensæ ac temperatæ: Hic audire licet septemplex melos suavissimum. Quisquis te miserum, infelicem & cicadæ instar abjectum credis, in hanc citharam subsulta: hic vocem tuam expedi, hic ora, hic canta: non spernèris ab hac citharâ. Et en cicadam aliam. Tarsensis Paulus, qui se minimum Apostolorum, nec dignum vocari Apostolum, qui se abortivum nominat, is tamen velut cicada in citharâ crucis confidens. Ego, inquit, adimpleo ea, quæ desunt passionum Christi, in carne meâ. *b* En, obsecro, cicadam, quæ chordæ vicem obit, ne quid huic musicæ desit. Oratio afflictorum Deo longè gratissima.

Princeps Hussæus Iob inter ruinas eruditissimus, pecore omni abactò, liberis ruinâ unicâ sepultis, bonis omnibus ademptis, adhuc tamen cantabat hilaris: Sit nomen Domini benedictum. Hæc oratio in calamitatibus, hic cantus in adversis magis

a Strabo l. 6.

b Coloss. c. v. 24. NB. Christi passio in se plenissima & sufficientissima redimendis vel mille mundis; ei tamen in nobis deest communicatio & participatio horum meritorum, videlicet ut Christus non tantum in se, sed etiam in suis membris, in Christianis similia patiatur.

magis placuit DEO, quàm decem millia precationum in prosperis. Hujus cicadę vocem Chrysoſtomus his verbis dilaudat: Univerſa Iob amiſit, magis autem univerſa invenit. Cuncta enim læta amittens, lætitię radicem non amiſit; amiſit lyram, ſed artifex remanſit. Chriſtus in cruce citharædus, imò & ipſa cithara, non ut ficta Orphei muſica, ad ſe potentiſſimè traxit non amicos ſolùm, ſed & inimicos; non ſolùm vivos, ſed & mortuos; traxit rupes, traxit ſolem & omnem ſiderum comitatũ. Quid extinctum Apoſtoli lugetis? citharam perdidisti, ſed artifex remanſit. Orando perſeverate. Oratio Chriſtum è cęlo traxit, oratio illum corpore veſtivit, illius in ſolitudine cibus oratio, in morte pharmacum fuit. Oratio vobis & citharam amiſſam, & ipſum etiam artificem reſtituet redivivum. Oratio in luctu ſuaviſſima cęlitibus eſt muſica. a

a Chryſ. to. 1. hom. 4 de pat. Iob. mihi p. 568.

6. 5.

Quocirca præclariffimum illud monitum Ioannis Avilæ ſæpius inculcandum, Plus valet unicum *Deo gratias* in aduerſis, quàm ſex millia in prosperis. Orantis patientia incredibilem vim confert orationi. Hominis verè patientis deprecatio repulſam non patitur. Propter miſeriam inopũ, & gemitum pauperum, nunc exſurgam, dicit Dominus. a Quæ Chryſoſtomus explicans:

N 6

a Pſal 11. v. 16.

plicans: Timete, inquit, quicumque pauperes injuriâ afficitis. Habetis potētiam, opes, pecuniam, & judicum benevolentiam: Sed habent illi arma omnium validissima, luctus & ejulatus. *a* Hæc arma domos effodiunt, hæc fundamenta evertunt, hæc integras gentes submergunt. Bonum eorū animus Deus reveretur, quando mala patientes, nullum malum verbum proferunt, solum autem gemunt, & sua mala deplorant.

Si quam laudem meruit unquam Samuel, certè hoc uno facto meruit longè maximam; in afflictione admodum seriâ contentissimè oravit. Nam à suo populo tam graviter offensus, ac de suo principatum turpiter dejectus, nec pusillanimis succubuit, nec iratus excanduit, nec elatus infremuit, sed prudens & patiens totum se contulit ad orandum. Samuelem totam noctem orando extraxisse credidit Iosephus. *b* Sic olim Moses à jurgante ac murmurante populo gravissimè provocatus, clamavit ad Dominum, dicens: Quid faciam populo huic? Adhuc paululum & lapidabit me. *c* Sic Ezechias regum optimus à rege Assyriorū litteris iniquissimè laceratus, Ascendit in domū Domini, & expandit eas coram Domino, & oravit in conspectu ejus. *d* Sic & David, vel sub ejus effigie Christus Dominus: Adversū me loquebatur, inquit, qui sedebant in portâ, & in me psal-

a Lugubres ad Deum orationes.

b Ioseph. l. 6. Antiquit. c. 4.

c Exodi c. 17. v. 4. *d* 4. Reg. c. 19. v. 14.

psallebant, qui bibebant vinum; ego verò orationē meam ad te, Domine. *a* Sic & Sara Tobix uxor ab ancilla conviciis acerrimis lacerata, perrexit in superius cubiculum domūs suæ: & tribus diebus, & tribus noctibus non manducavit, neque bibit, sed in oratione persistens cum lacrymis deprecabatur Deum. *b* O Musicam Superis jucundam! Oratio in adversis & in luctu suave organum cælo, dulcis Deo concentus.

a Psal. 68, v. 13. *b* Tob. c. 3. v. 10.

CAPVT VI.

Quomodo aliqui omnia, alii nihil impetrent orando.

VIr religiosus è divi Dominici familiā Ioannes Taulerus, rem miram commemorans: Duæ, inquit, virgines iisdem ædibus habitabant. Altera rerum difficilium ac sublimium non ignara, sermonem de iis miscere noverat, quæ auditorem in admirationem raperent. Altera horum negligens, laudabili simplicitate in Deum immersa, hoc unum sibi sumpsit studii, Deo divinæque voluntati in rebus planè omnibus seipsam quàm perfectissimè consignare ac tradere. Hoc solidissimæ devotionis studio id assecuta est, Deumque adeò habuit exorabilem, ut quidquid ferè petiisset, impetraret. Hinc plurimi se suaq; negotia illis enixè commendârunt, precibus ad optatum finem deducenda. Receptit illa
in

in suam fidem, quod sibi commissum fuerat, & verò etiam postulatus preces fundere destinavit, sed quod humanæ memoriæ pronum, id exequi subinde oblita est. Interim negotia aliorum ex animi sententiâ fluebant. Eapropter reversi plurimi uberrimas egerunt gratias, ob rerum suarum prosperos successus; abundè sibi satisfactum testati. Illa tacitè in ruborem versa mirabatur, quòd se nec orasse quidem meminisset. Ab his ad alloquendum Deum digressa: Mi amantissime Deus, inquebat, quid hoc fieri dicam? Ego segniter obliviosa, illas gratiarum actiones nequaquam merui, quia promissis non steti, neque negotiis mihi commendatis preces impendi. Cui Deus: Tua mihi voluntas loquebatur, filia Psalmi responsum nostri: Desiderium pauperum exaudivit Dominus, præparationem cordis eorum audivit auris tua. *a* Cùm tu proponeres rogare, decrevi ego facere, quia tuam voluntate meâ commutasti.

Videte, obsecro, quàm celeres Deo sunt aures, ut non solum clamorem, lacrymas, orationem ipsam, sed etiam orationis præparationem & veluti primos ac tenuissimos animi susurros exaudiat. Quod Isaias aperitissimè testatur: Eritque, ait, antequam clament, ego exaudiam: adhuc illis loquentibus, ego audiam. *b* Adeò propensus est Deus aures propitias præbere.

Interim innumeras in cælum jacimus querelas, nos toties & tamdiu tamque ardentè

denter vociferari ad Deum, & non audiri. Quid ad hæc responsi est? Hic ille scopulus est, ad quem orbis pænè totus colliditur: ad hunc scopulum impegerunt viri etiam sanctissimi. Sic nos ratiocinamur: Evangelia promissis ingentibus abundant, si vel duo solùm conjunctis viribus rogent, impetraturos quidquid rogaverint: hîc neminem repudiari, modò quærant, modò pulsent ac petant, inventuros & accepturos quidquid petierint. Nos interim dies & annos precationibus implemus, quotidianis clamoribus fatigamus cælum, superos omnes in causæ patrocinium vocamus; nemo audit, nemo aperit, nemo votis annuit. En scopulum vel astris minantem, en montem vel Caucaaso magis horrificum. Sed hanc ipsam, Deo favente, tam formidabilem rupem in mare jam præcipitabimus. Stabit Domini promissum: Si monti huic dixeris, Tollere, & jacta te in mare, fiet.

Hoc igitur loco duo sunt exequenda: Primum est, integros sanctosque homines, quidquid petunt, impetrare. Alterum, exponendæ causæ, cur aliquorum preces aut non sint, aut certè non videantur esse ratæ.

a *Matth. c. 21. v. 21.*

§. I.

Primum est; Amici Dei, quidquid rogant, impetrant. In promptu causa est. Nam & ipsi, quidquid Deus imperat, exequuntur. Una ipsorum & Dei voluntas est.

Hinc

Hinc quidquid illi voluerint rogare, hoc Deus ab aeterno voluit concedere. Promittit olim Moses: Abundare te faciet Dominus Deus tuus in cunctis operibus manuum tuarum, &c. in ubertate terrae tuae, & in rerum omnium largitate. Revertetur enim Dominus, ut gaudeat super te in omnibus bonis: si tamen audieris vocem Domini Dei tui, & custodieris praecepta ejus. *a* Vis, ut Deus omnia tuo arbitratu faciat? tu prius fac omnia secundum Dei arbitrium: Vis, ut Deus veniat ad te? tu modò prodi obuiam, ille mox in viâ erit. Vis, ut petenti tibi nihil neget, nec tu nega illi quidquam. Delectare in Domino, & dabit tibi petitiones cordis tui. *b*

Beatus Dominicus vir alioquin oris modestissimi, auditus tamen est dicere, se nihil unquam à DEO petiisse, quod non impetrâset. Excepit has voces sociorum aliquis, & continuò subjungens: Mi pater, inquit, pete, obsecro, ut ille celeberrimus Doctorum Conradus, in tuam adscribi velit familiam. Cui Dominicus: Difficile hoc quidem est, inquit, si autem id petam, futurum confido, ut impetrem. Proximam noctem totam orando duxit. Sequenti mane Doctor Conradus ad cœnobium venit, & à Dominico in religiosam familiam admitti petit. Amici Dei, quidquid rogant, impetrant. Abundare facit illos Dominus in rerum omnium largitate.

Bernardus ille mellis fluvius, complures

a Deut, c. 30. v. 9. & 10. *b* Psal. 36. v. 4.

genere, divitiis, eruditione præstantes juvenes ac viros in suam familiam precibus & virtutum exemplis traxit. Inter ceteros fuit Gaufridus de Peronâ Flander, qui postmodum in Clarâvalle Antistitis officio functus est. Videbatur vir iste omnia alia malle, quàm monachum induere. Sed eas homini faces conscientia subdidit, ut tandem in sacrum Bernardi commilitium adscriptus sit. Cùmque jam iter faceret cum viro sancto, tentatione gravissimâ exagitari coepit. Multa recursabant animo, facultates, amici, voluptates, & omnia mundi gaudia jam deserta; hærebant infixi pectore vultus verbaque charorum olim hominum. Hinc luculenta mœstitiæ signa in Gaufridi fronte legebantur. Bernardi socius curiosiore oculo virum intuitus: *Quid est, inquit, Domine Gaufride, quod vultum his tristiæ nubibus obducat; quâ cogitationum mole mergeris? Nec amplius emergam, fat scio, inquit Gaufridus, extincta est in me omnis lætitia.* Hoc qui audit, ad Bernardum anxie retulit. At vir sanctus id suaviter dissimulans, cum ad templum vicinum proximum pervenissent, ingressus est ad preces fundendas. Socii foris præstolabantur; inter hos Gaufridus tædii plenus in saxo residens obdormivit. Ubi Bernardus orationem, Gaufridus etiam somnum finit, sed jam longè alius, tantò hilarior ceteris omnibus, quantò antea tristior. Mirati socii tam subitam vultus animique mutationem, humaniter eam exprobrare coepe-

cœperunt. His ille: Dixi, ait, non nego, nunquam ampliùs futurum me latum. Nunc verto & canto; nunquam ampliùs tristis ero. Hoc Bernardi preces potuerunt. Sed idem ille Gautridus primo tirocinii sui tempore, ob parentem suum hominē opulentum sollicitus Bernardum adiit, & summè rogavit, patri suo emendatiorem vitam precibus obtinere non gravaretur: Cui Bernardus, Ne malè metuas, inquit, ego illum probatum monachum in hâc Claravalle meis manibus sepeliam. Utrumque fuisse verissimum, eventus docuit. *a*

Ita nimirum suos amicos abundare facit Dominus in rerum omnium largitate. Iphis promissum est: Quodcunque volueritis, petetis, & fiet vobis. *b* Ita vir integerrimus Franciscus de Paulâ, ob nauli penuriam rejectus à nautâ, pallium suum in undis explicuit, & in eo velut in navi mare Siculum unâ cum socio trajecit. Ita beata Scholastica cum fratrem suum Benedictum non aliter retinere posset, repentinas pluvias impetravit. Sic innumeri alii volucris, quadrupedibus, feris, piscibus, fideribus & affris, rebus creatis aliis, & ipsi creatori, ad cuius arbitrium se totos finxerant, vim gratam precibus fecerunt. Ita orante Josue, & imperante, sol cursum suum inhibuit, obediens Domino voci hominis. *c* Quidquid rogant amici Dei, impetrant. Sancti, ait, Augustinus, ad salutem per omnia exaudiuntur.

a Guil. in vitâ S. Bernardi l. 2. c. 3. mihi pag. 2060. *b* Ioa. c. 15. v. 7. *c* Ios. c. 10. v. 14.

diuntur. *a* Abundare facit illos Dominus in rerum omnium largitate: Quidquid petierint, fiet illis.

Hinc priscus ille Theologus & Ecclesiastes fidenter dicere ausus est: Credite mihi, quisquis ita se Deo omni tempore (*voluntatis conformatione*) captivum tradit, huic & Deum vicissim se captivum tradere oportet. Tum verò hominem supra omnē modum, omnemque captivitatem, in divinam quamdam transfert libertatem, imò & in seipsum, ita ut homo ejusmodi, jam quodammodo divinus potius quàm naturalis homo sit, & quisquis eum tangit, etiam Deum tangat. Hic jam cuncta sanantur vulnera, debita omnia relaxantur. Hic amoris ludus omnem superat intellectum. Hoc autem satius est experiri, quàm intelligere. Qui ejusmodi sunt in perpetuam stant resignatione voluntatis suæ, & omnium eorum, quæ Dominus vult relinqui ac resignari, & seipsum in omnibus diligentissimè obsevant. His Deus præsens est omni tempore, nec unquam illius præsentiam frustrantur, quamdiu ipsum intendunt & inquirent, omni propriam quæsitioe calcant. Ad igitur, quod eorum, qui se Deo resignarunt, instituta & sensus, plus sine verbis orant, quàm alii extra hos in suis precibus ubertim lacrymantes. *b* Amici Dei, quidquid rogant, impetrant.

See

a Aug. tom. 9. tract. 6 in epist. 1. Ioan. c. 3. mihi pag. 253. *b* Taulerus in Circumcis. Dom. conc. 1. mihi pag. 32.

§. 2.

Sed dixeris : Sunt plurimi , qui se Dei amicos esse judicent , vix quidquam tamen eorum , quæ petunt , impetrent. Responso triplici rem omnem explico. Primum: Qui malè rogat, quid miri est, si nihil impetrat. Hanc causam Jacobus Apostolus assignans : Petitis , inquit , & non accipitis, eò quòd malè petatis, a Filii Zebedæi, confesum in regno Christi petierunt ; non impetrârunt : Ignem de celo in Samaritanos præcipitari voluerunt ; nec istud obtinuerunt. Non simplici modo malè petimus. Nam aut bona sed malè, aut certè in se mala, aut ipsi malè petimus. Singulis lucem adfero : Qui facultates suas augeri postulat, sed ideò ut ipse luxum augeat, rem non malam, sed malo fine postulat. Qui inimico interitum , qui hosti tartarû apprecatur, rem malam & nõ petendam petit , Deoque injuriam facit. Frequenter non malû quid petimus, sed ipsi petitores mali, & gratiâ divinâ vacui sumus. Non rarò rem licitam, sed nullâ aut vacillante fiduciâ rogamus. Subinde bonum quid , & sine bono poscimus , quod tamen impetrare non expedit, ne bonum majus impediatur.

Disertissimus hîc Augustinus, ad orationis perseverantiam accedens, & providentissimam Dei largitatem exponens : Quando, inquit, non dat , ideò non dat, ne obsit quod

quod dat. Neque enim aliquid injustum petebat Apostolus, quando rogabat, ut auferretur ab eo stimulus carnis, Angelus Satanæ, & tamen rogavit, & non accepit, quia tempus adhuc erat exercendæ infirmitatis. Petiit Iob tentandum diabolus, & accepit. Attendite fratres mei, magnum mysterium discendum, repetendum, tenendum animo, nunquam obliviscendum propter abundantiam in isto sæculo. Quid dicam? Reverà comparandus Apostolus diabolo? Apostolus rogat, & non accipit, diabolus petit, & accipit. Sed non accepit Apostolus propter perfectionem suam, accepit diabolus ad damnationem suam. Denique ipse Iob accepit sanitatem in opportunitate: dilatus est enim, ut probaretur, & diu sedit in pulvere, & rogabat Deum, ut auferrentur ab eo ista, & Deus non auferebat. Citius diabolum exaudivit ad eum tentandum, quàm ipsum Iob ad sanandum. Ideò concessus est iste tentandus, ut eo probato esset ille cruciandus. Discite ergo non murmurare adversus Deum: & quâdo non exaudimini, ne deficiat in vobis, quod scriptum est, Per singulos dies benedicam te. Quare ista dico, fratres? Ne quis, quando fortè non fuerit exauditus aliquid iustum petens à Deo, non minuatur animo, non deficiat, expectent oculi ejus ad escam, quam ille dat in opportunitate. Quando non dat, ideò non dat, ne obsit, quod dat. Qui verò injustum aliquid petit, in poenam suam exauditur. *a*

Hęc

a Aug. tom. 3. in psal. 144. mihi p. 687.

Hæc à se dicta luculentius confirmans Augustinus: Si verè Deum invocasti, ait, certus esto, quia id fortè, quod volebas temporaliter, ideò non dedit, quia non tibi proderat. *Ædificetur in hoc cor vestrum, fratres, cor christianum, cor fidele: ne incipiatis tristes facti, veluti fraudati desiderijs vestris, ire in indignationem contra Deum. Non expedit adversùs stimulum calcitrare. Recurrite ad scripturas. Exauditur diabolus, & non exauditur Apostolus. Exaudivit eum, quem disponebat damnare, & non exaudivit eum, quem volebat sanare. Nam æger petit multa à Medico, non dat Medicus: non exaudit ad voluntatem, ut exaudiat ad sanitatem. Ergo Medicum tuum pone Deum, pete ab illo salutem, & salus tua ipse erit. Vis, ut det se tibi? Quòd si quid vis habere, non vult ipse ut habeas, ut se tibi det. Impedimenta removet, ut intret ad te. Deus etsi voluntati nostræ non dat, saluti dat. Tu cum patientiâ salutem expecta. Quibus te medicamentis curet, ille novit: quibus sectionibus, quibus ustionibus, ille novit. Tu tibi agritudinem comparasti, peccando, ille venit non solùm fovere, sed & secare & urere.* *a*

Subinde queritur agrotus impositum cataplasma nimium urere, & chirurgum rogat, ut amoveat. Sed petit, quod profuturum non sit, ideò non auditur, & ideò etiam chirurgus sui muneris gnarus: Scio, inquit, quando amovendū sit cataplasma;

tu

a Idem Aug. in ps. 85. mihi pag. 285.

tu mihi hanc curam relinque; si jam tolle-
rem, nocerem. Tu vis auferri medicamen-
tum, quo ureris, ego novi infirmitatem,
quâ gravaris. Ita nos sæpissimè, *Quid ore-
mus, sicut oportet, nescimus.* *a* Non au-
tem, inquit Augustinus, petitur in nomine
Salvatoris, quidquid petitur contra ratio-
nem salutis. *b* Ideo Deus subinde, quod
petitur, concedit, sed iratus. Ita populus
Israëlis manna suavissimum panem nau-
seans, carnes flagitavit: concessit Deus, sed
iratus. Nam adhuc esæ illorum erant in
ore ipsorum, & ira Dei ascendit super eos. *c*
Idem populus pro ritu aliarum gentium
regem petiit: & hunc Deus concessit, sed
etiam iratus. Sic petit aliquis amplas fa-
cultates, & impetrat, sed suo malo: petit
sanitatem, & accipit, sed ei utilius foret,
ægrotare: quærit dignitates, & invenit, sed
ei magis conduceret in imo jacere. Multa
Deus concedit iratus, quæ negat propitius.
Est, qui mutuum à vicino equum petat,
negat ille hunc clementer, quem concedere-
ret crudeliter, cùm sciar, quàm furiosus &
sternax sit equus.

Quod Hipponensis præsul uberrimè as-
severans: Multi dati sunt, inquit, in manus
suas malo suo: de quibus dicit Apostolus:
Tradidit eos Deus in desideria cordis eo-
rum. Petit aliquis magnam pecuniam: ac-
cipit malo suo. Quando illam nō habebat,
parùm timebat: habere illam cœpit, præda
factus

a Rom. c. 8. v. 26. *b* Aug. tom. 9. tract.
102. in Ioan. *c* Psal. 77. v. 30.

factus est potentiori. Discite rogare Deum, ut Medico committatis, quod ipse nouit, faciat. Tu morbum confitearis, ille medicamentum adhibeat. Tu tantum charitatem tene. Nam ille secare vult, urere vult: tu si clamas, & non exaudiris in sectione, uisione, & tribulatione, novit ille, quousque putre est. Tu jam vis revocare manus, & ille vulneris sinum attendit; scit, quousque perveniat: non te exaudit ad voluntatem, sed exaudit ad sanitatem, quia contradicit voluntati. Non fit, quod vis, sed fit, quod tibi expedit. a

a Aug. tom. 9. tract. 6. in epist. 1. c. 3. Ioan. mihi pag. 253.

§. 3.

Alterum ad objecta responsum est: Negat Deus minora, ut majora concedat: cunctatur annuere, ut orantis constantiam exerceat, ut fiduciam augeat. Non exaudit Deus, ut impensius & sapius petamus. Amat Deus importunitatem oratoris: vult crebrius rogari, ut tanto gratius sit concedentis donum. Est, qui corporis sanitatem petat; non abnuvit Deus, sed quia gratiam hanc protrahit, preces alter merito extendit. Videte, quam lento molimine, suos arbor fructus porrigat. 1. Seritur arbor & plantatur. 2. Radices mittit in terram. 3. Paullatim teneram stirpem generat. 4. Frondibus & foliis velut capillis tegitur. 5. Diffundit ramos & brachia, 6. Vernat & in

in florem sese induit. 7. Producit fructus sole ac pluviis excoquendos. 8. Hi sensim maturitatem assequuntur & dulcescunt. 9. Jam maturati decerpuntur ac colliguntur. 10. Decerpti mensis inferuntur & ingeruntur ori. 11. Quod illatum est ori, ad stomachum transmittitur & digeritur. 12. E chylo digesto succus demum elicitur vitalis. En, quot moræ fiunt, dum enascatur fructus, & corpori accedat. Ita Deus è ligno vitæ fructum porrigit, sed aliquando cunctanter & cum morâ.

Nonnumquam non exaudit ut aut melius quid accipiamus, aut promeritum augeamus. Quod Augustinus asserit hoc brevî monito: Bonus autem Dominus, qui non tribuit sæpe, quod volumus, ut, quod malle-mus, tribuat. Exempli gratiâ: Petenti victum liberalem ac copiosum, negat, sed modicum ac parvum, sed simul valetudinem dat, alteri divitiâs poscenti, eas quidem negat, sed pro divitiis eruditionem impertitur, alius annis compluribus rogat, quod sibi necessarium judicat, & non auditur, post multos demum annos exaudiendus. Est, qui profusissimis precibus religionis augmentum petât; hoc quidem non obtinet, sed suum ipse promeritum auget. Cujus rei locuples testis Gregorius: Eo magis, inquit, sancti exaudiuntur ad meritum, quò minùs exaudiuntur ad votum. ^a

Sapissime Deus non aufert, quod ro-gatur, sed differt; obsecrationem aliquanto

rem-

^a Greg. lib. 20. mor. c. 25.

tempore repudiat, ut demum tantò fiat jucundius, quantò dilatum est diutius. Quod Augustinus observans: Cùm, inquit, aliquando tardiùs dat, commendat dona sua, non negat. Diu desiderata dulciùs obtinentur, citiùs data vilescunt. Ergo quære, pulsa, pete, obsecra & insta. Una dies dabit, quod mille negarunt.

Sed tertium responsum objectis damus: Semper exaudimur, modò vera sit seriaque oratio. Hoc nihil dubitationis habet, in manibus tenetur: Omnis, qui petit, accipit. *a* Si non illud, quod petit, certè aliud quod ei magis proderit. Clarissimè Augustinus: Et quando, inquit, non vobis datur, quod petitis, exaudimini, sed nescitis. Sit in vobis charitas, & securi estote. *b* Hinc duplici nomine obstringimur Deo: quòd non det noxia, & quòd det perutilia. Verissimum est vetus verbum: Frustrari noxiis exaudiri est.

Beata Gertrudis iussa est, eligere quidquid vellet. At illa verecundè clausit oculos, dixitque: Ego providentiæ divinæ longè tutiùs fido, quàm meo iudicio: Deus eligat, velit, jubeat; divinis nutibus non integerimè solùm, sed & securissimè totam me trado: suos Deus antequam clament, exaudit; & nemo unquam clamavit frustra.

Sic sentiamus omnes, nec ullas unquam preces esse irritas credamus: Gemitus vel unicus ad Deum emissus, è caelo non redit vácuus. Habet suas & pium suspirium alas, quibus

a Matth. c. 7. v. 8.

b August. loco suprâ laudato.

quibus se cælo insinuat, & nunquam sine certo commodo. Inter superiores annos unus alterve continuis verè pluvijs planè lacrymosus fuit. Querelæ grandes ubivis obviæ. Non nemo in has voces erupit: Ergone nullus ex amicis Dei est, qui serenitatem cælo impetret? Erant utique, qui hoc impetrare potuissent, si cum Dei voluntate pugnare voluissent. Viderunt Deum non velle, ut aëris serenitas impetretur, ergo nec ipsi hoc voluerunt, qui divinam voluntatem agnoscunt pro suâ; hinc non possunt cum illâ non concordare. *a*

Hoc certum fit, orationem seriam semper admitti, semper exaudiri, nec unquam à Deo dimitti vacuam. Quod expressissimè Bernardus adstruens: *Quæ fidelis, inquit, & humilis, & fervens oratio fuerit, cælum sine dubio penetrabit: unde certum est, quod vacua redire non poterit. b* Nam, quod idem affirmat, unum è duobus indubitanter sperare debemus, quoniam aut dabit nobis, quod petimus, aut quod nobis noverit esse utilius. Noli ergo vilipendere orationem tuam, quoniam ille, ad quem oras, non vilipendit eam: sed antequam egrediatur de ore tuo, ipse scribi eam jubet in libro suo. *c*

Sed objicias: *Quomodo exaudior, cum non accipiam, quod precor? Ne trepida,*

O 2

mi

a Non tantum quoad specificationem, ut Theologi loquuntur, sed etiam quoad exercitum.

b Bern. serm. 4. in Quadrage. sine.

c Idem l. de Anima c. 6. mihi pag. 1056.

mi homo, aliud est exaudiri, aliud accipere. Exauditus est David, sed non accepit, quod petiit. Templi structuram, & Betſabææ filio vitam rogavit; neutrum accepit, in utroque exauditus est. Nam templum non ipse, sed Salomon ædificavit, & infans vivere desiit. Ita Paulus, ita in cruce Christus exauditus est, non tamen à Paulo stimulus carnis, nec à Christo amarissimus calix mortis ablati est. En neuter accepit, tamen exauditus est uterque.

Sed istud nos homines nostri cerebri subinde difficulter capimus, & ad nostros affectus omnia metimur. Est, qui pecuniam petat, ut frumentum emat. Frumentum ei datur, negatur pecunia. At ille malè querulus vanissimè lamentatur se petiisse pecuniam, & non impetrâsse. Stolidissimè mortalium, quid quereris? Pecuniam, ais, non impetravi. Esto. Sed tamen illud impetrâsti, cujus causâ pecuniam petiisti. Ne igitur tuas preces repudiatas dixeris; aliud pro alio accepisti.

Ita semper exaudimur, quotiescumque serîo precamur. Quod Siracides confirmans: Quis, ait, invocavit eum, & despexit illum? *a* Quapropter Augustinus his omnino verbis hortatur: Ne deficias in oratione; Deus quod concessurus est, si differt, non aufert. *b* Nemo gratis orat. Omnis oratio modò serîa sit, semper fructuosa erit.

a *Ecclesi. c. 2. v. 12.*

b *August. in Psal. 65.*

CAPVT VII.

Quid mentis oratio, seu Meditatio sit, & quàm ea utilis ac necessaria.

Interrogatus est olim Joannes Gerson Parisiis libellorum magister, quis status homini ad veram sanctimoniam leges vivere volenti sit eligendus? Num pictor, num cantor, num statuarius & fictor, num potius astronomus fiat? Tacta quaestio & verbis involuta. Apertior erit, si eam hoc modo ponamus: Quid ei, qui vitam spiritalem amat, conducibilius est, an ut pictor sit, & oculos occupet legendo, an ut cantor sit, & linguam exerceat orando, an verò statuarius ac fictor sit, & manus fatiget laborando, an verò sit astronomus, & mentem excolat meditando, & caelestia considerando? Quid igitur ad vitam pie religioseque instituendam accommodatius & compendiosius, num actio, num lectio, num oratio; & quoniam ea duplex, num exterior & vocalis, an interior & mentalis, seu meditatio? Ad quaestionem positam ex mente doctissimi viri Gersonis respondemus, ad vitam ex virtute instituendam nil magis conducere, quàm attentam meditationem. *a* Non vanè dixit Augustinus: Intellectus cogitabundus est principium omnis boni; Meditatio siquidem, Bernardo

O 3

teste,

a Gerson part. 2. Alphab. 34. lit. M. & de sollicita. Eccles. part. 41. Alphab. 37. lit. A.

teste, docet, quid desit, oratio ne desit, obtinet; illa viam ostendit, ista deducit; meditatione denique agnoscimus imminetia nobis pericula, oratione evadimus. *a* De meditatione ac methodo meditando copiosè plurimi scripsère. Nos angusto hinc conclusi duo dumtaxat docebimus; primum, quàm expediens ac utilis sit meditatio ad omnigenas virtutes facilè comparandas: alterum, quàm ratione meditatio possit institui. De primo loquemur hoc capite; de altero, sequenti.

a Bern. serm. I. de S. Andrea.

§. I.

* In fundamentum ponimus, quod beatissimus Paulus in exemplum statuit: Orabo spiritu, orabo & mente; psallam spiritu, psallam & mente. *a* Orationis interioris seu meditationis sanctissimus rex David sexcenties mentionem injiciens, sacra carmina sic exorditur: Beatus vir qui in lege Domini meditabitur. Hujus pronuntiati causam assignans: Et erit tamquam lignum, inquit, quod plantatum est secus decursus aquarum, quod fructum suum dabit in tempore suo, & folium ejus non defluet, & omnia, quaecumque faciet, semper prosperabuntur. *b* Liber hinc querere.

Quid est Meditatio? Est attenda divinorum cogitatio, seu mentis oratio, quæ varios voluntatis affectus miscet. Ad meditationem rectè peragendam Memoria, Intellectus

a 1. Cor. c. 14. v. 15. *b* Psal. I. v. 1. 2. 3.

lectus & Voluntas suam operam necesse est conferant. Quod vel oculis subjiciat, modus formandi ac pinfendi panis. In pistoris domo, quò labor sit expeditior, hic ordo inter plures servari solet. Primus massam farinaceam jam subactam vel in panem oblongum, vel in rotundum, vel in spiram format. Alter massam jam formatam ad libram examinat: Tertius in furnum immittit, ubi animam farina accipit. Ita prorsus quæ meditanda sunt, Memoria format, Intellectus ponderat, Voluntas animat.

Duo sunt meditandi genera, Primum est, quod alter alterum docere vix potest. Gloriatur cælestis sponsa, & ipsa sibi gratulatur: Introduxit me rex in cellam vinariam. & Introductam se dicit; quod vini genus gustaverit, non dicit. Rex illi utique non vappam, non fugiens vinum, non acetum propinavit, sed Creticum, sed falernū, sed vinum mensâ regiâ dignum. Huic liquori generosissimo regiâ manu propinato, primum illud & arcanum meditandi genus conferimus, sed quale sit, dicere vix possumus. Gustate & videte. Hanc suavitatem rectius experientia quàm lingua commendat. At verò alterum meditandi genus cujuscumq; statûs hominibus expositû est. Frui potes, quisquis es, modò velis.

Nemo hîc dixerit: Ego litteras non didici; meditari meum non est. Imò verò est omnium, etiam simplicium. Hos Deus hinc neutiquam excludit: Cum simplicibus

fermocinatio ejus. *a* Rex David meditationis amantissimus non sibi aquilæ, sed columbæ alas expetiit.

Ægidius, quod priscei Annales commemorant, è divi Francisci sociis, Bonaventuram illius familiæ supremum magistratum adiit, sermonem in hæc ferè verba exorsus: Vobis litteratis plurimum gratiæ DEUS præstitit, ob quam convenit, vos illi præ ceteris gratos existere: Nos verò illiterati & idiotæ, qui assequi poterimus tam sublimè incedentes? Huic Bonaventura: Satis, inquit, satis abundè nobis omnibus per beneficium & gratiam Deus concessisset, tametsi nihil aliud beneficii præstitisset, quàm quòd omnibus facta est copia ipsum amandi. Ad quæ iterum Ægidius: Num, inquit, analphabetus & simplex tam ardentè Christum amare potest, atque vir intelligens & doctrinis instructus? Quid ais, frater, subjungit Bonaventura, quid hæc quæris? Una simplex vetula plus Deum amare potest, quàm profundissimus Theologiae magister. Ægidius mox inde se propriens, & uti festivè hilaris erat, excurrens in hortum vociferari cœpit: Vetula simplex paupercula, Christum ama, & major esse potes, quàm frater Bonaventura. *b*

Quid igitur hac in re trepidamus? Meditatio non est artificiosa, elegans, articulata mentis agitatio, non est erudita, & humani diviniq; juris scientiâ pollens ratiocinatio,

a *Prova*, c. 3. v. 32.

b *Chronicon S. Francisci parte 1. l. 1. c. 14.*

einatio, sed fervens spiritus cum Deo colloquium, lingua & exterioribus sensibus modestè feriantibus. Et hic orandi modus amicis Dei semper commendatissimus, semper utilissimus fuit.

(. 2.

Ludovicus Blosius rerum divinarum perquam intelligens, ausus est dicere: Precatio exterior, quæ ore tantum funditur, velut palea est; nam interna oratio, quæ funditur mente, ipsum granum est. Si quærat, quæ omnium optima sit oratio? Eodem loco Blosius respondet: Nulla præstantior oratio est, quàm ut quis petat gratissimam DEI voluntatem in se, & in aliis fieri. Hinc Isidorum rectissimè dixisse judicamus: Omnis profectus ex lectione & meditatione procedit.

Dictum hoc mirificè confirmat vir eruditissimus Bartholomæus Torres Theologiae Doctor, Canariensis Episcopus, qui scriptis publicis, his omnino verbis professus liberrimè: Testis est Deus, inquit, quàm ex voluntate meâ ceciderit, ut de Societatis JESU exercitiis seu sacris meditationibus sententia mea postularetur. Cupio enim simpliciter & christianè, quid hæc in re sentiam, palàm facere toti orbi terrarum. Ac primùm ne quis existimet ex privato me quopiam affectu loqui, ajo, me hominem de Societate JESU non esse: quamquam si seriò essem virtutis cupidus,

O 5

dudum.

a Blos. *Instit. spirit. c. 8. mihi pag. 366.*

dudum in eâ, vel in aliâ sanctorum Religionum versarer. Ajo deinde, me satis posse interrogationi propositæ respondere, cum & Societatem ab ejus exortu noverim, & pridem Salmantica cum Ignatio, deinde cum ejus disciplinæ alumnis per familiariter egerim. Ajo præterea, neminem verè ac perfectè meditationum sacrarum vim æstimare posse, nisi seipsum in iis exerceat. Etenim cum totæ referantur ad inferendas animo virtutes, & vitia extirpanda, nemo est, qui virtutis vim percipere, gustumque sentire possit, nisi in eâ prius elaboret. Nimirum longè aliud est litteras scire, & sensa spiritûs percipere, qui præter litteras, actionem, orationisque usum, ac ceterarum virtutum postulat. Me quidem profiteor Compluti ad eam formam meditationibus sacris exercitum, ac Deum testor, triginta annis, quibus versor in studiis sapientiæ, & permultis aliis annis, quibus Theologiam doceo, nunquam ad meam utilitatem didicisse tantum, quantum me sacra meditationes illæ diebus paucis docuerunt. Quòd si cuiquam Doctorum id fortasse mirum accidat, experimentum appello: tentet idem, atque existimabit idem. Neque in obscuro est ratio, quòd priora videlicet studia ad docendum, exercitia verò ad agendum referebam: valdeque interest scire, ut doceas, ac scire, ut facias. Addo cognitos mihi permultos, qui sacras exercitationes illas susceperint, nec tamen cognitum quemquam, qui non pietatis magnum

magnum inde profectum retulerit, palam-
 que prædicârit nihil omnino è mortalibus
 rebus se voluisse iis antelatum. Atque uti-
 nam quanti est ille thesaurus, tanti eum
 æstimare nossemus. Nam cùm tanti sit mo-
 menti oratio ac meditatio propter ratio-
 nem ac viam, quæ hîc commodissima tra-
 datur, multi meditando plus consequuntur
 brevî, quàm alii hoc præsidio destituti,
 multo tempore ac labore. In summâ qui
 cupiat nôsse, quid exercitia sint, pronuntio
 aliud nihil esse, quàm considerare attento
 & quieto animo Capita Fidei, Beneficia,
 Leges & præcepta DEI, vitam & mortem
 Christi, vitam suam antea actam recognosce-
 re, de futurâ statuere. a Luculentum viri
 sapientis ac planè pereruditi de meditando
 fructu testimonium.

a *Historia Societatis parte 1. l. 13. n. 34. usque*
ad 38. mihi pag. 428.

6. 3.

Hebraeus vates Isaias hominem medita-
 tionis studiosum eleganter depingens: Qui
 ambulat in iustitiis, inquit, & loquitur ve-
 ritates, qui projicit avaritiam, &c. Iste in
 excelsis habitabit, munimenta saxorum
 sublimitas ejus: panis ei datus est, aquæ
 ejus fideles sunt. Regem in decore suo vi-
 debunt oculi ejus, cernent terram de longè.
 Cor tuum meditabitur timorem: ubi est
 litteratus? ubi legis verba ponderans? ubi
 doctor parvulorum? a Meditatio homi-
 nem

O. 6

a *2f. c. 33. v. 15. & seqq.*

nem rēverā evehit in sublime, & inter astra collocat. Homo meditationi deditus, quotiescumque vult, cælum perambulat, in excelsis habitat, hīc pascitur, hīc inter Angelos epulatur, nullā spiritūs inopiā laborat: Christum regem non jam in patibulo pendentem, sed in solio residentem interioribus oculis spectat, orbem terrarum veluti nidum fornicarum ex alto despicit, & omne aurum cum terrā suā ridet. Hīc illi oritur inestimabile bonum, quies mentis in tuto collocatæ & sublimitas; expulsivæque terroribus, è cognitione veri gaudium grande ac firmum, diffusioque animi, spesque certa nascitur ea omnia post obitum possidendi. Ubi ergo est in hunc modum litteratus, ubi Legis verba ponderans, qui cupiat cælo inhærere, in cælestia cogitationem defigere, inferorum supplicia speculari, ponderare voluptates æternas? *Iste in excelsis habitabit.*

Sic itaque qui salvus esse cupis & felix, animum tuum institue, ut timorem Dei eiusque observantiam, ut beatorum delicias pœnasque impiorum assiduè commeditaris. Nam absque hoc meditationis studio cetera omnia, quæ amat & admiratur vulgus, non tam evehunt ad sublimia, quàm ad ima deprimunt. Meditatio, ut Gerson loquitur, soror lectionis, nutrix orationis, directrix operis, omniumque pariter perfectio & consummatio; meditatio liquidissima fons lætitiæ. Meditationi assuetus ubique locorum, & quovis tempore orare ac

cum.

cum DEO colloqui novit, veluti citharœ-
 dus, qui parvulam chelyn aut testudinem
 secum circumfert; ubicumque lubuerit, sibi
 canit & Musis.

Claravallensis Apis Bernardus, qui tot
 mellis amphoras cælo detulit meditando:
 Nil, inquit, in hâc vitâ dulcius sentitur, nil
 avidius sumitur, nil ita mentem ab amore
 Mundi separat, nil sic animam contra ten-
 tationes roborat, nil hominem ita excitat
 & adjuvat ad omne opus bonum, & ad
 omnem laborem, quàm gratia contempla-
 tionis. *a*

Nostra hæc minima Societas experi-
 mentis jam creberrimis didicit, eos è suis
 alumnis, qui Meditationis studium cœpe-
 rint negligere, aut brevî religiosæ vitæ re-
 nuntiaturus, aut tales certè futuros, qui
 meritò judicentur è ceterorum consortio
 pellendi. Religiosa Meditatio, quotidie
 cælesti succo animum irrorat, ut tam rebus
 adversis, quàm omnibus vitiis audacter
 resistere queat. Ergo intellectus cogita-
 bundus principium omnis boni. Ergo bea-
 rus vir, qui in Lege Domini meditatur die
 ac nocte.

a Bern. l. de Anima c. 7. sine, mihi pag. 1057.

§. 4.

Hæc autem interior mentis oratio seu
 meditatio, non solum ad eò fructuosa, sed
 & necessaria est. Philosophorum stylo: Ni-
 hil est volitum, quin sit præcognitum. Igno-
 ta.

ta namque non emimus. *a* Amare quidem possumus, quæ nunquam vidimus, sed amare non possumus, quæ nunquam cognovimus. Dilaudat quis generosum ac præstans vinum, auditoris dentes salivâ natant, *b* tametsi vinum illud nec viderit unquam, nec gustaverit. Unde igitur illi hæc fitis? E laudatoris verbis, suavitatem illius nectaris cognovit. Hinc vinum non quidem gustatum, sed laudatum adeoque cognitum sitire incipit. Invisa diligere possunt, incognita non possunt. Hoc ipsum adstruens Gregorius: Nemo, inquit, diligere potest, quod prorsus ignorat. Etenim voluntas nequit appetere nisi bonum, aut certè speciem boni; quid autem in bonis numerandum, quid minùs, hoc illi per considerationem suggerit intellectus. Hinc amamus, quod bonitate credimus commendabile: horremus illa omnia, quæ mali larvam ostentant. Hanc ob causam necessaria prorsus est meditatio; quomodo enim Deum, ut summum Bonum amplectar & diligam, quomodo peccatum, ut malorum omnium extremum malum, averser & fugiam, nisi utrumque cogitando ac meditando intimè cognoscam?

Hinc vates Jessæus David: Præveniant, inquit, oculi mei ad te diluculo. ut meditarer eloquia tua. Et, Nisi quod lex tua meditatio mea est, tunc forte perissem

a Kenn dich nie / lauff dich nit.

b Es wässern ihm die Zähne.

sem in humilitate mea. *a* Succubuissem
 utique inter tot tamque acerbas calamita-
 tes, nisi hoc compendii habuissem, quo-
 tidianis meditationibus fatiscentem ani-
 mum reficere.

Neque huic Regi dies ad meditandum
 suffecerat, nam: Meditatus sum nocte,
 inquit, & exercitabar, & scopebam spiritum
 meum. *b*

Beatus Ludovicus Morbiolus staturæ
 mediocris, præstantis formæ à puero te-
 nacitatis & libidinis sordibus indulge-
 bat. Morbo graviore correptus pristinas
 sordes ejuravit, & totum se Deo tradi-
 dit. Receptâ valetudine assiduis rigoribus
 corpus exercuit, fame siti que adeo con-
 fecit, ut vix ossibus hæreret, & Laterna
 Punica videretur. Plurimos nihilominus
 quotidianis exhortationibus ad virtutem
 mirifice accendit. Pro testimonio dicunt
 Bononia, Mutina, Rhegium, Mantua,
 Ferraria, quas urbes Ludovicus optimis
 monitis ad virtutis cultum provocans, cæ-
 leste præmium & humanæ gloriæ contem-
 ptum identidem ingerebat. Vir iste sanctus,
 ut nihil otio daret, icunculas ex oscillis
 interdii sculpsit; noctu totus fuit in medi-
 tandis Christi patientis cruciatibus. In his
 meditationibus ille ignis exarsit, quem la-
 crymarum aqua magis accendit. *c* In hoc
 homine post juventutem non admodum
 pudicè

a Psal. 118. v. 148. & v. 92.

b Psal. 76. v. 6.

c Sur. tom. 7. die 18. Octob.

pudivè actam, senectutem tam laudabilem subjunxit, oratio interior & assiduum meditandi studium . Omnis sanctimonia vitæ ab hoc fonte profluit.

§. 5.

Et unde Claravallis Abbati Bernardo tam concinnus, tam uber & elegans stylus, quem in scholis numquam didicit, unde illi tam numerosus virtutum chorus? quem à libris haud impetravit, eum certè à meditationibus sacris obtinuit. Unde beato Ignatio Lojolaë, unde matri Teresæ sanctissimæ feminaë tam ardens & divinus spiritus, ad optimas leges condendas, ad alia præclarissima quæque conscribenda, nisi ex hoc ipso meditationum thesauro? Hinc rectissimè dixit beata Teresa: Mentalis oratio, seu meditatio convenit omnibus etiam virtute destitutis; Meditatio principium est omnium virtutum. Et unde hodieque tot religiosæ familiaë tantum pieratis, tantumque scientiarum hauriunt, nisi ex opulentissimo sacrarum meditationum gazophylacio? ubi solius in litteris profectus, aut ceremoniarum, aut cantus ratio habetur, parum solidæ virtutis apprehendetur.

Beatus ergo vir, qui in lege Domini meditatur die ac nocte. Feyerà sine meditandi studio sanctioris vitæ fundamentum nullum est. Scribe sapientiam, inquit Syracides, in tempore vacuitatis: & qui minora-

tur.

tur actu, sapientiam percipiet, quia sapientiam replebitur. *a* Scribe, inquit Et quid scribam? sapientiam scribe ac veritatis notitiam, scribe consiliorum copiam, quibus te munias in omnes eventus, scribe sapientiam in rerum creatarum usu, sapientiam medicam in vulneribus animi curandis. Hæc certè scribimus, cum ea cogitatione attentâ perpendimus. Eruditio & sapientia, inquit Ecclesiastes, vitam tribuunt possessori suo. *b* Ut enim navis clavo, curia consilio, equus freno, sic homo regitur meditando studio. Hoc ablato pleraque omnia violenter fiunt. Quoties vanissima quæque sedulo pertractamus, & quæ animi ac salutis sunt, vix obiter unquam cogitamus. Quisquis considerat sua vitia, profectò non inspicit aliena.

Thales Milesius in contemplandis astris occupatissimus foveam non vidit, in quam corruit. Ita nos stellas examinamus, plurima non necessaria, sollicitâ mente volvimus, & inferorum foveam cæci transimus, leges divinas rarissimè consideramus; hinc earum observatio frigidissima.

Ægyptii hominem ad se non spectantia curiosè indagantem sic depingebant: Terrarum orbem ante oculos, à tergo speculum, vultus iudicem sincerum statuedant, quòd hic talis se neglecto cetera omnia solerter investigaret.

Heu quoties noxæ commissæ mentem, quidem feriunt, sed non penetrant, solius medi-

a Eccli. c. 38. v. 25. *b* Eccles. c. 7. v. 13.

meditationis defectu. Peccata velut catapotia seu pillulas melle tinctas, vel crustulis involutas a glutimus, nec veram amaritudinem sentimus, quia peccati foeditatem meditando non expendimus.

Theologiæ Phœbus Thomas Aquinas, qui scientiarum omnium capacissimo fuit ingenio, dicere solebat, unicum esse, quod nec intelligere, nec ullo modo posset capere, quâ tandem ratione fieri posset, ut homo in peccato letali constitutus ridere unquam latius, aut quamcunque voluptatem ex ullâ re percipere in animum induceret. *b* Res certè difficilis captu, quando talis minimè fallaci fide credit, illum æternæ mortis, & flammarum fore nutrimentum, qui mortiferi peccati reus moritur, nec hominum quemquam ullo temporis momento à morte securum agere.

Cur oro, Damocles ad mensam regiam, ad epulas exquisitissimas tam mœstus accubuit, ut nec hilariorem quidem oculum erigeret, ubi alioquin ipsa viveret hilaritas? Viderat infelix parasitus fulgentem, & è setâ tenuissimâ pendentem gladium suis cervicibus imminere. Hinc deliciarum omnium magnificentissimus apparatus nauseæ fuit & horrori. Maluisset Damocles esurire, quàm ita periculosè prandere. Tremuit miser; quia mortis viciniam consideravit: risisset, si gladium non vidisset. Ita homines noxis gravioribus implicati
more

a. In Oblat eingewickelte Willen,

b *Histor. Ord. S. Dominici part. 1. l. 3. c. 37.*

more phreneticorum securissimè ridet, quia propinqua supplicia non vident, non cogitant, non timeant, meditando non contrectant. Hinc hilaris furor, hinc secura & suavis insania. Ita Nabal homo fatuus jam morti destinatus, post dies decem moriturus, inter epulas tamen tripudiabat ebrius; Cor Nabal jucundum. Pauculis post diebus funus, umbra, cinis. Cumque pertransissent decem dies, percussit Dominus Nabal, & mortuus est. *a* Beatus ergo vir qui in lege Domini meditatur die ac nocte: cor suum tradet ad vigilandum diluculo ad Dominum. *b* Meditatio virtutis principium.

a 1. Reg. c. 25. v. 36. & 38.

b Eccli. c. 39. v. 6.

CAPUT VIII.

Quomodo mente orandum, seu meditando sit.

O Rator Græcus Demosthenes, eloquentiæ consultus, & ad dicendum paratissimus, firmitate tamen vocis ac vigore ita caruit, ut ob languentem ac puerilem vocem non semel explosus, in hæc denique verba proruperit: Histrionem è voce, oratorem è mente par est judicare: Mimus aut jocolator scenicus, Medicus circumforaneus, *a* Præco publicus sint Stentores; Orator, si polleat intelligentiâ, & ingenio, tametsi voce careat, non rejiciendus.

In.

a Zambrecher.

In nostrum usum trahimus hæc Demosthenis verba, Oratorem è mente judicare par est. Eodem ferè modo hominem Christianum tamquam orationis studiosum non laudabimus, quantumvis volubilem, promptam, celerem, facundam habeat linguam. Hominem cælestis Rhetoricæ gnarum è mente judicare par est. Nam mentis oratio longè nobilior ac præstantior, longè utilior & efficacior, quàm ea, quæ oris est & linguæ.

De oratione hac loqui coepimus; dictum quid meditatio, & quàm utilis ac necessaria sit virtutibus comparandis. Nunc porò dicendum, quid & quomodo meditandum sit?

§. I.

Solymæus Rex David orando suaviter inflammatus: Concaluit cor meum, inquit, intra me, & in meditatione meâ exardescet ignis. ^a Homo parci sanguinis & frigidus, modò manus, modò pedes quæritur gelu rigescere, nec unquam ferè totum se incallescere, nisi cùm plumea lectuli fornax calorem aspirat. Ita pœnè potentissimus Regum locutus: Ego, ait, inter tot regni mei negotia, multum tædii ac fatigationis sentio, hinc circa Numinis cultum animi frigus sequitur ac languor, sed in meditatione meâ resumo vires, & mentem frigidam accendo. Hic pii spirant calores, hic ignes & flammæ cælestes vivunt. In meditatione seipsum recipit homo, quem alibi amiserat.

^a Psal. 38. v. 4.

rat. Quid autem meditandum est?

Primum omnium, *Notitia sui*. Hic quaestioni locus: Quis es tu? licet enim vel centum annis è cathedrâ clamet Ecclesiastes: Nosce teipsum, ô homo, nosce; frustra tamen tot cohortationes sunt, nisi sequantur Meditationes. Qui seipsum nosse cupit, seipsum sibi proponat, cum omnibus nævis ac vitiis suis, dicatque ipse sibi: En talis es, tam inops virtutis, tam dives vitiorum, tam torpidus & frigidus in obsequiis divinis, tam alacer & agilis in Mundi servitiis; novum quotidie noxarum catalogum tenis; & nulla emendatio. Ubi tua Humilitas, ubi Patientia, ubi Charitas, ubi tua est Temperantia, & ubi Castitas? si quid forsitan virtutis habes, id mille vitiositatibus corrumpis. Interim tibi tam pretiosus es, ut ab omnibus honorari, & auctoritatis magnæ haberi cupias. In hac suimet contemplatione eò deducitur, qui seipsum scrutatur, ut tandem dicat, abyssus abyssum invocat. Ego abyssus malitiæ, abyssum bonitatis Deum invoco. Hæc copiosissima in annos plures materia est meditandi. Consideratio sui, agebat mater Teresa, sit quotidianus panis noster.

Alterum quod meditandum, *Humana vita, Mundus, & innumera Mundi fallacia*. Hic intellectus expendat, quanta sit vitæ non solum brevitatis, sed & fragilitatis, vanitas, inanitas, & quæ unico mortis afflatu, omnis dignitatum, divitiarum ac voluptatum vigor ac vita expiret, momento clau-

claudantur omnia, & quæ diu steterunt, subito ruant; quomodo vanissimi conatus hominum in triste nihilum relabantur. Hic animum subibit, quàm verum sit regii vatis oraculum: Perit memoria eorum cum sonitu. ^a Æs campanum grandius ad duo miliaria sonum propagat incredibili vi ac celeritate. Quandoque viri duodecim eandem trahunt campanam, subito illorum unus campanæ linguam, seu clavam excipit, & repente silet æs loquacissimum, quod tanto fremitu imperabat aëri & nubibus. Hæc rerum vanitas est, hanc animo infigat meditatio. Juvabit etiam per exempla ire, & sibi ipsi dicere: En hunc dominum, & hunc etiam & illum, & tot alios novi, velut æra campana longè lateque sonantia, nunc ubi sunt, & ubi sonus illorum? Perit memoria illorum cum sonitu. En tot Luciferi repente præcipitati è mundi cælo. Hæc mente accuratius reputanda.

Tertio loco meditationi subjicienda sunt capita Christianæ Fidei, Oratio Dominica, Angeli salutatio, Apostolorum symbolum, Decalogi præcepta, septem capitalia peccata, exteriores quinque sensus, septem insigniora misericordiæ paradigmata, & quæ hujus generis sunt. Hæc membra cum ordine consideranda, & aliud ex alio deducendum.

Quartum, quod in meditationem venit, est Dei gubernatio, & œconomia ab orbis incunabilis petita, qualia sunt creatio pri-

^a Psal. 9. v. 8.

primorum hominum, excidium orbis & diluuium, Pentapolis incendium; ita sensim ad ævum Abrahami eundum. Ab hoc ad Mosis, & Israëlitis ex Ægypto egressum, inde ad Davidis Regis tempora, ab his ad Christi servatoris infantiam meditatione perveniendum. Et quanta in lege veteri miracula meditati ultrò sese offerunt?

Quintum est, tota Christi Domini vita: Exordium fiat à Nazarethanis mysteriis inter Virginem & Angelum tractatis, inde ad stabulum & gramineas cunas nascentis Christi veniendum. Subjungatur octava Sanguinis & sanctissimi Nominis dies. Hunc sequatur Regum adoratio, in templo infantis oblatio, repentina in Ægyptum fuga, Herodis furor totque puerorum cædes. Deinde Christi per annos triginta latentis summa Humilitas inspicienda. Ab his meditantis cogitatio Hierosolymanum proficiscatur, & omnia Patientis Domini mysteria ordine consideret, usque ad obitum in cruce, & supremos funeris ac tumuli honores. Inde reditus ad vitam, & ingressus cæli commeditandus. Hæc omnia documentis & affectibus optimis plenissima.

Sextum, Quatuor hominum novissima, Mors, Judicium, Inferi, Cælum. Hic Oceanus immensus, cujus quidem initium videre, sed finem & extremos terminos conspiciere non possis.

Septimum, Divina oracula, & sacra tam prisca quam novæ legis volumina. In his

his non singulæ solùm sententiæ, sed & verba singula, velut piperis aut sinapis granum, vim miram sensûs reconditi tegunt. Hæc Dei effata & dictata sunt. Ex his præcipuè considerationi admoveri possunt, Ecclesiastes, Ecclesiasticus, Liber Sapientiæ, Psalmorum carmina, Salomonis proverbia, & potissimùm quicquid ad novæ legis disciplinam pertinet. Hic abundè satis est, quod Meditatio complectatur. Accedunt insuper libri, qui ea, quæ diximus, pleraque omnia in certum ordinem digesta & explicata, veluti mansum cibum meditaturus ingerunt. a

Diximus, quid meditandum sit. Progre diamur, & quomodo meditandum sit, compendio porò dicamus.

a *Quales sunt 6. partes meditationum Lud. de Ponte. Anton. Sucq. Via vita aeterna, Vincent. Bruni, Petri Cotoni, Caroli Scriban, meditationes de omnib. Fidei, & Christi mysteriis.*

§. 2.

Meditari discet, rudis etiam ac simplex, non ingeniosè multa percurrendo, sed pauca meditatè legendo, sumat aliquem è melioribus librum seu de Imitatione Christi, sive de Contemptu Mundi, seu sacra Evangelia, sive Apostolorum scripta, in his duos trèsvè, quatuorvè, plures pauciores versus legat, & quod legit, exputare incipiat in hunc modum: Quid hic præcipitur, quid veratur? quos ista spectant? qui ego hæc

L I
 Le serva
 ta pa
 cestium
 t bibere
 gras for
 tucunt
 t, iter
 be est
 be affe
 tionem
 diat in
 tinuò
 restitu
 medit
 e med
 imus,
 m. Un
 gant se
 me me
 mus, ut
 ta non
 m cum
 ad efficit
 sit, & in
 alligat
 tionem.
 gitur.
 Brevissi
 as. Cù
 o quat
 mplect
 medita
 Bern. ep
 pag. 10

hæc servavi, qui servabo in posterum?

Ita paulatim initiandus animus rerum
caelestium gustulo, quemadmodum galli-
næ bibere solent; quæ ubi pauculas aquæ
guttas forbuerunt, mox caput attollunt,
reducunt, bibuntque denuò, iterum id eri-
gunt, iterumque submitunt. Hauriendus
sæpe est, inquit Bernardus, de lectionis
serie affectus, & formanda oratio quæ
lectionem interrumpat, & non tam im-
pediat interrumpendo, quàm puriorem
continuò animum ad intelligentiam lectio-
nis restituat. Lectio sine meditatione arida
est; meditatio sine lectione erronea; oratio
sine meditatione est tepida. *a* Hinc rectè
dicimus, lectionem orationis esse soro-
rem. Unde iis consultum credimus, qui
negant se quidquam succi melioris ex ora-
tione mentis elicere posse; his enim sua-
demus, ut libellum pium arripiant, legant,
lecta nonnihil expendant, atque ita lectio-
nem cum oratione conjungant. Ex quo
illud efficitur, ut nec meditandi materia
desit, & intellectus verbis sententiisque li-
bri alligatus, minùs evagandi habeat oc-
casionem. Ita & legendo oratur, & orando
legitur.

Brevissimum ejus rei paradigma subjici-
mus. Cùm meditatio plerumque tria, non
rarò quatuor, quinque, plura etiam capita
complectatur, concionem Christi de semi-
ne meditandam sumamus.

P

Caput

*a Bern. epist. ad fratres de Monte Dei, mihi
pag. 1030. & de modo orandi pag. 1131.*

Caput primum meditationis est Seminar. Alterum, Semen. Tertium, Terra semini exposita. De primo Christus ita loquitur: *Exiit, qui seminat, seminare semen suum. Hæc dicens, clamabat: Qui habet aures audiendi, audiat. a* Quis seminator iste? Primus omnium Christus, ab hoc Apostoli, ab his Episcopi, ab istis Sacerdotes, alter ex alterius manu accipit, quod seminet.

De secundo dicitur: *Semen est verbum Dei. b* In Christianorum templis ad circumfusam concionem, non tantum Evangelium prælegitur, sed & explicatur: quod utrumque divini verbi nomine censendum, tam Evangelii prælectio, quam prælectionis expositio. Quod dilucidè demonstramus. Christi assertio est: Omnia, quæcunque dixerint vobis, servate, & facite. *c* Idque probat Dominus his verbis: Super cathedram Moysi sedent. Ita prorsus qui in Catholicâ Ecclesiâ in Apostolorum cathedrâ sedent, ii genuinum semen, verbum divinum spargunt, servate, & facite, quæcunque dixerint vobis, quamvis ipsi seminatores mali, quamvis pessimi sint; & nec servent, nec faciant, quæ dicunt. Quia semen Apostolorum suggestum, licet eo indigni, occupant, semen probatum, Dei verbum terræ commendant. Paulus non humanas voces, sed divinos iussus attendendos scribens: Cum, inquit, accepissetis à nobis verbum auditus Dei, accepistis illud, non

a Luc. c. 8. v. 8. & 8. *b* Ibid. v. 17.
c Matth. c. 23. v. 2.

non ut verbum hominum, sed (sicut est verè) verbum Dei. *a*

Tertium hujusce meditationis caput est Terra, quæ quadruplici discrimine noscenda proponitur. Nam quod spargitur in viam, transeuntium pedibus conculcatur, aut ab avibus devoratur: quod in petram cadit, exsiccatur & arefcit: quod in spinas jacitur, jam ortū suffocatur: quod terra bona recipit, hoc crescit, & copioso fenore multiplicatur. En tria meditationis capita. Hic seipsum, qui hæc meditat, interroget: Et qualis ego sum terra? Quoties, quàm attentè, quo fructu conciones audio? an ullus diabolo ad me accessus est? Tentationibus què resisto? an nihil in corde meo pullulat spinarum? an sollicitudines, divitiarum, voluptates, succrescens in me semen non suffocant? num ego in illorum numero sum, qui in corde bono & optimo verbum retinent, & fructum adferunt in patientiâ?

Quod si virtus, aut vitium, aut sententia meditatione sit perscrutanda, pari modo tria quatuorve, aut plura meditationis capita, sumantur. Exemplo erit dominicum dictum: Et fructum afferunt in patientiâ.

Primum hinc caput: Quæ vera est patientia: qui gradus illius concendendi, ut non patienter solum, sed & libenter, sed & hilariter adversa tolerantur.

Secundum, quid promissi habet patientia, quid acceptura est præmii, à quo,

P 2

qui-

quibus pactis, quàm certis conventis!

Tertium, quoniam hominum patientissimi fuerunt, quàm id arte affecti, qui sese ad toleranda quævis accommodârunt, quàm ego ab illis longè absum? & quomodo deinceps illos imitabor?

Ex eâdem Domini concione de faciendâ semente tertiam quoque meditationem sumimus, cujus hæc sint capita.

Primum, *Cùm turba plurima conveniret, & de civitatibus properarent ad eum.* Habebat Christus Dominus circum se non quidem exercitus ferocium militum, sed ingentem turbam devoti populi, & perpetuum multorum millium comitatû. Tanta enim erat undique appropertantium ad *JESUM* multitudo è totâ Iudæâ, Galilæâ, Idumæâ, è Tyri & Sidonis finibus, è regione ultra Jordanem, ex universa Syriâ, aliisque vicinis regnis, ut ubique multa hominum millia cernerentur; adeo ut credendum sit, nusquam non octo minimum vel decem millia hominum, plerumque aliquot myriades apud eum congregatas. Nimirum tam densa populorum agmina è singulis urbibus ad Dominum *JESUM* properârunt, ut subinde ad mare se recipere, & ne à conglobatis ac irruentibus turbis comprimeretur, de navi concionari cogeretur, unde multitudinem in littus velut in theatrum effusam commodius alloqueretur. a

Secun-

a Ita expressè Lucas c. 12. v. 1. ἐπισυναχθῆσαν μυριάδων ὄχλων.

Secundum meditationis caput, Apostolorum quæstiones: *Interrogabant autem eum discipuli ejus, quæ esset hæc parabola?*

Tertium est, Christi responsum: *Vobis datum est nosse mysterium regni, ceteris autem in parabolis; ut videntes non videant, & audientes non intelligant.*

En in meditationem triplicem, en novem capita meditationi proposita. Eadem ceterorum est ratio. Ita nascentis Christi præsepiolum distinctis meditationibus expendendum. De quo, si vita suppetat, considerationes complures spondeo. Ita morientisoloris cantum, seu, Domini J. s. v. in cruce pendentis orationem septemplex promitto. Reverà in considerandis his mysteriis nova semper cogitandi materia subjicitur. Ferri, argenti, & multò magis aurifodinæ tot vulneribus sauciantur, tot cuniculis suffodiuntur, toties eorum viscera diripiuntur, ut tandem penitus exhauriantur, & metallatis a nec auro, nec argento, neque ferro amplius respondeant: Non eadem hic egestas est; in his meditandi fodinis ad fundum nunquam penetratur: hic fossori semper respondent veæ; in his alveariis mel semper redundat; ex hoc lecytho nunquam non fluit oleum: Et lecythus olei non imminuetur. *b* Verùm hic documenta paucula subnectimus.

P 3

1. In

a Den Bergtnappen.

b 3, Reg. c. 17. v. 16.

1. In meditatione plurimum iuvat imaginatio, si quis illius potens ab illâ ipsâ principium meditandi ducat. Exempli gratiâ: Christi nascentis mysterium tantò quis melius expendet, quantò illius imaginem potentius comprehenderit. Qui meditatur, in ipso divinissimi infantis antro se credat agere, cernat animo matrem Virginem, & Iosephum Nutricium, lectulum & pannos pueri tangat, thus stabuli olfaciat, pastores accurrentes salutet, Angelos praesentes existimet, vagitus & lacrymas infantuli observet, cum omnibus colloquatur. Ita prorsus sub meditationis exordium, imaginatio alliganda, ne huc illuc evolans orantem turbet. Siquidem tantò erit felicior meditatio, quantò ad rem praesentem collectior imaginatio. In hac loci situs, hominum affatus, & omnium quae illuc pertinent, imago & aspectus est constituendus. Hac antecepta in animo rei informatio, & utilis, & necessaria est. Hac visa cogitationes sequentur non invitæ.

2. In promptu sint Meditationis capita seu tria, seu quinque, plura pauciora. Hæc ordine & particulatim excutienda sunt. Neque opus hîc multo artificio. Nam ejuscemodi cum Deo colloquia non convenit esse artificiosa. Beata Teresa, Quid sit Meditatio, interrogata: Meditationem esse

esse censeo, inquit, per intellectum circa rem aliquam discurrere. *a* Ut si Christum in Oliveto vinctum meditemur, singulæ hujus spectaculi partes intuendæ. Hostilis in hortum irruptio, Iudæ osculum & salutato-
 tario, Christi mansuetissimus sermo, Cohortis trina prolapsio. Violentia militum & aggressus, Præfervida Petri manus, Amputata Malchi auricula, Sindon adolescentis relicta, Apostolorum fuga, Christi jam vinculis onerati deductio. In singulis non nihil cogitando insistere, nemini difficile. Et videte obsecro, quàm in commeditandis nequitiiis prompti & parati simus. Est, qui injurias persequi, & ex aliquo paret ultionem petere. Hic ita meditatur sicut aranea: Ego casses meos expendam solertissimè, incidet in eos inimicus meus, quo non putaverit die. Hæc tamen techna cautè instruenda est. Principiò eum, apud quos potero, exosum reddam; occasionem deinde subministrabo, quâ id loquatur, cujus ipsum pœniteat; ita suis eum verbis irretiam, & irretitum configam. Si actus hic minùs succedat, hoc illòve modo rem aggrediar, tantâque curâ exitus viarum omnes obsepia, ut non possit non incidere in manus meas; nam etsi unum alterumve artificium è meis eludat, non eludet omnia, ita urgebo hominem, sic insistam nutanti, sic impellam ruentem, ut prædam cassibus meis obvolutam certò nanciscar. En
 ara-

a Parte 2. operum in Castello anima. Mans.
 6. c. 7. mihi pag. 268,

araneam, ut filum è filo ducit, ut meditationem meditationi necit, quàm promptè, quàm feliciter, quàm ingeniosè consilia consiliis confuit. Itane tam prompti sumus meditando in nostram perniciem? tam expeditè animum versamus per omnia, cum nocendum est? Et non possimus Christi Patientis & Morientis beneficia meditando expendere? Serve nequam, ex ore tuo, & ex consiliis tuis te judico.

3. Ubi ergo Memoria & intellectus, quod partium suarum est, fecerint, tum Voluntas etiam officio suo debet fungi. Nam ubi aliquis meditando agnorit, quid sibi faciendum, tunc voluntas concitanda & impellenda est, ut exequi velit, quod exequendum judicaverit Intellectus. Hic juvenit ad Christum se vertere, illum alloqui, illius opem implorare. Quod tantò rectius fiet, quanto ferventiùs varios in se Humilitatis, Patientiæ, Charitatis, grati ac devoti animi affectus excitaverit. Hos omnes possunt, ii etiam qui scitè ac subtiliter ratiocinari non possunt. Nam ut quis neat ac sacciat, opus est acu, licet acus nihil consuât, sed filum. Fatuus certè sit, & vel die integro frustra se fatiget, qui solam acum-filo non immisso, iterum iterumque ac millies per telam traheret. Vix aliud facit, qui solum Intellectum per diversa trahit, desideria tamen & ignavam Voluntatem ad calida desideria non impellit: Meditatio est acus, sed filum est Voluntatis affectus; hoc filo conjungimur Deo.

Dixe-

Div
loqui
Aliud
turnu
locuti

4.
medi

tarda

Hic

chunt

bi vis

Vestit

perat

petit

suit

quili

agiter

quod

quod

stat.

sui, ac

& ma

non

illum

dum

cumf

anim

dus e

vel ve

ignem

jugi

a M

b

cL

Dixerat Christus : Orantes nolite multū loqui. *a* Quę verba dilucidans Augustinus : Aliud est, inquit, sermo multus, aliud diurnus affectus : Absit ab oratione multa locutio, sed non desit multa precatio. *b*

4. Ad illud præcipuè collineandum in meditatione, quod quemvis maximè retardat, quò minùs in virtutibus proficiat. Hic rei scopus est. Cùm Christus Hierichuntinum cæcum interrogasset : Quid tibi vis faciam ? Ad ea mendicus non dixit : Vestibus indigeo, fami panem peto, paupertati pecuniam rogo. Sed unum illud petiit, quod sibi magis necessarium censuit : Domine, ut videam. *c* Ita prorsus quilibet in meditatione id potissimùm agitet, id à Deo impetrare contendat, quod sibi magis necessarium existimat, quod singulariter incremento virtutis obstat. Est, qui deprehendat in se pretium sui, ad alta nititur, ubique conspicuus esse, & magnæ haberi auctoritatis cupit; vota non assecutus turbatur & indignatur. Hoc illum à cælo revocat. Hoc igitur cogitandum sapius sumat, huic malo remedia circumspiciat; Humilitatem dies noctesque animo volvat, Humilitatem precibus assiduis exposcat. Alius impatientiã plenus, vel verbulo læsus, vel digitulo impulsus ignem & venenum vomit. Iste Patientiam jugi meditatione familiarem sibi reddat.

P 5

Alius

a Matth. c. 6. v. 7.

b Aug. epist. 121. ad Probam.

c Luca c. 18. v. 41.

Alius iudicii sui tenacissimus est, & se uno excepto neminem non falli credit. Et iste quidem huic nāvo abstergendo vacet meditatione quā creberrimā. Est, quem libido & carnis petulantia infestet? Hic omni studio puritatem animi & castimoniam meditationibus perpetuis condiscat, neque hic quidquam remittat, aut mali gravitate victus succumbat. His talibus malis nunquam cedendum est, etsi annis triginta, etsi quadraginta vel quinquaginta parū videatur meditatio promovisse. Is solum hinc vincitur, qui recusat amplius pugnare. Ita suū quisque ulcus Meditatione velut scalpro incidat, & eādē velut malagmate apprissimo persanet. Quemadmodum qui in pharmacopolio est, non ex obvia quāvis pyxide suo morbo pharmacum depromit; ita suo quisque vitio, quod infestius experitur, medicinam nōrit facere. Ille suam Superbiam, iste Libidinem ac Luxuriam suam, hic suam Iracundiam aut invidiam, hic verò Gulam & perpotationes suas sub jugum mittere nitatur; si quem avaritia, si quem desidia aut somnolentia in pravum trahat, has ipsas vitiositates expugnare contendat. Scientia Sanctorum actuosa & practica est; & quod Ambrosius dixit, Meditationis finis, operatio.

§. 4.

Quia verò Memoriam, Intellectum, Voluntatem meditandō diximus exerceri, eius
rei

rei luculentum paradigma subjiçiemus.

Luctuosissimam Luciferi & apostatarum Angelorum tragœdiam expendamus. Memoria primis his laboribus fungatur, & supremum venustissimumque Angelum statuatur aspiciendum. Erat is spiritus multo nobilissimus, Deo proximus, tantum non Deus, omnium gemmarum pretio nitentibus, supra omnes felicissimus, suam finem felicitatem. Sed quia se cum suis homini Christo subicere recusabat, cœlo præcipitatus est in gehennæ barathrum, æternis ignibus cruciandus, Dei hominumque hostis capitalissimus, peccati & mortis auctor.

Hic igitur ruinam Angelorum miserandam, & exilium tristissimum, quia sempiternum, Memoriam complectere.

Memoria succedat *Intellectus* super re propositam ratiocinando in hunc modum: Si Deus Angelorum Antesignanum & omnes criminis socios ob unicū superbū *NOLLE*, suppliciis immortalibus, plagam incurabili, flammis sempiternis, sine ulla spe gratiæ sic punit: quid tu vermicule, quid vilis homuncule tibi aliud polliceris? quibus es addicendus tormentis, ob commissa in Deum tot flagitia? Pomi vetiti morsus parentes tuos paradiso expulit, Angelos cogitatio superbior cœlo dejecit. Vix esse ac vivere cœperunt, & ad mortem damnati sunt. Tu sceleribus diversis oberatus quā tandem poenā mulctaberis? Non Angelis, non Protoplastis parsum est vel semel delinquentibus,

& tibi tot leges innumerabili noxâ violanti parcendum somnias ?

Intellectui succedat *Voluntas*. Hæc ubi à Memoriâ & Intellectu didicit, quæ peccati sit atrocitas, seipsam concitet, doleatque Deum tot suis flagitiis offensum, & hoc jam unice velit, irato Deo satisfacere. Hic quisquis es, cum Rege lacrymabundo vociferare, Miserere mei Deus, miserere. Cum suspirante Augustino clama: Recordari volo transactas foeditates meas, corruptiones animæ meæ, non quod eas amem, sed ut amem te Deus meus. Amore amoris tui facio istud, recolens vias meas nequissimas in amaritudine recogitationis meæ, ut tu dulcescas mihi dulcedo non fallax, dulcedo felix & secura. *a*

Hic is, qui meditatur, annales vitæ suæ relegat, historiam longam, sed prorsus foedam. Heu quot absurda, quot stulta, quot obscena, non solum cogitata, sed dicta & facta? Hic opportunum erit ex Augustino quærare: Quid est peccatum? Rem istam sapius suis momentis ponderans Augustinus: Quæsiui, ait, quid esset iniquitas? Et non inveni substantiam, sed à summâ substantiâ à Deo detortam in infimam voluntatis perversitatem. *b* Quid igitur est peccatum aut peccare? Æternæ rationi remerè obistere, divinæ providentiæ reluctari, & omnem turbare ac invertere rationem. Quid est peccatum? Audacia projectissima, quæ favores Dei spernit, & abjicit,

a Aug. l. 2. Conf. c. 1. *b* Idem l. 7. Conf. c. 7.

abjicit, quæ omnia auxilia divina negligit,
 & repellit. Quid est peccatum? Margarita-
 rum & unionum, gratiarum & donorum
 cælestium, sanguinis à Christo tusi & hau-
 sti vomitus. Quid est peccatum? Omnis
 ordinis inversio, orbis universi perturbatio,
 rerum creatarum omnium luctus aut in-
 teritus. Quid est peccatum? Belluarum om-
 nium immaniissima, monstrorum omnium
 monstruosissimum, quod litteras, quibus
 homini jus cæli transcriptum, lacerat, &
 Christo in os contumeliosissimè projicit.
 Quid est peccatum? Avernale prodigium,
 quod Christi promerita repudiare, Chri-
 stum crucifigere, Christi sanguinem calca-
 re audet. Quid est peccatum? Summum &
 unicum orbis malum. Tolle peccatum, &
 nullum nobis malum nocebit. Sed quæ-
 ramus ulteriùs: Et quis es tu, qui peccasti?
 quantus es Angelo, quantus es toti cælo
 comparatus? Heu cinis, umbra, nihil. Et
 quantum est cælum cum Deo composi-
 tum? Nihil. Tu igitur quis eris collatus
 Deo? Heu longè minus nihilo. Exurgat hîc
 voluntas, & in seipsam excandescat. Hîc
 exclamandi locus: Pater, peccavi in cælum
 & coram te; jam non sum dignus nomina-
 ti filius tuus: *a* Minor sum cunctis misera-
 tionibus tuis. *b* Sed statuo firmissimè, tuis
 deinceps legibus parere.

Hoc modo Memoriam, Intellectû & Vo-
 luntatem exercet Meditatio. Cæterùm mo-
 dus orandi optimus est, quem subjiciemus.

Refert:

a Luc. 6. 15. v. 21. *b* Gen. 6. 32. v. 10.

Refert Ioannes Gerson, eximium Dei servum dicere consuësse: Quadraginta jam anni decurrerunt, ex quo summis studiis artem orandi condiscere conatus sum, atqui toto hoc tempore meliorem ac succinctoriorem, nervosiorēque orationis modum non deprehendi, quàm eum, quem infantes & mendici me docent. Cùm pauper scholasticus ante ædes, nescio quod triviale carmen decantavit, quantâ patientiâ, quo flexu oculorum, quâ submissione expectat, dum nummulus cupreus, aut panis frustillum per fenestras projiciatur, nec expostulat, cur non panem integrum; cur non gallinam assam, aut potiùs philippeum deficiant: gratias agit de obolo, de pane mucido. Ita mendiculi volantem rhedam pavido cursu sequuntur, & panem adorant, dum interim scutellam ligneam exporrigunt, ut vel infimæ monetæ assem accipiant. Nonnunquam post expromptam omnem eloquentiam, post fatigationem sterilissimam vacuâ redeunt scutellâ, nec tamen alios atque alios rogare desinunt. Ita ego, aiebat ille, instar infantis fari nescientis, aut instar mendici centonibus operti, fame confecti, scabie horridi, ope omnium destituti, Deo meo me sistam, & causam meam cum verbis, tum gemitibus ac lacrymis perorabo.

Quam orandi formulam Monarchæ sanctissimo

ctissimo Davidi perquam fuisse familiarem, è psalmis compluribus manifestum. Nam modò pàuperis, modò ægroti, modò vulnèrari, modò mendici, modò spoliati personam induit. Oratio mendicorum optima. Oratio humilitate vestita displicere non potest. Testis loquitur experientia non paucos hęc orandi formulâ ad insignem vitæ sanctimoniam pervenisse. Ah imitemur. Facillima erit hęc imitatio volenti.

Extat de frequenti Communione liber viri religiosi è D. Brunonis familiâ manuscriptus. Hic de beato Ignatio eiusque sociis copiosius narrantur, quæ in compendium confero. Ibat Ignatius cum suis pedes Bârcinonam, suas singuli sarcinulas gestabant. Quibus vir nescio quis, occurrit, impensè rogans, suâ quisque sarcinam sibi in eam rem satis robusto traderet. Negant socii, urget alter & instat importunior, ne cui videretur hoc onus minùs seriò deponere. Et verò abiturum se negat, dum annuerent in hanc vitæ societatem. Tam amicis precibus victi cesserunt tandem, quòd hominè lacertosum ac validū viderent. Ita iter institutum proseguunt. E via digressi ad hospitium, singulos sibi angulos delegerunt singuli, ut tantò quietior esset oratio, quantò remotior à turbâ & colloquiis. Videt hoc itineris comes, sarcinarum bajulus, & sociorum factum æmulatus, fixis humi genibus, ut potest, orat. Post orationē socii quadrâ minimè lautâ refecti, eodem comite resumunt iter, dumque diversa inter
se

se ultrò citròque sermocinantur, quarunt ex homine, quidnam in angulo illo latitans fecisset? Quibus ille candidè: Hoc, inquit, solum habui dicere: Domine Deus, hi viri sancti sunt, & ego jumentum ipsorum cellarium, ^a quod ipsi dicunt & faciunt, hoc & ego. Subjungit verò scriptor, virum illum adeò profecisse ab hoc orandi proluvio, ut sublime ac rarum orationis donum sit consecutus. Et quis simili orationis formâ non possit uti?

Quisquis ad virtutis celsas ædes eniti cupit, hoc calle incedat, alioqui eò, quò destinavit, non perventurus. Absque meditatione animò nil satis infigitur. Gustate & videte, quoniam suavis est Dominus. ^b Gustamus & videmus meditando. Quoties è templorum cathedris illud intonat: Considerate quæ dicuntur, considerate. Considerate vehementer, clamat Hieremias, & videte, si est factum hujuscemodi. ^c Aspiciete & considerate. Quoties Christus ipse hortatur: Considerate corvos, considerate lilia agri: Non considerat qui non meditat, & voluntatem impellit, ut quorum Intellectus notitiam accepit, eorum opus exhibeat voluntas. Divinorum Meditatio ad virtutem imò ad cælum non fallax semita est.

^a Samarrosi.

^b Psal. 32, v. 9.

^c Hier., c. 2, v. 10. & c. 5, v. 1.

CAPVT IX.

Quam utilis ac necessaria sit Orationis & mortificationis mixtura.

Guilielmus Abbas Bernardi Clara-
vallenſis ſanctiſſimos mores deſcri-
bens: Mirabatur, inquit Carthuſia-
norum Prior, quòd Dei famulus Bernardus
foris oculos ita circumcidiffet, intus ani-
mum ita occupaffet, ut quod ipſe primo
aſpectu offenderat, hoc ille tanti itineris
ſpatio non vidiffet, quo nimirum equo, quo
ephippιο uteretur. Sic etiam, ait, juxta La-
cum Lemaunum à totius diei itinere proſi-
ciſcens, eum penitus non vidit, aut certè
ſe videre non advertit. Cùm enim vespere
de eodem lacu ſocii colloquerentur, inter-
rogabat illos Bernardus, ubinam ille lacus
eſſet? Quam interrogationem nemo non
plurimum mirabatur. *b* Quòd ſi vir iſte re-
ligioſiſſimus, ad eò in ſuà ſtatione oculos
continere, ad eò ſanctis cogitationibus
mentem diſtinere potuit, indubiè cum Deo
permanenter & attentè colloqui novit.

Bernardo hac in re jungendus Franci-
ſcus Aſſiſias, qui grande piaculum cenſuit,
inter precandum aliena à precibus cogita-
re: quòd ſi tale quid ipſi contigiffet, mox
ſacrà Confefſione id ſtudit eluere: hinc
ab ejuſcemodi muſcis rarò infeſtabatur.
Sub vernum jejunium, vir ſanctus vaſcu-
lum.

a Joſanner Genſſer Sec. *b* Guil. in vità S. Bernardi l. 3. c. 1. fine.

332 RHETORICA CAELESTIS.

lum concinnârat, otio vitando. Sed eo ipso tempore quo preces canonicas recitârat, arcula illa lignea diversis cogitationibus precantis animum laceffivit; idcirco eam Franciscus mox in ignem abjiciens: Illi, aiebat, hoc vasculum sacrifico, cujus sacrificium turbavit. Nempe intellexerunt hi viri sanctissimi, quid oratio attenda, & quàm ea sit necessaria. Et idcirco nos istud laboris exhaustimus, ut ostenderemus caelestem Rhetoricam, seu rectè orandi scientiam, & artem, & virtutem esse utilissimam. Est autem inter eruditos controversia, quis sit finis Rhetoricæ. Sunt, qui dicant, Persuadere dictione: Alii, bene dicere. Utrosque putem non falli, eos minimè qui Rhetoricam sine suo insigniter potiri censent, si bene dicat. Nam uti medicinæ finis est, ex arte & bene mederi, licet ægrotorum aliqui non convalescant; ita prorsus Rhetorica caelestis præfixum scopum attingit, si bene dicat, si rectè peroret. Hoc sine obtento nunquam alter deesse solet, qui est, dicendo ac orando perluadere. Deus oratorem bonum nunquam non exaudit, ut supra demonstratum est. Nunc illud Angeli ad Tobiam ingerimus: Bona est oratio cum jejunio & eleemosynâ, magis quàm thesauros auri recondere. *a* Hic explicandum, quàm non solum utilis sit, sed & necessaria orationis & mortificationis *b* mixtura.

a Tobia c. 12. v. 8.

b Sit venia voci: rovinimè Tulliana.

Et

1/a.c.

§. I.

Et libri docent, & experientia testatur, eos subinde, qui plurimum orationis fundunt, minimum habere patientiæ, atque ita nonnunquam precatores eximios esse homines impatientissimos. Hinc illud Ascetarum: Periculosum est habere donum Orationis, & non habere donum Mortificationis. Deus olim per Isaiam gravissimè questus. Ne, inquit, afferatis ultra sacrificium frustrà: incensum abominatio est mihi. Neomeniam & Sabbatum, & festivitates alias non feram; iniqui sunt cœtus vestri: Calendas vestras & solennitates vestras, odivit anima mea: facta sunt mihi molesta, laboravi sustinens. Et cùm extenderitis manus vestras, avertam oculos meos à vobis, & cùm multiplicaveritis orationem, non exaudiam. *a*

Ubi, obsecro, defectus, ubi error, mihi Deus? Nos equidem putabamus orationes & sacrificia nostra esse gratissima. His Deus per eundem suum interpretem Isaiam respondet: Lavamini, mundi estote, auferte malum cogitationum vestrarum ab oculis meis: quiescite agere perversè, discite benefacere: quærite iudicium, subvenite oppresso, iudicate pupillo, defendite viduam. Et venite, & arguite me, dicit Dominus. *b* Illius vos opinionis estis, modò prolixas orationes texatis, modò plurimū thuris afferatis, modò linguā & os fatigetis, omnia fore

a Isa. c. I. v. 13. 14. 15. *b* Ibid. v. 16. & seqq.

forefalva. At verò cum vestra tribunalia, cum curia, cum domus, cum corda vestra inspiciuntur, violentia, fraudes, iniustitia, simultates, odia & invidia illic regnare deprehenduntur.

Hoc est suspicere calum, & scrobem incidere; multum orare, sed nihil imperare cupiditatibus; linguam exercere, sed seipsum non frangere; os habere facundum, sed animum indomitum. Itaque periculosum est habere donum orationis, & carere dono mortificationis; quid juverit tabernam selectissimis vitris instruere, & subito arrepto fuste omnia jugulare? Miser instructor, qui suis sese mercibus sic fraudat.

Atqui certum est, quemadmodum oratio hominem reddit promptum & agilem ad sui victoriam & omnes honestas actiones, ita mortificatio sive sui victoria mirifice disponit ad orationem. Ab exemplo res patebit: Ubi nullum est in gulam imperium, ubi deest temperantia, ubi corpus plerumque fereulis fartum, qui tandem serena & seria possit esse oratio, tot nebulis impedita, tam crebris tenebris immersa? Dictum vetus ac plebejum, sed non fallax est: Plenus venter, non studet libenter. Patina ac pocula sepeliunt libros. Ubi victus copiosus, ibi cogitationes & sensa nebulosa. Ita longè rectius dicemus: Plenus venter non orat libenter. Etenim operosus est orationi, quàm litteris vacare, cum rectè orare, quod supra docuimus, sit omnium difficillimus labor. Hinc more ab Apostolis
recepto

recepto, cùm prolixiùs vacandum est orationibus, plus etiam dandum est jejuniis quod Ecclesia verni jejunii tempore observat.

§. 2.

Vita nostra non absimilis horologio, maxima rotularum varietate instruitur, quòd si unica illarum hæreat, hærent omnes, & horologium aut otiatur, aut sine lege turbatoque cursu movetur: sic oratio humane vitæ primaria & directrix rotula, sed non sola: Nam & Prudentiâ, & Temperantiâ, & Misericordiâ, nec non Patientiâ ceterisque ejuscemodi virtutibus horologium illud regitur; hæ virtutes orationem juvent, & illas oratio. Altera alteram trahat; mutuis enim eunt impulsibus.

Veteri jactatur verbo: Amissâ soleâ cadit equus, equo cadente cadit & eques, cadente equite rota ruit equitatio. Nam hæc ita cohærent, ut si equus ferreum amittat calceum, cespitare incipiat, aut claudicare, cespitans equus ad lapsum pronissimus, equi lapsus periculum creat equiti, cùm periclitatur eques, periculi societas ad equum transit: sic ambo simul concidunt. Ita prorsus si oratio minùs attentæ, si frigida, si neglecta sit, vix ullus mortificationi, vix alii honestæ actioni locus erit; tolle orationis adminicula, & intermortur oratio. Itaque negligentia quandoque non summa plurimum malorum in vitam invehit.

Citha-

Cithara vel testudo compluribus gaudet fidibus; chorda unica non facit concentum musicum: sic & oratio, fidium primaria, sed non sola sit, opus est etiam temperantiâ & sensuum custodiâ, continua opus est patientiâ & sui victoriâ.

Sed indagemus causam, unde hæc labes oritur, ut quidam grandi studio in orationem incumbant, mortificationem ex toto negligant. In promptu causa est. Habet aliquid suavitatis oratio, mortificationis indoles austera est & acerba: oratio velut dulcarius panis, aut placenta ex amygdalis, quæ melle & faccato inspergitur, facilem reperit emptorem, jam ante pronas invitat manus: at verò mortificatio velut lixum hordeum aut pulmentum avenaceum, a quod majoris apud Medicos laudis, quàm apud alios usûs est, commendatur largiter, sed parcè tangitur: ita reperias non paucos, quibus jucundum est horas complures in templis hære, sphæras precatorias decurrere, precatorios libellos evolere, omnium Divorum genua incerare; *b* at ubi his ipsis non gravis molestia, ubi levis injuriola, ubi duriuscula aliquot verbula sunt corcoquenda, hem quantum luctantur & nauseant? hæret in faucibus asperissimum pulmentum: nec glutire quidem, ne dum digerere possunt, tam acerbos, ut putant bolos. Videte, etc, hos sanctulos,

a Gersten oder Haber in Mues.

b Juvenal. satyr. 10. v. 55. genua incerare Deorum. Den heytigen die Zues abbeissen.

Stulos, qui orationis plurimum, nihil habent mortificationis; dulciarias solum placentas esunt; apage avenam, apage hordeum, orare cupiunt, pati recusant, sed reverâ nec bene orant, qui mente tam iniquâ patiuntur. An non vel inde liquet, quàm sit necessaria orationis & mortificationis mixtura?

Ludovicus Granata vir religiosissimus, ejuscemodi homines, qui multâ quidem orationis, sed mortificationis sunt exiguâ, velut penicillo depingens: Habent, inquit, calendarium suæ devotionis suarumque precum; his omnia cedant negotia, necesse est; non dormiunt, dum has absolverint; quidquid jacturâ fiat in aliis, modò suas illi precatiunculas recitârunt. Dixeris, esse homines orationis multâ. Sed arcas eorum inspicite veste plurimâ oneratas, horrea illorum ingredi, quæ plurium annorum segetes stipant, cistas & crumenas referta argento & auro refertas. At illi tam pii homines vident famelicos, malè vestitos, ære alieno pressos pauperes, nec obolo juvarêt: vestes acervant pro tinearum pascuis, frumentum cariori servant annonæ, aurum captivum in carceres contradunt, casibus futuris grande solarium. Sed & horû corda per Momi fenestellam intueri, deprehendes atrocem iram, invidiam robustissimam, simultates multi temporis, odia inveterata & penitus insita, similesque animi pestes: subinde studio nomina à se contracta non expungere, æs alienum non dissolvere susti-

Iustinent, aut avaritiâ, aut nimiâ negligentâ inducti, aut certè ne aliis videantur divites. Subinde annis compluribus non gravi offensâ laxi, nec salutare quidè dignantur, quos oderunt. Quòd si eos vel aliena premat invidiola, aut levis despectus tangat, impatientissimi sunt. Arduum quid ac difficile aggrediendum? sunt timidissimi. Mox manus retrahunt; devotionem suam impediri ajunt. Quid hoc, oro, aliud est, quàm multis orationibus se fatigare, & nihil vitiositatis emendare, nemini quidquam indulgere, sibi omnia; omnibus aliis acriter velle imperare, sibi nihil? hoc equidem est languorem pedum curare, & fœdam capitis porriginem *a* negligere.

- O sanctuli, ô precatores magni, mixtura, quam diximus, non fit oratione solâ, sed & mortificatione. Bona est oratio, sed cum jejunio: optimè facitis, cùm preces extenditis, sed pessimè agitis, cùm cupiditates & libidines, cùm vitiorum ex Adamo traduces *b* vigere ac florere finitis. Mortificationem orationi jungite, & magni nobis non Pharisei, sed Bartholomæi eritis. Dicitur Domini nostis: Non omnis, qui dicit mihi, Domine, Domine, intrabit in regnum caelorum, sed qui facit voluntatem Patris mei. *c*

Ea, quæ non solida & vera est devotio, caret iustitiæ fundamento. Nam cùm hu-

mane

a Ein Sähen halten / vnd den Schueyppen
gründt nit achten *b* Den alten Adam.
c Matth, c. 7. v. 21.

manæ vitæ sit finis observatio divinæ legis, oratio autem ad hunc finem sit modus & via, luculentus error est, viam pro viæ termino complecti. Finis ac scopus noster, lex Dei est, & sanctissima ejus voluntas, ad hanc autem Oratio & Mortificatio duces sunt, & separari nequeunt. Mortificatio calicem amariorem ingerit, & haurire persuadet; ut facilius perhauriatur, conditum oratio.

§. 3.

Geminæ visebantur aræ in Salomonis templo, una erat *Incensæ*, *Victimarum* altera. Præclara Orationis & Mortificationis effigies. Neque enim satis est altare, in quo thura odoresque incendantur, sed & aliud statuendum est, in quo pecudes & hostiæ cadantur. Qui preces fundit, optimos odores spargit; qui cupiditates suas excindit, hostiam immolat, dum seipsum vincit.

Cælestis sponsa destinatum iter profectura: Vadam, inquit, ad montem myrrhæ & ad collem thuris. ^a En iterum Orationis & Mortificationis non obscuram imaginem. Sed cur, obsecro, in colle thura, in monte myrrham ait crescere? Profectò non gratis id dictum censeamus, cum sacri codices nullos nec quidem apices habeant supervacaneos.

Ita rectissimè collem thuris, & montem myrrhæ nominat sponsa. Facilius collis quàm mons conscenditur, imò collis ad montem

^a Cant. c. 4. v. 6.

montem via est: ita prorsus Oratio ad Mortificationem semita est; hinc & facilius est orare, quàm cupiditati ac libidini suæ imperare; suavius verba fundere, quàm animum frangere; illud colliculus, hoc mons est. Atque hoc oculis subjicere facillimum. Quisquis salutare sui odium non habet, & seipsum non audet despiciere, is certè jucundiùs horâ integrâ orat, quàm ut injuriosum verbulum vel unicum admittat. Ita collem horâ unâ superat, at verò per montem myrrhæ vix hebdomade unâ aut mense toto eluctatur. Mordacius dictum, quod in se jactari audit, multo tempore concoquere nequit. Nimirum thus suavè fragrat, sed myrrha mordet. At nos mulceri cupimus, non morderi. Ita de pluribus cum S. Ignatio dici potest: Homines sunt multæ orationis, sed non multæ mortificationis; colliculum thuris non inviti adeunt, sed arduum myrrhæ jugum difficillimè transcendunt.

Quàm autem hoc verum sit, quivis explorare poterit, seipsum ita peruestigando: Dic, quantum in Submissionis ac Humilitatis studio promoveris? Si quid injuriæ tibi accidat, quàm æquo id animo perfers? quî alienæ debilitati concedere, quî necessitati succurrere, quî lædenti veniam dare, quî afflictorum commiserescere didicisti? Dic, quomodo linguam frenare, carnis petulantiam domare nôsti? quantum spei quantumque fiduciæ in Deum geris, præsertim cum tempestates ingruunt, cum volant

lant fulmina, cùm adversa irruunt? quæso, num ambitionis, num philautiæ & proprii amoris in te aliquid expugnâsti? An non affectus tui etiamnum in te vivunt integerrimi? En myrrhæ montem, en mortificationis arduum tramitem: Ascende. Sed sine sudore non penetrabis illuc: à colle thuris, ad clivum myrrhæ itur. Ideò oramus, ut cupiditatibus imperare possimus; alterum alterius subsidiis gaudet.

Hanc Orationis & Mortificationis mixturam denotans Chrysostomus: Qui pulsat ostium, inquit, non tantum voce, sed & manu clamat. *a* Qui fores cæli ferire cupit, non tantum Orationis vocem, sed & mortificationis manum adhibet. Bona est oratio, sed bona est cum jejunio & eleemosynâ. *b* At verò jejunare velle, sed nolle carnem macerare, est velle piscari, sed aquam refugere; Amare Orationem, sed odisse Mortificationem, labor irritus. Eamus, dum licet, ad thuris collem, & ad myrrhæ montem, dum perveniamus in amœnissimos, & pensiles cæli hortos.

a Chrys. rom. 2. hom. 17. in c. 7. Matth.

b Tob. c. 12. v. 8.

§. 4.

Quid causæ est, quòd spiritus divinus, pictor excellentissimus, cùm animæ formosissimæ simulacrum veramque effigiem in Canticorum Canticis expressisset, nullas ei manus appinxerit; at verò in Salomonis

Q 2

monis

monis proverbii manus ei plurimas penicillo addosuerit. Hinc illa crebrius ingemuntur: Operata est contilio manuum iuarum: De fructu manuum suarum plantavit vineam: Manum suam misit ad fortia: Manum suam aperuit inopi, & palmas suas extendit ad pauperem: Date ei de fructu manuum suarum. *a* Cur hic tot sese manus exerunt, alibi nullæ? Ratio non obscura est: In Canticis depingitur anima, quæ cum Deo miscet colloquium, & tota orationi vacat: quia tamen etiam prodeundum ad actionem, quia Mortificatio jungenda Orationi, numerosis sanè manibus est opus, ut non tantum docere possit, sed & facere, ut non solum verba fundere, sed & opera monstrare velit. Inanis est oratio, ubi nulla mortificatio, vel ubi prava est actio.

Hoc Augustinus clarissimè testatus: In jejuniis, inquit, & vigiliis, & omni castigatione corporis quamplurimum adjuvatur oratio. *b* His paria sunt, quæ Chrysostomus dixit: Qui orans jejunat, binas possidet alas, quibus ventos ipsos volando prætervehitur: Non enim oscitat, nec torpet orando, quæ multi patiuntur: sed igne ardentior & terrâ superior est, quare terribilis hostis dæmonibus redditur. Nihil est enim homine probè orante potentius. *c*

Vacuus autem intrat ante Deum, qui veniens ad orationem, nullam eleemosynam facit:

a Prov. c. 34. v. 13. & seqq. *b* August. tom. 2. epist. 121. ad Probam, sine. *c* Chrys. tom. 2. in e. 17. Matth. hom. 58. mihi pag. 428.

facit: Eleemosyna præparatio est orationis. Item jejunium est adiutorium orationis, quia oratio sine jejunio gracilis est & infirma. Nam oratio illa est fortis, quæ fit in spiritu humili, & corde tribulato. Spiritum autem humilem & cor contribulatum habere non potest, qui manducat & bibit, & deliciis fruïtur. Ideò quodcumque Sancti pro aliquâ necessitate voluerunt exorare Deum, jejunium cum oratione conjunxerunt: sicut Daniel & ceteri. Unde quia virtus orationis jejunium est, numquam separantur ab invicem, sed ubique simul ponuntur. Oratio & jejunium à morte liberant. Sicut nec miles sine armis est aliquid, nec arma sine milite: sic nec oratio sine jejunio, nec jejunium sine oratione. ^a Nam virtus orationis est opus justitiæ. Oratio autem quasi suavis odor est operis boni. Sicut ergo res aliqua sine odore potest esse, odor autem sine re aliquâ esse non potest: sic opus sine oratione aliquid est, oratio autem sine opere bono nihil est: & si oras, non ex fide oras. ^b Ita Chrysoströmus verbum è verbo expressit. Mortificationis mixtura orationi planè necessaria.

In liquido est, plus illum obtinere gratiæ, qui ampliorem munierit viam ad obtinendam gratiam. Atqui nemo inficiari poterit, eum in hoc agendo totum esse, qui corpore simul & animo se gratiâ divinâ dignum finxerit. Multi Deum quærunt, sed

Q 3

non

^a Idem in c. 6. Matth. hom. 15. pag. 743.

^b Et pag. 760.

non quærunt toti. Verè, inquit Augustinus, tunc tibi Deus attendit, quando ipsum quæris, non quando per ipsum aliud quæris. *a* Quod Dei jussu Propheta Hieremias & Joël proclamant: Quæreris me, & invenietis, cum quæsieritis me in toto corde vestro. *b* Convertimini ad me in toto corde vestro, in jejuniis, & in fletu, & in planctu. *c* Non solum hinc orationem, sed & mortificationem, idque actori mandato exigit. Hinc Danieli tam benevolum è cælo submissum est responsum: Quia posuisti cor tuum ad intelligendum, ut te affigeres in conspectu Dei tui, exaudita sunt verba tua. *d* Quotiescumq; demum sacri codices Israëlitis populum non solum orationibus, sed & jejuniis afflictum, simul etiam exauditum, commonstrant. Cui confirmando ajunt matrem Christi secretis affatibus Hassæ principi Elisabethæ dixisse: Crede mihi filia, nulla ferè gratia in hominis animam nisi per orationem & corporis afflictionem descendit.

Ita nimirum Deus è fortunæ bonis elemosynam, è corporis bonis jejunium, è bonis animi orationem postulat. Hoc dignum Deo sacrificium est. Quocirca summè necessaria est Orationis & Mortificationis mixtura: Laudandus Deus non solum in choro, sed & in tympano.

a August. in psal. 76. mihi pag. 343.

b Hierem. c. 29. v. 13. *c* Joël. c. 2. v. 12.

d Daniel. c. 10. v. 12.

CAPVT X.

*De orationis loco ac tempore; de situ corporis
inter orandum.*

LYfias cùm Socrati orationem, quam
in ejus defenfionem composuerat, re-
citasset: Præclara, inquit Socrates, &
elegans est oratio, sed Socrati non conve-
nit. Erat enim aptior foro, quàm Lyceo,
cauffidico convenientior quàm Philoso-
pho. Percunctatus est ergo Lyfias, cur si
bonam tersamque judicaret orationem,
eam sibi non convenire crederet? Cui Phi-
losophus: Nonne, inquit, fieri potest, ut
calceus pulcher & elegans sit, pedi tamen
graciliori minùs conveniat? quo dicto si-
gnificavit, tantò meliorem fore orationem,
quantò esset tempori, personis, loco con-
gruentior.

Ut Oratio, de quâ loquimur, re nullâ
peccet, nunc etiam de Orationis Loco &
Tempore, & de corporis compositione ad
orandum accommodatiore differemus.

§. I.

Cùm Hebræus populus seditiosè regem
petere insisteret, quod Regem facti me-
morant, audivit Samuel omnia verba po-
puli, & locutus est ea in auribus Domini. *a*
Secretum amat oratio, cubiculum quarit,

Q 4

ostium

a 1. Reg. c. 8. v. 21.

ostium claudit, iactantiam excludit. Hypocritæ & variegato tergo stelliones amant in Synagogis, & in angulis platearum stantes orare, ut videantur ab hominibus. *a* Longè aliter viri sancti, quos Gregorius commendans: In auribus Domini loquuntur, inquit, ut, dum hominum testimonia orantes fugiunt, ab eo qui occulta respicit, celerius audiantur. Nam pervenire ad Deum oratio nequaquam potest, quæ ex intentione promitur, ut ab hominibus agnoscatur. *b* Idcirco Samuel ne suam cum Deo familiaritatem ostentaret, in auribus Domini, hoc est, loco secreto, arbitris remotis, forensi strepitu excluso, cum Deo locutus est.

Ita Moses pro Pharaone oraturus, à Pharaone abitum parans: Egressus à te, inquit, orabo Dominum. *c* Quod idem denuo asseverans: Cùm egressus fuero, ait, de urbe, extendam palmas meas ad Dominum. *d* Idcirco quamdiu tabernaculum medio castrorum stetit, Deus cum Mose parcius egit. At ubi Moses, tollens tabernaculum tetendit extra castra procul, tunc loquebatur Dominus ad Mosén facie ad faciem, sicut solet homo loqui ad amicum suum. *e* Ita Moses & Aaron oraturi Dominum, priùs dimissâ multitudine ingressi sunt in tabernaculum fœderis. *f* Hinc est quòd Deus Abrahamo velut primæ admissionis amico quid-

a Matth. c. 6. v. 5. *b* Greg. in dictum locum.

c Exodi c. 8. v. 29. *d* Et c. 9. v. 29.

e Exodi c. 33. v. 7. *f* Num. c. 20. v. 6.

quiddam arcani commissurus: Eduxit eum foras, & ait illi: Suspice cælum. *a*

Christus Dominus ipse, dimissâ turbâ ascendit in montem solus orare. *b* Chrysostomo teste in nostrum id exemplum fecit, ut tam à tempore quàm à loco tranquillitatem orandi quæramus. Tranquillitatis quippe mater eremus est, quietis portus, omnis perturbationis expultrix. *c* Propterea Servator hunc morem tenuit, ut oraturus fugeret humanos cœtus, & loca solitaria frequentaret. Quod Lucas & Joannes aperitissimè testantur observatum à Domino, ut ab omnibus turbis oraret solus. Hinc cenâ ultimâ jam clausâ, Egressus ibat secundùm consuetudinem in montem Olivarum. *d* Sciebat autem & Judas, qui tradebat eum, locum, quia frequenter JESVS convenerat illuc cum Discipulis suis. *e* Sic autē orandi solitudinem amabat, ut non solum à turbis, sed ab ipsis etiam comitantibus Discipulis avulsus, cum Patre solo solus loqueretur.

Sed cur, mi Domine, in montes oraturus abis, cur Gethsemani eligis, cur olivetum noctu ingrederis? Placuit nimirum loca deserta divinâ præsentia sacrare, solitudinem in orationis portū convertere, placuit homines orationis amantes illuc evocare. Quod Oseas olim promittens: Ducā eam in solitudinem, inquit, & loquar ad cor ejus. *f*

Q 5

Quod

a Gen. c. 15. v. 5. *b* Matth. c. 14. v. 23.
c Chrysost. tom. 2. hom. 51. in cap. 14 Matth. pag. 376. *d* Luc. cap. 22. v. 39. *e* Ierem. s. 18. v. 2. *f* Osee c. 2. v. 14.

Quod Hugo Victorinus dilucidans: Scrutemur, inquit, scripturas, & inueniemus vix aut nunquam Deum locutum fuisse in multitudine; sed quotiescumque innotescere voluit aliquid hominibus, non gentibus & populis, sed vel singulis, vel admodum paucis, & à communi hominum frequentia segregatis, vel per nocturna silentia, vel in campis & solitudinibus, & montibus, & vallibus se manifestavit. Sic locutus est cum Noë, cum Abraham, cum Isaac, cum Jacob, & cum Mose & Samuele. Quid est quod semper loquitur in secreto Deus, nisi quod nos ad secretum vocat? Et quid quod cum paucis loquitur, nisi quod nos colligat & uniat? a

Atque hinc sacri secessus illi, hinc columna Stylitarum, hinc deserta Eremitarum, cella Anachoretarum, scala Alexiorum, sepulchra Hilarionum, antra Macariorum, latibula Arseniorum, coenobia Religiosorum, hinc oratoria domestica tot proborum hominum. Secessum & otia quaerit ardens precandi studium. Homines precationis studiosi ut Deum adeant, à se abeunt; ut Deum quaerant, se relinquunt; ut divinis obsequiis consecrentur, à profanis negotiis feriantur. Hieronymus secessu sacro exultans: Habeat Roma suos tumultus, inquit, arena sauiat, circus insaniat, theatra luxurient: nobis adhaerere Domino bonum est, & ponere in Domino spem nostram, ut cum tanta reperiamus in caelo, parua & caduca

duca quæsisse nos doleamus in terrâ, ^a
 Imitemur Mosen, & in foraminibus petrz,
 in vulneribus Domini Jesu absconditi,
 transeuntis Domini majestatem & gloriam
 contemplemur.

Inter monita beatæ Teresæ & illud est:
 Solitudo imprimis orationi necessaria,
 quam sectatum Redemptorem nostrum
 constat, ut exemplo nobis præiret. Neque
 enim par est cum Deo simul & cum mun-
 do colloqui, quemadmodum ii faciunt,
 qui dum orant, cum aliis interim aut secum
 ipsi fabulantur.

^a Hieron. epist. 18. ad Eustoch.

§. 2.

Quamvis autem solitudo sit orationi
 amicissima, est tamen templum orationis
 domus propria. Quod Heliodorus vel inter
 plagas factus est: Eò quòd in loco (templi)
 sit verè Dei quædam virtus. Nam ipse qui
 habet in cælis habitationem, visitator &
 adjutor est loci illius, & venientes ad male-
 faciendum percutit ac perdit. ^a Ideò viri
 Deo amicissimi Noëmus, Abraham, Isaacus,
 Jacob, Moses, Salomon, altaria aut templa
 struxerunt. Clemens Romanus asserit Pe-
 trum Apostolum Antiochiæ paucis diebus
 plus quàm septem millia hominum Christo
 adjunxisse, inter hos Theophilus è primati-
 bus urbis palatium suum in templum obtu-
 lit. ^b Apostolus Jacobus Cæsaraugustæ tem-
 plum

Q 6

^a 2. Machab. c. 3. v. 38. ^b Clemens Rom. l. 2.

⊕ 10. Recognition sub finem.

plum Virgini matri dicâsse fertur. Thomas Meliapore in Indiâ templum extruxit. Martha & Magdalena Massiliam profectæ, duo templa, Christo Servatori unum, Christi Parenti alterum dicârunt. Quot ædes sacras Constantinus Imperator Christo sacravit?

Atqui eò struuntur templa, ut in iis preces tantò meliùs, quantò religiosiùs instituantur. Pro sexcentis millibus testium stat una Veritas, & ad templum atque orationem invitans: Domus mea, inquit, domus orationis est. *a* Hinc Antiochenus Præsul & Martyr Ignatius ad Magnesianos scribens: Omnes, inquit, ad orandum in idem loci convenite: sit una communis precatio, una mens, una spes, in charitate & fide inculpatâ in Christû JESVM, quo nihil præstantius est. Omnes velut unus quispiam ad templum Dei convenite, velut ad unum altare, ad unum Jesum Christum Sacerdotem.

In templo esse non frequens tantum, sed quotidianum erat Christo Domino: Quotidie, inquit, apud vos sedebam docens in templo. *b* Christianorum primi Hierosolymis, ut Lucas testatur, quotidie perdurantes unanimitè in templo erant. *c* Itaque rex Josaphat templum à se constructum, & ipse creberrimè adibat, & alios ut adirent, compellebat. *d* Templum aptissimum oratio-

a Matth. cap. 21. v. 13. Marci c. 11. v. 18. Luc. cap. 19. v. 46. *b* Matth. c. 26. v. 55. *c* Actor. c. 2. v. 46. *d* Rossiveid, l. 1. c. 33. in hist. Josaph. & Barl.

orationi locus est, *a* cùm propter divina mysteria, & alia sanctitatis signa, quæ illic oculos incurunt, tum etiam ob multorum illic adorantium concursum, qui preces plurium consensu multiplicatas Deo reddit commendatiores. Promissum Domini est: Ubi sunt duo vel tres congregati in nomine meo, ibi sum in medio eorum. *b* Quod explicatissimè tradens Chrysostomus: Domi quidem, ait, orari potest, sic autem, ut in Ecclesiâ non potest, ubi tanta Patrum multitudo, ubi clamor ad Deum unanimitè emittitur. Non ita Dominum per te solum orans audiètis, ut cum fratribus tuis. Hic enim majus aliquid est, puta, unanimitas & consonantia, charitatis vinculum, & Sacerdotum orationes. *c* Hinc Basilus de templorum usu differens: Hic magnæ nobis, inquit, sunt possessiones, hic omnis spes nostra sita est. *d*

Enimverò templum sic frequentandum est, ut cùm opus, locus omnis sit templum. Oret igitur in suâ officinâ sartor, oret in suâ pergulâ mercator, in tabernâ sutor, in

ustrinâ

a S. Thomas parte 3. q. 83. artic. 3. ad 3. Vnde, inquit, quidam probabiliter dicunt, quòd per ingressum ecclesie consecrata homo consequitur remissionem peccatorum venialium, sicut & per aspersonem aquæ benedicta. ps. 84. Benedixisti Domine terram tuam, remisisti iniquitatem plebis tuæ. *b* Matth. c. 18. v. 20. *c* Chrysostom. tom. 5. homil. 29. ad pop. Antioch. mihi pag. 397. *d* Basil. homil. 33. n. 5. 10. Matth.

ustrinâ faber, sub suo fornice aromatopola, in curiâ senator, inter chartas suas bibliopola, oret ad furnum pistor, ad focum cocus, ad mensam argentarius, ad pluteum litterarum studiosus. Nonne carcerem Paulus in templum commutavit? Nonne rex Ezechias lectum in confessionis sedem convertit? Nonne latro crucem in altare sacrauit? Nonne Jonas balana ventrem sacellum & oratorium effecit? In cavo Hieremias, in leonum cavo Daniel, in flammarum medio tres Hebraei juvenes, in montibus & eremo David, in medio campo Chananæa, in carenis & tenebris cum Paulo Barnabas, in sterquilinio Jobus, puras ad Deum preces effuderunt. Quâ de re Chrysostomus eximiè: Neque mihi, ait, quispiam dicat, quod nequit homo secularis affixus foro continuè per diem orare, & ad ecclesiam concurrere: Potest enim quàm facillimè. Nam licet in ecclesiam non sit facile concurrere, illic affixus tribunali potest orare. Et hoc multi fecere frequenter, & intus clamante magistratu, comminante, contendente, furente, pro foribus stantes signo a muniti, & pauca verba per cogitationem orantes, ingressi mutaverunt eum, atque mitigaverunt, & mitem ex ferro reddidere, nec à loco, nec à tempore, nec à clamore quidquam ad hanc orationem impediti sunt. Nam ubicumque sis potes altare tuum constituere, nihil enim locus prohibet, nec impedit tempus. Licet enim

a Crucis si num avo Chrysostomi in usis.

enim & forum petentem, & ambulantiem per se prolixas facere orationes. Licet & in officinâ sedentem & pelles sumentem animam Domino dedicare. Licet & servo ementi, & ascendenti, & descendenti, & adstanti coco, cum ad ecclesiam ire non poterit, orationem facere prolixam & solertem. Non enim locum Deus veretur, sed unum exquirat, fervidam mentem, & continentem animam. Non est quærendus locus, sed loci principium. Licet in balneo sis, ora. Si mentem namque mundam habeas ab immundis motibus, licet in foro sis, sive in viâ, sive in foro constitutus, sive in mari, sive in diversorio, sive in officinâ positus, sive sis ubicumque, Deo poteris invocato petitionem obtinere: ubicumque sis ora. a

Ergo ut in compendium dictâ conferamus, solitudo seu cubiculum à turbis semotum orationi gratissimum, proprius tamen orationis locus est templum, imò & in templo struenda solitudo, & in mediis turbis turbæ sunt excludendæ. Ita denique, cum templum commodè adiri non potest, locus omnis templum est.

a *Chrysof. tom. 5. hom. 79. medio serè.*

¶ 3. Quod ad corporis situm in oratione spectat, hoc asserimus. Cum supplex veniat qui orat, par est, ut supplicis habitum præ-

se ferat. Supplicem decet caput aperire, genua flectere, manus caelo attendere, omnem gestum ad reverentiam & submissionem componere. Chrysostomus feminam petulantius comptam, ad templum tamen, & ad preces properantem affatus: Quid dicis, inquit, Deum precatura pergis? & ornamenta aurea circumfers, flavosque crines & ipsos auro compositos? An verò saltatura ad Ecclesiam pergis? Num ut tui spectaculum præbeas advenisti? Ut Deum pro peccatis suppliciter depreceris, ut tuis sceleribus veniam cum gemitu ac lacrymis petas, ut Dominum tibi propitium facias, accessisti; quid te ipsam ornari improbo atque intempestivo studio contendis? Non iste supplicis est habitus. Quo enim pacto ingemiscere potes ac lacrymas fundere, atque intentissimè, ut decet, orare, quæ ejusmodi ornatu compta procedis? Nam etsi lacrymas fuderis, risum cernentibus hujusmodi lacrymæ movebunt. ^a Non iste supplicis est habitus.

Ita sibi quisque dicat: En ades cum Deo locuturus, ergo genua submitte, deprime oculos, attolle manus, tumoris alas contrahere, indue personam supplicis.

Apud Assyrios olim, & Hebræos, aliasque gentes consuetudinis fuit, ut supplices majorem sui miserationem ad tribunalia excitaturi, in terram sese prosternerent, cinere conspersi, & ad omnium pedes provoluti. Ita humi jacentes & pulvere

fordi-

^a Chrysost. hom. 8. in 1. epist. ad Timoth.

fordidati supplicat Hebræi Alexandria incolæ Petronio Præsidi, ita Ulysses Alcino Regi, ita Martius Coriolanus Volscorum Principi. *a* Eò spectat Isaia vatis commotio: Descende, sede in pulvere Virgo filia Babylon, sede in terrâ: *b* Supplicis generis habitum, in terram te abjice, luge, deprecare.

Principes, Reges, Cæsares, sanctissimi quique viri submissis genibus orârunt. De Salomone Regum fasti testantur his verbis: Factum est autem cùm compleisset Salomon orans Dominum omnem orationem, & deprecationem hanc, surrexit de conspectu altaris Domini, utrumque enim genu in terram fixerat, & manus expanderat in cælum. *c* Ita Petrus, ita Paulus, ita Stephanus positus genibus orârunt. Ita Lunatici Pater, ita leprosus, ita ipse Christus Dominus nō in genua solùm, sed in faciem quoque procidit & oravit. Hebræos flexis genibus orare consueviffe constat è pluribus. Optima inter orandum corporis compositio est, quæ orationem non impedit, sed promovet, & accendit. Hinc oculos in cælum attollere, brachia expandere, totum corpus in terram prosternere, Cassianus præcis usitatissimum affirmat. Christus sublatis in cælum oculis ut plurimum oravit. Martinus Turonensis præsul morti proximus, supino jacens corpore orabat. Cumque

a Homerus Odyss. II. Dionysius Halicarnass.

Philo Hebr. de Legatione ad Caium.

b *Isai. c. 47. v. 1. c 3. Reg. c. 3. v. 54.*

que eum discipuli rogassent, ut converso corpore tantisper, dum remitteret vis morbi, pronus conquireret: Sinite, inquit, calum potius quam terram aspiciam, ut suo jam itinere profecturus ad Deum spiritus dirigatur.

Arelatensis Praesul Caesarius in eos, quibus sub oratione niti genibus grave est, non immerito excandescens: Vellem scire, inquit, qui nec genua flectunt, nec inclinare capita volunt, si aliquid sibi satis necessarium, aut a iudice, aut ab aliqua potenti personam expeterent, utrum stantes & recto capite negligenter, & tepide supplicarent? Rem terrenam ab homine terreno quarimus, & prope usque ad terram nos humiliter inclinamus: & a Deo remissionem peccatorum, & aeternam requiem inquirentes, nec capita inclinare, nec genua submittere dignamur? Et exemplo Christi Domini sub aspectumposito: Prostratus, inquit, in terram orat Medicus, & non inclinatur aegrotus; orat iudex, & orare dissimulat iudicandus? *a*

Doctissimus Afer Tertullianus Christianorum in oratione mores explicans: Illuc suspicientes Christiani, ait, manibus expansis, quia innocuis, capite nudo, quia non erubescimus, denique sine monitore, quia de pectore oramus, precantes sumus temper. *b* Cum Deum, inquit, precamur, in calum oculos mentemque convertimus,

non

a Caesar. Arelat. hom. 30.

b Tertull. in Apologetico c. 30. mihi pag. 62.

non tenentes manibus aras, aut adductam togam, sed passis brachiis ac manibus, ut quæ innocentiam explicant, nec velato capite, sed nudo; denique dictatas à sacrificulo preces non concipimus, sed ex ipsâ sede animi spiritusque nostri cum suspiriis gemitibusque vota exponimus.

Idem Tertullianus illos, qui sedentes orant, gravius reprehendit, quod vel reverentiam negligent, vel idololatrias imitentur: Verba Tertulliani sunt: Porro cum perinde faciant nationes adoratis sigillariibus a suis residendo, vel propterea in nobis reprehendi meretur, quod apud idola celebratur. Eò apponitur & reverentiæ crimen etiam ipsis nationibus, si quid saperent, intelligendum. Siquidem irreverens est assidere sub conspectu, contraque conspectum ejus, quem cum maximè reverearis ac venereris: quanto magis sub conspectu Dei vivi, angelo adhuc orationis adstante, factum istud irreligiosissimum est, nisi exprobramus Deo, quod nos oratio fatigaverit. Ita Tertulliano sub oratione sessio minimè probatur. *b* Addit: Atqui cum modestiâ & humilitate adorantes magis commendamus Deo preces nostras, ne ipsis quidem manibus sublimiùs, sed temperatè ac probè elatis. Ne vultu quidem in audaciam erecto. Nam ille publicanus, qui non tantum prece, sed & vultu humiliatus atque de-

a Sigillaria, imagines parvæ fictiles.

b Hic debiles & agrotos non perstringo; nec loci consuetudinem impugno.

dejectus orabat, justificator Pharisæo procacissimo discessit. *a*

Profectò & Augustinus cordis affectum, & corporis gestum in oratione conjungit, nam alterum ab altero mirificè juvari & excitari asserens: Nescio, inquit, quomodo, cum hi motus corporis fieri, nisi motu animi præcedente non possint, eisdem rursus exterius visibiliter factis, ille interior invisibilis, qui eos fecit, augetur: ac per hos cordis affectus, qui ut fierent ista, præcessit; quia facta sunt, crescit. *b*

Clarissimè Hieronymus, ut doceret ad orationem submittenda esse genua: Fixo, inquit, in terram poplite, magis quod à Deo poscimus, impetramus. Legimus enim & Paulum in littore sic orâsse, & geniculationes in oratione præceptas. *c*

Quamvis igitur cordis affectus imperet, ut exterior corporis gestus sit decens, tamen interior ille per hunc ipsum excitatur, eoque altior erigitur animus, quò majori submissione deprimitur corpus. Æquum igitur est, ut in oratione corpus etiam sui officii meminerit, & quantam poterit ei qui adoratur, reverentiam adhibeat. Addo de orationis tempore.

a Tertull. lib. de Oratione cap. 12. & 13. mihi pag. 182. b August. tom. 4. l. de curâ pro mortuis c. 5. c Hieron. tom. 6. l. 2. in epist. ad Ephes. c. 3. mihi pag. 174.

§. 4.

Deus quovis tempore ad audiendum paratissimus est. Chrysoſtomus tam facilem ad divinas aures accessum explicans: Non assistit miles, inquit, qui expellat, non fatelles qui dicat: Non est nunc tempus accedendi, veni postea, sed quando veneris stat audiens; etiamsi tempore prandii, etiamsi tempore cenæ, etiamsi nocte intempeſtâ, etiamsi in foro, in viâ, etiamsi in cubili, etiamsi intus in iudicio apud magistratum fueris, & eum vocaveris, nihil vetat, quò minus tuam petitionem audiat, si rjte vocaveris. Semper & assidue potes eum interpellare, & nulla difficultas adest. Neque enim opus est janitoribus, qui te introducant, non dispensatoribus, procuratoribus, custodibus, aut amicis: sed quando ipse per teipsum accesseris, & tunc maxime te audiet. *a*

Summus Hebræorum sacerdos sanctuarium ingressurus aureis cingebatur tintinnabulis. Vide, obsecro, quantò facilius ad Deum pateat, quàm ad hominem accessus. Solent viri principes habere ad manus tintinnabula, quibus famulos ad ingressum vocent; neque enim fas est ulli ad lubitum irruere. At verò Deus non sibi hæc tintinnabula retinebat, sed Sacerdoti committebat, ut ostenderet tempus ad se ingrediendi & orandi à famulo constituendum, cum

prompta

a Chrys. tom. I. in ps. 4. initio, mihi pag. 611.

prompta hominis voluntas, sit Dei alloquendi facultas.

Pharao à ranis pessimè habitus rogavit Moſen, ut Dominum ſui cauſſâ deprecaretur. Cui Moſes : Conſtitue, inquit, mihi tempus quando deprecer pro te. *a* Cur, obſecro, Moſes precandi tempus in Pharaonis arbitrio collocavit? ut ſciret Pharao, inquit, Alphoſus Toſtatus, Deum ad audiendas preces quovis tempore promptiſſimum eſſe. Nihilominus ſtata orandi tempora minimè negligenda ſunt.

Beatus Antoninus refert Anachoretam virum integerrimum ab Angelo quot diebus botrum uvarum accepſiſſe in cibum, ſed hoc discrimine. Quando vir ille religioſus ſtatas orandi vices præproperè antevertit, botrus erat immaturus; cum preces diutiùs æquo diſtulit, ficcus videbatur botrus ac rugoſus; cum congruo tempore precandi penſum perſolvit, ſuavis & maturus ferebatur botrus. *b* Res hæc loquitur quàm Deo placeat conſtitutum orandi tempus non temerè negligere. Omnia tempus habent. Tempus orandi, & tempus laborandi. *c*

Quapropter rectiſſimè is fecerit, qui ſtata orandi tempora ſibi ipſe præſcripſerit, & quantum fieri poteſt obſervavit. Ita Daniel fenestris apertis in cenaculo ſuo contra Hieruſalem tribus temporibus in die

ſe&e-

a Exodi c. 8. v. 9.

b Antoninus parte 3. Tit. 17. cap. 4. ſ. 4.

c Eccleſ. c. 2. v. 1.

fleſtebat genua ſua, & adorabat. *a* Ita rex David: Veſpere, inquit, & manè, & meridie narrabo & annuntiabo, & exaudiet vocem meam. *b* Ajunt Caſſitam, licet diebus pœnè totis cantillet, ter in die, idque ante ſolis exortum manè, meridie ac veſperi ſingulare melos fundere, laudando conditori. Vivum & inſigne horologium! modò hanc temporis diſiſionem non negligamus.

Sed præter ordinarium cuiuſque diei tempus, expedit certis etiam horis negotia ſemovere, & orationi ſeu meditationi ſe totum dedere. Hoc ille idem Solymæus Rex religioſiſſimè executus: Septies, inquit, in die laudem dixi tibi. *c* Numquid præter prandia, cenæque ordinarias, ſympoſiola ſubinde ac conviviola celebramus, cur animo ſuas delicias negemus? Atque hoc commodiùs fiet ſolemnioribus feſtis diebus. Ita etiam poſt conſectum iter longius, poſt negotium intricatius tranſactum, aut cum magis premunt adverſa, prolixiùs orandum. Hoc ſciamus, orationem attētam & fervidam plus impetrare, quàm remiſſam ac tepidam annis compluribus. Ita Tobia conjunx Sara triduo impranſa & incenata: ita Samuelis mater Anna, ita Eſther regina, ita viri feminæque ſanctiores orârunt.

Alexander Conſtantinopolitanus præſul, ut vetus habet hiſtoria, cum Arius Conſtantinopolim veniſſet, Conſtantini juffu,

a Dan. c. 6. v. 10.

b Pſal. 54. v. 18.

c Pſal. 118. v. 164.

jussu, in Ecclesiae sinum recipiendus, grave certamen subiit. Neque enim fucatifissimas Arrii rationes ignorabant. Accedebant Eusebii Nicomediensis Antistitis minae Arrio plurimum patrocinatae. His angustiis Alexander pressus in templum Pacis se contulit, ubi terra affusus, non sine magna lacrymarum, aliquot dies noctesque continuas orando duxit. Orationis summa haec fuit: Si vera est, o Deus, Arrii opinio, diem ego disceptationi constitutum non videam: sin Arrius tot malorum auctor religione falsam nititur, luat impietatis poenas. Praefinita die Arrio conscientia metum incussit, metus alvum laxavit. Miser ad latrinam in foro secedens, cum alvo & sanguinem & animam unam deiecit. Hoc ei fatum Alexandri preces conciliarunt. *a*

a *Socrates hist. Eccles. l. 1. c. 2, Theodor. l. 2, s. 14, Alis.*

§. 5.

Verum ut gratum orationi tempus praefiniamus, Bernardum censeo audiendum, qui silentium nocturnum orationi congruentissimum judicans: Nec modò locum, inquit, sed & tempus observare oportet eum, qui sibi orare voluerit. Tempus feriatum commodius aptiusque, maximè autem cum profundum nocturnus sopor silentium indicit, tunc planè liberior exit puriorque oratio. Consurge, lauda in nocte, ait Propheta, in principio vigiliarum, effunde,

de sicut aquam cor tuum ante conspectum Domini. *a* Quàm secura ascendit de nocte oratio, solo arbitro Deo sanctoque Angelo, qui illam superno altari suscipit præsentandam. Quàm serena & placida, nullo inturbata clamore vel strepitu! Quàm denique munda atque sincera, nullo respersa pulvere terrenæ sollicitudinis, nullâ aspicientis laude seu adulatione tentata. *b*

Vates regius clamat: In noctibus extollite manus vestras in sancta, & benedicite Dominum. *c* Cur, inquit Chrysostomus, in noctibus extollendæ manus? Docens nos, non eam totam in somno consumere, & ostendens puriores tunc esse preces, quando & mens est levior, & nobis est plus otii. Propheta quidem te è lecto excitat, & deducit in templum, jubens totam illic noctem agere: at tu ne domi quidem manens hoc facis. *d*

Atque ut noverimus, quàm seriò Chrysostomus hoc omnibus persuasum cupiat. Hic mihi sermo, inquit, & ad viros & ad mulieres. Flecte genua, Dominum tuum ora tibi fieri propitium. Plus nocturnis placatur orationibus. Regis memento dicentis: Lavabo per singulas noctes lectum meum, lacrymis meis stratum meum rigabo. Quantumcunque sis delicatus, non es illo delicatior; quantumcunque sis dives, non es ditior Davide, qui rursus dicebat:

R

Mediâ

a Thren. c. 2. v. 19. *b* Bern. serm. 86. seu ultimo in Cant. mihi pag. 828. *c* Ps. 133. v. 1. *d* Chrys. tom. 1. in ps. 133. mihi p. 1001.

Mediâ nocte surgebam ad confitendum tibi. Tunc inanis gloria non interruptit. Post tales pernoctationes somni suaves, & miræ revelationes. Hoc fac tu quoque vir, ne dum mulier. Ecclesia sit domus ex viris & mulieribus constituta. Si tibi sunt & filii, per omnes in nocte fiat ecclesia: si verò molles sint, & vigiliam non ferant, usque ad unam orationem vel alteram excita & colloca. Nil illo melius penū tales orationes suscipiente. At, inquires, laboravi per diem multum, & non possum. Prætextus & occasio sunt ista. Nam quantumcunque laboraveris, non laborabis quantum ararius malleum tam gravem ex tantâ demittens altitudine, scintillas & fumum toto suscipiens corpore, & tamen majorem noctis partem in hoc absumit. Scitis & vos mulieres, quando in agrum vel ad pernoctationem a proceditis, quomodo per totam noctem vigilatis?

Nimis hoc verum, ô auree orator, quàm enim suaviter totas noctes potando, ludendo, saltando, vel ad chartulas pictas, vel ad abacum lusorium, & coronatos calices consumimus? Hic pervigilare jucundum est; hic vigilantissimos capitolii custodes anseres superamus.

a In Haingarten; ins Jungelhauff; zum Nachttanz.

§. 6.

Sed quod dicere cœperat pertexens
Chry.

Chrysoſtomus : Crede mihi, ait, non ita rubiginem ignis excoquere ſolet, ſicut nocturna oratio noſtrorum rubiginem peccatorum. Quare Chriſtus ipſe in monte pernoctabat ? Nonne ut nobis forma fieret ? Tunc plantæ reſpirant, in nocte dico, tunc & anima maximè rorem & plus illis ſuſcipit ; quæ per diem ſol exuſſit, hæc nocte reſrigerantur. *a*

Veriſſima ſunt hæc Chryſoſtomi, Quàm enim potenter ad optima cogitata invitatur nocturni ſilentii tempore innube & ſtellarum cælum ſuſpicere, tot illic ardentes faculas numerare, tot noctis ignes ex diſpoſito lucentes contemplari, infinita hæc æris ſpatia mirari magis quàm metiri; occupandum in cælo locum ſibi deligere, ita in cogitationes divinas emicare. Hæc vera libertas animi, hæc ſancta ejus evagatio. Subducitur interim ſe cuſtodix, in quâ tenetur, & cælo reſcitur. Hinc mortalis vitæ tædium, hinc amor & ingens deſiderium beatorum. Hic animus nôſſe incipit unde deſcenderit, hic explorat quò iturus ſit, quæ ſedes expectet miſeræ ſervitutis legibus ſolutum. Et quis eum vetet tunc cælo intereſſe ? Tanti eſt noctu ad preces cogitationeſque ſanctiores vigilare. Tunc enim cum vate divino vociferari licet : Anima mea deſideravit te in nocte : ſed & ſpiritu meo in præcordiis meis de mane vigilabo ad te. *b* Memor fui nocte nominis tui Domine. *c*

R 2

Am-

a Chryſ. to. 5. hom. 42. ad pop. mihi pag. 258.

b Iſaia c. 26. v. 9. *c* Et Pſa. 118. v. 55.

Ambrosius hinc documentum sumens, ne unquam ab hac meditatione feriemur, sed noctem somno subducamus, & Deo feneremur: Hoc nomen I E S V S, inquit, invocetur diebus ac noctibus, nullumque tempus prædicandi vacuum sinat sancta devotio præterire. Ad rem persuadendam hoc utitur argumento: Si, ait, studentes doctrinis sæcularibus perparum somno indulgēt, quantò magis qui Deum cupiunt cognoscere, non debent somno corporis impediri, nisi quantum naturæ satis est. *a*

Felices igitur eos, nō qui etiam dies dormiunt, sed qui etiam noctes vigilant. Hi enim planè vivunt: illi alii thalamo tanquã tumulto merſi moriuntur. Quod Petrus Chrysologus eruditè affirmans: Semper, inquit, & ad omnia vigilias esse salutare, nullus ignoret. Reverà plus vigilare, plus vivere est. Quid tam mortis simile, quàm dormientis aspectus? Quid tam vitæ plenum, quàm forma vigilantis? *b* Sed illo prior Clemens Alexandrinus: Nullus homo dormiens, inquit, ullius est pretii, magis quàm qui non vivit. Somnus enim non secus ac publicanus, dimidium vitæ tempus nobiscum dividit. *c*

Igitur somno detrahere quod orationi detur, partitio æquissima est, omniumque vocibus laudata. Quibus autem nimium grave est, noctis medio calentem nidum

a Ambr. in psal. 118. serm. 7.

b Chrysol. serm. 24. initio.

c Clem. Alex. l. 2. pedag. c. 9.

L
deserere
has brevis
manè tan
rora non
& celo a
ceptio e
esse ver
Ætern
ter præve
& ad ori
Israëlis p
lioqui s
bat. Ma
in prece
bi, & v
iniquita
ricordia
prævenie
ſus cor
culo ad
conſpect
hoc præſ
pietate i
Vota l
Matutin
tiſſimum
Salomon
culo, inc
pus om
a Phid
b Sap
d Et
f Eccl
v. 4. h

deserere, ii saltem quoties ultrò evigilant, has breves vigiliis oratione distinguant, & manè tantò citiùs strato consurgant. Aurora non Musis solùm, sed & beatis geniis & cælo amica est. Apollonii Thyanæi præceptio erat: Adveniente aurorâ cum Diis esse versandum. *a*

Æterna sapiëntia clamat: Quoniam oportet prævenire solem ad benedictionem tuâ, & ad orientem lucis te adorare. *b* Manè ab Israël's populo manna colligendum fuit, alioqui solaribus radiis incalescens tabescebat. Manè potentissimus rex Sionis David in preces effusus: Manè, inquit, astabo tibi, & videbo, quoniam non Deus volens iniquitatem tu es. *c* Exaltabo manè misericordiam tuam. *d* Et manè oratio mea præveniet te. *e* Nam quod Siracides ait: Iustus cor suum tradet ad vigilandum diluculo ad Dominum, qui fecit illum, & in conspectu altissimi deprecabitur. *f* Neque hoc præscis gentibus ignarum, Rex Æneas pietate insignis habitus:

Vota Deum primo victor solvebat Eo. g

Matutinum tempus divinis colloquiis aptissimum & convenientissimum est. Quod Salomon affirmans: Bene consurgit diluculo, inquit, qui quærit bona. *h* Manè corpus omne orationi habilis, caput defæ-

R. 3 catum

a Philostrat. in ejus vitâ l. 1. c. 12.

b Sap. c. 16. v. 28. c Psal. 5. v. 5.

d Et Ps. 58. v. 17. e Et Ps. 87. v. 14.

f Eccli. c. 39. v. 6. g Virg. l. 11. Æncid.

v. 4. h Prov. c. 11. v. 17.

catum, stomachus exoneratus, rēpus quietum, animus à diurnis negotiis vacuus, vegetiores sunt omnes sensus. At ubi cena longa, cibus potusque copiosus, & mollis est lectus, ohei somnus etiam lōgus, oratio brevis, aut nulla erit. Hæc sibi coharēt, Vara Vibiam sequitur. Quod si manè decenter cogites orate, prius vesperi semen sparge, & post lustratam conscientiam, piâ sanctâque cogitatione somnū incipe. Talem te manè posterum videbit, qualem te præcedens vesper somno tradidit. Quemadmodum is qui noctu prunas cineribus operit, ut tantò facilius manè proximo ignem eruere, pabulum subijcere, focum struere possit.

§. 7.

Ad sacrum hunc orationis ignem meliùs fovendum, expedit omninò, ut quotiescunque noctu quis expergiscitur, mox animum in Deum erigat, hæc brevi aliâve simili orationiculâ: Gloria Patri, & Filio, & Spiritui sancto: Aut: Dominus meus & Deus meus: Aut: Domine JESU, miserere mei, & dirige me: piorum certè Christianorum sancta consuetudo est, ut, ubi post absolutas preces cubitum concesserint, pii aliquid cogitare instituant, & cogitationi, aut ipsi etiam orationi hæc indormiant: idemque faciant, cum noctu evigilant.

Incredibile dictu est, quàm diabolus ad semisopitum hominem sit attentus, quem impuris cogitationibus concipiendis esse

aptissi-

aptissi-
sam in
memo-
dis m
quam
pit. Q
finies
malum
Huc
ci, qu
chore
tutinã
enim
ceder
qui. I
ta &
nè ve
viros
Orati
tradu
tuum
dium
arden
In
Si tu
Deum
tus, f
evigil
culur
utin
inqu
hoc

a Chri
p. 297

aptissimum nō nescit. Eam etiam ob causam manē prima omnium cogitatio sit Dei memoria; alioqui Satan suggestionibus foedis mentem praecipuat, & ita diem reliquum omnem matutino semine corrumpit. Qualis diem coeperis, talis plerumque finies; nec bonam diei seriem expecta, si malum fuerit illius principium.

Huc omninō spectat illud Ioānis Climaci, qui refert unum aliquem ē priscis Anachoretis dicere solitum: Se in oratione matutinā cursum totius diei conspicerē: quali enim tenore ac modo prima illa oratio preccederet, tali cetera omnia eo die solere sequi. Mala oratio, malus dies: oratio attendita & tranquilla, talis etiam dies. Quod planē verissimum videtur, & inter religiosos viros quotidianā experiētiā probatum. Orationem enim, ait Climacus, rectissimē tradunt Theologi, esse speculum. Statutum oratio tua manifestat tibi. *a* Dimidium diei aut totum habebit, qui manē ardentē & attentē oraverit.

In eam rem lobus apertissimē monens: Si tu, inquit, diluculo confurrexeris ad Deum, & Omnipotentem fueris deprecatus, si mundus & rectus incesseris, statim evigilabit ad te, & peccatum reddet habitaculum iustitiæ tuæ. *b* Ideō David tam matutinus ad orandū evigilans: Prævenerunt, inquit, oculi mei ad te diluculo. *c* Regium hoc exemplum Ambrosius aspiciens: Gra-

R 4

ve

a Clim. gradu 18. de orat. virtutū matre, mihi p. 297. *b* Iob c. 8. v. 5. & 6. *c* Ps. 118. v. 148

ve est, inquit, si te otiosum in stratis radius solis orientis, in verecundo pudore conueniat, & lux clara feriat oculos somnolento adhuc torpore depressos. An nescis, ô homo, quòd primitias tui cordis ac vocis quotidie Deo debeas? *a*

Hoc reverà Salomon velut vestigal exigens: Honora Dominum, inquit, de tuâ substantiâ, & de primitiis omnium frugum tuarum. *b* Equissimum prorsus est, ut Deo primordia rerum nostrarum omnium offeramus. Idcirco non solum manè, sed & interdium actiones omnes à precibus auspiciandæ; semper in mente sit illud Domini: Sine me nihil potestis facere. Iugem hunc orationis usum Hieronymus plurimum commendans: Instantiam, inquit, & orationis perseverantiam nos habere Propheta docet. Qui ad cupita pervenire voluerit, reflectere mentem ab orationis studio non debet, sed magis perseverare illi in cœptâ intentione oportet. *c* Sic Annæ precantis vultus non sunt amplius in diversa mutati. *d* Nunquam enim amplius orare desit. Ita cæcus Hierichuntinâ viam obsidens tantò magis clamabat, quantò magis tacere jubebatur. Quod illa & ille tam perseveranter petiit, liberaliter à Deo & illa & ille impetravit. Optimè dixit Gillebertus Abbas: Pertinax oratio pertingit ad finem. Et si tibi in initiis ficca & velut

faxea.

a Ambr. serm. 19. in dictum psal.

b Prov. c. 3. v. 9. *c* Hier. in c. 3. Thren. v. 49.

d 1. Reg. c. 1. v. 18.

saxea videatur, oleum tamen gratiarum elicies de durissimo hoc saxo, modò perseveres, modò te longior mora non dissolvat, modò tua vota dilatione non lentescant. Cave, ne illud tibi de Evangelio impropere-
retur: Sic non potuisti unâ horâ vigilare mecum? Quòd si torpor abest, vide, ne dilationis tadium te fatiget, & desiderium tuum infringat. Utrobique reatus est, si sit anima vel in postulatione remissa, vel deficiens in expectatione. Vigilate igitur & orate.

a Gillebertus serm. 6. in Cantica apud Bernardum, mihi pag. 1805.

CAPVT XI.

*Quanta sint efficacia orationes complurium,
& publica.*

Nitebatur Archidamus Agesilai regis filius persuadere Græcis, ut inita cum Antigono & Cratero pacta solverent, Illis abnuentibus: Ovis, inquit, eâdem semper voce utitur, homo multis & variis, dum id quod vult, conficiat. a

Nullum profectò animal vocem sic variare novit atque homo; leo eundem rugitum, ovis eundem balatum, eundem bos mugitum, eosdem serpens sibilos, eundem equus hinnitum retinet. Sturni variandis vocibus aptiores. At homo cum avibus

R 5

can-

a Plutarchus tom. i. Moral. in Apophteg. mihi pag. 386.

cantillare, latrare cum canibus, cum lupis ululare discit, variandæ vocis mirissimus artifex. Hoc in homine miratur homo, sed Deus hac vocū varietate non flectitur. Hoc potiùs aures divinas mulcet, cum multi homines velut unâ precantur voce. Quod in publicis orationibus fieri amat, ubi Credentium cor unum, & anima una, a Hæ orationes Deo gratissimæ, quæ unâ ejusmodi voce, corde uno constant. Et de his nunc agendum.

a *Actor. c. 4. v. 32.*

(. 1.)

Incredibilem impetrandi vim habet publica complurium oratio. Hujus non ignara Judith vidua castissima, cum Bethulix clades & vastatio immineret à Duce Holoferne, jam universo populo ad civitatis portam congregato, publicam orationem indicens: Stabitis vos, inquit, ad portam nocte istâ, & ego exeam cum Abrâ meâ: & orate, ut, sicut dixistis, in diebus quinque respiciat Dominus populum suum. Nihil aliud fiat, nisi oratio pro me ad Dominum Deum nostrum. Sed hoc tertium commendans: Orate, inquit, ut firmum faciat Deus consiliū meum. a Quam miranda verò fuerit publicæ orationis illius efficacitas, eventus secundissimi felicitas probavit.

Ita olim Heliodoro Solymæis gazis inhiante, quod Machabæa historia recitat, nō modica per universam civitatem erat trepidatio. Sacerdotes autem ante altare cū stolis

a *Judith c. 8. v. 31. & seqq.*

lis sacerdotalibus iactaverunt se, & invocabant de cælo eum, qui de depositis legem posuit. Alii etiam gregatim de domibus confluebant, publicâ supplicatione obsecrantes: accinctæque mulieres ciliciis pectus, per plateas confluebant. Sed & virgines; quæ conclusæ erant, procurrebant ad Oniam, &c. universæ autem protendentes manus in cælum deprecabantur. *a* Ita civitas omnis in publicam supplicationem effusa, tantam habuit impetrandi efficacitatē, ut ipsos è cælo Angelos Heliodori castigatores acerrimos, in sui præfidiū evocarit.

Non minùs Bethulię civibus sapuerunt Ninivitæ, jubente Rege in publicam orationem provoluti. Regium edictum imperârât: Operiantur saccis homines & jumenta, & clament ad Dominum in fortitudine. *b* Et reverà deferbuit indignatio divina: Deus ad opitulandum adfuit. Hinc Chrysofomus rem grandem & miram proloqui ausus: Deus, inquit, frequenter reveretur multitudinem unanimum & consentientem in precando; ut veluti pudore victus non audeat illis negare. *c* Nimirum humanissimus Deus, non rarò induit mores humanos.

Petrus & Jacobus in vinculis mortem operiebantur. Herodes suo furori velut proluðs in Jacobum gladio animadvertit. Nec Petrum fors mitior manebat, Verùm Herodianæ sicæ præreptus Petrus: Nunc

R 6.

scio

a 2. Machab. c. 3. v. 16. & seqq. *b* Iona c. 3. v. 8. *c* Chrysof. hom. 2, in ep. ad Cor.

scio verè, inquit, quia misit Dominus Angelum suum, & eripuit me de manu Herodis. *a* Cur Iacobus, quæso, regiâ securi cecidit? Cur Petrus evasit? Non pro Iacobo, sed pro Petro Ecclesia tota dicitur deprecata: Nam Lucâ teste, oratio fiebat sine intermissione ab Ecclesiâ ad Deum pro eo. *b*

Hanc publicæ orationis efficacitatem Chrysostomus expendens: Vis, inquit, discere, quanta sit orationis in Ecclesiâ factæ potentia? Vincit erat Petrus, multisque catenis circumdatus: Oratio autem fiebat sine intermissione ab Ecclesiâ pro eo, & statim eum à carcere liberavit. Quid hæc igitur sit oratione potentius, quæ columnam & Ecclesiæ turrim adjuvit? *c* Ut intelligas plurimum eam pollere orationem, quæ cum consensu agitur, & jugi concordia plurimum hominum? *d*

Eam etiâ ob causam Samuel omni populo præsentem instituit orare in publico; Quatenus, ut Dionysius loquitur, ex multarum præsentia facierum exaudibilior esset sua oratio. Nec defuit optatissimus successus, Philistæis per unanimes preces potius quàm per militares vires expugnatis. *e* Hæc ratione Samuel eam urbem ita initiavit, ut in posterum locus orationis publicus haberetur. Unde multis post annis Hebræi bellicis cladibus attriti: Venerunt in Masphat contra

a Actor c. 12. v. 11. *b* Ibid. v. 5.

c Chrys. hom. 79. ad pop. mihi pag. 396.

d Idem de incomprehens. nat. Dei hom. 4. mil. pag. 1001. *e* 1. Reg. c. 7. v. 5.

contra Hierusalem, quia locus orationis erat in Masphat antè in Israël. *a*

Sic complura loca ob illustrem Patriarcharum memoriam consuèrunt frequentari. In montem Moria Abrahami sacrificio celebrem perrexit Rebecca, ut consuleret Dominum. *b* Iacob in Mesopotamiam contendens, in eundem montem religionis causâ subiit. *c* Sic Absalon religiosus nequam, se voti reum simulans, ut hostiam Deo gratiorem offerret, in Hebron iter adornavit. *d* Ita Bethel nocturno Iacobi viso illustris, Hiericho celebri Iosue triumpho memorabilis, Jordanis sacerdotum arcam ferentium transitu venerabilis. Has urbes Elias antequam in cælum raperetur, velut loca pietatem spirantia postremum voluit salutare. Sed ad rem.

a 1. Machab. c. 3. v. 46.

b Gen. c. 25. v. 22. Ita Augustinus *quest. 72. in Genesim explicat.*

c Gen. c. 28. v. 11. Vt Hebræi apud Liranum affirmant. *d* 2. Reg. c. 15. v. 7.

§. 2.

Multi deprecatores facilius ac citius exaudiuntur. Ideò Samuelem, quem dixi, Israël's populus rogabat. Ne cesses pro nobis elamare ad Dominum Deum nostrum: ut salvet nos de manu Philistinorum. *a* Cur non ipsi statim confugerunt ad Deum, sed Samuelem potius ad orandum exorârunt? Sciverunt utique Hebræi, multorum preces non facile repudiari. Nec illud nescire potue-

a 1. Reg. c. 7. v. 5.

potuerunt, eos qui aliquid à Deo impetrare fatagunt, non suâ solùm auctoritate niti, sed quàm multos possunt, adsciscere sibi deprecatores. Ita Ægypti rex Pharaon Mo- sen & Aaronem sibi concilians: Orate, inquit, Dominum, ut auferat ranas à me, & à populo meo. *a* Ita Hebræi Hieremiam allocuti: Cadat, inquit, oratio nostra in conspectu tuo, & ora pro nobis ad Dominum Deum tuum. *b* Iidem Babylonicis vinculis attenti ad alios Hierosolymis agentes: Pro nobis ipsis, inquit, orate ad Dominum Deum nostrum, quia peccavimus Domino Deo nostro, & non est aversus furor eius à nobis usque in hanc diem, *c* Divinus Paulus, tametsi ad exorandum Deum potentissimus, aliorum tamen preces expetens: De cetero fratres, inquit, orate pro nobis, ut sermo Dei currat & clarificetur, sicut apud vos. *d* Christus Dominus ipse discipulos suos, non ad orandum pro se (nec enim Filius apud Patrem, servorū precibus egebat) sed ad orandum secū invitans: Sustinete hîc, inquit, & vigilate mecum: vigilate & orate. *e* Multorū preces validissimæ.

Quàm autem hæc orandi societas Deo placeat, Christus luculentè pronuntians: Dico vobis, inquit, quia si duo ex vobis consenserint super terram, de omni re, quâcunque petierint, fiet illis à Patre meo, qui in caelis est. *f* Quòd si vel soli duo concordibus

a Exodi c. 8. v. 8. *b* Hierem. c. 42. v. 2.

c Baruch c. 1. v. 13. *d* 2. Theff. c. 3. v. 1.

e Matt. c. 26. v. 38. & 41. *f* Matt. c. 18. v. 19

cordibus animis votisque, rem quamcunque a precibus postulaverint, certo certius impetrabunt, quò magis si plures, aut Ecclesia universa quiddam rogaverit. Ita Deus publicas preces singulari promissione dignatur, quò nos acrius ad earum stultitiam invitet, cum plurimum faciat ad impetrandum unanimes & concors plurium oratio. Et causam assignans Christus: Ubi enim, inquit, sunt duo vel tres congregati in nomine meo, ibi sum in medio eorum, *b* Si Deo largitori tam gratum est, aliquos in Christo conspirare, numero licet minimo; quò magis gratius erit, si duo vel tria milia, si plurimi in ipso conspirent. Ibi, ait, in medio eorum non cunctabundus ero, sed jam sum, jam illic invenior, favore ac gratia singulari præsens, ut eorum conatus adjuvem, eorum preces accendam, consilio eos dirigam, illosque voti compotes reddam, & quidquid aggressi fuerint, ad successum prosperum deducam, ut denique tanquam supremus iudex inter eos confidens, quam meo nomine pronuntiaverint sententiam, confirmem. Ea orationis inter plures sociatæ, est publicarum præmium inestimabile bonum. Nimirum quod Chrysostomus dixit, deprecatoribus multis non audet Deus negare. Hanc ob causam hortatur acriter Augustinus: Orate certatim concordi sanctoque certamine: Non enim adversus alterutrum certatis, se ad-

versus

a Modo non sit aliena à voluntate divinâ.

b Ibid. v. 20.

versus diabolum sanctis omnibus inimicum, a

a August. tom. 2. epist. 121. ad Probam, sine, mihi pag. 240.

§. 3.

Hic forsan emergat quaestio, quae inter infinitas orationes sit omnium excellentissima oratio? Verbo responderi potest, Orationem Dominicam omnibus aliis orandi formis antistare auctoritate, ordine, brevitate, perfectione, efficacitate, ac demum necessitate. 1. Auctoritate. Ipsa eam & Sapientia & Veritas praescripserunt. 2. Ordine, nam primò ea petuntur quae Dei gloriam, deinde illa quae animi salutem, tertio, quae bonum corporis spectant. 3. Brevitate; Si rerum petendarum multitudinem & magnitudinem expendamus, brevior esse non poterat. 4. Perfectione; nam (ut Augustinus loquitur) etsi per omnia precationum sanctarum verba discurras, quantum existimo, nihil invenies, quod non ista Dominica contineat & concludat oratio, a

5. Efficacitate; Deum Patrem utique nil magis moverit quam oratio Filii, nec quisquam melius noverit quam filius, quae apud Patrem sit efficacior oratio. 6. Necessitate; Nulla alia precandi formula est, quam conceptissimis verbis Christiani usurpare jubeantur, nisi ista. Ita nec melior, nec ordinatior, nec brevior, nec perfectior, nec utilior, sed nec sanctior aut efficacior

a. Aug. to. 2. ep. 121, c. 18. mihi pag. 239.

cacior est ulla oratio. In constitutionibus Apostolicis monentur omnes te eam quotidie iterare. Sacra insuper Concilia docent, non licere homini Christiano orationem Dominicam aut memoriâ non tenere, aut non intelligere, aut non frequentare. Petitionum ordo talis est. 1. Petimus bonum Dei. 2. Bonum nostrum summum. 3. Bonum nostrum medium, seu gratiam ad observandas Dei leges. 4. Bonum nostrum infimum, seu subsidia temporalia. 5. Amotionem mali præteriti. 6. Amotionem mali futuri. 7. Mali præsentis: Sic quatuor primis petitionibus precamur bona, tribus reliquis deprecamur mala. Hanc autem orationem probè intelligere, & quotidie sæpius dicere, cujusvis Christiani est: Et quando jam ante aliquot annos seriò rogatus sum, succinctam ejus orationis explicationem dare, hîc obsequi est animus, idque cum quantâ possum curâ, & loco, putem, commodissimo. Idcirco Domini verba ordine subjungo.

Pater noster, qui es in calis.

Hæc Orationis Præfatio est, quâ Deum cum bonitatem, tum potentiam laudamus. Bonitatem, *Pater noster*, Potentiam, *Qui es in calis*. Hîc oranti crescat ingens fiducia. Deus benignissimus est, ut velit largiri; potentissimus est, ut possit. Quid autem neget filiis æqua petentibus Pater? Hîc simul etiam tam adoptionis quàm peregrinationis.

tionis nostræ monemur. Deus est *Pater noster*; qui nos adoptavit. Eramus paradisi exules; jam cæli hæredes, jam Dei filii sumus, sed interim & peregrini sumus. Pater cælum habitat, ubi suam pandit gloriâ, nos in terrâ exulamus, dum ad patrem assumamur, illic ei futuri similes, si hîc non fuerimus degeneres.

Non autem *Pater meus*, sed *Pater noster*, dicimus, reprimendæ superbiæ, promovendæ humilitati, mutuo amorî commendando. Unam & eandem omnibus nobilitatem donavit Deus Pater omnium. Ita pro mendico Rex locuples pro egeno, Dominus pro servo, Princeps pro subdito orat, quem & fratrem vocat. Cyprianus: Libenter audit Deus, inquit, quando Christianus non solum pro se, sed pro altero orat. Pro se orare naturæ est; pro altero gratiæ; pro se orare necessitas cogit, pro altero charitas. Hîc autem nullum, quantumvis inimicum, nisi apud inferos sepultum excludimus. De nemine dum vivit, desperandum.

Cùm autem Deum in cælis esse dicimus, non eum cælis circumscribimus, sed omnia illius imperio subesse, virtutem ejus quolibet diffundi, universâ illius providentiâ gubernari profiteremur. Hac autem locutione usus est servator, ut orantium mentes erigeret è terrâ, & cælo affigeret, summâque in Deum reverentiâ instrueret, sub cuius conspectu se stare orans meminisset.

Porro Nyssenus eos, qui noxâ letali voluntariè in hærent, & tamen dicere audent,

Pater

Pater noster qui es in calis, mendacii convincit, cùm eorum pater diabolus non in cælis, sed in inferorum flammis sit. a

a Greg. Nyss. orat. 2. de Orat. Dom.

-Sanctificetur nomen tuum.

Prima petitio. Vult ea primò, ut Deus & Dei potentia, majestas, sapientia, benignitas, providentia, justitia & misericordia cognoscantur ab omnibus. Secundò, ut Deus ab omnibus timeatur & ametur. Tertio, ut dignè colatur & laudetur ab omnibus. Id porrò fiet, si Deo ut veraci credant omnes, in Deo ut potente & largo sperent, Deum ut iustum timeant, ut bonum diligant: si rectum & sanctum habeant, quidquid vult aut permittit, quidquid jubet aut ordinat Deus, de Deo nunquam loquantur aut cogitent sine summâ veneratione & offensionis metu. Sic in orbe toto Dei gloria reluceat, noscatur inter homines Deus qualis est, atque ita ut meretur, colatur & honoretur.

Cùm autem Deo bonorum omnium laudem tribui cupimus, ad gratiarum actionem etiam nos ipsos excitamus, dum eius beneficia grati agnoscimus, & omnia illi uni accepta referimus. Quia verò ingenuus filius, pro nullâ re prius quàm pro gloriâ Patris supplicet, reliqua omnia infra eam numeret, & secundo loco ducat; tunc nos demùm ad ritè precandùm erimus comparati, si non de nobis tantùm & commodis nostris

nostris solliciti, sed priorem gloriæ divinæ locum dederimus. Nec enim sat magno divini honoris studio feremur, nisi nostri quodammodo oblitī, ante omnia honorem Dei spectemus: Nimis præposterum est, quæ nostra sunt solum curare, Dei gloriā, quæ aliis omnibus curis merito suo longè præferenda, negligere.

Adveniat regnum tuum.

Triplex DEI regnum est, Naturæ, Gratiæ, Gloriæ. Naturæ regnum dicimus, quia Deus in omnes res conditas, in orbem universum dominatur, creans, destruens, ordinans, gubernans omnia singulaque pro nu-
 tu & arbitrio. Alterum, Gratiæ regnum est, quod Deus tenet in servis suis, & servi ejus in ipso adversus hostes primarios, Mundum, Carnem, Diabolum. Atque hoc Dei regnum per veram religionem & charitatem administratur. Tertium est regnum Gloriæ, beatitas immortalis. Pacatissimum est hoc regnum, absque ullius hostis infestatione. Atque hoc regnum ut adveniat, desideramus, ardentem autem desiderando digni reddimur, ut in illius regni societatem à Patre admittamur.

Impleatur igitur numerus Beatorum, & regnum illud longè beatissimum inchoetur. Hic pro se quisque cum Chrysologo dicere poterit: Veniat, oro, Christus, veniat perfectè regnaturus in me, in quo diabolus arcem, mors imperium, infernus tenuit potesta-

potestatem. Ut scias, Domine, fidelis tibi miles esse cupio. Ad tuam igitur, ô mi optime Dux, præsentiam anhelò, regnum exopto, expeto triumphos. Sic Christus semper suo regnet in milite, ut miles semper suo triumphet in rege. a

a *Chrysol. serm. 68. mihi pag. 183.*

Fiat voluntas tua, sicut in celo & in terrâ.

Tua, Domine, fiat, non nostra, non Mundi, non Carnis, non diaboli, sed tua, rectissima illa & sanctissima Voluntas, explosâ omni eâ, quæ huic adversatur. Duplicem Dei Voluntatem assignant Theologi; hanc *Signi*, illam *Beneplaciti*. Signi est, quâ Deus præcipiendo aut prohibendo significat, quid à nobis fieri velit. Beneplaciti est, quâ Deus, quod providentiæ suæ decretis ab omni ævo statuit, usquequaque vult fieri. Et hæc definita Dei voluntas semper perficitur. Huic nos subicere, nec adversus eam contendere aut murmurare, sed rectam in omnibus sanctamque agnoscere ac prædicare debemus. Quia verò hanc *Beneplaciti* voluntatem amplecti, & illam *signi* præcipientem aut prohibentem exequi sine Numinis ope singulari non possumus, ideò gratiam postulamus ad divinas leges omnes integerrimè observandas, ut Dei voluntas fiat in terrâ, sicut in celo, ut quemadmodum Angeli & omnes Beati divinæ Voluntati perfectissimè parent: ita mortales omnes faciant quod vult Deus, ut omnes præceptis Dei pareamus, sequamur
justa

jussa & consilia, amplectamur omne quod ei gratum est, componamur denique ad Voluntatem ipsius & corpore & animo, ut si Deus velit nos ægrotos, pauperes, inglorios esse; si velit parentes, si uxorem, si liberos, si cognatos aut amicos eripere; si vivere, si mori velit, hoc ipsum & nos velimus, & in ejus sanctissimâ voluntate acquiescimus, illud lobi cantantes: Dominus dedit, Dominus abstulit; sicut Domino placuit, ita factum est; Sit nomen Domini benedictum. Fiat Dei voluntas, sicut in cælo & in terrâ.

Et quamvis ea sit hominum nequitia, ut nunquam omnes mortales Voluntati divinæ sint obsecuturi, id tamen rectè precamur ut fiat, tum quia id fieri debeat, etsi nunquam sit futurum, tum quia deceat his precibus nos testari, quàm ardentè cupiamus abolitum & extinctum, quidquid rebellionis est contra divinam Voluntatem. Sciat hoc Orbis, sciant hoc omnes Orbis incolæ, majoris esse momenti, minimam Dei voluntatem impleri, quàm omnium rerum conditarum, quàm orbis universi bonum stabiliri. Porro animæ sanctitas, est vera cum divina Voluntate conformitas.

*Panem nostrum quotidianum a
da nobis hodie.*

Hactenus ea rogavimus, quæ gloriæ Patris sunt augendæ, nunc rogamus illa, quæ vitæ faciunt ducendæ. Uno autem Patri
nomi-
a *Matth. c. 6. v. 11.*, supersubstantialem.

I
nomi
saria su
habitati
id oram
hoc vita
cet: &
subrin
rium no
nostrum
lum no
Quo
petimu
August
bus fit
tere te
An no
dicus e
vinitus
Panem
care no
quem
comed
rium, f
non de
ea tan
vivere
tam Et
frundi
bis dar
a Aug
b NB.
hic pro
co prop
nostra

nomine, omnia ad tuendam vitam necessaria subsidia petimus, victum, amictum, habitationem, valetudinem, reliqua. Nam id oramus, ut quam Deus nobis in orbe hoc vitam dedit, tueatur, quamdiu ipsi placeat: & quia multis ea subsidiis indiget, subministret ipse, quidquid esse necessarium novit. Hic accuratè observandū quòd *nostrum*, quòd *quotidianum*, quòd *hodie* illum nobis dari petimus.

Quomodo autem *nostrum* panem, quem petimus mendicando? Illo dante, inquit, Augustinus, fit noster, nobis superbientibus fit alienus. Agnosce largitorem, confitere te accipere, ut libenter dignetur dare. An non mendicas, qui panem petis? a Mendicus es, & tamen superbus es? Quòd si divinitus pasci cupimus, alieno abstineamus. Panem rapinā vel furro comparatum, vocare nostrum non possumus, sed nec eum quem alienas mensas aut otium sectando comedimus. *Quotidianum* b petimus, cibarium, frugalem & moderatum, non curiosa, non delicata, non superflua quærendo, sed ea tantū sine quibus nullo modo licet vivere. Non verò solū panem è forno, sed tam Eucharistiæ, quàm æternum in cælo fruendū petimus. Panem autem *Hodie* nobis dari rogamus, tum ut significetur aviditatem

a *Aug. tom. 19. hom. 14. c. 1. mibi pag. 163.*

b NB. *Supersubstantialis & quotidianus panis hic prorsus idem. Nam supersubstantiale hoc loco propriè dicitur omne alimentum substantiæ nostræ congruens.*

tatem frenandam, sollicitudinem in crastinum cavendam, tum etiam quotidie hanc orationem fundendam esse, cum assidue à Dei beneficentiâ pendeamus, anxiiis curis procul abactis. Inanissimi sunt conatus nostri sine providentiâ & auxilio Dei; quotidie igitur ad Patrem recurendum. *Da nobis*, dicimus. Quia cupimus cibum è manu Dei, velut ad dimensum accipere, ut corpori proficit & non obsit animo. Quotidianus autem & diurnus hic panis etiam ab opulentissimis petendus, cum quæ habent omnia vel eripi, vel retenta corrumpi possint. Hic autem quivis cum Apostolo, & satiari, & esurire noverit, prout Patri visum fuerit, qui solus scit, quid filiis suis sit utile.

a *Philip. c. 4. v. 12. & Rom, c. 8. v. 26.*

Dimitte nobis debita nostra, sicut & nos dimittimus debitoribus nostris.

Post bonum quadruplex postulatum, jam triplex malum deprecamur. Peccatum malorum omnium summum est, idcirco ante omnia liberari ab eo cupimus. Nemo autem quantumvis sanctus, sine quotidianis peccatis hanc vitam ducit. In quovis peccato tria sunt, actus peccati, qui transit; macula, quæ remanet; pœna, quæ debetur. Hinc peccatum nominari debitum, peccatores dici debitores solent. Tum etiâ quia satisfactionis debitorem se constituit, qui Deo injuriam facit. Deinde cum unicuique

com-

commiffa fint naturæ & gratiæ talenta, ii, qui ea negligunt, debitores fiunt lucri non acquifiti & cenus non reddit. Hæc debita dimittit Deus, cùm peccati actum eo loco habet, ac fi non fuiffet, cùm maculam eluit, & pœnam remittit. Quando igitur folvendo non fumus miferi debitores, divinam mifericordiam imploramus, quæ debita condonet. Ita fragilitatis noftræ nobis confcii minimè efferamur, fed nec ob frequentia delicta desperemus. Semper patent mifericordiæ viscera rogantibus veniam. Nec enim præcepit quotidie à Deo petere, quod Deus nolit quotidie dare. *a*

Sed veniæ, quam rogamus, fundamentum jacimus, *Sicut & nos dimittimus*, Hic Gregorius Nyffenus eleganter: Vide, inquit, quomodo verba orationis humanam naturam conditione divinâ quodammodo mutant, ut dii fiant, qui ad Deum accessuri funt, dum faciunt ea, quæ folius est Dei. Imò ordo quodammodo invertitur, cùm audeamus dicere, ut Deus noftra facta imitetur: *b Dimitte, ficut & nos dimittimus*. Hic certè, inquit Cyprianus, conditione ac fponfione nos Chriftus constringit, ut fi nobis indulgeri & culpæ gratiam fieri velimus, & nos aliis indulgeamus, &

S

injuriam

a NB. Leviores culpas & tēporariam pœnam à gravibus peccatis reftantem hæc tollit oratio. Ad gravia tollenda non fufficit, nifi accedente pœnitentiâ, & Chrifti fanguine per facramentum operante. Vide Auguft. Enchiridion c. 71.

b Greg. Nyffen. orat. 5. de Orat. Dominicâ.

injuriæ gratiam faciamus, & quidem ex animo. Aequissima conditio, ut qui à majore petit veniam offensionum graviorum, minorum ipse tribuat æquali: & tantò æquior, quòd ille, qui ignoscit alteri, homo cùm sit, subinde opus habeat, ut ipsi & alter ignoscat. Observa, quanta Dei sit humanitas, cui adedò curæ est nostra in nos mutua charitas; & quantum sit peccatum, odisse ullum hominem, quo fit, ut nulla nobis peccata remittantur. Non amat Deum, qui hominem odit, quem vider, & quem jubet Deus amari.

Porrò is non se vindicat, qui delinquentem charitate aut justitiâ distante corrigit, nec is qui damnum & aut pecuniam, vel qui honoris & famæ restitutionem exigit, offensione seu injuriâ dimissâ.

Hic mihi considera, quantum eorum sit crimen, qui hac prece utuntur, nec tamen odium ponunt; proinde Deo mentiuntur, & in seipsos sententiam dicunt, ut sibi Deus non remittat peccata, qui recusant ab aliis in se commissa remittere. Hoc prorsus est divinam in se ultionem vocare. Non solum autem condonanda est injuria, cùm illatæ alter pœnitentiâ ductus veniam rogat, verùm etiam dum pertinax persistit, & injuriam injuriâ cumulat. *b*

Ne igitur aliquando, assiduè condonando, fatigaremur, hoc nobis in quotidianam

a Nisi qui offendit, damnum resarcire non possit, sine suo maximo detrimento. b Exterior condonatio non nisi rogantibus debetur.

nam intexuit orationem, ut cum Dei, in quem quotidie delinquimus, quotidie imploremus misericordiam, tamen eam non obtineamus. nisi & ipsi in alios misericordes ac benevoli perseveremus. Talem mereberis veniam, qualem dederis.

Et ne nos inducas in tentationem.

Monemur imbecillitatis nostræ, quæ tanta est, ut sine Dei auxilio, nullis periculis superiores evadere possimus: proinde nostris viribus nequaquam fidendum est. Nihilominus Satanas formidandus non est, cum sine divinâ permissione nihil in nos possit. Quando igitur in continuis versamur periculis, cum omnis vita tentatio sit & militia, a necessarium est, ut omnis timor noster, omnis devotio & observatio nostra ad unum Deum convertatur.

Duplex tentationis genus est. Primum, cum experimentum nostri sumitur, ut ea quæ præditi sumus, innotescat virtus, & digna fiat ampliori præmio. De hoc Apostolus: Omne gaudium, inquit, existimate, cum in tentationes varias incideritis. *b* Istud hîc non refugimus. Alterum tentationis genus est, cum virtus nostra sic exploratur, ut ea labefacteretur, & nos ad peccandum pertrahamur. De hoc ille idem

Apostolus: Deus, inquit, neminem tentat. *c* Priori tentationis genere nos tentat Deus; posteriori hostes Dei, & nostri.

S 2

Quæ

a Job c. 7. v. 1. *b* Iacob, c. 1, v. 2.

c Idem c. 1, v. 13.

Quâ ratione tentatio est ad peccatum sollicitatio, atque hanc deprecamur. Sollicitamur autem ad peccatum nunc prosperarum rerum dulcedine, nunc adversarum acerbitate. Extrinsecus veterator diabolus, & homines impii, intrinsecus nostræ nos cupiditates & libidines sollicitant. Ab exteriori hoste nihil metuendum, si domesticus non noceat. Rogamus igitur, ne DEVS permittat nos ullâ tentatione vinci, *a* sed ita nos semper dirigat, ut nûquam succumbamus. Ne autem à tentatione superemur, Deus duplici modo cavet; uno, dum fragilitati nostræ parcens tentationem nobis moveri non sinit; altero, dum vires suggerit, ut tentationem motam vincamus. Eum autem in tentationem inducit, cui suam æquo iudicio negat gratiam, quâ destitutus tentationi succumbit. Summa ergo petitionis est, ut suis Deus auxiliis nos confirmet, erigatque, ne ulli tentationi vel consentiamus decepti, vel cedamus afflicti.

a Hoc enim est induci, seu inferri in tentationem, ut contextus Græcus est.

Sed libera nos à malo.

Innumera sunt vitæ mala, tentationes, ærumnæ, afflictiones, calamitates & miserix perpetuæ; quia verò hæc modò ad peccatum sollicitant, modò virtutem oppugnant, non malè desideramus ab eis liberari. In primis à peccato, quod summum est malum, atque si res ad vivum rescetur, unicum

unicum & solum est malum. Deinde cupimus diaboli & malorum hominū, qui eius membra sunt, insidiis subduci. A diabolo liberari petimus, non tantūm ut non superet nos, sed etiam ut non infestet. Ut autem à tentatrice atque illice concupiscentiā liberemur, oramus, non solūm ut non obediamus illi, sed ut illam non habeamus. Denique hīc rogamus, ut ab omnibus tam corporis quàm animi, tam exterioribus quàm interioribus malis reddamur liberi. Satis est autē post decursam mortalē hanc vitam istud consequi; in ipsā verò, quantum nobis expedit ad salutem. Quocirca hīc etiam divinæ se voluntati subjiciat oratio. Observa hīc caeleste artificium in Dominicā oratione, & quē ejusdem finis viam relegat ad principium. Inter expetenda primum est, à malo esse liberum: *Libera nos à malo*: Huic conjunctum est, ut stannamus fugerē peccata: *Ne nos inducas in tentationem*. His proximum est, ut Charitatis & Misericordiæ studiosi simus: *Dimitte, sicut & nos dimittimus*. His modis peccatorum veniam impetramus, datā veniā, tum demum pane super substantiali digni sumus: *Panem nostrum quotidianum da nobis*. Hic panis eò nos nutrit, ut Dei voluntatem in terrā faciamus: *Fiat voluntas tua*. Dum omnibus viribus conamur facere voluntatem Dei, meremur ut aliquando recipiamur in regnum Dei. *Adveniat regnum tuum*. In regno Dei hoc erit unicum & felicissimum munus nostrum, laudare Deum in omne ævum:

Sanctificetur nomen tuum. Hoc summum est nostrum bonum; huc spectant omnia.

Ergo, *Amen.* Hanc clausulam Hieronymus, orationis Dominicæ signaculum appellat. Nec est aliud quàm optantis votum, ut ita fiat: quo sinceritatem, ardoremque nostri desiderii exprimimus, perinde si dicamus: Tua bonitas, Pater, efficere dignetur, ut quod ardentibus votis petimus, impetremus. Prout etiam Psaltes periiit: *Benedictus Dominus Deus Israël à sæculo, & usque in sæculum, fiat, fiat: hoc est Amen, Amen.*

Vide, inquit Tertullianus, compendio paucorum verborum, quot simul expunguntur officia: *Dei honor in Patre, fidei testimonium in nomine, oblatio obsequii in voluntate, commemoratio spei in regno, petitio vitæ in pane, exomologesis debitorum in deprecatione, sollicitudo tentationum in postulatione tutelæ.* Quid mirum? Deus solus docere potuit, quomodo se vellet orari. *b*

Qui autem assuetis vitiis inhærentes hanc orationem Domini ore solo pronuntiant, hi orando noxas cumulant, cum in singulis pœnè petitionibus mētiantur. Quæ enim fronte dicat: *Pater noster*, qui recusat esse filius: *Sanctificetur nomen tuum*, qui toties nomen divinum verbo violat: *Adveniat regnum tuum*, qui adventum Domini malè sibi conscius formidat: *Fiat voluntas tua*, qui suæ voluntati tantò magis velificatur, quantò magis divinæ repugnat? Huic tali

a. Psal. 105. v. 48. b. Tertull. de Orat. c. 9.

tali Deus, Augustino teste, jure objiciat:
Vis, figam orationem tuam in auribus
meis? fige tu in corde tuo legem meam. ^a

Nimirum surdis Deus surdus est, nec
audit illorum preces, qui fastidiunt divinas
audire leges.

^a *August. in psal. 35. mihi pag. 385.*

CAPVT XII.

EPILOGVS

ET

Compendium dictorum omnium.

ADOLESCENS quidam Anaximenis
Rhetoris discipulus, orationem à
præceptore scriptam coram rege
Antigono recitavit. Rex inter audiendum
quippiam exactius nosse desiderans, scisci-
tatus est de illo. At adolescens pisce magis
mutus obticuit. Mox Antigonus: Quid ais
adolescens, inquit, num ista tuis tabulis
non sunt inscripta? ^a

Diximus tam de oratione vagâ quàm
attentâ. Eò etenim omnis nostra spectavit
dictio. Sed quisnam tot præceptiones me-
moriâ complectatur? Tabulis hinc opus, sed
brevibus, è quibus vacillanti memoriæ
consultatur. Ita tabulas nunc dabimus, in
quibus compendio perscribamus, quæ ge-
minus hic liber explicatiùs tradidat. Non ei,

S 4

puto,

^a *Plutarch. tom. 1. Moral. de scitiè dictis Regum*

& Imperatorum, mihi pag. 336.

puto, habebit aqua, qui de Orandi modo rogabitur, si hanc epitomen studiosius expendit. Hoc igitur nunc agimus, & dicta sogimus in compendium.

§. I.

De orationis necessitate, de ejusdem utilitate ac efficacia multi volumina scripsere. Nos hic lacinias non extendimus. Quod in libros alii, id nos in verba conferimus. Ut summam rem complectamur: Oratio primum sanctitatis instrumentum, Evangelii totius breviarium, corporum robur, animi humani anima & vita, domus abundantia, regni vires, belli trophæum, pacis securitas, viatorum scutum, Christianæ militiæ panoplia & armamentarium est. Oratio profanum hominem in Christianum, in Religiosum, in Angelum, in Deum denique docet migrare. Oratio homini subsidium, dæmoni flagellum, Deo sacrificium est gratissimum.

Joannes Climacus orationem eruditâ epitome commendans: Oratio, inquit, est ornatus Mundi, reconciliatio Dei, lacrymarum mater & filia, peccatorum propitiatio, tentationum pons, tribulationum interpositus paries, bellorum confractio, Angelorum opus, virtutum cibus, infinita operatio, gratiarum ministra, profectus invisibilis, nutrimentum animæ, mentis illuminatio, tristitiæ solutio, desperationis amputatio, speculum profectus, clementiæ significatio,

regin a

regina & parens virtutum. *a* Huic unico bono & delectabilis, & honesti, & utilis inest ratio. Quod ceteræ virtutes præstare non possunt, id una orandi virtus, virtutum omnium decus & mater abundè præstat.

Orator aureus in hanc rem testis locupletissimus: Profitetur, inquit, deprecationem caput esse bonorum omnium, basim ac radicem vitæ frugiferæ. Neque enim sola temperantia potest homini salutem adferre, si cetera desint bona, neque cura pauperum, neque benignitas, neque quidquam aliorum, quæ cum virtute geruntur, sed oportet, ut omnia simul concurrant in animas nostras. Ceterum precatio ceu radix & basis omnibus ceteris substernitur, adeò ut absque hac nihil nobis boni possit contingere, neque quod ad salutem conducat. Quod igitur omnis boni caput sit deprecatio, quodque salutis ac vitæ æternæ conciliatrix, nullus est omnium qui ignoret. *b*

Homo Angelis cognatus est ratione, bestiis sensu, plantis & arboribus vitâ, elementis corpore. Quemadmodum autem studiosè tegimus & dissimulamus, quidquid sanguinis nobilitatem maculat, aut obscurat; ita prorsus bestiarum & plantarum cognationem non immeritò erubescimus, & propinquos Angelorum nos esse jactamus. Simus ergo; sed brutorum ingenium

S 5

- a* Climacus gradu 28. de orat. mihi pag. 291.
b Chrysost. tom. 5. l. 1. de orando Deo, sine, & initio tomi 2. mihi pag. 590. & seqq.

nium & mores rusticos exuamus, & Angelorum vitam orando amulemur. Orare, inquit Chrysoftomus, commune est opus Angelorum pariter & hominum, neque quidquam interest inter nostram naturam & illorum, dumtaxat quod attinet ad deprecationem, Hæc te separat à mutis animantibus, hæc te sociat Angelis. Quin facile fiet, ut quis in illorum civitatem transferatur, in illorum vitam & consortium, ad illorum honorem, nobilitatem, sapientiam & intelligentiam, qui per omnem vitam precibus ac divino cultui vacare studuerit. Proinde nequaquam aberrarit à vero, si quis affirmet, deprecationem esse causam omnis virtutis & iustitiæ, neque quidquam eorum, quæ conferunt ad pietatem, venire posse in animum, cui non adsit deprecatio & oratio. Nam verè toties cum Deo colloquimur, quoties vacamus deprecationi, per quam simul & Angelis copulamur, & societatem, quam cum brutis animantibus habebamus, procul effugere videmur. Homo qui cum Deo loqui didicit, ut par est, erit deinceps Angelus. *

Siquidem cum Deo colloqui, non hominem tantum, sed & Christianum, sed & religiosum hominem, imò Angelum, imò Deum efficit. Singula demonstramus.

Oratio igitur humanam pecudem, sic loquar, quæ ventri ac libidini se manciparat, in hominem reformat, jubetque vivere.

Eccle-

a. Idem Chrysoft. *ibid.* mihi pag. 587. & 591.

Et tom. 1. in ps. 4. pag. 610.

Ecclesiastes Græcus id affirmans: Quisquis, ait, non orat Deum, nec divino alloquio cupit assiduè frui, is mortuus est, & vitâ carens, expersq; sanæ mentis. Nam hoc ipsum evidentissimum est argumentum amentia, non intelligere magnitudinem hujus honoris, nec amare deprecandi studium, nec hoc habere persuasum, quòd animæ mors sit, non provolvi ad Dei genua. Ora igitur, ut vivas, & ut homo sis. *a*

Ora etiam, ut sis Christianus, talem te certè faciet oratio. Præclare Augustinus: Hæc est, inquit, Christiani pugna gloriosissima, non in suis viribus præsumere, sed semper Dei auxilium implorare. Ergo & tu, si vis vincere, audi Apostolum dicentem: Orationi insistentes, & vigilantes in eâ. *b* Christianus è fide noscitur; atqui fidei firmitatem impetrat oratio, quod idem Augustinus disertissimè confirmans: Si, ait, fides deficit, oratio perit. Quis enim orat, quod non credit? Ergo ut oremus, credamus; & ut ipsa non deficiat fides, quâ oramus, oremus. Fides fundit orationem, fusa oratio etiam ipsi fidei impetrat firmitatem. Etenim ne in tentationibus deficeret fides, propterea Dominus ait: Vigilate & orate, ne intretis in tentationem. Quid est in tentationem intrare, nisi à fide exire? In tantum enim tentatio proficit, in quantum fides deficit. *c*

S 6

Ter-

a. Idem pag. 588. *b* Aug. tom. 10. serm. 93. de Temp. mihi pag. 285. *c* Idem eodem tom. serm. 36. de Verbis Dom. c. 1. mihi pag. 52.

Tertullianus rectè nominat Christianos caelestis regni candidatos . Atqui candidatorum est pressare, & obvium quemvis rogare, suæ causæ faveat . Hoc orando facimus, cælites pressamus, & eorum nobis benevolentiam imploramus . Orando litteras ad Deum mittimus tantò crebriores, quantò sapius oramus . His litteris divinos nobis favores conciliamus, ut quod millies iterumque millies petivimus, *Adveniat regnum tuum*, tandem impetremus . Ora igitur ut Christianus sis .

Sed ora etiam ut bonus ac religiosus sis Christianus, quem profectò talem efficit oratio . Chrysostomus pro mille testibus assurgens : Quemadmodum, inquit, ubi regina quæpiam ingreditur civitatem, necesse est, ut omnis opulentia pariter consecratur : sic videlicet, posteaquam deprecatio venit in animam, omnes virtutes simul ingrediuntur . Nam quod in domo est fundamentum, hoc in animâ est deprecatio . Animam non munitam precibus, diabolus faciliè in suam redigit ditionem, nec multo negotio, omni genere scelerum implet . Ad animam precibus communitam non audet propiùs accedere, metuens robur ac fortitudinem, quam illi deprecatio subministrat . Vides, quantam vim habeat precatio & obsecratio ? Ex hominibus facit templa Christi . Et quemadmodum aurum, lapides pretiosi ac marmora constituunt domos regum, sic deprecatio templa Christi, ut inhabitet Christus in cordibus

dibus vestris. *a* Nulla profecto res est, quæ possit æquari deprecationi. Ora igitur ut non solum Christianus, sed ut probus ac pius Christianus fias.

Sed ora etiam ut fias Angelus. In Angeli naturam migrat, qui orat. Hoc Chryso- stomo credemus, qui apertè: Moses, inquit, orando meruit DEI conspectu frui, alia- que innumera bona consecutus est, non aliã re quàm orando. Nam deprecatio & hoc illi præstitit, ut vitam ageret adsimi- lem iis, qui cælum inhabitant. Angelorum primum ac princeps munus, & assiduus sine labore labor est, Deum numquam non laudare, & semper orare: ille hominum in Angelum transit, qui Angelos, quantum humana fert imbecillitas, imitatur assidui- tate orandi.

Quid si ab Angelo in Deum transeat, homo qui orat? Oratio certè non solum ut homo sis, sed ut Christianus ex asse bonus, ut Angelus, imò, ut Deus sis, efficit. Expo- nimus hoc arcanum. In oratione homo & Deus arcanissimo commercio commutant corda; alter in alterius pectus se transfun- dit. Quod caelestis sponsa in apertum pro- ferens: Ego, inquit, dormio, & cor meum vigilat. *b* Perinde si dicat: Ego de me nihil sollicita sum, sed in oratione suaviter con- quiesco; at interim Deus, qui cor meum est, in meam tutelam excubat, dum ego dor- mio,

a Chrys. *I. lib. supra cit. mihi pag. 592. & seqq.*
& rom. I. hom. de fide Anna. i. v. 10.

b Cantic. c. 5, v. 2.

mio. Est enim oratio, ut Bernardus loquitur, quaedam dormitio, quæ tamen sensum non sopiat, sed abducat. *a*

Quod autem ille qui orat, in Dei pectore vicem cordis obineat, Geneseos scriptor de Noëmi sacrificio differens: Odoratusque est Dominus, inquit, odorem suavitatis; & (ut Hebræa phrasis est) ait ad cor suum. Ita Noëmium Deus sacrificio & orationi operantem, cor suum appellat. Hæc Paulus confirmans: Nos omnes, inquit, revelatâ facie gloriam Domini speculantes, in eandem imaginem transformamur à claritate in claritatem, tamquam à Domini spiritu. *b* Ita Dei hominisque corda in oratione ultrò citroque commeant, & mutatis gaudent hospitij; humanum Deus, homo cor divinum amplectitur: ex homine fit Deus.

a Bern. serm. 52. in Cant. *b* 2. Cor. c. 3. v. 18.

§. 2.

Hinc est quòd Deus toties in gentem humanam ob ejus scelera saviturus, sacris carminibus & oratione velut sopitus, & quodammodo excantatus, fulmina jam parata posuerit. Talis olim incantator Moses, à Deo quasi rogatur: Dimitte me, ut irascatur furor meus. *a* Hanc orationis vim obstupescens Bernardus: Feriendi, ait, licentiam quærit à Mose, qui Mosen fecit. *b*

Hinc
a Exodi c. 32. v. 10. *b* Bern. serm. de Magdalenâ, mihi pag. 246.

L
Hinc e
plicia illa
incantato
sopiant &
niturus, L
stina, inq
facere qu
Punituru
cem Josu
ge, inquit
niturus S
orare pro
Saul? e
prios ab
prudente
Juda, pr
populo
& oratio
obsecro,
timet ex
effundi,
Quanta
superi, q
velut in
Pugna
mè. U
pugnans
orando
festa vie
Per orat
phos s

a Gen.
c 1. Re
Ifigia c.

Hinc est etiam, quod Deus merita supplicia illaturus, oratores ejuscemodi sive incantatores prævertat, ne suis se precibus sopiant & excantent. Sodomæos cives puniturus, Lotho secessionem impetrans: Festina, inquit, salvare ibi: quia non potero facere quidquam, donec pervenias illuc. *a* Puniturus sacrilegium Achan, militiæ ducem Josue precibus abstinere jubens: Surge, inquit, cur jaces pronus in terrâ? *b* Puniturus Saulis contumaciam, Samuelem orare prohibens: Usquequo, ait, tu luges Saul? *c* Puniturus Hierosolymam, aufert prius ab illâ *prudentem eloquii mystici, seu prudentem incantatorem.* *d* Puniturus filios Judæ, præcepit Hieremiæ: Tu noli orare pro populo hoc, nec assumes pro eis laudem & orationem, & ne obsistas mihi. *e* Cur, obsecro, prohibet orari? Liceat dicere, quia timet excantari. Hinc præmonet orationes effundi, ac si effusas repudiare non possit. Quanta efficacitas, quantaque vis precum, superi, quando Deus se iis ad resistendum velut imparem fatetur?

Pugnat qui orat, & expugnat validissime. Ut enim Josue Amalecitas subigeret pugnando, prius Moyses expugnavit Deum orando. Occulta hinc fuit pugna, sed manifesta victoria. Hinc illæ Chrysologi voces: Per orationem Moyses fit Deus, & ad triumphos suos militare sibi omnia mandat. *ele*

a Gen. c. 19. v. 22. *b* Josue c. 7. v. 10.
c 1. Reg. c. 16. v. 1. *d* Ut legit Theodotius
Isaia c. 3. v. 3. e Hierem. c. 7. v. 16.

elementa. *a* Elifæus hostes suos, ut Ambrosius loquitur, non armis superabat, sed oratione vincebat. Oratio enim longius vulnerat, quàm sagitta. *b* Cùm Solymæus Rex David ob affectam senectutem suos milites juvare non posset pugnando, plus juvit absens precando. Pientissimus Rex Josaphat adversus triplicem exercitum progressus, non tela jaculando, sed psalmos cantando, ita labefecit hostes, ut ad unum omnes caderentur, & ne cladis quidem nuntius superesset; ita suos servavit milites, ut ex omnibus nec unus quidem interiret. *c*

De Theodosio Augusto dixit Augustinus: Contra robustissimum exercitum magis orando, quàm feriendo pugnavit. *d* Summus Hebræorum sacerdos Jaddus Alexandrum Macedonem precibus expugnavit. Basilius Valentem Imperatorem sacrificiis terrefecit; Leo Pontifex Hunnorum regem, Dei flagellum Attilam, oratione solâ domuit; Marci Aurelii Cæsaris Christiana fulminatrix legio, non sibi solum largissimos imbres in siti, sed in hostes fulmina precando evocavit è cælo. *e* Franciscus Xaverius solus & inermis innumeram barbarorum multitudinem precationibus ac lacrymis in fugam avertit. Carolus

a Chrysol. serm. 43. *b* Ambros. serm. 86. de barbaris non timendis. *c* 2. Par. c. 20. v. 21. & seqq. *d* Aug. tom. 5. lib. 5. de Civit. cap. 26. mihi pag. 62. *e* Tertullian. in Apologetico c. 5. & l. adversus Scapulam cap. 4. Enseb. l. 5. hist. Eccles. c. 5.

rolus V. immortali gloriâ dignus Imperator, tot prælia inivit, tot bella confecit, tot victorias obtinuit, cælestis Rhetoricæ potiùs quàm castrensis Bellonæ viribus. Per omnem namque vitam divinæ rei quotidie interfuit, quotidie duarum horarum precibus primum manè Deo consecravit; preces insuper Canonicas quotidie recitavit. A cenâ duas iterum horas orationi dedit, plerumque flexis genibus precari solitus. Ita meliorem diei partem orando duxit. Hinc illa in rebus gerendis felicitas, hinc tot bella tam feliciter gesta, hinc tam insignes partæ victoriæ, ut Galli eum Herculi, Carolo Magno Germani, Itali Davidi, Scipioni Africano Siculi, Alexandro Magno Hispani, Turcæ Julio Cæsari, Afri Hannibali æquiparârint. Multi cùm animadverterent eum tam domi quàm militiæ prolixum æquè ac continuùm in precibus esse, dicere solebant: Carolus cum Deo sæpius quàm cum hominibus loquitur. & In singulas bellorum expeditiones, novas sibi preces & componebat, & suâ ipse manu describebat, quæ prolixitate septem pœnitentiæ psalmos æquabant. Has priùs censendas dabat, approbatas quotidie vel etiam in acie recitabat. Hic addo, quod recentissimis testimoniis vim orationis affirmet.

Dum hæc scribo, Parthenopolis seu Magdeburgum urbs Saxonix longè munitissima est expugnata, Anno Christiano millesimo

a Ita Laurent. Surius ad annum 1559.

fimo sexcentesimo trigesimo primo, die
 Maii vigesimo: superioribus saeculis ter gra-
 vi ac diuturna obsidione cincta, expugnari
 numquam potuit. Inde urbs haec ingens
 animi, seipsam velut ab omni hoste tutam
 & prorsus inexpugnabilem circumspicere,
 se virginem jactare, pericula ridere, securam
 sibi omnia polliceri. Venit demum fatalis
 dies, quo Christianus Josue Joannes Til-
 lius Comes, Serenissimi Bavariae Principis
 & Electoris Maximiliani supremus in bello
 dux, urbem illam post obsidionem non
 omnino bimestrem, factam undique impres-
 sione cepit. Factum aeternis annalibus di-
 gnissimum. Sed victoriae hujus principium
 ab oratione ductum est auspiciatissimum.
 Nam Tillius Catholici exercitus caput,
 proximam priore nocte vix horulam, dum
 incommodè sedit, somno concessit, mox
 elapso noctis medio rei divinae interfuit.
 Hic submissis genibus, passis brachiis, ut
 alter Moses, crebris suspiriis ardentissime
 oravit. Dein operi moliendo ipse omnia se-
 dulò curare, animare milites, suam cuique
 stationem & laboris partem assignare,
 unaque providum Ducem & laboriosum
 militem agere. Jamque septima diei hora
 imminabat, cum Tillius subsidium è caelo
 implorare, Deum postulare adiutorem, mox
 undique impressionem facere. Post Ducis
 preces tam serias, tam feliciter hic insultus
 cessit, ut ante meridiem circa decimam
 ejus diei horam, Magdeburgum omnibus
 retro saeculis inexpugnabile, incredibili suc-
 cessu.

cessu fuerit expugnatum. Hic modestissimus Dux assidue illud volutare: Non nobis, Domine, sed nomini tuo da gloriam: Nos scalas applicavimus, & muros ascendimus, tu Deus expugnasti: Quidquid hoc operis est aut victoriae, Tibi debetur. Tu triumphas solus; nec socium habes in gloria.

Et revera plus possunt preces submissae, quam elatae vires vel maximae. Illae Deum in vota facilem flectunt; Deus est orantium clypeus.

§. 3.

Oratione quoties numerosissimi exercitus sunt profligati?

Oratione Jacobus Nisibites urbem Nisibin contra Saporem regem protegens, omnes illius molitiones irritas fecit.

Oratione Zachaeus pestem Caesareae ejecit.

Oratione Macharius Aegyptius aliique plurimi, cacodæmones ex humanis corporibus expulerunt.

Oratione Simeon Stylites, & plures alii, salientes fontes impetrarunt.

Oratione Abbas Theonas latrones vincit, & velut statuas immobiles consistere coegit.

Oratione Abbas Besarion salissimae maris aquae dulcedinem impertivit.

Oratione Gregorius Neocaesariensis Thaumaturgus montem loco movit & transposuit, paludes siccavit, fluvium fixis terminis coercuit, scipionem aridissimum
virere,

406 RHETORICA CAELESTIS.

virere, & in arborem assurgere iussit.

Oratione quot morbi è vitiatìs corporibus pulsì? Oratione quot mortui ad vitam revocati?

Neque hanc tantam Orationis efficacitatem negare licet, cùm effectus illius magis admirandos è sacris paginis perspectissimos habeamus.

Natura suis constat legibus, quis illas evertat? *Quis* frigori persuadeat, ne frigate faciat? *Quis* urendi vim igni adimat? *Quis* suam plumbo aut ferro gravitatem subtrahat? *Quis* lapidem contineat, ne infima petat? Verùm oratio rerum omnium potens, hæc facili negotio conficit. Paulus orationis amantissimus in frigore & nuditate astuat. Tres Hebræi juvenes orantes in medio flammarum non uruntur. Eliæ preces ignem descendere, & aquam cogunt lambere. Elisæi oratio ferrum natate jubet. Ad orationis imperium non lapis solùm, sed & mons volabit. a

Oratio rapidissimum solis cursum adversus Gabaonitas stitit, & soli frenum ijecit. Oratio umbram in horologio Achaz decem lineis retroëgit. Oratio in Achabi milites bis ignem de cælo devocavit. Oratio Samariam obsidione liberavit. Oratio Amalecitas totque alios hostiles exercitus delevit. Oratio ampullam oleariam, & farinula cistulam insigni fenore, incremento mirabili ditavit. Oratio aquis amarissimis Mara dulcedinem communicavit. Oratio Suna-

a *Marci cap. II. v. 23.*

Sunam
tio Sara
tio fam
esurient
jejunare
fornace
in innoc
centum
Sennac
co. Ora
cis inte
cum d
& cur
Reger
Chron
Domi
apud
auxilie
noster
bentes
titudin
praval
rium f
militu
ad inte
caden
sunt, &
Ora
sanctu
carcer
claud
pedun
no n

q. 2.

Sunamitidis filium ad vitam reduxit. Oratio Saræ domum à dæmone liberavit. Oratio famelicis Leonum fauces conclusit, & esurientes belluas ad objectum pabulum jejunare docuit. Oratio vim flammæ in fornace Babylonicâ compescuit, & ignem in innoxium rorem permutavit. Oratio centum & octoginta millia hominum in Sennacheribi castris extinxit. Sed majus dico. Oratio decies centena millia Zaræ Ducis interfecit. Zara Æthiops militiæ Dux, cum decies centenis millibus bellatorum & curribus trecentis in aciem descendit, Regem Asa oppugnaturus. Sed Rex (ut Chronicon Regum loquitur) invocavit Dominum Deum, & ait: Domine non est apud te ulla distantia, utrùm in paucis auxiliaris, an in pluribus: adjuva nos Deus noster: in te enim, & in nomine tuo habentes fiduciam venimus contra hanc multitudinem. Domine Deus noster tu es, non prævaleat contra te homo. Tantarum virium fuit hæc oratio, ut tot centena millia militum non solum territa, sed & fugata, & ad interneccionem cæsa sint, quia Domino cædente, ut testatur sacer codex, contriti sunt, & exercitu illius præliante. *a*

Oratio nihil non potest. Oratio spiritum sanctum compluribus impetravit. Oratio carcerem Petri reseravit. Oratio homini claudo ad portam speciosam mendicanti pedum usum concessit. Oratio Publicano noxarum veniam, Cornelio Centurioni fidem

fidem & gratiam, Aenæ paralytico sanita-
tem reddidit. Oratio Tabithæ vitam resti-
tuit. Sed

Ante diem clauso componet vesper Olympo, a
quàm ego orationis emolumenta & effe-
ctus percenseam. Verissimè dixit Grego-
rius Nyssenus: Oratio virginitatis sigillum
est, matrimonii fides, viatoribus securum,
dormientium custos, agricolarum fertili-
tas, navigantium salus, pugnantium tro-
phæum. *b* Oratio verè tranquillitatis por-
tus est, laborum solatium, vigor spiritûs,
voluptatis cælestis gustulus, miseriarum ac
calamitatum omnium lenimen, tutela cor-
poris, animi certissima salus, interioris ho-
minis lumen, noxarum balneum, mors vi-
tiorum, divinæ iræ mel soporiferum, vir-
tutum omnium hospitium tutissimum,
clavis cæli. Sed quid prodest clavis aurea,
si aperire non potest? quid obest lignea, si
potest? Eodem prorsus modo, quid suavis
eloquentia juvat; quæ Deum non flectit?
Cur oratio inculta & simplex spernenda,
quæ cælum aperit, & Deum vincit?

*a Virg. l. I. Aneid. b Greg. Nyss. l. de Ora-
tione, sub initium.*

§. 4.

Hæc Chrysostomus suo calculo confir-
mans: Nihil a què facit in virtute cresce-
re, ait, atque cum Deo assiduè versari &
colloqui. *a* Hinc homo potiùs velit non
vivere, quàm non orare. Hinc optimi qui-
que

a Chrysost. in Psal. 70.

que hominum omni studio totoque animo in hanc curam incumbebant, ut assidue cum Deo versarentur continuatis poenè colloquiis. Ex omni numero unum hinc nomino.

Emericus juvenis regius, beati Stephani Ungarorum Regis filius, non dies tantum, sed quas juvenus somno aut voluptatibus dare solet noctes, precibus pius vigil consecravit, non prius ab aurora deprehensus, quam omnes Davidis psalmos, centum quinquaginta lestitasset, & ad singulos, augenda submissioni, osculum terræ fixisset, veniamque delictorum à Deo petisset. *a* Corpus sine animâ cadaver est, anima sine oratione mortua est. Daniel satius esse censuit vitam perdere, quam statas preces omittere. Rex Persarum namque non iusserat idola colere, sed non orare. At Daniel gravius sibi duxit non orare, quam mori. Hinc leones oratione vicit, in leonum cavo Angelum auxiliatorem, Abacuc dapiferum habuit. Omnia potest oratio.

Sed oratio seria & attenta, & verè celestis Rhetorica, quam utroque hoc libro descripsimus. Eos qui nec seriò nec attentè orant, Bernardus deslens: Vacantes, inquit, corpore, & vagantes ubique corde, nequaquam merentur videre, quam dulcis est Dominus. *b* Hic talis orator diabolis est irrisui.

a Ita Laurent. Surius, Zacharias Lippeloo, Franciscus Harau die 4. Novembris. Veniam petere, propriâ phrasè priscis erat. terram seculari. *b* Bern. de inter. domo c. 70.

470 RHETORICA CÆLESTIS.

irrisui. De illo dicere licebit : Viderunt eum hostes, & deriserunt sabbata ejus. *a* Vident dæmones externo quidem orantis habitu corpus otari, at certis indiciis conjiciunt, animum huc illuc petulanter evagari, quod illis hostibus summè ridiculum est.

Huic malo graviter ingemiscens Augustinus : si movet dolor magnus, inquit, adversus fratres nostros movet, qui sic volunt intrare in ecclesiam, ut ibi corpus habeant, & alibi cor. Totū intus esse debet. Si intus est quod videt homo, quare foris est quod videt Deus. *b* Hęc cogitationum in oratione libertas, turpissima servitus est. Quod Cæsarius Arelatensis observans : Videte, inquit, quàm sit dura ista captivitas, ut lingua quasi cum DEO loquatur, & tota animi intentio ad terram, & parietes dirigatur? *c*

Orationis studium non tam in ore quàm in corde sedem figat. Quod Paulus docens : Implemini, ait, spiritu sancto, cantantes & psallentes in cordibus vestris Domino. *d* Cum intelligentiâ orantes, inquit Chrysostomus, ut non os quidem verbum loquatur, mens autem extra versetur; sed ut lingua ab animâ audiatur. *e*

Non immeritò de iis queritur Deus, qui sibi tergum obvertunt in templo. Avertunt, ait, facies suas à tabernaculo Domini, & præbuerunt dorsum. *f* Quo quid esse

potest,

a Thren. c. 1. v. 7. *b* Aug. serm. 6. de verbis Dom. *c* Cæsar. Arelat. hom. 31. *d* Ephes. cap. 5. v. 18. & 19. *e* Chrysoft. in psal. 41. f 2. Paral. cap. 29. v. 6.

potest, non dicam inurbanius, sed impudentius? Casarius Arelatensis, quem dixi, optimè: Orantes laboremus, inquit, ut nulla nobis extranea cogitatio subrepere possit; ne fortè aliud habeamus in corde, & aliud proferamus ex ore: ne fortè dum lingua Dominum rogat, cogitatio in rebus variis occupata, ab orationis sensu discedat, & inde acquirat peccatum, unde habere potuit remedium. ^a

Attende, ô homo, qui oras, ne frustra ores. Attende, alioqui perdis, quod dicis. Attende, ne forsitan quod orator magnus, fateri debeas. Creberrimè in oratione meâ, aut per porticus deambulo, aut de fenore computo, aut abductus turpi cogitatione, etiam quæ dicta erubescenda sunt, gero. Ubi est Fides? sicine putamus orâsse in ceto Jonam? sic tres in igne pueros? sic Danielem inter leones? sic in cruce latronem? ^b

Quòd si Oratores maximi nonnunquam hîc hallucinati titubârunt, quis stare se gloriatur? Si cum illis dormitamus, cum illis pariter evigilemus. Imò cum sanctissimi etiam viri fugacem in oratione animum subinde sint experti, nos tantò vigilantiores esse convenit, ut fugacissimum cor nostrum, câ sollicitudine custodiamus, quam Ecclesiastes desiderans: Custodi, ait, pedem tuum ingrediens domum Dei. ^c Non corporis pedem custodiendum docet, sed animi,

^a Casar. Arelat. loc. cit.

^b Hieron. dial. adversus Luciferianos.

^c Eccles. v. 4. v. 16.

mi, ut oratio ad Deum veniat pura.

Ah quoties eâ cogitationum mole obruimur, ut potiùs in foro nundinari, quàm in cubiculo precari videamur! Quod Chrysostomus dixit: Labia solummodò moventur, & mens sine fructu est. *a* Multum loquimur, parum aut nihil oramus; grandis verborum strepitus, exiguus aut nullus mentis affectus. Hic Augustinus orationem prolixam & multiloquium exactissimè discrimians: Neque enim, inquit, ut nonnulli putant, hoc est orare in multiloquio, si diutiùs oretur; aliud est, sermo multus, aliud diuturnus affectus: hoc autem negotium plus gemitibus quàm sermonibus agitur, plus fletu quàm affatu. *b*

Cùm Heli Sacerdos Annam ardentissimè precantem suspicaretur temulentam, respondit illa: Ne reputes ancillam tuam, quasi unam de filiabus Belial, quia ex multitudine doloris & mœroris mei locuta sum usq; in præsens; effudi animam meam in conspectu Domini. *c* Dum Anna omnem animam in Deum transfunderet orando, visa est non sanæ mentis velut ebria insanire. Neque illa penitus se negavit ebriam, sed ebriam vino: uti Petrus ceteros Apostolos non ex toto negavit ebrios, sed ebrios musto. Certè divini Spiritûs fervor, quo pleni loquebantur, sobria fuit ebrietas. Sic

ardor

a Chrysost. tom. 2. hom. 17. pag. 1038.

b August. tom. 10. epist. 121. ad Probam de orando Deo, mihi pag. 238.

c 1. Reg. c. 1. v. 15. & 16.

ardor animi, quo Anna in oratione astuabat, ebrietas quædam erat, quæ mentem illius non in dementiam laxabat, sed ad sapientiam veram conformabat: Effudi, ait, animam meam in conspectu Domini; toto animo, totoque affectu Dominum rogavi. Hoc fit, ait Augustinus, cum mens quodammodo se sibi furatur, imò rapitur atque elabitur à seipsâ, ut Deo fruatur. *a*

De oratione tam intentâ & vigili Laurentius Justinianus: Talis, inquit, oratio cordis est, non labiorum; nec enim precantis verba intendit Deus, sed orantis cor aspicit. Quid oratio prodest strepitu labiorum, si cor est mutum? Sicut enim vox sine modulatione humanis auribus onerosa, sic oratio absque devotione divinis est inextinguibilis. Illa est suavissima orationis harmonia, quando vox cognoscitur animo consonare. Nam si hæ duæ res discrepabili sibi varietate dissentiant, nequaquam possunt gratam Deo facere cantilenam.

a August. in Manual. c. 20.

6. 5.

Sapientissimus morum magister: Fili mi, ait, attende ad sapientiam meam, & prudentiæ meæ inclina aurem tuam, ut custodias cogitationes. *a* Et quænam hæ cogitationum custodia est? Difficilis & operosa, sed utilis & honorifica. Qui cogitationes custodire nescit, nec orare scit. Eruditè dixit Cassianus & verè: Perparum orat, quisquis

T 2

a Prov. c. 5. v. 1. & 2.

quisquis illo tantum tempore, quo genua flexuntur, orare consuevit. Nunquam orat, quisquis etiam flexis genibus evagatione cordis qualicumque distrahitur. *a* Sua culpa & desidia distractus, una manu supplicem libellum Deo porrigit, altera eundem retrahit, & velut facti poenitens conscindit. Quotiescumque oramus, plurimum impetramus, modo sibi constet animus, & quod agit, hoc agat.

Plumbeus aqua tubus effracto foramine non transmittit aquam, sed effundit in via: Oratio gratiae canalis est, hunc autem perforat distractio, & omnem perdit gratiam.

Basilii Magni orationem vagam & attentione vacuam cibo comparat, qui nec sale, nec adipe, nec aromate ullo conditus, nil habet saporis, canibus potius quam convivis apponendus. *b* Oratio attenda ferulum est caelesti mensa dignum. Et sane melior multo est oratio brevis & attenda, quam prolixior & vaga. Christus Birgitra vidua dixisse fertur: Dico tibi filia: Quicumque fide & voluntate perfecte dicit haec verba: *J E S U*, miserere mei; magis mihi acceptus est, quam qui mille versus sine attentione pronuntiat. Addo in gratiam Sacerdotum.

Mechthildis virgo, quod Ludovicus Bloisius narrat, crebrius precari solita est pro illo, qui horarias preces, minus quam volebat attentus, dicere consueverat. Mechthildi

VOX

a Cass. l. 10. sac. Coll. c. 14.

b Basil. in quaest. brevior. q. 279.

vox arcana respondit : Ille pro quo rogas, post solitas preces hæc verba subjungat : *Deus propitius esto mihi peccatori.* Si publicano veniam, cur non & aliis hæc voces impetrent ? Misericordia divina nihilo quàm olim contractior est.

Neque verò est, quòd hîc cacodæmonis insidiosos impetus formidemus : Suadere potest, cogere non potest. Gravis nobis est, inquit Bernardus, inimici tentatio, sed longè gravior illi nostra oratio. *a*

Franciscum Borgiam Gantiæ Ducem orantem interpellare, dæmoni sæpe studium fuit; nunc simii, nunc gigantis specie, nunc terrificis spectris, nunc formâ supra humanam majore. Pintia cubiculo digressus, salubri signo se muniens : Vidésne, inquit, Marce frater, formidandum visu dæmonem passim obambulantem ? Quo dicto acquievit Franciscus, animoque nonnihil sedato erubuit, quòd metum præ se tulisset ejus spiritus, qui homini ne capillum quidem queat subducere, Deo non annuente. Interrogatus quandoque à socio, num timuisset viso dæmone per conclave obambulante ? Ille submissis modestè oculis : Hoc, inquit, satis constat, Deo permittente diabolos sub aspectum se dare improbis quidem, ut à flagitijs absterreantur; probis, ut ad pietatem magis exerceantur. *b*

T 3

Hila-

a Bernard. serm. 3. de Dedicat. Eccles. mihi pag. 342.

b Pet. Ribaden. & Andr. Schottus, in ejus vitâ l. 4. c. 4.

Hilarionem Hieronymus diu noctuque gravissimè cùm laborantem, tum orantem, à diabolis tamen vexatum memoràs: Quoties, inquit, jacenti femina, quoties esurienti dapes lautissimæ apparuere? Nonnunquam orantem lupus ululans, aut vulpes ganniens transfiliit. Psallenti spectaculum præbuit gladiatorum pugna, & unus veluti jugulatus, ad pedes ejus corrucens rogavit sepulturam. Die quodam vir sanctus fixo in terram capite oravit, mens interim, ut natura hominum fert, abducta ab oratione nescio quid aliudolvebat. Mox ejus tergo gladiator insiliens, & latera calcibus, cervicem flagello verberans, nec sine cachinnis: Eja, clamat, cur dormitas mastigia? Vis hordeum reparandis viribus? *a* Ita nemini parcit veterator. Quocirca Christi voces identidem ingeminandæ nos expegefaciant: Vigilate & orate. Oratio vigilans adversus hunc hostem tutissima Panoplia est. Omnem cacodæmon lapidem movet, ut orationem turbet. Hinc inter orandum illatas injurias refricat, calumnias objectas ingerit, tædium parit, impatientiam provocat, iracundiam extimulat, absurdis somniis fatigat, strepitus importunos excitat, corporis molestias sic aggravat, ut stomachus ructet, caput doleat, tussis vexet, lassitudo avocet, debilitas deiciat. Hæc omnia eò dirigit vaserrimè, ut orationem impediatur, aut interturbet. Hinc Agathon

a Hieron. in vitâ Hilarion. c. 4.

thon Abbas dicere solebat: Oratio illa est excellentior, quæ difficilior, nam omnes eam dæmones impugnant.

Non tamen ideò abrumpenda, aut non incipienda oratio. Vigilemus & oremus. Beatus Agidius interrogatus, cui similem existimaret eum, qui distractionibus irruentibus oratione desisteret: *Fugienti è pralio*, respondit. Addidit: Si gratiam in precibus sentis, ut augeatur, ora: Si non sentis, non ideò cessa. Gratos habuit Deus etiam caprarum pilos, qui ad priscae legis præceptum offerebantur.

Hieronymus de seipso: Solus, inquit, deserta penetrabam: sicubi concava vallium, aspera montium, rupium prærupta cernebam; ibi meæ orationis locus, ibi illud miserimæ carnis ergastulum: & ut ipse mihi testis est Dominus, post multas lacrymas, post celo inhærentes oculos, nonnumquam videbar mihi interesse agminibus Angelorum: & lætus gaudensque cantabam: Post te in odorem tuorum unguentorum curram. *a* Vigilemus & oremus.

Querimus subinde, nobis orandi gratiam deesse; ah quantò justius quereremur, nos deesse gratiæ?

Frequentissimè malè oramus, quia mentem ad orationem non disponimus. Eius rei fidelis monitor Gregorius: Semper, inquit; ante orationis tempora debet sollicitè conspici, quidquid potest in oratione reprobari. *b*

a Hieron. epist. 22. ad Eustoch.

b Gregor. l. 10. moral. c. 16.

418 RHETORICA CAELSTIS.

Claravallensis Abbas Bernardus templum ingressurus, primam januam sic alloqui solebat: Ceteras meas curas tibi committo, donec orandi curam me liberavero. *a* Christus discipulis: Sedete hic, inquit, donec vadam illuc & orem. *b* Ita quilibet suarum cogitationum Euripo imperet: Usque huc venies, & non procedes amplius: & hic confringes tumentes fluctus tuos. *c*

Harpyjas aves rapacissimas Trojani ad mensam gramineam comessantes, non flabro sed ferro abigere conati,

— Nova praelia tentant,

Obscanas pelagi ferro sedare volucres. *d*

Cogitationes inter orandum tam importuna, sunt Harpyja voraces & immunda, quae suave cum Deo convivium interturbant, dapes polluant, omniaque contactu foedant. Has non abigere solum, sed & interficere conemur. Vigilandum & orandum. *a* Ex Navarro de Orat. Ioan. Myraus Antwerp. Episc. in orat. anno 1608. habitata. feria 2. majoris hebdom. *b* Matth. c. 26. v. 36. *c* Job c. 38. v. 11. *d* Virgil. l. 3. *Aeneid.* post init.

§. 7.

Cum olim omnis Hebraeorum exercitus ad pedem montis ululatu castrensi baccharetur, Moses in rupis cacumine cum Deo collocutus nihil audit, in descensu montis audire coepit. *a* Nec mirum, totam animam suam in illud cum Deo colloquium effundit.

a Exodi c. 32. v. 18.

effundebat. Non satis est orare, nisi attentè, nisi seriò & intentè oremus. Quid mihi cum gladio, si acies ejus hebescat? Quid mihi cum arcu, si nervo careat? Quid mihi cum libro, quem nemo intelligat? Aliquid armorum olim Hebræis permittebant Philistæi, sed quorum acies retusa erat, ab his enim nihil periculi sibi metuebant. Ita planè dæmones non formidant orationis arma, si ea sint retusa: orans, sed sub oratione aut dormitans, aut garruens, aut circumspiciens, aut aliena cogitans; stygias larvas non terret; illæ gladios tam hebetes, preces tam frigidas & exarmatas non fugiunt. Hoc Chrysoſtomus planiffimè affirmans: Magna, inquit, sunt arma preces; modò sobrii, & undequaque mente nostrâ collectâ Dominum adeamus, toti quæ nitamur ita loqui, ut non solum verba, sed & mens verborum comes ad Deum accedat. *a*

Veteris metri non quidem adeò venusti, sed certè pii & quod nostri nos officii ingenuè monet, nunquam non memores simus:

Ante Deum stantes ne sitis corde vagantes;

Si cor non orat, incassum lingua laborat.

Ita prorsus est. Etiam si mille verborum plaustra in cælum os mittat, labor est irritus, si cordis desit comitatus. Orandum spiritu, orandum & mente; psallendum spiritu, psallendum & mente. *b* Solius linguæ strepitus, labor inanis & vanus. Si cor obmutescit, nemo cælitum soli linguæ credit.

Quid igitur nos ipsos pueriliter circumspicimus,

a Chryſ. hom. 30. in Gen. *b* 1. Cor. c. 14. v. 15.

spicimus, quid inanissimè gloriamur tot aut tot orationes è libro recitasse? Inspice, quid dixeris, & vix quidquam specioso orationis nomine dignum reperies. Quid enim? Oratio tam incustodita & inambulans, tam vaga & tumultuans, tam mixta & impura, tam præceps & cursim festina, tam impos sui; garula potiùs & inanima declamatio censenda, quàm oratio?

Romanus Orator Tullius olim ad Judicum subsellia concitatiùs exclamans: Ubi, ait, peregrinantur aures vestrà? In homines tam vagæ orationis hoc usurpandum: O Christiani, ubi peregrinatur mentes vestrà?

O Deus, quàm nec te, quem adoraturi accedimus, nec tuos principes tibi adstantes attendimus! quando enim nec te, nec illos cernimus, nec tuâ, nec illorum præfentiâ movemur. Angelos attentè orantibus adesse, luculenter tradens Chrysostramus: Tunc adstant Angeli, ait, magno audientes cum silentio, & postquam cessaverit, ei applaudentes, laudantes, admirantes. Addit: Quando ad Deum accedimus, id esse existimemus theatrum, sed ex universo orbe terrarum, vel potiùs ex-supernis populis caelestibus collectum, & regem in medio sedere, qui vult nostram audire orationem. Nullus sit citharædus, nullus lyricen, qui ita se exerceat scenam ingressurus, timens, ne quid insuave & inconcinnum canat, ut nos ingressuri theatrum Angelorum. *b*

Hinc

a Cic. pro Milone. *b* Chrysostr. tom. 1. in psal. 4. mihi pag. 614.

Hinc illa cælestis sponſi exhortatio: Quæ habitas in hortis, amici auſcultant te; fac me audire vocem tuam. *a* Attende quid dicas, quid canas; adſunt Angeli tuæ orationis arbitri, adſunt & auſcultant. Tu igitur orationem dignam, quæ à me audiatur, prome: Innumeros habes auditores, qui omnes auſcultant attentiffimè, quomodo tuam ipſe cauſſam coram me acturus ſis. Uſurpemus igitur officium, inquit Bernardus, quorum ſortimur conſortium. *b* Cave, quiſquis oras, ne velut temulentus ruſticus voce inconcinnâ & abſonâ cantes; amici auſcultant, audiunt Angeli, & de tuâ oratione iudicant. Tu ergo attentione quantâ potes maximâ precare: ante Deum Angelorum medius conſiſtis.

Sed ut orandi norma & exemplum quàm abſolutiſſimum ſemper in oculis ſit, videte Chriſtiani Chriſtum Dominum, ideam precandi & formam exactiſſimam intuemini. En Dominus Jeſus in horto Gethſemani hac vocis, hac geſtuum, hac totius corporis compoſitione oravit: Poſitis genibus, procidit ſuper terram in faciem ſuam, & orabat, ut, ſi fieri poſſet, tranſiret ab eo hora; & dixit: Abba Pater, omnia tibi poſſibilia ſunt; transfer calicem hunc à me, ſed non quod ego volo, ſed quod tu. Et oravit tertio eundem ſermonem, dicens. *c*

De Rhetoricâ cæleſti, de attentâ & ſeriâ oratione huc uſque egimus; hîc ſummam rem

a Cantic. c. 8. v. 13. *b* Bern. ſerm. 17. in Cant.
c Ita Matthæus, Marcus, Lucas.

rem complectimur. Docuit nos antehac Servator, quibus verbis orādum, hīc autem docet, quo sensu, quibus gestibus, quanto affectu instituenda oratio. Videte & audite, quibuscumque animus est orandi artem discere. Oravit Dominus JESVS:

1. *Postris genibus*: Prono & supplici gestu, ad instar rei.

2. *Procidit in terram*: Reverentiā in Patrem maximā.

3. *In faciem suam*: Submissione ac humilitate summā.

4. *Orabat, ut si fieri posset*: Oblatione sui, & resignatione paratissimā.

5. *Abba Pater*: Affectu in eum, quem orabat, ardentissimo.

6. *Omnia tibi possibilia sunt*: Ingenti in divinam potentiam fiducia.

7. *Non quod ego volo, sed quod tu*: Conformatione ad Patris voluntatem integerrimā.

Demum, Oravit tertio eundem sermonem dicens: En perseverantiam in orando perfectissimam. Quapropter optimè dixit Climacus: Ad omnem quidem virtutem, præcipuè tamen ad orationem, summo cordis sensu & affectu semper exerceri debemus, a Climac. grad. 28. prope finem, mihi pag. 397.

F I N I S.

Vidit & approbavit G. ESTRIX,
Plebanus & lib. Censor.

XII.

te hac
ntem
uanto
audi-
ntem

gestu,

n Pa-

e hu-

e sui,

em.

ti in

on-

ger-

nem

erfe-

Cli-


piz-

ordis

us, a

1976


IX;



Biblioteka Jagiellońska



stdr0027425



Rhetoric
eclesiastic
Oration
Drexelii